

SC. SUP. 25. PL. 3.



ITINERARIUM

HISTORICO-MORALE.

ITINERARIUM
HISTORICO-MORALE,
SEU
RESPONSA,

Quæ varijs in locis nominatis
itinerando

Tum ore tenus, tum in scriptis

Cum Iuribus , & Doctoribus probata
dedit interrogantibus eum .

ADM. R. P. FR. CASSIANUS A S. ELIA
Carmelita Discalceatus Mediolanensis.

SVB AVSPICIIS
ILLVSTRISSIMI DOMINI

D. AURELII MARIÆ
REZZONICI.

MEDIOLANI, MDCCXII.

Typis Iosephi Pandulphi Malatestæ.

ILL^{ME} DOMINE,



CoGITABAM, quid denique meis
addiderem Itineribus publici
iuris faciendis; eaque Nomini
extemplo Tuo addixere tum
mea, tum Meorum arden-
tissima vota, vt Te Duce in-
corum Patrocinium inuocato
metam sibi pollicerentur tutiorem. Ast quali id
præstarem ausu, anceps ferebar, si absque prologo
pudoris Tibi insigniorum librorum studiosissimo
libellus hîc qualisqualis dirigeretur. Quid agerem
consilijegens, & auxiliij? A Te ad Te fugiens quie-
tis verticem, & gloriæ attigi, fugiens à Te erudito
ad Te benignum. Æquo animo igitur, ac vultu
Humanitatis, idest, Tuo hoc qualecumque obse-
quij mei vectigal Tuis non alienum studijs excipe;
& senilium vigiliarum mearum conatum potius,

quàm fructum, senex Tu inter iuvenes adhuc, fove.
Tibi omnigenæ literaturæ dedito non abs re Itine-
rarium meum Historico - Morale dedicatum se-
fistit, & exultans inscribitur. Nemini id accidet
mirum, qui præclaras Animi Tui dotes habuerit
exploratas, quemque pars aliqua non lateat eius
affectus, quo voluisti me Amicorum numero ad-
scribi. Et tametsi in mea tenuitate, Tuâque Ma-
gnitudine æqualitas, Amicitia Mater, & Nutrix,
haud quaquam se se offerret, id tamen Genij Tui
bonitati referendum, vt æqualitatem, quam non
inueneras, ipse faceres. Hoc etiam crescis modo, si
Te ipse submittis. Hinc aliud à me impetrare non
potui ad obseruantia meæ Anatema tibi præstan-
dum, quàm munusculum istud solo dantis animo
commendandum. Ipsi autem ingenitâ quadam
formidine re fugo tetrica prius adimenda est vere-
cundia, vt aliquod ex loculamentis sibi vindicare
queat in efflorescente magis in dies lectissimorum
voluminum supellectili: quæ nimirum à Te nullis
parcente sumptibus vndecumque conquisita admi-
rantes omnium oculos ad se se trahit; vtpotè quæ,
& doctorem, & libros exhibet non minus ad specta-
culum, quàm ad studium. Sic in Te peregrinis lin-
guis prius, & geminâ Poesi exulto solidiorum
deinde scientiarum lucet, & ardet Encyclopædia.
Dono quodam Prouidentia genitus esse videris, vt

in

in te totas vires suas experiretur Eloquentia, & melle
dulcior ab ore deflueret, quæ dicendi maiestas? quæ
copia! quæ venustas! quæ Italicæ linguæ proprie-
tas, & decus! vetus est illud, qualis vir talis oratio:
Excellens ista, & expolita expoliti, & excellentis
animi certissimum est indicium. Quisnam te lima-
tius, atque subtilius Panegyricis floruit Orationi-
bus? Si Tuus se simul exerat Plinius, nouissimus in
ordine es, primus in meritis. In flore annorum vix
sexto ætatis lustro exacto quot iam Cælitum solem-
nia condecorasti? Philippi Neri i potissimum, cui
te addixisti, tertia iam vice, in meique Ordinis
Templo eiusdem Protectoris Deiparæ Sponsi laudes
extulisti laudatissimus ipse. Ambitioso concursu
Suggestus omnes Te certatim efflagitant, suadenti-
bus videlicet, & ingenij extemporanea vbertate, &
gratuito labore. Referant Nouocomenses Prophe-
tam in Patria suspicientes, quomodo de cruciatibus
Christi seruatoris Quadagesimales institueris con-
ciones, vt nemo facilè ex auditoribus discederet nisi
pectora emollita percutiens. Referant octiduanos
sermones, quibus erga Animas flammis lustrali-
bus examinatas misericordiæ munera extimulasti.
Quid plura de lingua? nunc pauca de manu. Ma-
nus quidem alteri manui secreta, apud omnes ta-
men in comperto est, quanta in pauperculos libera-
litate, quanta vratur munificentia nubendis præci-
puè

puè puellis ea ultro largiris subsidia , quæ non nisi
erubescente voto essent tam crebrò optanda . Et hæc
effluunt ex libero fonte Paternorum reddituum
nullâ ipsis Ecclesiasticorum guttulâ admixtâ . Pa-
ratus semper , & obuius quotidianis supplicum ne-
gotijs facilem Te præbes , & commodum . Odio
quippe prosequeris malam illam nobilitatem , quæ
teste altero Aurelio , hoc est , Augustino , quæ se-
per superbiam apud Deum reddit ignobilem . Te
commendat humanissimi generis antiquitas Hie-
rosolymitanos inter Equites cooptata , & ijs semper
applicita munijs Nouocomensi in Vrbe , quæ No-
bilitatem luculenter discriminant , & claris familijs
connubiorum fœdere clara , & ipsa coniuncta , vt ,
velut fax faci addita , claritas vicissim augetur ,
Testes integerrimi Ballarinas inter alios , & nouis-
simè Abbas Paradisi . Verùm enim vero Clara do-
mus satis hæc nobilitate tua est , cum multa trahas
ab antiquis meruisti placere de proprijs . Vnica im-
mò nobilitas tibi videtur , vt inquit Nissenus , cum
Deo necessitudo . Pietas tibi in amoribus in delitijs
Æternitati Te , Tuæque commendat omnibus ad-
mirandum Te præbes , nemini , nisi robustæ , ac
masculæ virtutis imitandum . Prælucens exemplo
vel virtutum semina inferis , vel in vitium detonas
Animarum venator Deo lucra fecisti Hæreticorum
potissimùm Catachesi , & Fori Sacramentalis fre-
quen-

quentatione ad triplices Confessarij partes rite explendas . Immenſa Dei charitas haud diſparem Tuo in animo charitatem hominum accendit , quæ nec ceſſare vnquam te, nec deſatigari patiatur , hæc Te vbique ægris, vinctis, miſeris quaſi ſeruū addicit. Reconciliandis diſſidentibus, oppreſſis ſubleuandis, cæterisque pietatis officijs aſſiduam das operam . Benignus his, beneficus illis, omnibus charus. Grauitas, & Comitas, virtutes cæteroquin ſpecie diſpares, ita copulantur in vultu, geſtu, ſermone, conſuetudine, vt neutra quidquam de alterius vi detrahat. At tandem ratio habenda eſt Modieſtiæ Tuæ. Si lucem ipſam Tu, ſi quis alius, virtutis, & ſapientiæ amas, & ſequeris, vmbra tamen earum, laudem, & famam minime curas. Obſequar igitur, & ſiſtam ſuperni Numinis ſupplex vt Te quam diutiffimè ad ſui nominis gloriam tueatur incolumem.

Dominationis Tuæ Illuſtriſs.

Humiliſſimus, & Addictiſſ. Seruus

F. Caſſianus à S. Elia

Carmel. Excalceat.

I E S V S ✠ M A R I A .

FR. BONAVENTURA A S. FELICE
Præpositus Generalis Fratrum Carmelitarum
Discalceatorum, Congregationis S. Eliæ,
Ordinis Beatissimæ Virginis Mariæ
de Monte Carmelo, ac eiusdem
S. Montis Prior.

Tenore presentium facultatem impertimur P. Fr.
Cassiano à S. Elia Prouinciæ nostræ S. Angeli
Longobardiæ Sacerdoti Professo, Typis mandandi Li-
brum, cuius Titulus Itinerarium Istorico-Morale, à
duobus nostris Theologis recognitum, & approbatum,
si ijs ad quos attinet ita videbitur. In quorum fide
presentes dedimus sigillo nostro munitas, ac propria ma-
nu subscriptas. Mediolani in Conuentu nostro S. Caroli
die 23. Ianuarij 1711.

FR. BONAVENTURA A S. FELICE
PRÆPOSITVS GENERALIS.

Fr. Prosper à S. Io. Baptista Secretarius.

Man-

M Andante Reuerendiss. Patre Fr. Io. Baptista
Pichi S.T.M., nec non Inquisitore Generali
Mediolani librum vidi, cui titulus: Itinerarium Hi-
storico-Morale: Auctore R. P. F. Cassiano à S. Elia
Carmelita Excalceato, nihilque in eo inueni Catholice
Fidei, bonisque moribus aduersans, immò undequa-
que sana doctrina circumfusum eundem aduerti.
Quare typis mandari posse existimo.

Fr. Thomas Plantanida S.T.M. librorum Censor.

Stante prædicta attestazione.

IMPRIMATUR.

Frà Io. Baptista Pichi Inquisitor Mediolani &c.

Carolus Franciscus Curionus pro Eminentiss., & Re-
uerendiss. D.D. Cardinali Archiepiscopo Archinto.

Angelus Maria Maddius pro Excellentiss. Senatu.

LECTORI.

Nil mirum Tibi accidat Lector beneuole
 contuens in isto , quem publici iuris
 facio libello quasdam Historiunculas
 ad trutinam moralem euocatas. Ast si
 forsitan miraberis, ego plus te miror de me, dum
 calamo permitto meo imprimendi cupidine estro
 assiduè vellicari . Optima sanè , amplectendaque
 vellicatio ingenia excitans , nec inertix somno
 sinens ea torpere . Memorare armatam dixisse Poe-
 tas Palladem Scholam aperientem Martiam Mi-
 nerux simul non obseratam , & nouum non esse
 dices meum quoquè Itinerarium Historici Moralis
 nomenclaturam habere . Accipe illud , in quo in-
 tellectuali itinere hinc indè cursitans , plura in-
 telliges facta , & hæc an licita . Sospes esto in-
 xuum.



ITINERARIUM HISTORICO-MORALE.

INTERROGATIO I.

*Intrans in Oratorium ad furandum per fenestram
ex charta ab ipso effracta, an contrahat
excommunicationem, & com-
mittat sacrilegium?*



Ranfiens ego per quoddam Oppidum propè Bolzanum accessi ad faciendum Sacrum in quodam Oratorio, quo mihi aperto inuentum est vacuum, furatis Calice, Patena, cæterisque Sacris Paramentis, ingresso fure per ab ipso fractam fenestram calce ad murum firmatam, sed factam ex charta varijs coloribus depicta. Furto isto euulgato in Ciuitate Tridenti, fui hic in Curia Celsissimi, & Reuerendissimi D. D. Joseph Victorij de Albertis Episcopi, & Principis interrogatus, quale iudicium de tali furto facerem, nempe an effractio dictæ fenestræ Oratorij afferat excommunicationem Papæ reservatam in cap. conquesti sunt, de senten. excom. latam. contra effringentes, & expoliantes Ecclesias?

Responsio oretenus data cursim.

1 Nolo longam in præsentī facere lectionem de diuersitate Oratoriorum, cum notum sit aliqua esse sinè Episcopi facultate fundata, quæ dicuntur priuata, in quibus furari non est sacrilegium ratione loci loquendo; secus si sint erecta cum Episcopi facultate, ac benedictione. Dato autem casu, quoddam de aliquo

A

Ora-

Oratorio nulla habeatur memoria, an Episcopali facultate fuerit factum, vel non, poterit id conijci, si habeat, vel non habeat campanile suprà tectum cum campana ad conuocandum, populum prò Missæ auditione, nam si habet, est signum fuisse cum benedictione Episcopi fundatum; secus si huiusmodi signa non habet. Affero hinc esse sacrilegium aliquid furari, quod sit, ac spectet ad Oratorium autoritate Episcopi factum, non verò sic si Oratorium sit priuatum.

2 Non desunt aliqui asserentes esse furtum sacrilegum si in loco Sacro fiat etiam de re prophana, sed hæc opinio cum limitatione est intelligenda, scilicet dummodò talis res prophana sit in loco Sacro tamquam sub illius potestate, vel ratione custodiæ, vel mutui, vel pignoris, vel depositi, non verò si sit ibi per accidens, prout esset, si in Ecclesia quis fureretur crumenam alicui, quia per talis crumenæ furtum, nulla specialis iniuria infertur loco Sacro per se, sicuti è contrà infertur furando rem ad locum Sacrum spectantem.

3 Rei Sacræ, v. g. Calicis, Patenæ furtum extrà locum Sacrum importat semper sacrilegij malitiam, & hoc communiter tenetur.

4 Circà excommunicationem *dicti capituli conquesti sunt*, censeo ad illam contrahendam sufficere, si furtum fiat in loco Sacro cum fractione fenestras ex charta, vel etiam ex vitro, supposita erectione Episcopali etiam alicuius Oratorij, quæ tamen censura non contraheretur per quancunque effractionem Oratorij alicuius domus, immò etiam Oratorij alicuius Monasterij intrà Clausuram Regularium, nam huiusmodi Oratoria sunt loca priuata.

Vt autem prædicta censura contrahatur requiritur tùm effractio, tùm furtum simul, & tunc facta denunciatione solus Papa absoluit.

Quæ hætenus dixi fusè traduntur à Doctoribus, & Iuribus, prout omnia referam in scriptis.

Responsio latè scripta.

5 Furtum sacrilegum diuersimodè accipitur in Iure Ciuili, ac in Iure Canonico. Ius Ciuile duò copulatiuè requirit, vt furtum dica-

dicatur sacrilegium: *Vnum* est, quod res furata sit Sacra; *Aliud* est, quod de loco Sacro sit surrepta, ex quibus si vnum deficiat, simplex furtum in Iure Ciuili reputabitur, & vt tale punietur. Sic Iuli. Clar. lib. 5. *sententiar. §. Sacrilegium, num. 1.* Griland. de diuers. crimin. lib. 3. *quæst. 1. num. 5.* & Bartol. in l. Dini. num. 1. ff. ad leg. Iuliam.

6 Nihilominus de consuetudine attenditur sacrilegium secundum ius commune Canonicum, non autem ius Ciuile, & ideo furantes res Sacras vbique, vel quascunque res notabiles tamen in loco Sacro, furca suspenduntur. Clarus d. §. *Sacrilegium, n. 3. vers. Sed quaro.* Gloss. in cap. quisquis, 17. in ver. non Sacrum, *quæst. 4.*

7 Cessante autem consuetudine, si solum sit standum in pœna sacrilegij inducta per statutum laicale, intelligitur de sacrilegijs secundum ius Ciuile; si verò sit statuta à Clericis, intelligitur secundum ius Canonicum. Ita Clar. d. §. *Sacrilegium, in fin.*

8 Sacrilegus dicitur, & sacrilegium committit, qui rem Sacram violat, aut ei temerario ausu debitam denegat reuerentiam, vt omnes docent, & signanter asserit D. Augustinus, quem ad hoc citat Turrecremata in cap. *Sacrilegium, vers. Ad primum, 17. quæst. 4.*

9 Sacrilegium de Iure Canonico propriè committitur, cum res Sacra de Sacro furatur; siuè res Sacra de non Sacro; siuè res non Sacra de loco Sacro. Ità tradunt DD. communiter, prout tamen dixi supra, num. 3.

10 Socinus Reg. 1. *Sacrilegi omnes*, ponit octo casus, in quibus sacrilegi sunt ipso iure excommunicati: *Primus* est, si committatur in personam Ecclesiasticam: *Secundus*, si in Ecclesia cum incendio: *Tertius*, si in Ecclesia cum violentia: *Quartus*, quando bona Ecclesiarum rapiuntur cum violentia: *Quintus*, quando in Ecclesia percutitur, vel capitur. *Sextus*, si sit lata sententia. *Septimus*, quando vacante Ecclesia dissipantur eius bona. *Octauus*, in casu capituli generali, de elect. in 6. His casibus exceptis, non sunt ipso facto excommunicati sacrilegi, sed sunt excommunicandi, vt dicit Cardin. Tusch. lit. S. *Conclus. 6. n. 17.*

11 Consistentes alienationi rei Ecclesiæ committunt sacrilegium, vt notat Lap. allegat. 66. n. 5. & habetur in cap. omnes Ecclesiæ, 17. *quæst. 4.* dummodò alienatio sit in loco prohibito,

& sine causa, & necessitate. l. 1. & ibi Gloss. de sepul. viol.

12 Sacrilégium admittit, qui iurisdictionem laicalem contentiosam in loco Sacro exercet; & qui lapides Ecclesiarum Urbis Romæ aufert; & qui celebrat in Ecclesia polluta. Carol. Anton. Thesaur. de pen. Eccl. part. 2. verb. Sacrilégium, fol. mihi 312. vbi idem esse ait in auferendo ornamenta, ac Ecclesias spoliando.

13 Concubitus viri Christiani cum Infideli, Iudæa, Turca, Hæretica &c., importat malitiam sacrilegij, quia talis coniunctio est prohibita ab Ecclesia in honorem Christianismi. Ita Lessius de instit. & iur. lib. 4. cap. 5. dub. 6. n. 45. & cum Lessio teneo, licet aliqui asserant esse tantum peccatum simplicis fornicationis cum circumstantia aggrauante, vt existimant inter alios Francisc. Syluius in comment. ad 2. 2. D. Thoma, quæst. 154. art. 2. §. Quæritur secundo, Alcozer in sum. cap. 20. Fagund. in Decal. tom. 2. lib. 6. cap. 1. n. 14. & Tamburinus Opusc. 1. lib. 1. cap. 7. §. 4. n. 10. iudicat hanc sententiam esse probabilem.

Verum sententia Lessij docetur etiam à Card. de Lugo de Peniten. disp. 16. sect. 6. n. 333. à Leandro de Sacram. tom. 1. tract. 10. disp. 8. §. 3. quæst. 7. à Naldo in sum. verb. Fornicatio, n. 2. & ab alijs, cum Candido tom. 2. disquisit. 24. art. 23. dub. 35. quia talis coniunctio est contra Christianæ Religionis decus, adeoque inter impedimenta dirimentia matrimonium numeratur *Cultus disparitas*. Tamen hanc rationem non approbant, qui negant esse sacrilegium, dicunt enim non currere paritatem inter coniunctionem matrimonialem pro tota vita; & inter coniunctionem velut furtiuam per fornicationem.

Nihilominus cenfeo dictam paritatem manifestè currere, nam quod ex sui natura est illicitum ex vno motiuo, semper est illicitum siue semel, ac transeuntè fiat, siue permanentè; & sic dicendum idem erit de coniunctione cum Infideli permanentè per matrimonium, ac de transeuntè per fornicationem, in utroque enim casu datur *Cultus disparitas* cum dedecore Religionis. Notare oportet, quod sub vocabulo *Infidelis* in præsentì comprehenduntur omnes Fidem Catholicam non habentes, vt sunt Hæretici, Iudæi &c. & quod dicitur de copula, intelligitur quoque de sodomia. Diana part. 9. tract. 9. Miscellan. 4. ref. 3.

14 Furari in loco Sacro quancunque rem etiam ibi per accidens existentem, & prophanam, semper importat malitiam sacrilegij.

crilegij, vt volunt plures ducti ex verbis Ioannis Papæ in cap. *Quisquis* 17. *quæst.* 4. generatim dicentis, sacrilegium committi, auferendo non *Sacrum de Sacro*. Sic Layman in *Theolog. Moral. lib. 4. tract. 10. cap. 7. n. 18.* Francisc. Suar. de *Relig. tom. 1. lib. 3. cap. 4. n. 7.* Rebel. de *oblig. iusti. part. 1. lib. 3. quæst. 15. n. 25. & alij.*

Cæterum verior est opinio Soti in 4. *dist.* 18. *quæst.* 2. *art.* 4. Ioannis à Cruce in *Director. conscien. part. 2. tract. de Sacram. Pan. quæst. 3. dub. 6. concl. 1.* Fagundez *præcepto 2. lib. 4. cap. 4. n. 9. & 11. & Lessij de iusti. lib. 2. cap. 45. dub. 3. n. 14.* dicentium, tunc furtum rei factum in loco Sacro esse cum malitia sacrilegij, quando talis res spectat aliquo iure ad Ecclesiam, vt vel quia est res Sacra, vel est ibi prò custodia, vel vt depositum, ac mutuum &c. nam solum tunc specialis iniuria infertur Ecclesiæ; secus si talis res esset ibi per accidens, vt v.g. si tapete esset ibi paratum prò Principe &c.

15 Quamuis Ioannes de Pegna existimet esse sacrilegium furari Clerico aliquid ab eo possessum iure Ecclesiastico; tamen, contrarium tenet Pitigian. in 4. *senten. tom. 2. distinct. 17. quæst. unic. n. 5. in circumstantia ubi.*

16 Conculcans, vel percutiens Sacram Imaginem est blasphemus in sententia Gyptij de *casib. reservat. cap. 9. cas. 3. n. 8.* Sed tale peccatum esse sacrilegium iudico cum alijs penès Dianam *part. 10. tract. 14. Miscellan. 4. res. 70. aliàs 68. in fin.*

Furari in Oratorio cum effractione fenestra ex charta, vel ex tela, an sit sacrilegium cum excommunicatione; & quando detur effractione, vel non.

17 Oratorium vel est fundatum cum Episcopi facultate, vel tantum ex priuata auctoritate, atque idè diuersimodè loquendum est de primo, ac de secundo. Hinc certum est apud omnes Doctores, quod si Episcopali facultate sit erectum, currit pari passu cum Ecclesia, sicque furari in eo est sacrilegium, siquidem est locus Sacer, qui speciali violatur iniuria. Si verò Oratorium sit priuatum, idest priuata auctoritate fundatum, cum non habeat rationem Ecclesiæ, consequenter non erit sacrilegium furari in eo, & huiusmodi Oratorium censetur illud alicuius domus, necnon Altare, in quo celebratur existens in dormitorio alicuius

Con-

Conuentus, quamuis singulis noctibus aqua lustrali benedicatur à Superiore, quia reputatur tamquam Oratorium priuatum, in quo de licentia Episcopi celebretur. Ità Fagundez *præcepto 2. lib. 4. cap. 4. n. 14. & 39.*

18 Si memoria non extet, an Oratorium sit Episcopi auctoritate erectum, erit hoc coniiciendum ex coniecturis, vt v. g. si habeat suprâ tectum campanile cum publica campana, & ibi Missæ indifferenter omnibus audientibus celebrentur, nec Episcopus obstat, nam in Oratorijs priuatis publica campana non permittitur iuxta *cap. patentibus, de priuileg. & ibi Abb. num. 1. Felin. cap. de quarta, n. 12. de præscript. Mascard. de probation. conclus. 869. n. 3. & 4. Syluest. verb. Loca Religiosa, quæst. 3. & Menoch. de præsumpt. lib. 3. præsumpt. 132. n. 51. asserit, reputari Oratorium Episcopi auctoritate constitutum, si per decennium fuerit in eo celebratum.*

19 Ex prædictis constat, quando furtum factum in aliquo Oratorio sit simul sacrilegium; & quia per *cap. conquesti sunt, de senten. excom.* agitur de excommunicatione contra effringentes, & expoliantes Ecclesiam, nunc venit examinandum, an sub ratione effractionis veniat fractio fenestæ ex tela, vel charta; & an ambò simul requirantur, nempe tùm effractio, tùm furtum, vt dicta excommunicatio contrahatur, quæ Papæ sit reseruata? Et quòd ambò simul debeant verificari, docent Panormit. in *cap. ex lit. de fur. & Syluest. in sum. verb. Furtum, 7. & Rodr. tom. 2. qq. Regular. quæst. 39. art. 2. & idem procedit si frangantur armaria.*

20 Est etiam notandum, quòd appellatione *effractionis*, non solum intelligitur fractio securibus facta portæ, vel fenestæ ligneæ, seu alicuius muri suffossio, sed etiam quælibet violenta ingressio, quæ fiat frangendo fores, seu serraturam, aut vectes, aut cardines ostia dùm tenent firmata, aut murum, aut discooperiendo tectum. Ità tradunt Rodr. *ubi suprâ. Sayrus de Censur. lib. 3. cap. 29. n. 17.*

21 Si autem loquamur de parante sibi ingressum ad furtum faciendum intrâ Ecclesiam, seu Oratorium Episcopali auctoritate factum per fractionem fenestæ vitreæ, censet expressè Sayrus *loc. citato* sufficere, vt excommunicatio contrahatur ab ibidem furante, quia etiam sic verificatur fuisse patratum furtum

tum per violentam ingressionem.

Quòd si fractio fenestrationis ex sola tela, seu quoque ex charta fieret à fure, an importaret rationem effractionis ut suprà prohibita, nullibi dubium hoc excitatum legi, at ego affirmatiue resoluo, & ducor auctoritate Roderici *loc. cit.* asserentis dictam censuram incurri quondò quocunque modo violento paratur à fure ingressus; sed fractio fenestrationis ex quacunque materia in casu nostro est actio violentiam importans; ergò &c. Probatur hoc ex sententia supradicta Sayri *loc. cit.* docentis sufficere fractionem fenestrationis vitreae; nam tam verificatur ratio effractionis vitri, quàm telae, vel chartae, & sic absolutè dici potest, immò & debet, furem expoliassè Ecclesiam cum effractione, & per consequens cum iniuria loci Sacri.

Confirmatur, quia fur effractor dicitur, & est ille, qui solo pede impingeret, & debilem vectem cedere faceret, seu si alio modo impellendo aperiet fur locum Sacrum ad ingrediendum; & ratio traditur à Sylvestro *verb. Excommunicatio 7. n. 17. §. 1.* nempe quia Constitutio ista contrà effractores, & expoliatores Ecclesiarum, est in fauorem Ecclesiae, idè est latè interpretanda in dubio; ergò in casu nostro vocabulum effractor significat quancunque effractionem parantem ingressum ad furti patrationem in loco Sacro.

22 Aperiens Oratorium Sacrum, seu Ecclesiam cum clavi contrafacta, aut adhibito instrumento violento, ac extraordinario, est verè effractor, & si furtum simul faciat contrahit excommunicationem supradicti cap. conquesti sunt.

Nec iuuat in contrarium dicere, quòd aperire cum clavi licet contrafacta idem sit ac aperire tamquam cum propria; sed per Nauarrum in *Manual. cap. 27. n. 94.* non est fur effractor; qui cum clavi propria, & ad aperiendum destinata, quamuis eam surripuerit, ac extorserit, aperit; ergò nec dicitur effractor adhibens clauem similem contrafactam; respondeo eum negando paritatem, quia dictio tamquam significat improprietatem, ut in l. si pecunia, ff. si cert. petat. & in l. iubemus, §. sanè, 2. notant Glossa ver. Tamquam, in cap. solita, & ibi Felin. n. 3. de maiorat. & obediens. Socin. conf. 1. incip. in casu, n. 4. vers. nec videtur obflare, lib. 1. Rebuff. in *Compend. alienationum*, n. 101. Mantica de coniectur. ultim. volunt. lib. 3. tit. 16. n. 3. & alij. Igitur si aperire cum clavi

clavi contrafacta est aperire tamquam cum propria, sed modo improprio, per consequens erit quædam vera effractio.

Item nec obstat afferere, fractionem fenestree ex tela, vel charta esse quid modicum, vel parum, quod non nocet, & prò nihilo reputatur in iure per *l. quamvis*, ff. de condit. & demonstrat. & per *cap. si proponente*, 42. ubi gloss. 1. de rescript. Tiraquell. in *l. si umquam*, verb. *Donatione largitus*, n. 107. Cod. de reuocand. donat. unde de modico non est curandum, per *l. si oleum*, §. fin. cum *l. seq. ff. de dolo*, sicque per modicam, seu leuem culpam non contrahitur excommunicatio maior, vt tradunt DD. communiter. Hæc inquam non obstant, quia modicum, & parum non minus attenduntur ac magnum, & multum, vbi eadem militat ratio, vt firman Decius in *caput de appellationib. n. 11. & seqq. de appellat.* & Card. Tusch. *lit. M. Conclus. 239. n. 39.* cum ergò in casu nostro æquali ratione fur paret sibi ingressum frangendo dictam fenestram ex sola charta, ac si esset lignea, nequit dici modica effractio formaliter quoad intentum furis, licet materialiter perinde sit, esse modicam fractionem, non minus ac si non multum, sed parum fregisset murum.

*Quando furans in Ecclesia sit dicendus
Ecclesia expoliator.*

23 Communis est sententia Doctorum, quòd furans in Ecclesia dicatur illius expoliator, quamuis res furata non sit propria Ecclesie, sicuti esset ablatio rei, quæ solùm per modum depositi contineatur in illa. Ratio est, quia verba legis sunt intelligenda secundum materiam, de qua loquuntur, etiam contra propriam significationem, vt firman Geminian. *conf. 122. n. 3. vers. Et facit. Alexand. conf. 86. col. 2. vers. Nec obstat, & vers. Si dicatur*, & Tusch. *lit. V. Conclus. 91. n. 26.* nam verba non intelliguntur secundum propriam significationem, quando subiecta materia aliud suadet. Exemplum sit de Papa, si referuet beneficia, quæ ad collationem Episcopi pertinent, licet enim verbum, *pertinent*, ex propria significatione importet proprietatem, tamen propter subiectam materiam conferendi, non intelligitur, quòd ad Episcopum pertinent tamquam propria ipsius, per tradita à Calderino *conf. 244. alias 23. de Præbend.* ergò licet verbum *expoliare*

liare de se supponat expoliatum debuisse possidere; nihilomin ex subiecta materia furandi, debet intelligi expoliatorem Oratorij Sacri, seu Ecclesiæ esse furem auferentem rem ab ea non propriam, sed aliqua ratione ad eam spectantem, vt v. g. apud ipsam depositatam, vel ipsi mutuata &c.

Idem à pari probatur de Tabellario, qui plura non sua portans, si à furibus ista ab eo auferantur, dicitur ab illis expoliatus, & consequenter expoliatores sunt ipsi fures surripientes rem non propriam illius, à quo ipsam surripiunt.

*Notabilia circa excommunicationem contra effringentes,
& expoliantes Ecclesias.*

24 Citaui suprà sub n. 1. excommunicationem cap. conquesti sunt, de senten. excom. contra effringentes, & expoliantes Ecclesias; & num. 17. & seqq. explicui quid veniat nomine effringentium; & postea num. 23. declarauì quanam sint dicendi expoliatores Ecclesiarum, seu etiam Oratorij Sacri; nunc restat addendum quandò, ac qualiter huiusmodi fures afficiantur excommunicatione, à qua quis possit absoluerè.

Duò ponuntur in dicto cap. nempe effraçtio, quæ refertur ad Ecclesias; & expoliatio, quæ refertur ad res ablatas. Hinc non incidit in reservatam absolutionem, nec est denunciandus excommunicatus quisquis vel solum effringit Ecclesiam, seu Oratorium Sacrum, vel solum furatur, sicque requiruntur ambò simul, nempe effraçtio, & expoliatio. Ita post Panormitanum tenent S. Antoninus 3. part. tit. 24. cap. 11. Caietanus in sum. casu 21. & Sayrus de censur. lib. 3. cap. 29. n. 17. vbi dicit per d. cap. non damnari etiam illum, qui ad Ecclesiam iuit animo effringendi, & expoliandi, sed non fregit, quia apertam, vel effraçtam reperit, adeoque tantummodò expoliavit.

25 Est tamen notandum, quòd per dictum Canonem non excommunicantur effraçtores, & expoliatores Ecclesiarum, sed excommunicati supponuntur, nam mandat eos denunciari, sicque denunciati non possunt absolui nisi à Papa, prout colligitur ex cap. Pastoralis, §. verum, de appell. & tradunt Rodriq. qq. Regular. tom. 2. quæst. 39. art. 2. & Sayr. loc. cit. n. 15. & ideo n. 16. docet, posse ab Episcopo absolui huiusmodi furem, antequàm

excommunicatus denunciatur; secus post denunciationem: Igitur qui solum res Sacras furatur, non autem frangit Ecclesiam, vel eius armaria non est excommunicatus. Sic Panormit. in cap. ex lit. de fur. & Syluest. verb. *Furtum* 7. penes Rodriq. ubi supra, in principio; tamen est excommunicandus. Cap. conquestus de foro competent. Peyrin. tom. 2. de Pralato, quasi. 3. & cap. omnes Ecclesie, 17. q. 4. ubi etiam extenditur ad consentientes. Bordon. tom. 1. conf. 47. n. 13,

INTERROGATIO II.

*An Petrus licitè induxerit Paulum ad promissionem iurataam
numquam remittendi iniuriam, nisi ad instantiam
eiusdem Petri; & qualiter, ac quandò
iniuria irrogentur, sintque
remittenda.*

IN loco dicto Monsbelluna Diœcesis Taruifanæ fui interrogatus quid sit dicendum de Paulo grauiter iniuriato à Francisco, qui Paulus rogatus à Petro, vt iniuriam remitteret, remittere noluit, propterea Petrus petijt à Paulo iuramentum, se nequè remissurum ad instantiam cuiuscunque, præterquam, ipsius Petri, cui Paulus promissionem iurataam fecit, se sic facturum?

Responsio oretensis data cursim.

1 Respondi: Prima fronte videtur Petrum licitè induxisse Paulum ad tale iuramentum, quod & Paulus non illicitè præstitit; & etiam non minus prima facie videtur oppositum de vtroque esse asserendum. Quod Petrus licitè petierit iuramentum, potest suaderi, quia non ideò voluit, vt Paulus numquam absolute remitteret, ac semper in odio perseveraret, sed tantum intendebat, vt remissionem quidè faceret, intuitu tamen instantiæ solius Petri, cui nulla ratione in contrarium Paulus ductus (vt suppono) poterat petitionem etiam rei virtuosæ iure denegare.

2 Cæterum Paulus iurans se non remissurum ad instantiam ali-

alicuius, nisi ipsiusmet Petri, illius iuramentum potuit esse tunc validum, & licitum; tunc illicitum, & nullum. Igitur validum, licitum, immò & obligatorium fuit, si postea mutato animo volens remittere, remittet præsertim ex vi instantiæ ipsi a Petro factæ nulla alterius admissa instantia, vel ab alio non habita. Et quia Paulus poterat se solo, ac spontè, nullo ipsi instante remissionem præstare, propterea sic remittendo periurus non erit, nam verè servat quod iuravit, scilicet non remittendi ad instantiam alicuius, nisi solius Petri, casu quo ad instantiam rogantis, vel suadentis remissionem, hanc facere voluerit. Certum quoque est, Paulum teneri observare dictum iuramentum, quia promissio facta homini in huius favorem, talitèr obligat, ut nequè in rem meliorem promissa possit a promittente commutari.

3 Licitum etiam fuit Pauli iuramentum de non remittendo iniuriam, si solum intendebat, ut per viam iustitiæ iudicialitèr puniatur ipse iniuste iniuriam irrogans. E contrà verò si iurasset non dimittere ex motivo odij, tunc invalidè iurasset, quia iniquum est in odio velle preservare, & iuramentum numquam potest esse vinculum iniquitatis, sicque etiam illicitum fuisset tale iuramentum.

Responsio latè scripta.

4 Quamvis promissio facta Deo possit in melius commutari, quia Deo magis semper placet quod melius est; tamen id non procedit in promissione facta homini, qui limitatè vult adimpleri sibi promissum, non curans quid melius recipere. Sanch. *Sum. tom. 1. lib. 3. cap. 9. n. 19.* ubi cum Caietano in *Sum. verb. Periurium, cap. 3.* dicit, quòd cum iuramentum factum homini sit correlativum ad illius utilitatem, servandum est, etiam si fiat motivo humanæ amicitiae, seu reverentiæ, ac fidelitatis, ex quibus motibus in casu supradicto Petrus petijt iuratum promissionem à Paulo, adeoque iste tenetur implere iuxta tradita *suprà, n. 1. & seq.*

5 Et per hoc præcisè, quòd Petrus petierit iuramentum à Paulo de non remittendo, nisi ob instantiam eiusdem Petri, nihil exitum apparet contrà bonos mores siuè spirituales, siuè naturales, siuè civiles, quorum aliquis si daretur, vim nullam iu-

12 *Interrogatio II. De iurante non dimittere &c.*

ramentum haberet, per *Regulam*, non est obligatorium, de *Reg. Iur.* in 6. dummodò in eis reperiatur culpa saltem venialis, quam Petrus inducens Paulum ad iurandum, ut in nostro casu, non admisit, quia volebat, ut remissio iniuriæ daretur à Paulo, sed tali modo, nempe ob instantiam ipsius Petri, nihil iuste obstante, (ut supponitur) quod Paulum retrahat à concessione remissionis à Petro exigitæ. Hinc quemadmodum à Petro in sensu dicto potuit iuramentum exigere, sic & Paulus potuit validè, & licitè iuramentum præstare, neuter enim illorum nolitionem remissionis habuit; quam si habuissent, totum nullitè, & illicitè fecissent.

Qualitèr, ac quandò iniuria irrogetur, sitque remittenda, atque ob eam sit restituendum.

6 Cauendum est nè quis putet se iniuriatum, cum reuerà nullà iniuria afficiatur. Ille autem verè iniuriam patitur, cuius ius læditur, quia iniuria definitur communitèr à DD. *alieni iuris violatio*.

7 Multiplicitèr sumitur iniuria, scilicèt *re, verbis, & litteris*: Iniuria fit *re*, quotiès iniuste manus infertur: *Verbis* fit, quando conuitium profertur tùm præsentè, tùm absente ipso iniuriato: *Litteris* fit, cum quis librum, vel carmen, vel historiam pertinentem ad infamiam alicuius scripsit, vel composuit, vel edidit &c. nec refert, quòd talia proprio, vel alieno nomine præstentur; & idem est, si dicta scripta, vel impressa vendantur, vel ementur. Sic latè Hostiens. *Sum. lib. 5. de iniurijs, & damno dato, n. 3.*

8 Nec solùm afficitur iniuria ille, in quem personalitèr cadit, sed intelligitur quoquè iniuriatus quisquis est de eius casata. Tiraquell. *de penis temporan. causa 51. n. 68.* ubi expressè tradit, quòd iniuria facta vni de domo, intelligitur facta toti consanguinitati, & toti casatæ; & hoc procedit etiam in ordine ad iuridicam actionem, quæ datur penes mediata iniuria affectum, tanquam penes immediata iniuriatum.

Hinc non censetur iniuriatus filius naturalis per hoc, quòd iniuria afficiatur eius frater filius legitimus, nam in casata non comprehenduntur naturales, nec horum filij. Peregrin. *de fidei-*

com. art. 22. n. 83. Tiraquel. in tract. de nobilitate, cap. 15. n. 12. & Ruin. conf. 161. lib. 4. n. 2. quia casata sumitur pro agnatione, & de ista non dicuntur qui sunt naturales. Riminald. Iunior conf. 442. n. 3. & conf. 563. n. 31. Menoch. conf. 117. n. 52. Cardinal. Mantica de coniectur. ultim. volunt. lib. 8. tit. 1. n. 20. & alij; & idem à fortiori dicendum est de spurijis per Peregrin. d. art. 22. n. 83. in fine.

Notandum tamen est, dari aliqua loca, in quibus ex particulari, & notoria consuetudine naturales dicuntur de casata, ut est in Hispania secundum Azeved. conf. 24. n. 27. & 29. & Nicolaum Garciam, quos citat Rota in una Pampilonen. Capellania 4. Martij 1622. coram Remboldo.

9 Etiam sœminæ dicuntur de casata, nisi aliter de illis expressè, vel ex coniecturis dispositum sit, atquè idèd & ipsæ afficiuntur iniuriâ alicui de eius casata irrogatâ. Honded. conf. 56. lib. 31. lib. 2. & alij penes ipsum, & Fusar. de substit. 360. quasi. num. 9.

10 Iniuriam potest facere ille, qui & potest pati.

11 Fallit tamen hæc regula in furiosis, & infantibus doli incapacibus; isti enim iniuriam alicui inferre nequeunt, eam tamen pati possunt, quia iniuria fieri potest etiam nescienti.

12 Qui verò iniuriam alteri facit, debet hoc scire, propterea qui alterum ignorantèr lædit, non tenetur de iniuria. Hostiens. in sam. lib. 5. tit. de iniur. & damno dato n. 2. & n. 5. Non solum, notat quando per servos fiat iniuria.

13 Et §. Sed & per uxores, dicit maritos affici iniuriâ per uxores.

14 Secus è contrà.

15 Certum est, quòd qui verè fuerit iniuriâ affectus, poterit in iudicio agere, habens actionem contrà eum, qui fecit iniuriam.

16 Et in eum, qui iniuriauit, ac mandavit iniuriam fieri. Ità Hostiens. loc. cit. n. 6.

17 In tribus potest iniuria consistere: Primò, in bonis animæ, seu spiritualibus: Secundò, in bonis corporis: Tertiò, in bonis fortunæ; vnde læsus in aliquo ex istis, habet actionem contrà lædentem, quæ actio est duplex, vna vindicativa, altera compensativa: Ista exercetur per viam iustitiæ; illa est interdicta, quatenus

tenens non licet illam à se, ac propria auctoritate exercere, ut notat glossa in l. 1. ff. de indignis. Cald. Perci. qq. forens. seu receptar. senten. conf. 35. n. 33. at si aliquandò poterit quis per se talem actionem exercere, intelligitur iure mediante. Seraphin. de priuil. iuram. priuil. 74. n. 51.

18 Læsus per iniuriam non est semper obligatus vindictam expetere etiam iure mediante; propterea tenendum est, quòd nisi bonum publicum aliud postulet, melius est pro Dei amore ignorare, quàm vlcisci; immò pro acceptis iniurijs numquàm licet odium nutrire, & malum in vindictam lædenti facere, aut desiderare, nam si quis talitèr se gerit, incapacem Sacramentalis absolutionis se reddit. DD. communiter.

19 In bonis spiritualibus, & animæ tunc aliquis iniuriosè læditur, quando iniustè damnificatur aliquo ex quinque sequentibus modis.

Primus est, si malo exemplo, vel malo consilio sit inductus ad peccandum, vel ad aliquid sibi damnosum.

Secundus est, si retrahatur à volitione ingrediendi Religionem, vel profitendi in ea post ingressum, nulla extante iusta causa sic retrahendi.

Tertius est, si subtrahatur Magistro, Aduocato, & similibus, cum illorum damno.

Quartus est, infatuando illum in memoria, vel intellectu, ut scientiam, vel artem perdat.

Quintus est, detrahendo famæ, honori, ac laudi illius, aut talia audiendo de illo cum approbatione ipsius audientis.

Ad hos quinque modos possunt reduci quicquid alij modi iniuriosè damnificandi aliquem in bonis animæ, ac spiritualibus; expedit tamen aliqua hic notare pro pleniori intelligentia.

20 Quoad *primum* modum dico, quòd si quis citra vim, vel fraudem malo exemplo induxit aliquem ad peccandum, non tenetur ea iustitia ad aliquam restitutionem, quia volenti, & consentienti non fit iniuria. Cap. volenti, de regul. iur. in 6. oppositum tamen est dicendum, si cum vi, metu, ac fraude induxerit. Nauarr. Summ. latin. cap. 14. n. 45. Nauarra de restit. lib. 2. cap. 2. n. 1. Soto lib. 4. de iusti. quæst. 6. art. 3. ad 1. Syluest. Sum. verb. Restitutio 3. quæst. & alij. Verùm tenent alij, quod absolutè teneatur restituere, quia læsio spiritualis est potior temporali. Sic Tabiena

biēna verb. *Restitutio*, quæst. 10. Caietana. verb. *Restitutio*, cap. 7. D. Antonin. 2. part. tit. 2. cap. 2. §. 1.

Sed quidquid sit de veritate utriusquē allegatæ sententiæ quoad obligationem restituendi ex iustitia, ego cenſeo teneri omninò ex Charitate, prò viribus retrahere à peccato, ita quòd qui finit se sine vi, ac fraude inducti ad peccatum ob malum alterius exemplum, non debeat se reputare iniuria affectum, nequē iniuriosè læsum. Et quòd dico de dante malum exemplum, non concedo de suggerente malum consilium, quia iste verè est causa dampni sequuti, atquē ideò in obligationem incurrit restituendi, vt omnes docent, quia damnificato iniuste iniuriam intulit.

Limitandum tamen est, quòd mox dixi de dante malum consilium, quia si v. g. Confessarius, vel Aduocatus putabant malum consilium non dare, nec damnum sequuturum præuidebant, non fuit per iniuriam damnificatus ille, qui sic damnum patitur, vnde dicti non tenentur ex iustitia damnum refarcire, ac aliter consulere, si iam suo officio sint functi, & cessauerunt esse Confessarius, vel Aduocatus; tamen si adhuc perseverant in officio, tenentur ex sola Charitate, vt tradit Nauarra lib. 2. de restit. cap. 2. n. 2. & idem sentit Caiet. verb. *Restitutio*, cap. 7. & hoc admittit etiam Syluester eodem verbo 3. quæst. 1.

21 Quoad secundum modum dico, quòd qui impedit nè quis ingrediatur Religionem, aut post ingressum nè profiteatur, tenetur iniuriam refarcire, si vi, vel fraude impediat nè perseueret in Monasterio talis professus utilis Religioni in temporalibus, v. g. legendo, vel laborando, & hanc iniuriam remittere non potest ipse extractus, cum per professionem omne ius pecuniæ compensabile transfulerit in Monasterium, vt asserit Sanch. in Decal. lib. 7. & quòd tale damnum sit refarciendum docent Soto ubi supra, & Nauarra loc. cit. n. 21. cum alijs recentioribus, & hæc restitutionis obligatio est ex iustitia; at hæc obligatio cessaret, si non fuerit extractus professus per vim, vel fraudem, & quamuis ille ad Religionem nolit reuerti.

22 Quoad tertium modum dico, quòd subtrahens Magistro scholasticos suos absquē fraude, ac sine vi, non tenetur aliquid ex iustitia restituere, quia volenti, & consentienti non fit iniuria; secus est dicendum, si vi, ac fraude subtrahat, quia sic iniuriam, & nocumentum infert tum Magistro, tum discipulis, siue isti sint

sint actu audientes, siue sint audituri, licet quando sint tantum audituri non tanta restitutio sit facienda. Syluest. *verb. Restitutio* 3. *quæst.* 1. *disco* 2. & 3. Videatur D. Antonin. 2. *part. tit.* 2. *cap.* 2. §. 1.

Sed Nauarrus in *sum. cap.* 25. n. 57. vult quod absolute teneatur restituere, quando cum damno notabili Magistri, & Audientium istos quis subtrahit, & hoc procedit tum de damno ratione lucri cessantis, tum ob honoris iacturam, Retrahere autem discipulos sine vi, nec cum fraude à Magistro non est peccatum, si fiat consulens propriæ utilitati, cum & ipse sit Magister; vel consulens utilitati alterius Magistri; vel utilitati discipulorum, quia isti sunt vagi, nisi sint addicti, seu obligati alicui Magistro, qui habeat ius in eos, nè ab ipso discedant; nam tunc retrahens, & sinentes se retrahere peccarent grauiter ob notabile damnum, & ob iniuriam læsuam honoris, & lucri à præceptore amissi. Sic D. Antoninus *ubi supra*. Nauarrus *loc. cit.* Armilla *verb. Magister*, num. 1. & Caietan. *verb. Magistrorum peccata*.

Idem dicendum est de retrahente litigantes ab Aduocato, necnon euentes à Mercatore, & alios quoscunque ab Officialibus, vel ab officinis, seu apothecis, quas frequentabant, vel frequentare, aut adire volebant.

23 Quoad *quartum* modum dico, aliquem iniuriari in bonis naturalibus intrinsicis, vt si infatuetur in intellectu, in memoria &c. & idè idem dicendum est ac de iniuriam afficiente in corporalibus, & consequenter iniuriosè damnificans tenetur ex iustitia, vt dicam *infra*, n. 25.

Hinc plures casus referuntur à Doctoribus, qui ex iustitia important obligationem resarciendi iniuriam illatam, damnumque ex eis sequutum.

Sic docens falsam doctrinam tenetur ex iustitia reuocare edoctum ab errore, quia iniuriam ei irrogauit decipiendo. Caietan. *verb. Restitutio*, *cap.* 7. *in fin.* Syluest. *cod. verb.* 3. *quæst.* 1. & Nauarr. in *sum. cap.* 14. n. ult.

Item tenetur ex iustitia docere, qui ex officio habet discipulos, vel famulos ad artem ediscendam acceptos, & damna illis sequuta ex negligentia Magistri resarcire. Nauarra *de Restitut.* lib. 2. *cap.* 2. n. 3. & Ledesma 2. 4. *quæst.* 18. *art.* 2. *dub.* 1.

Item

Item docens falsum in speculabilibus cum damno notabili. Caiet. in *sum. verb. Contentio*; & iuxta gravitatem mendacii erit mortale peccatum. Idem *ibid.*

Item qui stipendium accipit ab aliquo, ut ei nuncia scribat, quæ de die in diem succedunt, tenetur ex officio veritatem dicere, alias iniuriam faceret domino falsa nuncia scribens. Nauarra *loc. cit. n. 7.* Et licet nemini iniuriam faciat ille qui cum officium non habeat, novitates falsas scribit, seu seminet, nihilominus si inde sequatur damnum, tenetur reuocare, & refarcire.

Item qui in propria arte scit aliquid singulare, quod non vult docere nisi filiis, nemini iniuriam facit, neque deficit in iustitia, vel charitate, nisi ars illa esset sic Reipublicæ necessaria, & alia via succurri non posset. Nauarra *ubi supra, n. 4. & 5.*

24. Quoad quantum modum dico doceri passim à Doctoribus, esse famam restituendam, & non esse absoluendum lædentem, nisi prius restituat, vel saltem restituere promittat, ita ut Confessarius de hoc certus remaneat; nam gravem facit iniuriam proximo ille, qui ei gravem infamiam infert, leuem verò si leuiter lædit.

Qui autem audit alium etiam graviter detrahentem, seu iniuriantem, non irrogat iniuriam iniuriato, si nè iniurietur non impedit ex verecundia, vel ex leui timore, aut ex alia minus sufficienti causa, dummodò non approbet, neque detrahendi sit causa, idè ut in plurimum dicti audientes peccant tantum venialiter. Armilla *verb. Detractio, n. 3.* D. Thom. 2. 2. *quest. 73. art. 4.* Sotus *de iust. lib. 5. quest. 10. art. 4.* & alij, cum limitatione tamen, nisi ex odio audiatur, vel nisi ipse audiens teneatur ex officio iniuriantem compescere, vel nisi detrahenti annuat, aut aliter detractionem causet, seu ad eam inducat, vel nisi ex audita detractione videat damnum notabile alicui imminere.

25. Circà iniurias, ac damna in corpus proximi, certum est teneri ad restitutionem eum, qui illorum est causa; tamen ad huius asserti intelligentiam sunt necessario notanda, quæ sequuntur.

Si aliquis alium mutilet, occidat, verberet, alapa percutiat, in facie deformet, vel alia similia in corpus proximi iniuriose præstet, non est de necessitate, ut restituat pro damno naturali, nempe pro vita ablata, pro membro dempto, pro vulnere in-

filio, prò alapa &c. sed satis est restituere prò damnis indè sequutis. Sic colligitur ex *l. ex hac*, ff. *si quadrup. paup. fecisse dicatur*; & ex *l. liber homo*, ff. *ad leg. Aquil.* & ex *l. finali*, ff. *de bis, qui deiec. vel effud.* & ita tenent gloss. in *d. l. ex hac*, vers. *non recipiat.* & ibi Albericus gloss. cap. 1. de iniur. vers. *operas.* Hostiens. *Sum. tit. de damno dato*, n. 5. Azo. *Sum. tit. ad leg. Aquil.* Aymo *conf. i* 19. n. 5. & Angles in *Florib.* 2. p. *quæst. de restit. bonorum corporis*, dnb. 4. fol. mihi 334. cum alijs. Ratiò prò hac opinione est, quia vita hominis liberi, ac eius corporis membra non sunt pretio æstimabilia, & pecunia, est pretium rerum eiusdem ordinis pretio æstimabilem; vnde quia v. g. honor non est in eodem ordine cum rebus, per consequens compensari nequit pecunijs, nequè lædens tenetur honorem proprium exponere, vt honorem læsi compenset, seu restituat.

Nihilominus alij oppositum docent, & volunt esse restituendum etiam prò vita ablata, prò membro dempto, prò deformitate inflicta &c. Ita sentiunt D. Thom. 2. 2. *quæst. 62. art. 2. ad 1.* Sot. *lib. 4. de iust. quæst. 6. art. 3. ad 3.* Mercad. *lib. 6. de contract. cap. 6.* Armilla *verb. Restitutio*, n. 21. Angles *cod. verbo 1. §. Homicida*, & alij.

26 *Expensæ funeris ipsius occisi non veniunt in restitutione*, facienda ab homicida, quia tempore mortis naturalis erant faciendæ, nisi prò mortis acceleratione debuerint maiores esse, tunc enim excoësus est compensandus. Nauarra *lib. 4. de restit. cap. 1. n. 73.*

27 *Lucrum cessans non est restituendum in toto, sed tantum ad valorem spei de consequendo ipso.* Mercado *loc. cit.* D. Thom. *ubi supra*, & alij, quia minus valet res lucranda ratione periculorum perdendicam, quàm valeat si iam sit lucrata.

28 Si ob homicidium, vel iniuriam ab aliquo illatam damnetur innocens, seu damnificetur, lædens tenebitur restituere ipsi expensas factas prò curatione, prò lucro cessante, ac prò morte. Immo tenentur restituere hæredes ipsius lædentis decessi restitutione ab eo non facta; & si bona homicidæ fuerint publicata, spectabit ad Fiscum damna, & alia debita soluere. *l. in summa*, ff. *de iure Fisci.* Iul. Clar. *præf. crim. §. Homicidium*, vers. *Tenetur etiam.* Bertrand. *conf. i* 17. *lib. 8.* Non tamen facienda est restitutio prò damnis ex homicidio, vel ex alla iniuria hæredibus occisi,

cisi, vel iniuriati, quando certò constat dictos hæredes non acceptaturos, & quod remittunt; & hoc contingit in nobilibus, qui dedignantur, & offenduntur si quis eis velit compensare expensas prò curatione vulneris &c. Salon. 2. 2. *quæst.* 62. *art.* 2. *controuerfia* 4. & Mercad. *ubi supra*, §. *Finalem*.

Dictus Salon. *ibid. controuer.* 7. notat, non teneri hæredes lædenti veniam petere, quam petere debuisset defunctus, quia hoc est personale non transiens ad hæredes, sicuti transiret, si esset reale.

29 Quamvis remissio facta lædenti à læso valeat etiam cum damno filiorum, qui non habentes aliundè alimenta talis remissio fuerit cum peccato remittentis; tamen non valebit prò foro externo, nisi exprimatur; nam remittens nè decedat cum odio, non propterea extinguit obligationem externam in eo, cui remittit. Sic Bartolus, Alexander, Felinus, Iason, quos citat, & sequitur Couarruias 2. *var. cap.* 10. n. 7.

Si autem remissio fiat simpliciter quoad forum externum, intelligitur de pœna, non de damnis, nisi & ista exprimantur, quia ex iniuria oritur duplex obligatio, scilicet actio, vna ad pœnam, alia ad damna, ad expensas, & ad interesse, idèò sublata vna, remanet alia. Ità Ancharan. & Panormit. *cap.* 1. *de iniur.* n. 7. Speculator *tit. de accusatore*, §. 1. *vers. Quid si vulneratus*, n. 8. Gloss. *cap. Si Canonici, de offi. Ordin.* in 6.

30 Circà iniurias illatas proximo in bonis fortunæ notant Doctores communiter posse aliquem teneri eas refarcire, quamvis irrogatas non à se ipso, sed ab eius seruo, vel ab eius animali. Hinc si alicuius animal pessundet alterius segetes cum damno domini, cum culpa tamen illius cuius est animal, læsus habet actionem noxalem contrà dominum animalis; si verò fuerit sine eius culpa, competit læso actio pauperiei, quæ *pauperies est damnum datum sine iniuria*, cum nequeat dici, quòd animal iniuriam faciat, utpotè ratione carens. l. 1. §. *At Prator*, ff. *de Pauper.*

31 Ad quid verò teneatur dominus animalis (idem est de domino serui) ratione damni illati, dicitur in Iure ut sequitur: Quando seruus, vel animal damnificant cum culpa domini, iste tenetur in toto de damno illato; si autem sine culpa, tenetur vel damnum refarcire, vel seruum, aut animal dare. De seruo ità habetur *Instit. de noxal. action.* §. 1. & l. *si seruus*, C. *de noxal. action.*

& l. 2. ff. de noxal. De animalibus ità habetur *cap. finali*, de iniur. & damno dato. & *Instit. si quadrupes pauper. fecisse dicatur*, §. 1. & l. 1. ff. eod. tit. §. 1.

At vt dictus dominus teneatur requiritur, quòd sub suo dominio adhuc teneat seruum, ac animal, propterea si hoc est mortuum antè litis contestationem, vel fugit, & idem est de seruo, cum non sint de præsenti sub dominio prædicti domini, contrà istum læsus non habet actionem, vt notat Hostiensis in *sum. lib. 5. tit. de pauperie*, n. 5. sed hoc procedit in casu nullius culpæ domini, in quo casu an in foro conscientiæ teneatur, sicuti certum est teneri si culpam habuit, censent aliqui prædictas leges non habere locum in foro animæ. Ità Rosella *verb. Restitutio* 13. n. 15. Vega *lib. 1. Summa, casu* 213. Angles in *Florib. 2. part. de Restit.* & alij.

Verùm probabilior sententia est, dominum teneri dare animal, vel seruum, aut damnum refarcire antè ludicis sententiam tanquàm obligatum in conscientia, siuè damnum sinè culpa, siuè cum culpa sit illatum. Sic docent Syluest. *verb. Restitutio* 3. q. 4. Angelus *eod. verbo* 1. §. *Ladens proximum*. Panormit. *cap. si bos*, n. 1. & *cap. finali*, num. 3. de iniurijs, & damno dato. Speculator *part. 4. tit. de iniur.* §. 2. n. 12. & alij.

Cæterùm læsus ab animali quamuis possit illud retinere, donec sciat dominum eius, vt contrà eum agat, tamen non potest illud tenere titulo pignoris donec ei satisfiat. Bartolus apud Syluest. *loc. cit.* Rosella *verb. Restitutio* 13. n. 9. & Panormit. in *cap. si laferit, de iniur. in fin.*

32 Vxores, quarum mariti in ludos, & meretrices consumunt de bonis acquisitis constante matrimonio, non possunt se læsas prætere, vt cum alijs bonis proprijs mariti eis damnum compensetur, quia sic praxis habet; & ità docent Nauarrus in *Summa latina*, cap. 17. n. 155. Burgos de Paz Iunior *quest. 8. Ciuil.* n. 29. & alij; tamen in rigore iuris contraria opinio est probabilior, quam tenent Nauarra *lib. 3. de restit. cap. 1. à n. 15.* & Corduba *Sum. quest. 125. dicto 6.* affirmantes, posse vxores in dato casu sibi occultè compensare.

33 Potest aliquis iniuria affici, eò quòd lædatur in aliquo suo iure iuxta leges municipales, & consuetudines locorum, prout in facti contingentia facile erit dignoscere, & etiam quan-

Interrogatio III. De consecrante panem ad mensam &c. 21
quandò refarcienda erit, attentis prædictis.

34 Dominus alicuius Oppidi si damnum notabile faciat in pascuis, vel in sylvis communibus, tenebitur restituere non minus ac quilibet priuatus læsionem iniuriosè alijs illatam. Sic notat Molina *de iusti. tom. 1. tract. 2. disp. 59. conclus. 5.* nec liberatur ab obligatione restituendi per hoc, quòd remissionem obtineat, nisi verè omnimoda libertate, non autem ob metum, vel aliquem alium respectum, fuerit ei concessa. *Emman. tom. 2. cap. 20. sum. 1.*

INTERROGATIO III.

*De consecrante in prandio panem, nè satellites
accedant.*



TRansiens ego per quamdam Villam propè Asculum in Picæno, narratus mihi fuit casus vix credibilis de quodam Sacerdote ibi Capellano, apud quem debebat eius frater contumax iustitiæ. Ambò dicti Fratres ad mensam cum alijs sedentes, & prandentes in agro, viderunt omnes aduenire satellites, certè vt contumacem reum carcerarent; quaproptè vt carcerationem impediret fratris sui, dictus Capellanus ex improvisa voluntate, ac ex metus impetu consecrationis verba protulit super partem panis, iussitque omnibus adstantibus, & audientibus, vt genuflexi Eucharistiæ Sacramentum confectum adorent, quòd statim reuerentèr facientes, videntesque à satellitibus in reum irruì, vt captum ad carcerem traherent, conabantur id impedire, prætendentes cum dicto Capellano, quòd reus hic esset in loco immuni, vbi Eucharistia erat; nihilominus satellites captiuarunt reum, & ad fori laicalis carceres duxerunt; quare Capellanus accepto consecrato pane, comitantibus qui aderant, illum ad Parochialem Ecclesiam tulit, & intrà tabernaculum posuit. Igitur narrato mihi hoc casu sequuto pridie mei transitus per dictam Villam, fui interrogatus quid sentirem prò viroquè foro?

Respon-

Responsio oretcnùs data cursim.

1 Respondi. Non censeo posse Capellanum excusari à culpa mortali, nec à sacrilegio. *Primò*, quia contrà vsum Ecclesiæ Latinæ consecrauit more Græcorum in pane fermentato, non autem in azymo, & sic in re grauissima deliquit. *Secundò*, quia sine vestibibus Sacris, & non suprà Altare saltèm portatili consecrauit. *Tertiò*, quia suprà mensam prophanam consecrans, magnam irreuerentiam sacrilegam Sacramento Eucharistiæ irrogauit, quare etiam de Hæresi se ad minus grauiter suspectum reddidit. *Quartò*, quia actionem, magni scandali fecit; quæ omnia nulla ratione, seu motiuo etiam liberandi fratrem, vel seipsum à morte, prout in casu isto, poterant licitari.

2 De satellibus iudico nullam immunitatem violasse, quia potuerunt sibi persuadere, talem consecrationem fuisse fictam. Item, quia cùm lex immunitatis sit posituiua, non censetur comprehendere talem locum, nec extendi ad adeò rarum, & inexcogitatum vsum, iura enim clamant, *Leges non aptari insolitis, vt constat ex l. nam ad ea, ff. de leg.*

3 Igitur assero Capellanum (si plena deliberatione aduertit, quid illicitè faciebat) mortalitèr peccasse, & sacrilegium admisisse, & esse denunciandum vtpotè de Hæresi suspectum, & totum hunc casum spectare ad Iudicem Ecclesiasticum, quia est de materia spirituali. Si verò dictus Capellanus in illa mentis turbatione per primum metus motum verè inconsideratè verba consecrationis super partem panis protulit, non plenam aduertentiam habens quàm malè agebat, poterit in foro animæ excusari, non tamen in foro fori.

Responsio latè scripta.

4 Facta suppositione, quòd præfatus Capellanus verè consecrauerit, sicque in eo loco Eucharistia verè præsens fuerit, an per talem præsentiam locus reddatur immunis, aliqui affirmant, alij negant. Et quidèm locum immunitate gaudentem esse cubiculum etiam sæcularium, in quo Sanctissimum Christi corpus adest delatum infirmo, dicit Suarez de Religione, tom. 1. traçt. 2. lib. 3.

lib. 3. cap. 9. n. 10. Ratio est, quia idè Ecclesia fruatur immunitate, quia est dicata Deo maximè contento in Eucharistiæ Sacramento; ergò multò magis debet immunitas concedi ipsimet Sacramento ubicunquè aderit; propterea docent Peregrinus de immunit. *Eccles. cap. 4. n. 19.* & Marius Italia de immunit. *lib. 1. cap. 4. §. 10. n. 8.* gaudere immunitate reum ratione Venerabilis huius Sacramenti quandò processionalitèr defertur, & ipse intèr populum illud comitantem vadit; & tali immunitate à fortiori gaudebit ipse reus tangens Sacerdotem manibus gestantem Eucharistiam, & hæc opinio est communis, & non neganda videtur, quia nimia irreuerentia esset ipsi Deo, si delatus a Sacerdote, quem reus tangit, aliquis violentèr vellet illum à Sacerdote separare. Ità docent Archidiaconus & Turrecremata *cap. quesitum, 13. quest. 2. n. 2.* Hostiensis cum pluribus alijs, quos refert, & sequitur Syluester *verb. Immunitas 3. quest. 1. D. Antonin. 3. part. tit. 12. cap. 13. §. 1. Segura l. quemadmodum, ff. de acquir. possess. n. 70. Mirand. de ordine iudici. tom. 1. quest. 15. art. 4. conclus. 2. Gambacurt. de immunit. lib. 4. cap. 6. n. 4. Grassi. in decis. part. 2. lib. 1. cap. 1. num. 32. Megala in 3. part. lib. 4. cap. 2. quest. 1. n. 38. Bobadilla tom. 1. lib. 2. cap. 14. num. 86. Ambrosin. de immunit. cap. 1. n. 9. & alij. Igitur iuxtà tot Doctorum sententiam, si Capellanus in casu nostro verè consecrauerat, locus ille erat immunis, in quo satellites reum capere non poterant, tùm ratione præsentis Eucharistiæ; tùm quia intèr alios eam adorabat; tùm quia fortassè, fratrem suum Capellanum tangebatur, dum in manibus sacratum panem tenebat.*

5 Contrariam sententiam docent Couarru. *lib. 2. variar. cap. 20. num. 6. Gloss. cap. quesitum 13. quest. 2. n. 2. Bonac. de legib. disp. 3. quest. 8. §. 2. num. 11. Barb. & Cardinalis*, quorum opinio fauet satellitibus Iudicis laici, & idè Iudex Ecclesiasticus deberet (ut opinor) inprudens suæ considerationis trutina ponderare, an Deo magis faueat contra laici fortè ministros procedendo in præfenti casu primam sententiam sequendo; an verò iuxtà secundam à satellitibus laicis factum permittendo.

6 Nunc quærendo an illi Capellano asserenti se verè consecrasse panem fermentatum eo modo vndequaquè illicito, sit danda fides, puto affirmatiuè, accepto tamen ab eo iuramento, quod sit loco torturæ. Ducor, quia confessio proprio ore facta a reo contrà

24 *Interrogatio III. de consecrante panem ad mensam &c.*
contrà seipsum, plenè probat in ijs, quæ pendent à voluntate
confitentis. Anton. Monach. Bononiens. decis. dec. 21. n. 8. & de-
cis. 55. n. 25. Ioseph Sesse Aragon. decis. dec. 125. n. 3. Gam. Lusit.
decis. decis. 165. num. 2. Rota decis. 436. num. 2. apud Farinac. part. 1.
recent.

7 Est quoquè credendum Capellano, vt periculum euitetur
contemnendi Sacramentum, fide in hoc casu ipsi denegata, præ-
sertim est ipsi credendum tanquàm delinquenti, & delictum suum
confitenti, confessio enim huiusmodi est probatio omnibus me-
lior, & efficacior, quæ fieri possit, per tradita cap. per tuas, de
probat. & cap. si cautio, de fide instrum. & l. cum à matre, C. de re-
vendicat. & l. cum te, de probat. Hypol. sing. 201. n. 2. & sing. 257.
& in Rubr. C. de probation. n. 81, & 82.

8 Item, quia confessio dicitur, & est clarior probatio, quæ
possit consequi. Alexand. conf. 13. Ex ijs, quæ, in princip. lib. 1. &
rursus conf. 213. n. 15. lib. 2. Angel. Aretin. conf. 48. Videtur primò,
n. 3. Paris. conf. 103. n. 10. lib. 3. & Bald. conf. 195. lib. 2. Ideò ubi
est partis confessio, ibi est omnis probationis relaxatio. Bald.
conf. 353. col. 1. lib. 3. & Riminaldus Iunior conf. 303. n. 3. lib. 1.

9 Tantaque est vis dictæ confessionis, vt ista vincat probatio-
nes, quæ fierent per testes, & instrumentum, nam confessio est
fortior probatio, & omnibus maior. Roland. à Valle conf. 71. n. 41.
& conf. 75. num. 24. vol. 2. Bald. conf. 192. Proponitur, col. 2. circa
finem, lib. 2. & Mascard. de probation. in proxm. quæst. 7. n. 3. qua-
proptèr confessio semper admittitur, vbi aliæ probationes non
admitterentur. Surd. conf. 60. nu. 1. & conf. 143. nu. 39. confessio
enim facit rem esse notoriam. Farinac. in praxi crimin. quæst. 21.
n. 31. Stephan. Gratian. discept. forens. tom. 5 cap. 142. n. 9. & 10.
Cardos. in praxi iudicum, verb. Confessio iudicialis, n. 36. & Mas-
card. de probat. conclus. 1326. n. 4.

10 Et cum confessio faciat rem esse notoriam, vt mox dixi,
non est opus veritatem à præscriptionibus inuestigare, quia præ-
sumptio cessat in claris. Anton. Monach. Florent. decis. dec. 51.
n. 49. siquidè certè veritas præualet præsumptioni, vt habetur
l. fin. in princip. ff. quod metus causa. & l. in rebus, C. de iure dotium.
Menoch. conf. 86. num. 106. Socin. conf. 164. num. 10. volum. 2.

Ex prædictis concluditur posse Iudicem Ecclesiasticum pro-
nunciare sententiam condemnationis præfati Sacerdotis tan-
quàm

Interrogatio III. De consecrante panem ad mensam &c. 25
quàm verè rei de facto adeò illicito, & sacrilego, habita eiusdem
tam constanti confessione.

*An etiam ex præsumptionibus in casu nostro remaneat
prò veritate saltèm adminiculata confessio
facta à reo ?*

11 Duas in nostro casu dari video præsumptiones, vna est
prò fictione, alia prò veritate consecrationis. Ad præsumen-
dam fictionem facit, quòd Sacerdos nunquam intendit consecra-
re, nisi modo, & tempore ab Ecclesia præscriptis, idest cum Sa-
cris vestibus, in azymo, & in Altari Missam celebrando, & idèd
in dato casu præsumi potest voluisse Sacerdotem fingere conse-
crationem, vt satellites in præsentia asserti Sacramenti fratrem
suum non carcerarent decepti. Ista tamen præsumptio debilior
est præsumptione commissi delicti ab eo, cuius commodocedit,
prout sine controuersia tenent communiter Iurisperiti, intèr
quos Menoch. de præsumptionib. l. 5. præsumpsiōe 31. num. 15.
Bartol. in l. fin. n. 5. vers. Item quòd illa res substracta, ff. de quest.
Surd. de aliment. tit. 9. quest. 26. num. 119. Farinac. in praxi crimin.
quest. 176. n. 89. & conf. 60. n. 18. & Mascard. de probat. conclus. 831.
n. 12. In commodum autem Fratris certè cedit, quòd incommo-
dum non habeat eius frater, vel alius de familia, maximè in cri-
minalibus.

12 Cum igitur fundamentum præsumentis fictionem in casu
nostro sit, quòd modus consecrandi fuerit adeò illicitus, semper-
que ab intentione Sacerdotum communissimè alienus: Funda-
mentum verò præsumentis veritatem delicti cum sit de Iure, quòd
vult præsumi commissum delictum ab illo, cuius commodocedit,
per tradita supra à Iurisperitis in hoc numero relatis, debilior
dignoscitur præsumptio prò fictione, præsumptione statuta à Iure
prò veritate, quæ propterea est fortior, & ista tollit debiliorem,
ex l. non solum, ff. de ritu nupt. Surdus conf. 94. n. 61. & conf. 112.
n. 73. & conf. 311. n. 79. & conf. 535. n. 5. Menoch. de præsumptio-
nib. lib. 1. præsumpt. 30. & seq. & lib. 6. præsumpt. 64. num. 46. &
conf. 22. n. 22. & Stephan. Gratian. discept. forens. tom. 4. cap. 611.
n. 33. & cap. 650. n. 33. & cap. 657. n. 33. Iequitur esse conclu-
dendum in foro fori, quòd tùm ex clara confessione, tùm ex præ-

D

sumps

26 Interrogatio III. De consecrante panem ad mensam &c.

sumptione, quod verè Capellanus prædictus panem ad mensam consecrauit, illicitè tamen, necnon sacrilegè, & quidem cum Hæresis suspitione ratione abusus Sacramenti, & irreuerentiæ erga illud; sed an in Sanctæ Inquisitionis Tribunali sit torturandus de leui, vel de vehementi, & secretè, vel publicè attentis circumstantijs, meum non est iudicare, id enim Hæreticæ prauitatis Inquisitor faciet.

13 Suspicio de Hæresi in nostro casu strictius probaretur, si Capellanus primam retractans confessionem iudicalem, assereret, se fictè consecrare voluisse, vel si ab initio hoc idem semper dixisset; nam sic adstantes inducere voluisset ad Idololatriam formalem adorationis panis non consecrati, quantum est ex parte sua, licèt ex parte adorantium eum putatum consecratum esset Idololatria solummodò materialis, ad quam inducere numquam est licitum ex verissima sententia Doctorum omnium.

*An ex aliquo motiuo possit Capellanus
in presenti casu excusari.*

14 Videtur excusandus dictus Capellanus stante vrgenti necessitate liberandi fratrem nè captiuetur, vtpotè reum delicti capitalis, necessitas enim legi non subiacet, sed lex necessitati; vnde dicitur, quod *necessitas non habet legem*, prout clarè constat ex leg. Tutor, qui repertorium, ff. administr. tutor. & ex l. aliquandò, ff. de offic. Prouens. & ex l. 1. C. de operib. liber. & ex cap. licèt, de ferijs. & ex cap. 5. in fin. de consuetud. & tradunt Iason in l. si ex toto, ff. de legat. & Ancharan. cons. 191. In auxilium veritatis, n. 4. & 5. & cons. 243. n. 4. Non ergò in tanta necessitate dici debet Capellanus ipse legum violator, quæ modum, & formam præscribunt celebrandi.

15 Item excusandus videtur quamuis in fraudem videatur verè, vel fictè consecrasse; nam certum in lure est, non dici factum in fraudem, quod fit ob necessitatem, vt firmat Gozadinus cons. 87. n. 15. penes Flamin. Paril. de resignationib. Benef. tom. 1. lib. 2. quæst. 3. n. 40.

16 Nihilominus dicendum est, quod per nullum textum allegatum Capellanus excusandus est, quia quamuis dicant, *necessitatem carere lege*, tamen in nullo comprehenduntur insolita, & inau-

Interrogatio III. De consecrante panem ad mensam &c. 27
inaudita, vt bene notant etiam in simili Boer. *decif. 143. num. 11. vers. Quod facit.* Schrad. *de feud. part. 6. c. 3. n. 28.* Mart. *de clausul. part. 1. clausula 239. alias 252. n. 2.* penès Barbosam *de Clausul. clausula 137. n. 3.* & sanè insolitus, & inauditus est casus noster, adeoque non comprehenditur in lege: *Necessitas non habet legem*, quare excusari nequit præfatus Capellanus.

17 Confirmationem contrà Capellanium, quodd' necessitatem excusantem se tanquàm propriam vtpotè fratris allegare nequeat in isto casu, facit clarus textus *leg. Fideiussor, §. si necessaria, ff. qui satisd. cog.* dicens, quodd' qui à principio volens. posuit se in necessitate consequenti, dicitur voluntariè facere; igitur frater Capellani ab initio volens delictum, ex quo necessitas consequitur satisfaciendi iustitiæ fori, dicitur voluntariè, non ex necessitate, facere in nostro casu: tum reus, tum Capellanus eius frater, & sic non datur hic necessitas, quæ aliququalitèr possit vtrisque suffragari. Vide adhuc *infra, n. 19.*

*An Satellites captiuantes reum in nostro casu
legem aliquam immunitatis
violauerint.*

18 Etiam si admittatur sententia, quam *suprà, num. 4.* retuli cum Doctoribus asserentibus locum immunem esse, vbi Eucharistia adest, adhuc censeo potuisse satellites in casu nostro reum captiuare sinè immunitatis violatione; nam leges loquentes de immunitate non lædenda, loquuntur de quibusdam puris casibus, adedque huiusmodi leges non comprehendunt casum qualificatum, teste Cardinali *de Luca de Seru. discurs. 82. n. 6.* casus autem valdè qualificatus apertè, & conuincenter probatur prædictus; attentis, & inspectis circumstantijs tum carentiæ loci, vestium, temporis, materiæ debitæ azymi panis &c. tum reuerentiæ Sacramento in actu prandij; non ergo ipsi fauere potest immunitatis seruandæ lex, quia in illa non comprehenditur, & hoc roboratur, quia *leges non aptantur insolitis*, vt dixi etiam *suprà, num. 2. & 16.*

Appendix.

19 Quamvis nec nominandum putem, quod dixit Maior in 4. senten. dist. 9. quest. 3. art. 5. tamen necessarium censeo illud referre, ut semper ab omnibus rejiciatur, sicut à Doctõribus communiter non approbatur, videlicet posse Sacerdotem post meridiem clanculum intrare Ecclesiam, & Hostiam consecrare non vestitum vestibus sacris, & si Hostiam non inuenerit posse consecrare frustulum panis communis, si prius deuitet scandalum populi, velut admonendo eum id sibi tunc licere, quia viaticum moribundo dare debet, nè sine illo decedat. In hac sua opinione non est audiendus Maior, ac propterea nec est aliquo modo fauorabilis Capellano nostri casus, qui sine Sacris vestibus panem communem consecrauit, & præsertim quia id fecit extra Ecclesiam, intra quam tamen ipse Maior dicit esse consecrandum; ergo &c.

INTERROGATIO IV.

An agrotus erubescens grauius sua crimina ore fateri Confessario facie ad faciem ad lectum accedenti, possit ea scribere, scripturamque eidem mittere, ut postea adueniens absoluat, & an validè absoluet, quamvis non benè scripturam intellexerit, nec verbum aliquod agrotus dixerit.

IN meo itinere Goritiam versùs, ingressus sum Hospitium apud Aquas Gradatas, in quo reperi Reuerendum quemdam Confessarium, à quo interrogatus fui, quid mihi videretur resoluendum, si verecundus infirmus scribat peccata sua, scripturamque istam mittat Confessario absenti, qui tamen non benè intellexit scripta, & nihilominus accedens ad lectum infirmi ipsum nihil dicentem, quamvis loqui posset, absoluit.

Respon-

Responsio oretendus data cursim.

1 Respondi: In isto casu vnica responsio dari non potest, varia enim continet singularitèr enucleanda.

Primò, quia iste pœnitens ægrotus, vt veretur euitare, scripsit peccata, & tamen Confessio debet esse verecunda; nihilominus dico, hanc qualitatē non inuadere Confessionem, licet aliquis eam non habeat, sicuti plures peccatores dantur, qui nedum Confessario, sed & coram alijs absque verecundia publicarent, immò interdum (extrà tamen Confessionem) de enormitèr factis palam gloriuntur, seque de rebus pessimis iactant; & tamen isti validam faciunt confessionem, si sit *fidelis, dolens, & integra*.

2 *Secundò*, potest in dicto casu dari dubium, an per solam schedulam missam Confessario absenti pœnitentis peccata continentem possit postea a Confessario præsente absolui, quamuis iste nihil dicat, cum possit loqui; & censeo quòd non, quia confessio debet fieri Confessario præsenti, vt seruetur Decretum Clementis VIII. contrarium prohibentis, sufficiet tamen si dicat: *Confiteor peccata tibi per meam schedulam expressa*; seu si similia proferat verba. Si verò pœnitens in mortis articulo loqui non poterit, & Confessario constet confessionem petiisse, poterit in præsentia absolueri ratione necessitatis, qualis à nonnullis Authoribus dicitur etiam magnus pudor pœnitentis, qui præsertim poterit absolui si pectus percutiat; aut si Confessarius dicat, à peccatis mihi à te in schedula tua expressis nunc volo te absolueri.

3 *Tertiò*, dato quòd Confessarius non benè intellexerit scripta peccata, inualidè absolueret, & idèd si pœnitens hoc nouerit, confessionem repetere tenebitur; secus quandiu inualiditatem ignorauerit, supposito quòd ex parte sua omnia integerè scripserit, quare tota culpa erit in Confessario sciente se non benè intellexisse scripturam; at à culpa excusaretur, & validè absolueret, si putet rectè omnia intellexisse, & ab omnibus iuxta mentem pœnitentis in schedula expressis amplè intendat absolueri; & paritèr excusandus esset, si à pœnitente in mortis articulo loqui non valente, declarationem non intellec-

30 *Interrogatio IV. De Confessione per scripturam &c.*
tellectorum habere non possit, & ideo illum ab omnibus peccatis bene absoluit.

Responsio latè scripta.

4 Doctores assignantes qualitates, cum quibus Confessio est facienda, eas in quatuor sequentibus carminibus assignant:

*Sit simplex, humilis confessio, pura, fidelis,
Atque frequens, nuda, discreta, libens, verecunda,
Integra, secreta, lachrymabilis, accelerata,
Fortis, & accensans, & sit parere parata.*

Illæ conditiones non sunt tamen singulæ necessariae ad validam, & licitam confessionem, ut docent Doctores communiter, qui necessarias assignant fidelitatem, dolorem, & integritatem, atque ideo si deficiat v. g. frequentia, ac verecundia non invalidatur, nec fit illicita. Potuit igitur in casu nostro ægrotus vitare verecundiam exponendo peccata sua in schedula Confessario exhibita, ut ea legat, & sciat, ut postea adueniens præsentem pœnitentem absoluat; sed qualiter id fieri liceat, ut etiam valida sit confessio, statim subdo numero sequenti. Quod autem non omnes qualitates supradictæ necessariò requirantur ad validitatem confessionis, patet ex praxi, certum est enim validas esse confessiones eorum, qui non solum frequentè peccata sua non confitentur, sed etiam per multos annos, & quidem cum defectu verecundiæ, ut notavi *suprà*, num. 1.

5 De confessione facta per schedulam diversimodè opinantur Doctores, distinguentes an fiat in casu necessitatis, vel extrà talem casum. Hinc Fagundez in *quinque præcepta Ecclesiæ*, præcepto 2. lib. 3. cap. 1. n. 8. ait, quod extrà necessitatem confessio semper est facienda ore, adeoque peccaret mortalitèr, & confessionem faceret invalidam ille, qui cum possit ore confiteri, adhiberet nutus, interpretem, signa, scripturam &c. Ratio ipsius est, quia si non fiat ore, mutatur consuetudo Ecclesiæ in re gravi. Idem docet Sylvius in *additione ad 3. part. quæst. 9. art. 3. conclus. 2.*

Verùm Villalob. in *Sum. tom. 1. tract. 9. diffic. 31.* tenet, quod si extra necessitatem fiat confessio coràm Confessario per schedulam ipsi datam, ut in ea legat peccata pœnitentis præsentis, efficit

esset tantum graue peccatum veniale, quia fieret quidem contra usum Ecclesiæ, at hæc non esset contrarietas tanta, vt grauitatem mortalem importet: Si verò cum rationabili causa fieret, nullum esset peccatum. Ita Villalobos, & Malder. in *Sum. tom. 1. tract. 7. cap. 11. n. 9.* Coninchus, & alij. Immo ipse Fagundez *loc. cit.* idem tenet pro casu rationabilis causæ.

Prædictam sententiam Villalobos tenet Layman in *Theol. mor. lib. 5. tract. 6. cap. 6. n. 3.* teste Diana *part. 3. tract. 4. res. 126. alias 127.* per hæc verba: *Si quis magnum pudorem sentiret, si proprio ore confiteretur peccata, non peccaret mortaliter, si per scriptum confiteretur præsentem Sacerdote, quia consuetudo proprio ore confitendi, non obligat tam grauiter in hoc casu.* En qualiter magnus pudor pœnitentis est causa rationabilis faciendi confessionem per scripturam, dummodò Confessarius sit præsens, & absoluat, vt seruetur Clementis VIII. Decretum prohibens duò, nempe & quòd confessio possit fieri absenti, & quòd Confessarius possit absolue-
re absentem, vt aduertit Pasqualigus in *Theolog. tom. 2. disp. 82. sect. 8. num. 42.*

6 Cæterum Cardin. de Lugo de *Sacramen. Pœnitent. disp. 18. sect. 4. n. 72.* cum Leandro dicit, Clementem VIII. in dicto Decreto loqui tantum de confessione stricta, non autem de minus stricta, & in vniuersaliori acceptatione, & sic aliter discurrendum est in casu necessitatis, ac extrà talem casum; propterea si moribundus absolutionem petijt per confessionem factam Confessario absenti per nuncium, vel per scripturam, postea præsentem Confessario nihil possit dicere, vtpotè sensibus destitutus, poterit validè, & licitè absolui, nec sic erit contra Decretum Clementis VIII. quia talis confessio facta à pœnitente per testes, seu per scriptum, non est confessio strictè, sed magis vniuersaliter sumpta, quæ in defectum rigorosæ confessionis, de qua loquitur dictum Decretum acceptatur ad proferendam sententiam absolutionis. Ità De Lugo *loc. cit. sed sect. 1. n. 85.* cui adhæret Bonacina *tom. 3. disp. 1. de censur. quest. 3. puncto 33.* asserens etiam, sic Romæ à multis iudicatum fuisse; & hæc sententia procedit pro casu necessitatis.

7 Si verò extrà casum necessitatis pœnitens per scripturam, exposuit sua peccata Confessario absenti, vel etiam præsentem, à quo vt in eius præsentia possit absolui, necesse est, quòd pœnitens

tens aliquo modo significet Confessario præsentem se intendere, confiteri, ac se accusare de peccatis suis, quæ in data ipsi schedula integrè exposuit, & quæ à Confessario lecta rectè intellexit, à quibus si absoluit, validè, & licitè facit, quia tùm confessio, tùm absolutio in præsentia fiunt, ut vult Decretum. Dixi necesse esse, quòd pœnitens aliquo modo notificet Confessario præsentem se accusare in ordine ad habendam absolutionem de peccatis scriptis, quia sola exhibitio schedulæ cum peccatis, est actus indifferens, adeoque debet Confessario constare, quòd tunc ipsi præsentem præsens sit confessio ut vult Clemens VIII.

Dixi etiam, quòd Confessarius scripta peccata rectè intellexit; nam si ea non rectè intellexit, certè inualidè, & illicitè, si hoc sciat, absolueret, & consequenter pœnitens quandò hanc non rectam intelligentiam Confessarii nouerit, tenebitur confessionem repetere; debebat enim Confessarius pœnitenti notificare, se non benè intellexisse scripturam, cum de necessitate sit, ut peccata à Confessario intelligantur, aliàs idem esset acsi dormienti Confessario quis peccata sua confiteretur. Potest quoque contingere, non rectè Confessarium schedulam intellexisse, quatenus de facto vnum prò alio intellexit, putans se rectè intellexisse, & in isto casu bona fide validè absoluet, si intentionem habeat absoluendi pœnitentem ab omnibus prout iste in schedula intendit sincerè peccata sua scripsisse, quæ putat à Confessario rectè percepta fuisse; quare cum finè culpa pœnitentis contingat sic absolui, valida, & proficua est eius confessio, quemadmodum proficua, & validam Alloza in *Summa*, verb. *Absolutio*, sect. 1. n. 4. ex Layman dicit esse confessionem pœnitentis finè huius culpa factam Confessario, qui propter distractionem, vel somnum omnia peccata non audiuit.

Alij tamen asserunt, dictum pœnitentem finè sua culpa sic absolutum à non auditis, nec perceptis, dici absolutum indirectè ab illis solis propterea repetendis, quia clauibus non fuerunt subiecta. Si autem mala fide apud dictum Confessarium confessionem fecisset, tunc peccasset, & inualidam absolutionem receperisset. Ità Tamburin. in *Methodo expedita confessionis*, lib. 2. cap. 10. §. 3. num. 52. & De Lugo de *Pœnitentia*. disp. 10. sect. 15. à num. 606.

Deniquè addo, quòd si pœnitens post confessionem aduertat Con-

Confessarium non percepisse aliqua, sed nescit quænam, teneatur omnia repetere, quia de singulis potest dubitare non fuisse rectè audita, immò & nullo modo percepta. Tamburin. loc. cit. num. 53.

INTERROGATIO V.

An pecunia data danti hominem ad triremes, possit ab accipiente ea sibi retineri, vel an debeat dicto homini.

Bergomi tempore nundinarum accessit quidam necessitate pressus ad colonum, istumque rogauit, ut si pro suo labore vellet illum acceptare, nihil ab eo exigebat nisi sufficientia alimenta, angustumque aliquem locum in eius domo ad habitandum. Annuit colonus, qui post aliquot dies existens in foro vidit ibi Capitaneum à Principe deputatum ad colligendum homines, si quos inuenisset, qui spontè se darent ad in triremibus seruiendum, data eis certa pecuniarum summa. Petijt colonus à Capitaneo præfato, an vellet habere quemdam, quem in domo tenebat, & affirmatiuè respondit. Reuersus domum colonus notificat laboratori suo inuentam pro ipso alimentorum occasionem in triremibus, si sic ipsi placuerit. Hanc acceptauit laborator, quem statim colonus Capitaneo consignauit, qui eidem colono quinquaginta scuta dedit. Interrogatus fui, an pecunia data finè alia expressione dicto colono possit ab isto retineri, vel ad laborem spectet?

Responsio oretensis data cursim.

1 Respondi: Puto certum esse, non posse colonum pecuniam in dicto casu acceptam sibi retinere, sed teneri eam dare ei, qui se ad triremes tradebat, quia licet Capitaneus non expresserit, cui eam dabat, tacitè intendebat dare eam ei, quem ad seruiendum in triremibus emebat, quæ Capitanei intentio clarè constat; eò quia hominem acceptauit tamquam ex officio deputatus ad colligendum aliquos pro triremibus, dans singulis pecuniam, ita etiam isti dare voluisse censendum est, si non expressè, sal-

E

tè

34 *Interrogatio V. De dante hominem ad triremes &c.*
tē tacitē, & in iure, *taciti, & expressi eadem est ratio, ac iur.*

2 Item existimo dictam pecuniam fuisse datam in manibus coloni, ut illam daret homini exhibito ad triremes, non autem ut eam sibi retineret, nam nullus titulus adest in colono iudicandi illam sibi datam: *Primò*, non titulo emptionis, quia de huiusmodi contractu cum Capitaneo non fuit mentio facta, immò nec fieri poterat cum colonus non esset dominus serui, quem vendere posset. *Secundò*, non titulo, ut vulgò dicitur, *di mancia*, propter oblationem, quam fecit de homine, siquidem Capitaneus talem titulum nunquam expressit, prout exprimi necesse erat; neque talis titulus potest dici tacitè intentus, eò ipso, quòd non aliquid singulare fuit ei datum, sed integram pecuniam, solitam dari cuicunque se pro servitio in triremibus offerenti accepit; ergò intentio Capitanei erat mediante colono dare solutionem debitam homini, sicut & alijs, quos pro triremibus congregabat.

3 Vltimò addo, quòd cum colonus simplici interrogatione petierit à congregante homines casu in platea obuiam habito, an velit habere vnum, accepit responsum affirmatiuum; quare facta postea propositione à colono laboratori suo de occasione inuenta providendi propriæ necessitati habendi ad viuendum in triremibus si spontè acceptet se in illis consignare, libenter occasionem acceptauit, qua acceptatione notificata Capitaneo, iste statim communem omnibus, ac singulis se ad triremes dantibus solutionem exbursauit in manibus præfati coloni; igitur manifestè apparet, mentem Capitanei fuisse dare pecunias colono tamquam delatori, ut eas daret viro se ad triremes offerenti, non autem ut earum partem, & à fortiori nec totam pro seipso retineret.

Responsio latè scripta.

4 Quòd solutio pecuniæ in præfenti casu facta à congregante homines pro seruiendo in triremibus facta sit, licet mediante alio, ut detur ei, qui ad remigandum se tradit, clarè probatur per textum *l. eius, de operib. libert.* ubi dicitur, quòd quilibet actus regulatur secundum naturam sui subiecti; quare cum traditio sui ipsius ad triremes per acceptationem Capitanei congregantis viros pro illis, sit subiectum talis actus, quod de sui natura exigit solu-

solutionem datam ipsimet se tradenti; per consequens concluditur in casu nostro totam pecuniam, nequē ex parte fuisse datam pro colono, qui mediator præcisē se habuit, & per accidens interuenit.

5 Quod si actus traditionis sui ipsius ad triremes in casu nostro dicatur dubius, an voluerit laborator coloni ad triremes ire sine solita solutione se tradentium spontē ad remigandum, resol- uendum est esse actum talem, vt sit minus damnosus, & plus uti- lis gerenti, quā esse possit, quia ista est naturalis intentio ge- rentis actum, vt resoluat Crauet. *conf. 14. n. 8. & conf. 106. n. 8. & Rota decis. 596. n. 4. apud Farinacium, part. 2. recent. dicentes* esse sic interpretandum, & intelligendum actum dubium; vnde dato, sed non concesso, quod solutio facta in manibus coloni fuerit per actum dubium, an debeat isti, vel ei, quem Capita- neus recipit, & cum quo principalitē agit per traditionem, & acceptionem ad triremes, debet talis actus intelligi gestus tali- tē quod sit minus damnosus, & magis utilis eidem se tradenti, cui consequentē debetur solutio, alias ex actu suo damnum, & nihil utilitatis sentiret ex eodem actu priuationis suæ libertatis.

Et si dicatur tradentem se ad triremes fore habiturum in eis utilitatem expensarum; hoc non obstat, quia istæ sunt quid ex- trā naturam, & qualitatem primi actus, per quem se tradidit, nequē illæ fuerunt habitæ in consideratione, sed tantum veniunt in consequentiam, & quæ sic veniunt non sunt attendenda, im- mō attendendum est quod principalitē agitur. *l. 1. ff. de authorit. tutor. & l. is, qui, ff. de liberali causa. & l. verum, ff. de furtis. & l. si quis nec causam, vbi latē lason n. 3. & seqq. ff. si cert. petat. Gon- zal. ad reg. 8. Cancell. glos. 45. §. 1. n. 35. Moneta de distribut. quoti- dian. p. 2. quest. 5. n. 23. & alij.*

6 Vrgēt in casu nostro contra colonum, quod iste tantum exequutus est actum traditionis sui laboratoris factæ Capitaneo ex ordine eiusdem laboratoris; ergo isti totum debetur quidquid spectat ad talem actum, vt est venditio propriæ personæ ad tri- remes, cui debetur solutio ab emptore ex natura talis contractus quamuis tractatus per tertiam personam; vnde in iure clarum est, actum solere attribui ordinanti, seu mandanti, non verò il- lum exequenti. *Cap. super litteris, de rescript. & tenent sic Roma- nus conf. 366. Quaritur, in princip. & Surd. de aliment. tit. 8. priui- leg.*

leg. 56. num. 88. cum alijs. Igitur nullo iure in utroque foro potest colonus exequens sibi à laboratore ordinatum, receptam solutionem retinere.

7 Potentius facit in fauorem se dantis ad triremes in casu nostro Iurisperitorum assertum, nempe quod naturalia si concurrant cum accidentalibus præferuntur, ut notat etiam Barbosa. *Axiom. 155. n. 3. cum Ægidio Bellam. conf. 43. in princip. Anchirano conf. 37. n. 6. & 7. & Franc. Molina dicente, naturalem coniecturam prævalentem accidentali, de ritu nupt. lib. 3. quest. 95. num. 55. quare cum naturale sit, quod solutio detur ab emptore venditori, per accidens verò, seu accidentale sit, dictam solutionem in venditione consignatam fuisse in manibus vnus tertiæ personæ, isti nulla expressione facta, concluditur solutionem datam à Capiteano eistente hominem pro seruiendo in triremibus, naturaliter spectare ad istum, qui se vendit, quamuis fuerit data in manibus supradicti coloni, hoc enim est quid accidentale posthabendum, & nullatenus curandum in concursu naturalis debiti soluendi ab emptore soli venditori, non autem alicui tertio accidentaliter se habenti in receptione solutionis de sui natura, seu naturaliter dandæ ei, qui vendit, ab eo, qui emit.*

8 Quidem verum est, solutionem fuisse factam in manibus coloni, tamen iste ex isto facto nequit commodum consequi, quia, ut quis consequatur commodum ex facto qualificato, quale est habens qualitates venditionis, & emptionis, non attenditur factum, sed quod debuit fieri, per text. *l. nemo, C. de senten. & interloc. lud.* & notat Crauet. *conf. 320. num. 5.* sic certum est, quod in nostro casu solutio debuit fieri ipsi vendenti, propterea non attenditur factum, scilicet solutionem fuisse factam in manibus coloni, cui nullum commodum potest inde prouenire, quia solum hic attenditur, quod solutio venditori debuit fieri.

9 Tandem obseruo, quod cum firmet Abbas *conf. 17. col. 2. lib. 2.* factum posse haberi pro non facto quoad effectum iuris; hoc sanè verificatur in facto nostro, quatenus licet solutio fuerit facta in manibus coloni, debet haberi pro non facta ipsi quoad effectum iuris, quod vult solutionem pro emptione debere fieri venditori; ergo nihil suffragatur colono, ut sit ipsius solutio consignata ipsi, talis enim consignatio fuit quoddam factum habendum, pro non facto quoad id, quod iuris est, scilicet ut venditori com-

competat id, quod emptor soluit.

10 Et adeo verum est in casu nostro, immò & in quolibet alio, quod seruitus, qua quis seipsum vendit, isti pretium debeatur, vt sine pretij participatione, talis venditio non esset licita, nam conditiones ad sui venditionem licitam requisitæ sunt, quod viginti annos habeat, & liberè, & conscius seruitutis, & pretium verè participet. Ità expressè asserit Sanchez in *Consil. Moral. lib. 1. cap. 1. dub. 3. num. 2.* & probat hoc ex *cap. 21. Exodi*, & ex *cap. 25. Leuitici*, vbi permittitur, vt Hebræi ægestate compulsi se ad tempus vendant; Gentiles verò in perpetuum; & ità habetur *Iustit. de iur. person. §. serui. autem*. Ratio asserti est, quia inter mala pænæ, fas est minus eligere vitandi gratia maius; ergò ad vitandam mortem, vel aliquid aliud, prout in nostro casu laboratoris carentis ad viuendum alimentis, potuit se libertate priuare, siquidem homo est dominus suæ libertatis. Syluester *verb. Seruitus, quest. 5.* & *Sot. lib. 4. de iusti. quest. 2. art. 2.*

Benè verum est, prædicta in isto numero esse intelligenda, dummodò non vergant in damnum alterius; si enim qui se vendit constrictus esset aliquibus obligationibus, quibus in libertate manens satisfacere posset, nequiret se in seruitutem redigere: Ità Sanch. *loc. cit. num. 3.*

11 Ex hæcenus traditis sequitur colonum teneri restituere solutionem acceptam ei, qui se vendidit, vel eius hæredibus, si extant, vel pauperibus, vel pro anima venditi, iuxta communes regulas faciendi restitutionem, si domino fieri non possit &c. Nec iuuat præsumptionem aliquam fauore coloni quærere, cum potius contrà ipsum stet omnis præsumptio. *Primò*, quia si ille Officialis deputatus emens hominem, intendisset dare alteri solutionem, certè dolosè fecisset; at dolus semper præsumitur abesse ab Officiali. *l. 1. C. de præd. Curial. lib. 10.* & *l. si quis Decurio, C. de Decurio. lib. 10.* Bald. in *l. passa nonis. C. de pass. & Mascard. conclus. 1132. num. 2. & seq.*

Secundò, quia si ille Officialis emens voluisset alteri tertio solutionem dare, illicitè fecisset; at de Officiali non est præsumendum, quod illicitum commiserit. Bald. post Gloss. in *l. accusationes, C. quod metus caus.* & constat nec dolum, nec quid illicitum commississe Officialem, cū ipso quod dans solutionem emptionis colono, isti nihil expressit, adeoque solutio dirigebatur suapte na-

tura

38 *Interrogatio V. De dante hominem ad triremes &c.*
tura ad venditorem mediante eodem colono, qui solummodo proposuit hominem spontè se vendentem.

Dixi non esse præsumendum de Officiali, quòd dolosè, vel illicitè agat, tamen hoc est intelligendum, nisi contrarium ex præmissis adiunctis veritas facti colligatur, tunc enim veritas prævalet præsumptioni, per tex. l. nuptura filio, ff. de iure dotium, & notat Noster Gabriel de iusti. & iur. dif. 7. à n. 120. ubi quoquè notat, nedum ex præmissis adiunctis, verum etiam ex concurrentibus indicij probabilibus probabilem veritatis præsumptionem oriri.

Appendix.

De per dolum vendentibus aliquem ad remigandum in triremibus.

12 Sed non raro aliqui dolosè, & illicitè venduntur ad triremes coactè. Hoc certè peccatum est mortale, tum in venditore, tum in Officiali emente. Huiusmodi venditio non dissimilis est à venditione proditoriè facta Iudæis per Iudam personæ Christi Domini; sed quàm iniuste hanc venditionem fecerit ipsemet acceptis pro pretio triginta argenteis non multò post rectè nouit, suamque iniustam venditionem Iudæis emptoribus notificauit, quibus & pretium restituere voluit, pænitens de tam graui delicto ab ipso patrato sub ficto blandimento amicitiz Christi ab ipso osculati. Hæc quàm infandum fuit hoc scelus Iudæ. Hæc etiam quàm grauitèr peccant, qui hominem per aliquam prodicionem vendunt ementibus conscijs prodicionis, vel etiam non conscijs, vt ad seruiendum in triremibus illum deducant, licèt à culpa possint excusari ementes prodicionem vendentium ignorantes, & sic bona fide procedentes!

Sanè communis omnium Doctorum sententia est, inualidam, & iniustam esse venditionem rei alienæ inscio domino, atquè isto non consentiente; vnde cum vendere proditoriè hominem liberum sit vendere quod suum non est, non valet venditio, eiusque pretium est restituendum vnà cum re vendita, rescindendo huiusmodi contractum cum peccato mortali contra iustitiam factum, ac etiam contra Charitatem proximi sua libertate priuati per traditionem ad triremes, quæ traditio sinè temporis limitatione fac-

ta importare videtur simul peccatum homicidij saltē in affectu, dicitur enim damnationem ad triremes per decennium æquiparari morti; & hoc à fortiori probatur, si quis ad triremes inuoluntariē tradatur absolute, scilicet prò tempore indefinito, seu in perpetuum, quod nequē à Iudice posse fieri ratione nimium duræ, & laboriosæ servitutis docet Suarez de Religio. tom. 1. traß. 2. lib. 3. cap. 12. quidquid dicat Gambac. cap. 34. num. 9. Vide num. seq.

13 Restitutio antecedenti numero dicta comprehendit etiam, damna inde sequuta v. g. vxori, & filijs hominis iniuste venditi; & ideo licet ex causa necessitatis possint habentes auctoritatem compellere aliquos permanere in triremibus per aliquod tempus, proū sic fuisse resolutum testatur Cutellius in Codicē legum Sicularum, ad legem Jacobi Regis, cap. 31. not. 38. num. 3. hanc sententiam admitteret Diana part. 6. traß. 6. ref. 5. quando tempus non esset arbitrio boni viri adeo longum, & secluso quod aliqui ex ipsis vxores, & filios non haberent, qui ex tali absentia in honore, & necessarijs naturæ damnum probabiliter timere non possint.

14 Confirmantur hætenus dicta ex ijs, quæ tradit Sanchez Confilior. Moralium lib. 1. cap. 1. dub. 4. num. 11. & seqq. vbi asserit esse peccatum mortale emere nigrum, seu Æthiopem, de quo nescitur, vel dubitatur an in bello iusto fuerit captus, qui propterea est manumittendus, nisi facta morali diligentia sufficienter constet esse iuste captum. Idem tenet etiam Ledesma 2. 4. quest. 18. art. 1. dub. 11. Hinc patet non posse hominem vendi, nequē Æthiopem captum in bello iniusto, quia retinet suam libertatem, nec sit mancipium, nisi sit captus in bello iusto.

In casu tamen dubij superuenientis emptori post emptionem bona fide factam, an fuerit iuste captus, & facta diligentia non potest certificari; non tenetur manumittere, quia melior est conditio possidentis. Nauarra lib. 3. de restit. cap. 1. num. 216. & Sanch. de Matrim. lib. 2. disp. 41. num. 28. cum alijs. Si autem emit mala fide, seu cum dubio an fuerit iuste captus, peccauit mortaliter, & tenetur manumittere, nisi probabilibus rationibus possit dubium deponere, nisi ille, à quo emit habebat bonam fidem, cum qua possidebat; & ideo non tenetur emptor manumittere, quia succedit in ius venditoris bonæ fidei. Sanchez

Con.

40 *Interrogatio VI. De homicida suspensio, & fure &c.*
Consilior. Moral. lib. 1. cap. 1. dub. 4. num. 15.

Iam ex dictis clarè concluditur quid sit dicendum de vendentibus, & eumentibus hominem, siuè certò, siuè dubiè liberum.

INTERROGATIO VI.

*An homicida damnatus ad mortem in patibulo, seu fur
censendi sint moriendo satisfecisse prò damnis
cuicunque illatis per homici-
dium, ac furta.*

IN meo itinere versùs Rauennam simul cum vno Parocho, vidimus in via pendere in patibulo suspensum propter homicidium ab eo ibi patratum, necnon propter furta ab illo per assassinium commissa, prout rusticus quidam ibi repertus nobis retulit. His auditis, interrogauit me dictus Parochus vir doctus, quid resoluere in quæstione, an talis suspensus satis per mortem satisfecerit prò damnis ex eius delicto sequutis, ita vt ipsius hæredes ad nihil teneantur?

Responsio oretenus data cursim.

1 Respondi: Duas difficultates quærit à me Dominatio sua in vnica interrogatione: *Vna* est, an semper prò homicidio sint ab hæredibus homicidæ, vel ab isto restituenda damna. *Altera* est, an per mortem homicidæ, quam iste per Iudicis condemnationem iussè subiit, censetur plenè satisfecisse prò damnis ex homicidio prouentis; & ex resolutione harum duarum difficultatum inferam quid sit dicendum de fure suspensio.

Ad *primam* difficultatem dico, non semper esse aliquid restituendum prò damnis sequutis ex homicidio. Sic si quis occidat aliquem cum moderamine inculpatae tutelæ ad tuendam propriam, vel proximi vitam, non tenebitur ad aliquam restitutionem: Si verò dictum moderamen non fuerit seruatum, tunc totum damnum erit restituendum, quia iniussè occidit; at si fuerit excessum, tunc restitutio erit facienda tantum ad proportionem excessus, siuè sit notabilis, siuè sit leuis.

2 Item

2 Item cenſeo poſſe inuaſum inuadentem, vt res illius rapiat, occidere, dummodò ſint in notabili quantitate. Hoc tamen limitandum eſt, dummodò non poſſint eadem res iudicialitè recuperare, quamvis non deſit qui abſolute teneat poſſe iniuſtè inuadentem occidi ab inuaſo in ſuis rebus notabilis quantitatis. Dico, *notabilis quantitatis*, quia damnata eſt doctrina aſſerentium licere regularitè occidere inuaſorem prò conſeruazione vnius auri.

Ex diſtis conſtat non ſemper eſſe reſarcienda damna ex homicidio illata, ſed quotiès inuaſus non ſeruauit moderamen inculpatæ tutelæ, proit dixi.

3 Poſſe adhuc inquiri, an qui vulnus non lethale alicui inſiſxit, ex quo poſt aliquod tempus moritur, ſit cenſendus homicida ad damnorum reſtitutionem obligatus? Ad hoc quæſitum reſpondeo cum diſtinctione: Vel mortuus eſt ex Medici malitia, ſeu negligentia, aut ex incuria ipſius vulnerati, & tunc non tenetur ad reſtitutionem, vt homicida, ſed ſolùm vt vulnerans: Vel mortuus eſt, quia in eo loco non erat Medicus, qui poſſet vulneratum curare; & tunc tanquàm verus homicida obnoxius erit reſtitutioni, quamvis ipſe vulneratus diligentiam adhibuerit prò ſanitate acquirenda, deficiente Chirurgo; nam in tali circumſtantia loci, & temporis vulnus iudicatur lethale. *Leſſi. de iuſti. lib. 2. cap. 9. diſ. 15.*

4 Si contingat, quòd aliquis, v. g. venator, occidat caſu hominem, quem non obſtante diligentia adhibita putabat eſſe feram, ad nullam tenetur reſtitutionem, cum verè non ſit homicida, nec peccauerit peccato iniuſtitie.

5 Prouocatus ad duellum, ſi occidat prouocantem, ad nullam tenetur reſtitutionem; ſi verò prouocans interficiat prouocatum, certè tenetur reſarcire damna, quia prouocatus inuoluntariè acceptauit, nè vilis videretur; at ſi duellantes æquè ſe inuicem prouocarunt, neuter ad reſtituendum tenebitur, nam vterquè ſciuit, & voluit iniuriam, quæ volenti, & conſentienti non ſit.

6 Inter perſonas nobiles non datur obligatio reſtituendi propèr homicidium, quia inter tales cenſetur facta remiſſio, vt conſtat ex vſu communi.

7 Ad ſecundam difficultatem, nempe an hæredes homicidæ tenean-

42 *Interrogatio VI. De homicida suspensio, & fure &c.*

neantur ad restitutionem, quamvis iste fuerit ad mortem iudicialitèr damnatus: Respondeo id à quibusdam negari, quia per talem mortem compensantur omnia damna; verùm ab alijs id affirmatur, eò quòd talis mors non infligitur à Iudice, vt parti læsæ satisfiat, sed vt Reipublicæ, & Legibus prò iniuria eis illata; tamen hoc procedit, dummodò sic damnati bona pertineant ad hæredes per libera legata, non autem si ad istos peruenerint per hæreditariam successionem.

Hinc patet, esse idem asserendum de fure ad mortem damnato, & quidèm à fortiori iuxta dictam secundam sententiam quoad illius hæredes, ad quos eius bona peruenerunt, non per legitimam hæreditatem, sed per iniusta furta ab ipso commissa, quæ si extent, certè restituenda sunt dominis, quinam autem sint isti, si ignorentur, in tali casu prò illorum animabus facienda erit restitutio.

Responsio lastè scripta.

8 Nullus ex homicidio cum moderamine inculpatæ tutelæ factò ad tuendam propriam, vel proximi vitam tenetur aliquid restituere, & consequenter nequè talis homicidæ hæredes, & ita docent Doctores communiter.

9 Potest interdum contingere, vt seruato moderamine dicto interuenerit in illo aliquis excessus, ex quo damnum aliquod euenit; & in isto casu erit facienda restitutio ad proportionem solius excessus, qui si fuerit leuis, etiam leuis restitutio erit facienda; si verò fuerit grauis, grauem restitutionis obligationem importabit. Comitulus in *Respons. Moral. lib. 4. quæst. 11. num. 6.* Cælestin. in *Compend. Theol. Moral. tract. 10. cap. 3. num. 3.* Syluius in 2. 2. *quæst. 62. art. 2. Quæritur 3. & alij.* Ratio est, quia restitutio est debita propter iniustam damni illationem; ergò quantò maior, vel minor fuerit talis illatio, maior quoquè, vel minor erit facienda restitutio. Rebell. de *obligationib. iustitiæ, part. 2. lib. 3. quæst. 12. num. 7.* At si qui fuit occisus nihil lucri faciebat, nihil erit restituendum. Diana *part. 5. tract. 4. res. 54.* tamen Lessius de *iusti. lib. 2. cap. 9. dub. 23. à num. 141.* excipit, si quæ in Medicum factæ fuerint expensæ, quæ erunt restituendæ.

10 Iniustus inuasor rerum in notabili quantitate, an possit
ab

ab earum domino occidi, diuersimodè resoluunt Doctores. Alii qui sentiunt, quod si res sint facilis recuperationis per Iudicem, non licet raptorem occidere, quia res non erant amittendæ; & idè si inuasus in isto casu occidat, tenebitur ad restitutionem. Bartol. in l. furem, de Sicarijs, & Nauarra de Restit. lib. 3. cap. 3. num. 413. Idem tenent plures Theologi, & Iuristæ apud Sotum ipsos sequentem lib. 5. de iusti. quest. 1. art. 8. Ratio est, quia ex iniustitia quisquè tenetur grauissimum damnum (quale est ablatio vitæ) non inferre proximo, prò euitando damno leui proprio, quale est carere proprijs rebus per breue tempus, vt contingit, quandò iudicialitèr possunt de facili recuperari, immò esset etiam contrà Charitatem, quæ obligat leue pati damnum prò impediendo maiori proximi. Secùs dicendum est, si difficilima esset recuperatio per Iudicem, in quo casu liceret inuasorem occidere, si alitèr dictæ res saluari non possent. Sic Fernad. loc. cit. & Malder. in 2. 2. tract. 3. cap. 1. dub. 13.

Alij cum Caietano in 2. 2. quest. 64. art. 7. censent, posse aggressum vt iure suo tuendi res proprias, etiamsi sint recuperabiles, necando aggressorem, modò res sint in notabili quantitate. Ego tamen sentio cum Fernandez, & Maldero loc. cit. & hic est notanda propositio 31. intèr cæteras ab Innoc. XI. damnatas quæ dicit: *Regularitèr occidere possum furem prò conseruatione vnius aurei.* Vide etiam infra, num. 18. aliam damnationem quoad hoc.

11 Quid sit dicendum de vulnerante aliquem non lethaliter, sed postea ex tali vulnere decessit, dixi supra, num. 3. Vide ibi.

12 Certum est, non posse maritum interficere vxorem in adulterio repertam; immò contrarium affirmare est damnatum ab Alexandro VII. qui intèr propositiones ab ipso condemnatas posuit num. 19. istam: *Non peccat maritus occidens propria autoritate vxorem in adulterio deprehensam.*

13 Si verò maritus velit occidere adulterum, qui vt se defendat interficit illum, seruato debito moderamine, ad nullam tenetur restitutionem; nam quamuis culpabiliter in tale periculum adulter intrauerit, ius tamen suam vitam tuendi non amisit, maxime si satisfactionem obtulit, seu si veniam petijt, cum nequè maritus in tali casu ius acquisiuerit propria autoritate occidendi adulterum: Lessi. de iusti. lib. 2. cap. 9. num. dub. 21. num. 137.

Verùm ad restitutionem adulterum teneri, quia causam effi-

44 *Interrogatio VI. De homicida suspensio, & fure &c.*
caccem per iniuriam dedit, vt damnum sequatur, tamen si peccato homicidij non peccauerit, ait Rebell. *de obligationib. iusti. part. 1. lib. 3. quest. 12.*

Dictam sententiam Lessij tenent Megal. *in p. 2. lib. 3. cap. 1. quest. 1. n. 10.* quia adulterium est causa remota, & solum occasio, non via ad interfectionem mariti, sed potius adulteri.

14 Rebellus *loc. cit. num. 6.* docet, quod si inuasus potuit suam vitam tueri fugiendo, & non fugit, sed occidit, tenetur damna reficere. Sed non teneri putant Lessi. *ubi supra, num. 136.* & Molina *de iusti. tom. 4. tract. 3. disp. 8. cum alijs.* Ducuntur, quia non fugiendo, vel aliter non declinando peccauit contra Charitatem, non autem contra iustitiam, inuasor enim ius nullum obtinuit, quo illum ad declinandum obligaret.

15 Ex homicidio casuali, & inculpabili nulla oritur restitutionis obligatio, quia nullum interuenit peccatum contra iustitiam, prout docent Doctores communiter.

16 Ex homicidio facto in duello sequitur debitum restituendi. Ita absolute tradunt Turrianus *in 2. 2. D. Thome, tom. 2. disp. 28. dub. 4. num. 12.* Peregrin. *tract. de Duello, quest. 30. num. 4.* Megal. *in 1. 2. lib. 3. cap. 1. quest. 1. num. 13.* & alij.

Sed Rebell. *de obligationib. iustitia, part. 1. lib. 3. quest. 12. num. 8.* Villalob. *in Summa, tom. 2. tract. 11. difficult. 24. num. 1.* Syluius *in 2. 2. quest. 62. art. 2. Quaritur 3.* & plures alij asserunt tunc obligationem restituendi ob occisionem factam in duello, quando prouocatus occiditur, quia contra voluntatem ipsius fuit inuitatus; secus si prouocans remaneat interfectus, nam sponte vocauit illum ad se interficiendum si praualebit, & sic scienti, & volenti iniuriam non intulit; & similiter ob istam rationem neuter ex daellantibus tenebitur restituere, si æquè se inuicem prouocarunt; peccant tamen mortaliter cum incurusione excommunicationis, & pœnarum duellantium.

17 Si Titius fecit homicidium, quod fuit imputatum Caio, qui propterea suspenditur, Titius non tenetur aliquid restituere pro dampnis Caio sequutis, dummodò Titius non fecerit homicidium, vt Caio imputaretur, nec fore ei imputandum prauiderit. Sic Doctores communiter, quia nullam iniuriam Titius in hoc casu intulit Caio. Si verò Titius prauidit damnum euenturum Caio, peccauit contra iustitiam, ideòque ad restitutionem teneri,

ri, vult Azorius *Instit. Moral. part. 3. lib. 5. cap. 3. quæst. 10.* At non peccare Titium contra iustitiam, adeoque non teneri ad restitutionem dicunt Lessius *de iusti. lib. 2. cap. 9. dub. 10. num. 110. & seqq.* & Sanch. in *Opusc. tom. 1. lib. 1. cap. 4. dub. 5. num. 9.* Ducuntur, quia quando ex aliqua actione non sequitur damnum, tertio ex natura eiusdem actionis, nec ut plurimum, sed ex malitia, vel ignorantia, ac per accidens, non tenetur ex iustitia, sed tantum ex Charitate, qui talem actionem ponit, cauere damnum tertio euenturum, quapropter ad restitutionem non tenetur.

Sic quamuis Sotus *de iusti. lib. 4. quæst. 6. art. 3.* Layman *lib. 3. sect. 5. tract. 3. part. 3. cap. 6. num. 3.* & alij asserant, teneri ad restitutionem Sempronium vendentem scopletum Liviio ea intentione, ut occidat Paulum, quia actus humani sumunt suum effectum specificum ex intentione; tamen id negat Lessius *loc. cit.* quia intentio non reddit iniustum opus de se non tale, nisi alias ex circumstantiis tale fiat.

18 Circa prædicta *sub num. 10.* extat propositio *num. 32.* inter damnatas ab Innocentio XI. posita dicens sic: *Non solum licitum est defendere defensione occisiva, qua actu possidemus, sed etiam ad qua ius inchoatum habemus, & qua nos possessuros speramus.*

19 Quamuis absque culpa domini mancipium commiserit homicidium, nihilominus ipsum dominum teneri ad restitutionem videtur per *L. si servus, ff. de noxalib. action.* & per *cap. de iniurijs, & damno dato.* Verum Petrus Navarra *de restit. lib. 2. cap. 1. n. 38.* & Lessi. *de iusti. lib. 2. cap. 9. dub. 17. num. 119.* censent dictas leges neque iure positivo ante Iudicis sententiam obligare in conscientia, cum videantur spectare ad solum forum externum, neque aliter esse in usu.

20 Modus homicidij, ut v. g. atrocitas, non obligat ad plus restituendum, quia restituendi ratio est damnum sequutum, quidquid sit de tali modo: Azori. *Instit. Moral. part. 3. lib. 5. cap. 3. quæst. 3.* ita docet contra Sotum *de iusti. lib. 4. quæst. 6. art. 3. ad 3.*

21 Hæredes homicidæ tenentur tum damna, cum alia debita soluere; & similiter tenetur Fiscus, si bona homicidæ fuerint publicata. Ità Aragon. in 2. 2. *D. Thom. a, quæst. 62. art. 2. ad 1.* & Sanch. in *Sum. tom. 1. lib. 2. cap. 22. à num. 74.* Quære omnino infra, *num. 27. V. Inter. 2. num. 28. & V. Inter. 34. num. 14.*

46 *Interrogatio VI. De homicida suspensio, & fore &c.*

22 *Expensæ moderatæ pro sepultura occisi non sunt solvendæ ab homicida, quia cum essent faciendæ de bonis illius quando morietur, consequenter non fuit damnificatus quoad illas. Sic DD. citati contra Nauarrum in Summa, cap. 15. num. 22.*

23 *Homicida non tenetur aliquid restituere ijs, quos occisus ex liberalitate, vel titulo elemosynæ sustentabat, vel aliquid tribuebat, licet sint cognati. Ratio est, quia id nullo iure illis debebatur, ut suppono, nequè occidens fecit eo animo, ut illos talibus beneficijs priuaret, iisdemque tale damnum inferret. Ita Salon. in 2. 2. quæst. 62. art. 2. controuers. 7. Sotus de iusti. lib. 4. quæst. 6. art. 3. Molin. de iusti. tom. 4. tract. 3. disp. 83. num. 6. & alij contra Nauarrum de restit. lib. 4. cap. 1. nu. 76. Valq. Opusc. de restit. cap. 2. §. 3. dub. 7. num. 24. & alios, qui asserunt teneri, ducti à pari de obligatione restituendi ei, quem quis impedit, nè consequatur Beneficium, saltèm ad proportionem spei, quam habebat ad illud habendum. Sed Authoribus huius secundæ sententiæ respondetur, paritatem eorum non currere, quia spes ad Beneficium fundatur in aliquo iure acquisito; è contrà verò in habentibus ex liberalitate nullum ius habent, ut asserunt docentes primam sententiam.*

24 *Damnum illatum ab homicida habente vxorem, filios, & creditores, istis est prius restituendum, quia est debitum ex iustitia; quod autem restitui debet filijs, & vxori occisi, intelligitur restituendum deducto ære alieno. Molina ubi suprà, & Layman lib. 3. sect. 5. tract. 3. p. 3. cap. 6. num. 4. Vide tamen dicenda infrà, num. 27.*

25 *Tannerus tom. 3. disp. 4. quæst. 6. dub. 4. num. 116. & 121. & Faber de restit. in 4. dist. 15. quæst. 3. disp. 52. cap. 2. num. 72. tenent homicidam esse obligatum restituere filijs occisi, quamuis ipse occisus omnia remiserit occisori. Sed contrarium docent alij, quia interfector nullam filijs fecit iniuriam in bonis temporalibus, nisi quatenus læduntur in patre contrà huius voluntatem, qui si remittat, ius nullum in filijs remanet. Benè verum est, quòd sic remittens laudabiliter, nec prudentèr faceret, si filij egent; tamen in foro conscientiæ valebit remissio, dummodò lex aliqua positua non obstat quoad totam, vel quoad partem remissionis, tunc enim remissio tenebit iuxta legis restrictionem, seu determinationem.*

26 Alia vide in mea *Arbore omnium Opinionum*, tom. 3. verb. *Homicidium*, num. 80.

*An per condemnationem homicidæ, vel furis ad mortem,
compensata censeantur omnia damna
ab ipsis illata.*

27 Hæredes homicidæ damnati ad mortem tenentur homicidij damna, idest ex homicidio sequuta refarcire, quia Iudex non punit, vt parti offensæ satisfaciatur pro damnis, sed solum in iustam vindictam iniuriæ irrogatæ Reipublicæ, & Legibus, & in aliorum terrorem. Ità Sanchez in *Opusc. tom. 1. lib. 1. cap. 4. dub. 1. num. 2.* Gordon. *tom. 1. lib. 5. quæst. 4. cap. 4. num. 17.* & alij. Limitatè tamen hæc sententia procedit, nempe dummodò bona damnati fuerint hæredibus relicta titulo liberi legati; non autem si per hæreditatem, siue per hæreditariam successionem hæredibus competant. Sic docent Aragon. in 2. 2. quæst. 62. art. 2. & Fernand. in *Exam. Theol. Moral. part. 1. cap. 14. §. 1. num. 16.*

Probabilitate tamen non caret opinio excusantium hæredes homicidæ ab obligatione restituendi damna homicidij, quando homicida fuit ad mortem sententiatus, quia per talem mortem compensatur omnis iniustitia, omneque damnum. Hanc sententiam tenent Rosella in *Summa, verb. Restitutio* 3. Bannez de *iusti. & iure*, in 2. 2. D. Thoma, quæst. 62. art. 2. Lessius de *iusti. lib. 2. cap. 9. dub. 22. num. 139.* & alij.

At circa prædictas opiniones aduertendum est, ambas procedere de damnis ex solo homicidio prouentis, pro quibus restitutio ab hærede homicidæ faciendâ, vel non faciendâ est, sed cum bonis, quæ propria erant damnati ad mortem, non verò de ijs non proprijs illius, vt sunt bona obligata creditoribus, seu furata, ista enim sunt ab hærede restituenda, & omnia debita suspensi in patibulo sunt soluenda. Igitur ex dictis constat quid sit, vel non sit restituendum ab hærede furis, & homicidæ ad mortem si damnentur. Vide *suprà*, num. 21. & *Int. 2. num. 28.*



INTERROGATIO VII.

An omnia teneatur restituere Pater filij, qui impuber à domo paterna fugerat, & post annum adhuc impuber domum est reuersus cum facultatum copia ignorantèr furatarum, cum quibus idem Pater copiosam sibi construxit mercium negotiationem, quam per longum tempus nesciens esse furatas exercuit?

PErgebam è Ciuitate Goritiana ad Ciuitatem Vtinensem propè quam, & extràeam duò circitèr milliaria ad carceres ducebatur cum eius filio quidam mercator, qui olim valdè pauper publicè notus cùm esset, omnibus in admiratione erat, quomodò ad tantam bonorum prosperitatem repentinè deuenisset, quare apud Iudicem fuerat accusatus, quòd ex furatis sibi tam pinguem fortunam fecerit, non quidem quia ipse manibus suis aliena raperit, sed quia eius filius clam à latrone paruulus impuber raptus, seu etiam voluntariè à paterna domo discessus, latroni seruiuit ingrediendo angustia, quæ idem latro in domibus, vel apothecis faciebat foramina, per quæ extrà porrigeret, quidquid intùs furripere posset, quamuis id non licere (quod incredibile videtur) paruulus ignoraret. Defuncto postmodum ex improviso in hospitio, in quo continuè degebat, eodem latrone omnibus uti tali ignoto, puer qui secum erat nundum septem annorum, factus, putatus proprius defuncti, copiosas quas latro de venditis furtis habebat pecunias sibi accepit, atquè cum istis ad patrem redijt dicens, se hætenùs inseruisse cuidam domino, quo mortuo illas habuit. Credidit filio pater, qui putans tales pecunias fuisse à Domino eidem ritè relictas, cæpit cum istis negotiari, simulque cum propria industria non paucas obtinuit diuitias. Hinc qualiter per filium eius Pater olim in paupertate, nunc in diuitijs sit, voluit quidam parùm dicti Patris amicus plenè scire, atquè ideò exactè interrogauit filium, qui in simplicitate omnia expressius quàm Patri narrauit, & sic de factis certioratus idem interrogans, nouit ex furtis patrem sibi diuitias cumulasse, quem propterea apud

Interrogatio VII. De Patre factio diuite per Filium &c. 49
apud Iudicem accusauit, ac proinde tùm pater, tùm filius ducebantur ad carceres.

Reuersus sum Goritiam, vbi per aliquot menses moram feci, vbi audiui prædictos patrem, & filium fuisse repertos innocentes ratione veræ ignorantiae, quòd ex furtis fuerint pecuniae à filio delatae patri, qui cum illis vnà cum propria industria negotiationem exercuit, vnde & diues æuasis, quare in disputatione erat inter Theologos, & Iurisperitos, quid in hoc casu esset prò vtroquè foro resoluendum, de quo ego quoquè quid iudicarem fui interrogatus?

Responsio oretensis data cursim.

1 Respondi: Certum est, totam negotiationem Patris, vt in casu, fuisse exercitam cum pecunijs ab initio furatis, sed non talibus scitis, prout supponitur; & idèò detecta veritate nemo iure negabit quin ex natura rei sint restituendae dominis rerum, ex quibus per venditionem earum à fure factam fuerunt acquistae, exceptis industriae fructibus.

2 Dicta restitutio in casu nostro esset facienda iuxta regulas possessorum bonae fidei, qui si res sic possessas consumpserunt, tenentur restituere tantum id, in quo facti sunt locupletiores. In praesenti tamen casu, cum res bona fide à Patre possessa consistat in solis pecunijs, cum quibus ille nihil antè habens factus est diues, consequenter videtur teneri restituere omnia, nempe & pecunias extantes, licet non materialiter easdem; & etiam id, in quo factus est ditior, exceptis lucris propriae industriae, nisi etiam dominus rei ea percepisset.

3 Sed quia si mercator de quo agimus deberet omnibus, vel ferè omnibus rebus restituendo se priuare, infamiam, & grauissimum damnum pateretur, propterea posset excusari à restitutione, saltè ex parte iudicio pij, & prudentis viri, atquè etiam ex toto si dominus ignoretur, & accedat Papae compositio, ex vi Bullae Compositionis, quae est de rebus malè ablatiis, ac incertis, quarum domini nequeunt inueniri, prout est in casu nostro, sicuti nequè eorum haeredes, vnde prò illorum animabus per pia opera restitutio esset facienda. Summus autem Pontifex vtpotè administrator rerum etiam temporalium ad bonum animarum faci-

50 *Interrogatio VII. De Patre factō diuite per Filium &c.*
cientium, potest de illis disponere; & idē in præsentī casu cen-
seo esse omninō necessarium ad Sedem Apostolicā recurrere,
cū prædictus parens antē pauper, imō & mendicus, nunc
verō diues factus sit per negotiationem pecuniarum ipsi à filio de-
latarum, sed eidem filio non competentium, quia nec filius (ut
putabatur) erat proprius defuncti ignoti latronis, nequē istius
erant propriæ, sed obnoxie restitutioni incertis dominis quoad
quid, seu quantum illarum.

Responsio latè scripta:

4 Casus suprapositus cū totus sit de possidentibus bona fide,
nullatenus spectat ad externum forum Ecclesiasticum, seu laical-
lem, ac propterea nec pater, nec filius poterant carcerari, sed
ad solum forum Confessarij erant dimittendi, detecta veritate
possessionis rei alienæ. Ratio est, quia qui rem alienam bona
fide, ac ignorantia inuincibili putatam propriam possidet, nul-
lum crimen nec coram Deo, nec coram hominibus committit,
ut affirmant Doctores communiter. Verum accedente postea co-
gnitione, rem esse alienam, tunc insurgit obligatio restitutionis,
attentis circumstantijs iuxta iudicium docti, ac prudentis Con-
fessarij.

5 Sed dubium esse posset de filio, an à Iudice puniri possit
tanquam fur, aut ut cooperator ad furta domini sui, à quo per
angusta foramina immittebatur ad accipiendum quicquid posset;
at censeo esse negativè dicendum, quia lex præsumit usum ra-
tionis non adesse in eo, qui ad septennium non peruenit, & talis
erat puer in casu nostro, quem quasi similem dicerem malitiæ
cuiusdam mihi antiquitus noti, qui fune ligato se, hunc per
fenestram demittebat in locum, in quo quædam laundara plu-
res tenebat pannos lineos lotos, quos felis vnguibus arripiebat,
dum se per collum in altum ad fenestram trahi sentiebat, sicque
quæ rapere poterat foras portabat ignorans malitiæ, qua igno-
rantia supponitur quoque laborasse puerum nostri casus, pro-
portione seruata, idest seruatis seruandis in dicta paritate, quia
etiam puer habebat ignorantiam inuincibilem, quæ dari potest
circa præcepta legis Ciuilis, & naturæ, licet dari non possit de
principijs vniuersalissimis, vel per se notis, etiam pro modico
rem-

Interrogatio VII. De Patre factio diuite per Filium &c. 51

tempore, in vteute tamen ratione, qua vti non præsumitur puer antè septennium. D. Thomas in 1. 2. *quæst.* 94. *art.* 2. Pascherin. in lib. 1. *Sexti Decretal. cap. ut Animar.* 2. de *Constit. quæst.* 1. *art.* 10. Sanch. in *Opusc. Moral. lib.* 1. tom. 1. *cap.* 16. num. 33. & Sayr. in *Clavi Regia, lib.* 2. *cap.* 9. num. 17. Principia autem vniuersalissima; & per se nota sunt, v. g. *Bonum est faciendum; malum est vitandum &c.*

6 Igitur præsens casus examinandus, & resoluendus est à doctoro, & prudenti Confessario quoad obligationem patris facti diuitis per negotiationem pecuniarum ab eius filio ei delatarum, iuxta prædictas circumstantias; quare interrogatus ego, quid sit dicendum, censeo esse resoluendum sic.

Pecuniæ concessæ puero putato filio defuncti latronis, & consequenter tanquam illius hæredi, nullo iure competeabant ei, siue sint de congregatis per furta, siue aliter iuste aliunde acquisitæ, quia verè dictus puer hæres non erat, immò si nullatenus ad latronem spectabant, prò anima cuiuscunque illarum domini, prout Deus scit, tanquam incertæ erant in pios vsus impendendæ, vt dicam infra, & sic in omnium Doctorum sententia tenendum est. Vide infra, num. 16.

7 Ista obligatio fuit tota deuoluta in patrem, nequè ab illa adimplenda excusatur, quamuis de præterito tales pecunias crediderit esse proprias, utpotè à Domino filij datas illi, vt iste asseruit patri, qui propterea antè detectionem veritatis fuit semper possessor bonæ fidei, quæ quandiu durat in possidente, iste nec peccat, nec ad restituendum tenetur, vt docent DD. communiter, addentes tunc teneri, & quidè data prima opportunitate, postquam cognouit rem non esse suam, quia inuito domino res aliena retineri non potest, sed est liberè restituenda, scilicet sine pretij petitione. *l. mater tuâ, 3. & l. si mancipium, 23. C. de rei vindic.* æquum enim non est, quòd dominus rem suam emat.

8 Et quia in præsentī casu res bona fide possessa consistit in pecunijs a filio patri suo delatis, istæ si extant sunt in specie restituendæ domino, vel eius hæredibus, qui si non sciantur, restitutio faciendæ est pauperibus ex præsumpta rationabili domino voluntate. Rebell. de obligationib. iustitiæ, part. 1. lib. 2. *quæst.* 12. *sect.* 1. Nauarra de rest. lib. 4. *cap.* 2. dub. 7. num. 59. Salon. in 2. 2. *quæst.* 62. *art.* 5; controuers. 5. & alij, & talis est consuetu-

52 *Interrogatio VII. De Patre factō diuite per Filium &c.*
suetudo communiter recepta, si facta diligentia non potest dominus reperiri, ut est in casu nostro.

9 Tamen iam non extare dictas pecunias constat, eò ipso quòd per longum tempus cum ipsis fuit bona fide incerta, & etiam exercita negotiatio, vnde de præsentī sunt consumptæ, qui, autem alienam rem bona fide consumpsit, non tenetur restituere aliquid, nisi id in quo factus est ditior. Sic docent aliqui, quos citat, & sequitur Sanchez in *Sum. tom. 1. lib. 2. cap. 23. n. 34.* & prò hac sententia stant etiam Lessius de *iusti. & iure, lib. 2. cap. 14. dub. 5. num. 29.* Rebell. de *obligationib. iusti. part. 1. lib. 2. quest. 3. n. 3.* Philarch. de *offi. Sacerdot. tom. 2. part. 2. lib. 6. cap. 18.* quatenus asserunt, eumentem, & vendentem rem furtiuam bona fide eodem pretio, nihil teneri restituere domino, quia in nihilo factus est locupletior; & sic iuxta istam sententiam restitutionis obligationem non habet in nostro casu pater, qui bona fide consumpsit pecunias, cum quibus licet factus sit ditior, nihilominus nihil tenetur restituere de acquisitis, quia quæ acquisiuit non sunt fructus rei, sed propriæ industriæ, & huiusmodi industriæ fructus non sunt obnoxij restitutioni, ut tradunt Molina de *iusti. tom. 3. tract. 2. disp. 721. num. 10.* & alij, dummodò tales fructus industriæ ipse quoque dominus rei percepturus minimè fuisset.

10 Cæterum ut enucleatius, & securius prò conscientia præsentem casum resoluam, obseruo distinctiones à Doctoribus ad rem nostram adhibitæ. *Primò*, vel certum est, quòd pecuniæ à filio patri allatæ erant propriæ furis defuncti. *Secundò*, vel certum est, quòd erant permixtæ cum alijs pecunijs proprijs eiusdem furis. *Tertiò*, vel dubitatur à patre bonæ fidei possessore, an sint furtivæ. *Quartò*, vel certum est, quòd sunt furtivæ. *Quintò*, vel sunt iam consumptæ.

11 Hinc si *primum* dicatur, certè domino, vel isto defuncto, huius hæredibus sunt restituendæ in indiuiduo, si extant eadem pecuniæ. At si nec dominus uiuat, nequè sciatur quinam sint illius hæredes, nequè facta diligentia sciri possint, tunc restitutio fieri debet in pios vsus, nisi bona fide consumptæ sint, & in nihilo, qui eas consumpsit, factus sit ditior, in isto enim casu non tenetur aliquid restituere. Diana *part. 2. tract. 15. res. 11.* & alij.

12 Si *secundum* dicatur, nempe quòd pecuniæ allatæ à puero erant

erant commixtæ à fure partim furtiuæ, & partim propriæ, ita ut à proprijs nequeant alienæ discerni, tunc si bona, aut etiam mala fide totam, vel partem summæ pecuniarum donasset puero, & iste detulisset patri, iste nihil teneretur restituere, quia per mixtionem consumptioni æquivalentem fur factus est dominus, vnde non apparet cur pater ad restitutionem teneatur rei à donatore tanquam suæ puero donatario datæ. Ità Sanchez, & alij, quos cum illis sentiens refert Dicastill. *lib. 2. tract. 2. d. 9. n. 186.* contra Petrum Nauarram, addentes tamen, totam obligationem restituendi esse in fure, si possit cum alijs bonis suis, quamvis nolit; at si non possit, tunc dicta obligatio remanet in donatario, quia causâ istius fur factus est impotens, quæ impotentia imputanda est eidem donatario, ut ait Sanchez *loc. cit.* Sed circa hoc Thomas Tamburin. in *Decal. lib. 8. tract. 3. §. 4. num. 26.* ait, esse probabilem sententiam Molinæ, Lessij, & Salas penes Palaum, de *iusti. commut. disp. 1. punct. 14.* scilicet nullam obligationem dari in donatario, si non induxit dictum furem ad donandum, sed tantum accepit; id tamen docet Molina cum quadam animadversione apud Cardin. de Lugo de *iust. disp. 20.*

Quod si in casu nostro non interuenit donatio modo prædicto, sed tantum pater accepit bona fide pecunias ipsi delatas à filio, putans fuisse illas ei ritè relictas, cum quibus negotiationem exercendo diuitias obtinuit per propriam industriam, non verò tanquam fructus proprij pecuniarum bona fide consumptarum, vnde ex istis non est factus ditior, quia fructus industriæ per rem furatam sunt ipsius furis, & multo magis fiunt proprij illius, qui rem furtiuam bona fide habens, eam consumpsit per eandem in nihilo factus ditior, sed solum per suam industriam; indè venit dicendum, ad nullam restitutionem teneri patrem in præsentî casu eò ipsò quod bona fide pecunias consumpsit si per eas non sit factus ditior; vel si cum suis pecunijs mixtionem consumptioni æquivalentem fecerit, per quam mixtionem, seu consumptionem in nullo factus ditior qui bona fide fecit, factus est dominus rei per Vasq. de *reft. cap. 9. §. 2. dub. ult.* & alios, remanente obligatione restituendi pecuniam statim ac fuerit detectum esse furatam, & quidem in specie si extet, & discerni possit, vel similem, siuè æquivalentem, si quæ furata fuit habeatur permixta cum propria, ita quod in cumulo redacta nequeat discerni.

54 *Interrogatio VII. De Patre factio diuite per Filium &c.*

13 Si tertium dicatur, videlicet, an pater possessor bonæ fidei postea dubitet an res, seu pecuniam possessa sit sua quia fortasse uti propria furis peruenit ad filium, qui qualiter eam habuerit exprimere nescit, nempe an ex voluntate defuncti aliàs cauponi expressa dum in illius caupona ad mortem infirmus aliquandò degebat; vel an ex aliquo alio motiuo dubius sit, in tali casu tenetur diligentè inquirere veritatem, quòd si adhibità diligentia dubium tolli nequit, potest retinere rem, seu pecuniam, quam si consumpsit, non est postea obligatus aliquid restituere, nisi id in quo factus est ditior. Ità docet Noster Gabriel à S. Vincentio de iusti. & iure, disp. 5. quæst. 8. num. 55. & num. 373. addit, Possessorem bonæ fidei non teneri restituere fructus, quos bona fide consumpsit.

14 Si quartum dicatur, scilicet esse certè furtiuas, constat ex dictis supra num. 11. quid sit resoluendum.

15 Si quintum dicatur, patet responsio ex traditis supra, dicto num. 11.

16 Vltimò obseruo, quòd cum pater in casu præsentì acceperit à filio sinè delicto, sed bona fide pecuniam restitutioni obnoxiam, sed cui debeat ignoret, quamuis debitam adhibuerit diligentiam inueniendi dominum, probabile est, non teneri eam pauperibus dare, sed posse sibi retinere; ut docet Petr. Nauarr. quem sequitur Layman, & idem asserit Lessi. de iusti. lib. 2. cap. 14. dub. 7. num. 48. quam sententiam esse tutam in praxi ait Diana part. 2. tract. 3. ref. 5. Tamen plerique cum D. Thoma sentiunt esse magis pium, & practicè suadendum, huiusmodi bona incerta esse danda pauperibus. Ità notat Busenba. in Medull. lib. 3. tract. 5. cap. 2. dub. 5. num. 1.

Nihilominus censeo casum istum esse prorsus resoluendum, quòd pater compositionem faciat cum Summo Pontifice, apud quem est potestas distribuendi omnia bona spiritualia Fidelium, qualia sunt etiam illa, quæ utpotè incerta essent Ecclesiæ, siue pauperibus, ut in pia opera eroganda, tuncque tuta conscientia poterit pater omnia retinere. Sic colligo ex Nostro Andrea à Matre Dei de iusti. & iure, tract. 12. cap. 2. punct. 8. §. 2. num. 85.

INTERROGATIO VIII.

*An validè, & licitè, ac sine censura incurfione quis
Baptizauerit absquè Parochi licentia, & cum
verbis istis: Te Baptizo in nomine
Dei Vnius, & Trini.*

IN quodam Istriæ Rure receptus ad hospitandum fui hora circiter secunda post solis occasum à dicti Ruris Parocho, in cuius Ecclesia eo die suam primam Missam celebrauerat quidam modernus Sacerdos. Post prandium discesserat Parochus, reuerfurus tamen antè noctem. Dùm aberat, parentes pridè nati infantis, ex deuotionis motiuo ergà nouum Sacerdotem, hunc rogauerunt, vt eorum filio Baptismum conferret: Annuit imperitus Sacerdos, & solemniter Baptizauit cum hac forma: *Te Baptizo in nomine Dei Vnius, & Trini.* Reuerso Parocho factum narrauit quidam satis doctus Clericus, prætendens nullitatem Baptismi, & incurfionem censuræ ob vsurpatam iurisdictionem à finè Parochi scitu Baptizante: Quare quid mihi videbatur dicendum de hoc casu fui interrogatus.

Responsio oretenùs data cursim:

1 Respondi: Quatuor dubia continet propositus casus. *Primum* est, an licitè se gesserit modernus Sacerdos, tum sub dicta forma Baptizando, tum absquè Parochi facultate. *Secundum* est, an validè cum dicta forma Sacramentum Baptismi contulerit. *Tertium* est, an censuram, seu irregularitatem contraxerit Baptizans sinè licentia Parochi proprii ipsius baptizandi. *Quartum* est, an peccauerint parentes petentes Baptismum à non Parocho filij.

2 Quoad *primum* dico, certum esse, quòd illicitè, & cum graui peccato se gessit in nostro casu Sacerdos vtens forma contrà vsum Ecclesiæ, (quidquid sit, quòd fuerit, vel non fuerit apta.) Item assero lethalitèr peccasse eundem Baptizantem non habita Parochi facultate nequè expressa, nequè rationabilitèr præsumpta; nisi fortè ignorantia iuris, & facti omnes coràm Deo à culpa

culpa excuset. Videantur quæ dicam *infra*, num. 15.

3 Ad *secundum* respondeo, Baptismum fuisse nullum, supposito quod non fuerint expressæ tres personæ, dicendo *in nomine Patris, & Filij, & Spiritus Sancti*, quamvis implicite intelligi possint per verba: *In nomine Dei Vnius, & Trini*.

4 Ad *tertium* assero, Baptizantem etiam extrâ necessitatis casum sine proprij Parochi licentiam filium, seu quemcunque nullam incurrere censuram, nequè irregularitatem, licet non defuerit, qui doceat fieri irregularem.

5 Ad *quartum* affirmo peccasse grauiter parentes infantis petentes à Sacerdote non proprio illius, vt istum Baptizet nulla habita facultate à proprio Sacerdote, nam ab isto rem in materia graui illicitam petunt, & volunt.

Responsio latè scripta:

6 Quia in suprà data mea responsione oretens dixeram inualidum fuisse Baptismum à præfato moderno Sacerdote collatum sine expressione *Patris, & Filij, & Spiritus Sancti*, quæ fuit ipse à quodam Sacerdote, communiter habito præ docto Theologo Morali, necnon in Canonum scientia versato, an contra meam responsionem sustineri possint, validum esse Baptismum, prolatis præ forma his verbis: *Te Baptizo in nomine Dei Vnius, & Trini*. Huius Theologi responsio mihi Venetias missa, fuit ista.

Prò validitate Baptismi à nouo Sacerdote ministrati cum verbis: *Te Baptizo in nomine Dei Vnius, & Trini*, videtur facere, quod Sacramentorum forma non variatur utendo nominibus idem significatum formale habentibus, prout videntur significare *Patrem, & Filium, & Spiritum Sanctum* verba, in nomine Dei *Vnius, & Trini*.

Item, quia in libro *Act. Apostolor. cap. 8.* dicitur, quod viri, & mulieres Baptizabantur in nomine Christi; ergo à fortiori valebit Baptismus in nomine Dei *Vnius, & Trini*; & hoc conforme est Concilio Florentino, quod definit formam sufficientem ad Baptismum esse illam, in qua exprimitur actus baptizandi cum Sanctæ Trinitatis inuocatione, sicque huiusmodi forma censi potest adhibita in verbis: *Te baptizo in nomine Dei Vnius, & Trini*. Ad hæc responsionem expecto &c.

Igitur statim respondi vt sequitur.

7 Poterat Dominatio Tua præ se adducere Caietanum, quæst.

quæst. 66. art. 5. credentem formam Baptismi sufficere traditam per nomina denotantia Diuinas personas quamuis non expressas cum nominibus *Patris, & Filij, & Spiritus Sancti*. Verum licet huius Authoris opinio daretur esse speculatiue probabilis, nullatenus tamen est talis practice, vt asserit meæ Religionis Salmanticensis Collegium *tom. 2. tract. 6. disp. 2. num. 124.* & idem dicunt alij.

8 Hinc assero esse omnino tenendum, quod de necessitate Baptismi debeant adhiberi expressè verba, *in nomine Patris, & Filij, & Spiritus Sancti*. Ita D. Bonauentura *in 4. dist. 3. art. 2. quæst. 3.* Scot. *quæst. 2. art. 3.* & ibidem Richardus, Paludan. *quæst. 1. art. 3. num. 16.* Durand. *quæst. 2.* Antifiodorensis, Alexander Alensis, & Marsilius penès eos sequentem Suarez *disp. 21. sect. 4. Ledesma cap. 4.* Nuñus *quæst. 66. art. 5. diff. 6.* Filliuci. *cap. 3. 4. 9.* Palaus *disp. unic. punct. 5.* Dicastill. *disp. 1. dub. 6. num. 120.* & alij plures. Idem docet Gabriel *art. 2. conclus. 4. & art. 1. dub. 1.* dicens omnes Theologos, Iurisperitos, & Summistas hanc sententiam tenere.

Sic sentit etiam D. Thomas *quæst. 66. art. 5.* quia in vnoquoque idiomate sunt communiora, & vsitatoria verba, quibus res significantur, & cum istis Christus instituit formam Baptismi, clarum est enim quod communiora, & magis vsitata nomina, quibus tres personæ Diuinæ solent denotari, sunt *Pater, Filius, & Spiritus Sanctus*, sub quibus in Euangelio Matthæi, *cap. ultimo*, Baptismi forma traditur, non autem sub alijs quamuis aliquali-ter æquiualentibus; & ided licet dicatur formam Sacramentorum non variari adhibendo alia verba idem formalitèr significantia, tamen esset excipienda forma Baptismi vtpote expressissimè determinata à Christo Domino, quando Apostolis imposuit, vt populis prædicarent, *baptizantes eos in nomine Patris, & Filij, & Spiritus Sancti*. Matth. *loc. cit.*

9 Sic quoque habetur ex Concilia Florentino sub Eugenio IV. & ex Concilio Lateranensi sub Innocentio III. quæ Baptismi formam assignant cum expressione *Patris, & Filij, & Spiritus Sancti*.

10 Sic præscriptum habetur in *can. 48.* (aliàs 49.) Apostolorum, vt conferatur Baptisma *in nomine Patris, & Filij, & Spiritus Sancti*.

11 Denique sic esse faciendum constat ex usu vniuersali Ecclesiæ Latinæ, ac etiam Græcæ, & quia iuxta sententiam tutiorem sunt conferenda Sacramenta, ut dicam *infra*, num. 15.

12 Propterea communis Doctorum sententia est, esse mortale peccatum, si in forma Baptismi non exprimat *Pater, & Filius, & Spiritus Sanctus*. Ratio est, quia omitterentur verba tradita à Christo, & quidem contra Ecclesiæ consuetudinem. Item quia vteretur formâ incertâ cum periculo faciendi Sacramentum inualidum; adeoque esset sub conditione rebaptizandus baptizatus sine expressione Patris, & Filij, & Spiritus Sancti.

13 Nec intentum probant verba allata ex cap. 8. *Ath. Apostolor.* nempe quod in nomine Christi baptizabantur viri, & mulieres; nam dicendum est cum Catechismo Pij V. quod de lege ordinaria iam non valet, nec vnquam valuit Baptismus in nomine tantum Christi; propterea in cap. *Multi sunt, de Consecrat. dist. 4.* Pelagius Papa dicit, *Baptismum datum solummodo in nomine Christi, esse nullum*. At si dicatur Apostolos aliquando Baptizasse in nomine tantum Christi, asserendum est id fecisse ex singulari reuelatione, & priuilegio. Bene verum est, quod certum non est, Apostolos non nominasse alias personas, & eadem formâ, quam Dominus noster seruari mandauerat, scilicet in nomine Patris, & Filij, & Spiritus Sancti.

Ad rem præsentem faciunt tradita ab eodem Catechismo cap. de Baptismo, ex Ambrosio, & Basilio his verbis: *Quod si etiam aliquando tempus fuisse dicendum est, quod Apostoli in nomine tantum Domini Iesu Christi baptizarent, id quidem Spiritus Sancti afflatu eos fecisse, exploratum nobis esse debet, ut initio nascentis Ecclesiæ, Iesu Christi nomine prædicatio illustrior fieret, diuinaque, & immensa eius potestas magis celebraretur &c. Quamquam Diuinum fortasse videri potest, an huiusmodi formâ Apostoli aliquem baptizauerint, si Ambrosij, & Basilij Sanctissimorum, & grauissimorum Patrum auctoritatem sequi volumus, qui ita Baptismum in nomine Iesu Christi interpretati sunt, ut dixerint, his verbis significari Baptismum, non qui à Ioanne, sed qui à Christo Domino traditus esset; tametsi à communi, & usitatâ formâ, quæ distincta trium personarum nomina continet, Apostoli non discederent. Atque hoc loquendi genere Paulus etiam in Epistola ad Galatas usus videtur, cum inquit; Quicumque in Christo Baptizati estis, Christum induistis, ut significaret in Fide Christi,*

Christi, nequē aliā tamen formā, quam idem Saluator, & Dominus noster seruandam praeceperat, baptizatos esse.

14 Ad illud, quod Dominatio Tua prò valore Baptismi assertit ex Concilio Florentino dicente, formam sufficientem ad Baptismum esse illam, in qua exprimitur actus baptizandi cum Sanctæ Trinitatis inuocatione: Respondet Noster Franciscus à Iesu Maria in *Cursu Theologiæ Moral. tom. 1. tract. 2. de Sacram. Baptismi, cap. 3. punct. 4. dub. unic. num. 34.* quòd si locus dicti Concilij inspiciatur, legenti constabit ex paulò antè ibi definitis, qualiter nomine Trinitatis intelligat Concilium ipsas tres personas distinctè expressas; vnde non erit sufficiens forma Baptismi, si dicatur: *Ego te baptizo in nomine Trinitatis.*

15 Censeo me iam satis respondisse obiectionis meo asserto *suprà, sub num. 3.* vbi dixi inualidum Baptismum sine expressione *Patris, & Filij, & Spiritus Sancti*. Quòd si dicas Domine mi, modernum Sacerdotem licitè adhibuisse formam probabiliter sufficientem prò valida Baptismi collatione cum verbis: *Te baptizo in nomine Dei Vnius, & Trini*; ego dico tibi, caue (si non aduertis) nè talia affirmes, vtpotè damnata ab Innocentio XI. prout videre poteris primam propositionum ab ipso condemnatarum asserentem. *Non est illicitum in Sacramentis conferendis sequi opinionem probabilem de valore Sacramenti, relicta tutiore.* Quare cum ceriò teneam, te non fore negaturam, tutius esse prò valore Baptismi exprimere in eius forma nomen *Patris, & Filij, & Spiritus Sancti*, certus quoquē sum, te scriptis meis fore subscripturum.

16 Hactenus dicta à num. 7. usquē ad 15. prò responsione ad epistolam numero sexto *suprà* relata sufficiant; nam ex illis satis probatum remanet, baptizatum in casu nostro esse sub conditione rebaptizandum; & modernum Sacerdotem grauiter peccasse adhibendo modernam formam contrā communem Ecclesiæ vsum in re graui.

Item mortalitèr deliquit Baptismum conferendo sine aliqua licentia proprii Parochi ipsius baptizandi, quamuis inualidum fecerit Sacramentum, perindè enim est talis inualiditas ad abusum, seu vsurpationem alienæ iurisdictionis in re graui, supposito quòd extrā necessitatem infantis mori non periclitantis id præiuliterit. Ità omnes docent, & nominatim N. Franciscus *vbi*

suprà, sed *cap. 4. puncto 4. num. 40.* & præsertim quia in casu nostro fortasse probabiliter fuit validus Baptismus.

17 An autem præfatus Sacerdos alienam ouem absque debita facultate baptizans contraxerit aliquam censuram, vel irregularitatem; negatiue respondeo, quia hæc pœna nullibi reperitur assignata. Sic notant Machado *lib. 4. p. 2. tract. 2. documento 9. num. 4.* Comitulus in *Respons. var. quest. 6. in principio.* N. Francisc. a Iesu Maria *d. num. 40. & alij.* At fieri irregularem censer Armilla *verb. Baptismus, num. 50.* idque probat *ex cap. 1. de Clerico non ordinato ministrante.* Verum in eo capitulo non decernitur hoc, sed tantum illud loquitur de Clerico actum exercente, alicuius Ordinis, quem non habet. Sic quoque Syluester in *verbo Baptismus 3. quest. 1.* asserit irregularitatis expertem esse eum, qui extra necessitatem baptizat aliquam personam, quam iure baptizare non potest; & Sylvestro, ac alijs irregularitatem in dato casu non recognoscentibus etiam ego adhæreo, sicuti neque excommunicationem incurrisse præfatum modernum Sacerdotem cum citatis Doctoribus admitto.

18 Vltimò quoad parentes offerentes prolem suam Parocho non proprio, seu Sacerdoti alieno baptizandam sine licentia proprij, asserendum est peccare grauiter. Ita Layman *lib. 5. tract. 2. cap. 7. num. 2.* & Barbosa *de officio, & potestate Parochi, part. 2. cap. 18. num. 1.* cum alijs.

Si verò tum nouus Sacerdos, tum infantis parentes absente proprio Parocho, de licentia istius licet non expressa, saltè rationabiliter præsumpta in casu nostro fuerint operati, tunc à culpa essent immunes, quia talis præsumptio sufficiens dicitur à Miranda in *Manuali Prælator. tom. 1. quest. 43. art. 1.* & ab Henriquez *cap. 29. num. 2.* & sic solum propter exhibitionem formæ non consuetæ esset peccatum mortale prout *suprà* notauimus.



INTERROGATIO IX.

*An Capellanus pinguem habens litigiosam Capellaniam, si pro huius manutentione redditus omnes in lite pluri-
um annorum expendit, quo tempore nullam
Missam celebravit, teneatur postea omittas
Missas supplere, lite in sui fau-
orem terminata?*

DVm in Cathedrali Ciuitatis Interamnenfis Quadragesima-
lium Concionum cursum peragebam, acceſſerunt ad me
duo Ecclesiastici Doctores, à quibus interrogatus fui, an Capel-
lanus obligatus quotidie celebrare ex Fundatoris institutione
cum assignatione pinguium reddituum, quos quia debuit omnes
insumere in lite pro manutentione suæ Capellanix, propterea à
Missarum celebratione per quindecim annos durationis litis ab-
stinuit: Lite denique in sui fauorem terminata, teneatur ratio-
ne excessus emolumentum, quod in posterum recipiet vltra taxam
eleemosinæ in Synodo pro vna Missa præscriptam supplere omis-
sas, & alios adhibere Sacerdotes, cum id per se ad alias quotidie
obligatus, præstare nequeat?

Responsio oretenus data cursim.

In institutione alicuius Beneficii, vt est Capellania collati-
ua, id est Episcopi autoritate erecta, & idem est de non collati-
ua, scilicet priuata autoritate facta, est semper attendendum,
quibus verbis Fundator vtatur, quia interdum locus erit Episcopi,
seu præsumptionibus mentis dicti Institutoris, interdum non.
Igitur posito Fundatoris dispositionem esse, Capellanum teneri
quotidie celebrare assignato illi copioso emolumento supra ta-
xam communem, vt in omni euentu tot Missas dicat, quot red-
dituum excessus importat, si aliquas omittere contingat, tunc
certè non celebratas supplere teneretur iuxta ratam emolumentum
percepti vltra præscriptam eleemosynam ab Episcopo pro vna
Missâ. Si autem absolute disposuit, Capellanum teneri quotidie
celebrare cum assignatione pinguium reddituum, tunc istis in to-
tum,

62. *Interrogatio IX. De Capellano quoad Missas omiffas &c.*
tum, seu totaliter cessantibus, ac pereuntibus, ad nihil remaneret obligatus; at si solum ex parte desierint, etiam solum ad proportionem fructuum, quos recipiet, numerus Sacrorum complendus erit, & quidem computato excessu solitæ taxæ, nisi censeferi possit liberaliter concessio, prout à prudenti viro iudicabitur; tamen tutius semper erit Fundatori fauere; immò ex obligatione fauendum est in dubio.

2. Ex his infero, quòd cum Capellanus in casu nostro absolutè institutus nihil de redditibus suæ Capellanix litigiosæ vnquam receperit, sed omnes in lite prò manutentione illius infumere, coactus fuerit (& à fortiori cum simul de suo patrimonio ad eundem effectum, vt asserunt expenderit) immunis semper fuit à debito celebrandi Missas, prò quibus nullam habuit elemosynam; nam idem est redditus totaliter perijsse, & totos à lite absorptos fuisse, non enim de proprio, neque de sorte principali, sed de fructibus expensæ sunt faciendæ, qui si omnes prò expensis seruierunt, consequenter de eis, nec de obligatione Capellano remansit.

3. Post litis victoriam, quamuis Capellaniam tantum liberali pingui stipendio dotatam prò quotidiana Missarum obligatione Capellanus nunc pacifice possideat, nihilominus nullo iure, neque ratione dicti pinguis stipendij, quod de præsentis recipit, & in posterum recipiet, obligationem habet supplendi Missas tempore litis omiffas per quindecim annos; alias si supplere teneretur, sequeretur quod non haberet liberè, seu gratis, quidquid posset euenire, pinguem Capellaniam à Fundatore institutam, & vt talem acceptatam, sed aliam ordinariam, quam si nonisset, fortasse non acceptasset, præsertim quia perpetuam; contingere enim poterat vt quoque lis nunquam, vel saltem per quinquaginta, aut plures annos terminum non haberet. Dixi, tantum liberali pingui stipendio, quia alias præsumendum erit Fundatorem illud assignasse pingue, vt semper numerum Missarum habeat, quamuis expensæ in aliquo casu essent à Capellano faciendæ.

4. Si denique post tot annos denicta lite incipiat possidere, non video qua prudenti ratione pronuntiandus sit obligatus satisfacere prò non lectis Missis, etenim si propter pingue emolumentum teneretur, ista obligatio dicenda esset annexa Capellanix, adeoque transire deberet ad successorem, at hoc nullatenus asserendum

Interrogatio IX. De Capellano quoad Missas omiffas &c. 63
dum est cum ex mente testatoris (ut suppono) non habeatur expressum, & iura volunt nulli esse onus imponendum, quando clarè minimè patet talem obligationem ei competere; ei autem non competere patet quando illud plùs Fundator concedit Capellano solum ut amico, vel parenti &c. & sic liberalitèr, & gratis.

Haëtenus tradita probabo fusè ex pluribus, tùm Doëtoribus, tum Iuribus, quæ in scriptis nominatim dabo.

Responsio latè scripta.

5 Loquendo da obligatione Capellani obligati quotidie celebrare in aliqua Capella, seu Altari, quærunt Doëtores varia dubia:

Primum est, an teneatur semper Sacrificium applicare pro Fundatore, vel satisfaciat si cum sola præsentia Missam dicat, pro qua eleemosynam recipiat à tertio, cui illius fructum applicet.

Secundum est, an quamvis pro Fundatore teneatur semper Sacrificium offerre, possit nihilominus aliqua Sacra omittere, ac alteri, vel sibi applicare; & an Capellanus obligatus celebrare quotidie, possit Missam aliquam omittere.

Tertium est, an Missas omiffas pro ægritudinis suæ impedimento, debeat postea istas per alium supplere.

Quartum est, quid sit dicendum, si eius Capellaniæ redditus sint tenues, aut in infirmitate eos consumpserit, aut alitèr omninò desierint, vel ex parte.

Quintum est, quid sit dicendum, si pinguis census Capellaniæ fuerit per aliquot tempus à Capellano receptus, vel nunquam, aut si perijt, vel decreuerit.

6 Ad *primum* dico, si petitio in sua dispositione sit absoluta, ut v.g. *relinquo decem scuta Caio, ut tot Missas recitet*, nulla facta temporis, vel loci assignatione, in tali casu præsumitur velle pro se applicationem solam; nam talis est communis usus sic intelligendi mentem testatoris, tamquam si daret vnum Iulium pro vna Missa, certum enim esset, velle pro se applicationem in quouis loco faciendam.

Si verò tenor dispositionis, seu petitionis sit, *Volo ut tot Missa celeb-*

64 *Interrogatio IX. De Capellano quoad Missas omittas &c.*
celebrentur in tali loco, vel Ecclesia, nec aliud adsit, quòd aliter
persuadeat, tunc solam exigit præsentiā; quia Sacerdos nisi
clarum habeat fundamentum imponendi sibi onus, hoc sibi im-
ponere non tenetur; & præsertim quia per solius loci assigna-
tionem, videtur dantem eleemosynam voluisse consulere, vel po-
puli commoditati prò audienda Missa, vel talis loci honori, nul-
lo habito respectu ad applicationem.

Quandò igitur ipse disponens petit solam præsentiā, poterit
Sacerdos Missam applicare prò alio, & ab isto stipendium reci-
pere; secùs quandò applicationem simul petijt.

At si dispositio petentis Missas contineat assignationem tem-
poris, ac etiam vnā cum loco, attendendus benè est sensus huius-
modi dispositionis, quæ si loquatur sic: *Volo ut singulis diebus*
Luna dicantur totæ Missæ, tunc quia talis dies assignatur animabus
Purgatorij, patet Fundatorem petijisse applicationem prò illis.
At si dispositio dicat: *Volo ut celebretur Missa die Dominico*, vel
die Festivo, vel *celebretur Missa die Dominico in tali Ecclesia*, videtur
regularitèr fuisse petitam solam præsentiā, vt sic Fideles Mis-
sam audiendi commoditatem habeant, nisi ex aliqua circumstan-
tia argui possit fuisse exigitam etiam applicationem, prout esset,
si dispositio Fundatoris peteret Missam *de tali Sancto*, cuius nomen
habeo, scù *quem meum Protectorem*, ac *Deuotam teneo*; huiusmodi
enim petitio ex communi intelligentia constat esse de tota
Missa.

Sic ex dictis sub hoc numero poterit dignosci, quandò ab In-
stitutoribus Capellaniarum exigitur sit sola præsentiā, vel sola
applicatio Missæ, vel velint vtramquè; & ita docet Thom. Tam-
burin. in *Methodo Celebrandæ Missæ*, lib. 3. cap. 1. §. 3. num. 19. &
seqq.

Tamen Barbosa de *Potest. Episc.* tom. 2. alleg. 24. n. 35. Bonac.
de *Sacram. disp.* 4. quæst. ult. punct. 7. §. 2. num. 13. & de Lugo de
Eucharist. disp. 21. sect. 1. num. 23. & sect. 2. num. 42. asserunt,
quòd si Fundator in sua dispositione dicat: *Instituto in tali Altari*
Capellanium, qui quotidie celebrare debeat, vel similia verba adhi-
beat, præsumendum est velle tùm præsentiā, tùm applicatio-
nem; nam quandò non constat de contrario, in tali dubio, stare
opportet communi intelligentiæ, quæ est, petentem Missam
velle sibi applicari: Et prò ista sententia asserunt Auctores ci-
rati

Interrogatio IX. De Capellano quoad Missas omiffas &c. 65
rati Decretum secundum inter alia Sacrae Congregationis Concilij sub Urbano VIII. edita die 21. Iunij 1625. de Celebratione Missarum.

Sed quoad hoc Sacrae Congregationis Decretum, obseruat Tamburinus *loc. cit. num. 25.* ipsum loqui de institutis cum onere applicandi Missas pro Fundatore, vel pro dantibus elemosynam, non verò de ijs, qui ad solam praesentiam obligantur, qui quando ad hanc solam praesentiam censeantur teneri, remanet explicatum *suprà ab initio huius sexti numeri, usque ad vers. Tamen.*

Circa praedicta refero duas opiniones: Prima est Graffij de *Miss. celebrat. tom. 2. conf. 3.* & Ioannis de Lugo de *Euchar. disp. 21. sect. 2. num. 42.* dicentium, quod petens Missam, semper intendit Sacerdotem obligare ad id, quod eidem petenti vtilius est. Secunda est Aloysij Riccij *tom. 3. in Praxi rerum quotid. Eccles. for. res. 359.* qui docet, Missam à testatore legatam absque loci assignatione, esse celebrandam in loco sepulturae ipsius testatoris. Sed utramque sententiam refellit Tamburin. *ubi supra, num. 24.* & quidem Primam, quia nisi petens Missam aliquo modo se declararet, non praesumitur sic absolute, quod totum velit, quia de facto non semper à petentibus totum intenditur, vt ostensum est *suprà sub praesenti numero, vers. Ad primum dico, & seqq.* vnde etiam Suarius *tom. 4. de Relig. tract. 8. lib. 2. cap. 17. num. 7.* habet hoc dictum: *Hac Regula maxime in oneribus imponendis seruanda est: Si voluisset expressisset.*

Secunda sententia, quae est Riccij est consulenda, at verum non est, semper testatorem voluisse praesentiam in loco sepulturae, stante quod locum non assignauerit nec verbis expressis, nec verbis saltem aliquo modo suam mentem indicantibus, pro ut aduertit etiam Portel in *Dub. Regular. verb. Missa, num. 13.* & in *Respons. part. 2. cas. 19.*

Demum noto, quod si omnibus inspectis, dubium remaneret, an Fundator tum praesentiam, tum applicationem petierit, utramque voluisse resoluendum erit, quia pro illo stat possessio. Tambur. *loc. cit. num. 25. in fine.*

7 Ad secundum dico, certum esse, quod si Capellanus expressè ac libenter teneatur quotidie Sacrificium offerre pro Fundatore, non poterit illud pro se, nec pro alio applicare, tamquam si de die in diem singulare stipendium reciperet ab aliquo Sacrificium peten-

66. *Interrogatio IX. De Capellano quoad Missas omiffas &c.*

petente, vt ex se constat; quare Capellanus, prout dubium hoc secundum proponitur, nequit nec Missam aliquam omittere, nequē aliquam prò se, vel prò alio applicare.

Ad aliud quæsitum in hoc secundo dubio, nempe an Capellanus generalitèr obligatus quotidie celebrare possit aliquam Missam omittere? Respondent Doctores sic distinguendo: Si Missæ institutio sit directà ad personam Sacerdotis, v. g. his verbis: *Eligatur Capellanus, qui quotidie celebret*, poterit vnā Missam omittere in hebdomada *ex causà maioris honestatis*, quæ qualis sit intelligenda statim subdam; secus si sit talis institutio cum additione verborum, *per se, vel per alium*; aut si sit directà ad locum sic, *dicatur quotidie Missa in tali Ecclesia, vel Capella &c.* tunc enim sic institutus nequit villo die à celebratione vacare. Ità docent Peyrin. de *Privileg. Regular.* tit. 3. in *addit. pag. mihi 405. num. 23.* Sayr. in *Florib. decis. de Præbend. decis. 6. & 26.* Bonac. de *Sacram. disp. 4. quæst. ult. punct. 7. §. 2. num. 16. & seq.* Dian. *part. 2. tract. de Celebrat. Missar. ref. 28. & alij.*

Dixi suprà, *ex causà maioris honestatis*, qualis esse potest deuotio, dispositio, aut euicatio peccati, mortalis tamen, vt aduertit Glossa in *cap. significatum de Præbend.* vnde huiusmodi causa non erit illa voluptatis, curiositatis, itineris, aut impedimenti gratiæ. Hæc habet Lezana in *Sum. tom. 4. verb. Missa, num. 42.* Scio Leandrum de *Sacram. tom. 2. tract. 8. disp. 5. quæst. 17.* dicere, posse Capellanium dictam Missam omittere etiam quacunque ex causà, vt itineris, oblectationis &c. ratione consuetudinis introductæ ob humanam fragilitatem, sed hoc non approbo, nec est tenendum. Vide *infra, num. 10. v. notat.*

Quod dictum est de Capellano, procedit tùm prò sæculari, tùm prò Regulari, dummodò obligatio sit directà ad personam Regularem particularem, non verò ad Conuentum, quia si sit facta Conuentui, tunc ab alijs Religiosis essent supplendæ Missæ omiffæ. Lezana *loc. cit. num. 41. & seq.*

Non desunt asserentes, posse dictum Capellanum intrà annum celebrare per quatuor, aut sex vices prò seipso, vel prò sibi valdè coniuncto ad aliquam specialem gratiam Dei consequendam, eò quia sic rationabiliter potest præsumi de pio Fundatore, qui si de tali casu cogitasset, aut si interrogatus fuisset, non negasset. Ità Nald. *verb. Missa, num. 7. & Homobon. de Bonis in Consult. Moral.*

Notandum est, quòd quando potest prædictus Capellanus licet, & ex honestate vacare à celebratione Missæ impositæ, iuxta tradita *suprà*, non potest Missam dicere pro stipe, sed pro Charitate in sui, vel parentum, aut amicorum utilitatem, quia nimis durum alias esset Sacerdotem obligare, ut nunquam pro se, ac pro suis possit Missam aliquam dicere. Ità affirmant Bario. in *Aphorism. lit. C. verb. Capellanus*, & Peyrin. de *Privileg. Minor. tom. 3. cap. 1. num. 23.*

8^o Ad tertium respondeo certum esse, quòd Capellanus obligatus quotidie celebrare per se, si sit legitimè impeditus, v. g. quia est carceratus, vel infirmus &c. non tenetur; nemo enim ad impossibile tenetur, ut nemo negat.

An autem teneatur statim supplere per alium, nè gratis stipendio recepto fruatur? De hoc dubio agunt Doctores cum distinctione procedentes; nam vel impedimentum est longum; vel est breue: Si sit breue, non tenetur, quia meritò præsumitur noluisse Fundatorem cum tanto rigore obligare Capellanium, nisi expressè constet de Fundatoris mente, quòd voluerit Missam nunquam deesse. E contrà loquendo de impedimento longo, stat præsumptio, voluisse ut Missa per alium suppleatur, præsertim si sic se declarauit.

Sed qualis infirmitas, seu quale impedimentum sit iudicandum breue, censent Doctores communiter remitti arbitrio prudentis iuxta *l. si cum dies, de recept. arb.* Barbosa de *Potest. Episc. part. 2. alleg. 24. num. 31.* assignet octo, vel decem dies. Bonac. de *Eucharistia, disp. 4. quest. ult. punct. 8. num. 17.* quindecim dies. Petr. Nauar. de *Restit. lib. 2. cap. 2. num. 210.* vnum mensem. De Lugo de *Euchar. disp. 31. sect. 2. num. 49.* duos menses, & num. 34. citat, & approbat sententiam Ledesmae, & Villalobos assignantium tres menses. Probabiles sunt omnes istæ opiniones, dummodò ex circumstantiis minimè colligatur maiorem breuitatem exigi. Cæterum notandum est, dictas opiniones non habere locum in Monasterijs, vel Ecclesijs obligatis Missas quotidianas celebrare, quia tunc impedimentum vnius Sacerdotis non eximit ab onere supplendi per alium, & idem est de Missis manualibus, & de annuis legatis. Quære *infra num. 9. vers. Notat.*

Hic excito dubium; an stante obligatione Capellani Missas omittas.

68 *Interrogatio IX. De Capellano quoad Missas omiffas &c.*

omiffas supplendi quando eius infirmitas, seu eius aliud impedimentum fuit longum, debeat computare totum tempus, vel solum tempus excedens breuitatem assignatam, v. g. duos menses? Respondeo me putare non esse supplenda Sacra relicta tempore brevis impedimenti. Ducor, quia sicuti si conualuisset, vel si ab impedimento liber euasisset iuxta tamen tradita *suprà sub hoc numero 7. vers. An autem, & vers. Sed qualis*, non tenebatur supplere Missas non lectas tempore brevis impedimenti (& hoc ex mente saltem præsumpta Fundatoris) ita nunquam tenebitur pro tali tempore, quod licet postea incipiat protrahi ad longitudinem, non propterea inducit obligationem in iam deobligato, sed solum incipit obligatio non lectas Missas supplendi, quando tempus impedimenti incipit esse longum. Ratio esse potest à pari de furante materiam leuem, ad cuius restitutionem tenetur sub veniali, at si addat aliud furtum, cum quo materia levis reddatur grauis cum obligatione restituendi sub obligatione mortali, satisfaciet restituendo tantum quantitatem, per quam materia levis creuit in grauem, remanente tamen priori statu obligationis sub veniali propter modicum, quod remanet. Ita docent Petr. Nauar. *de Restit. lib. 3. cap. 1. part. 1. dub. 8. num. 67.* Cardinal. de Lugo *de iusti. lib. 1. disp. 16. sect. 3. num. 41. & Reb. de iusti. lib. 3. quest. 15. sect. 4.* Immo Tamburin. *in Decal. lib. 8. tract. 2. cap. 3. §. 1. num. 10.* cum Molina idem docet de eo, qui furatus est materiam grauem totam simul; si materiam paruam retineat, & reliquam restituat; nam etiam iste leuiter peccat, cum leue sit, quod retinet. Sic respectiue loquendo de casu nostro, Capellanus nulliter obligatus ad Missas omiffas tempore brevis impedimenti, si hoc postea augeatur in longum, statim oritur obligatio supplendi, incipiendo ab inchoatione transitus temporis brevis ad qualitatem longi, remanente semper deobligatione pro antecedente tempore breui.

Denique noto, peccare Capellanium ponentem voluntarium impedimentum, propter quod non possit celebrare prout tenetur per se, non per alium, vnde tenetur illud remouere, vt possit pactum initum cum Fundatore implere, adeoque si non impleat facit contra iustitiam cum obligatione restituendi. De hoc late agit Thom. Tamburin. *in Method. Celebrand. Miss. lib. 3. cap. 6. §. 2. per tot.*

9 Ad quartum dico, quòd quicumquè simpliciter, & sine adiectione, spontè acceptat Missas exiguo stipendio dicendas, tenetur totum fructum Missæ applicare ei, qui tale stipendium dedit; siquidem scienti, & liberè consentienti non fit iniuria. Ità Petr. Marchant in Tribunal. Sacramental. tract. 2. part. 2. tit. 4. quest. 2. ref. 6. fol. 224. Igitur Capellanus sibi imputare debet, quòd scienter acceperit tenuem Capellaniam, vt expressè habet Passerinus de Hominum statib. tom. 2. quest. 187. art. 4. num. 1046. ad medium. Sed vide num. 10. vers. Circa.

Quòd si redditus Capellaniæ sint tenues, adeoque Missarum reducio sit facienda, in tali casu ad Sedem Apostolicam erit recurrendum, iuxta primum ex Decretis Sacræ Congregationis Concilij autoritate Urbani VIII. editis die 21. Iunii 1625. De Celebratione Missarum.

Notat Busenba. in Medulla Theolog. Moral. lib. 6. tract. 3. cap. 3. dub. 1. num. XII. Capellanum quidè teneri Missas omittas in longa infirmitate per se, vel per alium supplere, prout ego quoquè dixi supra, numero antecedenti, nisi redditus sint nimis tenuet, aut in morbum absumantur. Ità ille contrà Syl. & Azor. & prò se citat Bonac. ex Rodriq.

Si fructus assignati prò celebrandis Missis perierunt in totum ex culpa Sacerdotis, iste in omnium sententia teneretur per se, vel per alium Missas celebrare, & supplere; nam eius culpa debet nocere ipsi, non verò fundatori. Si autem sine culpa Sacerdotis perierunt in totum, tunc cessat in totum obligatio celebrandi Missas. Ratio est, quia deficiente fundamento cessat id, quod illud præsupponit; vnde cum fundamentum obligationis celebrandi Missas sit sustentamentum Ministri, consequenter destructo totaliter fundamento, destructa simul remanet dicta obligatio. Item, quia ex natura rei, intentio fundantis Capellaniam, & illam acceptantis fuit, vt cessante fundo in totum, vel in parte, cesset census vel totus, vel prò rata, vt constat ex Constitutione Pij V. de censibus edita anno 1568. §. 1. Item, quia in conventionem inter fundantem Capellaniam, & Capellanum intimè inest ista conditio, vt Missarum celebratio tandiù duret, quandiù durabunt fructus; quæ conditio semper tacitè intelligitur in obligationibus factis contemplatione fructuum; nempe si fructus nascentur, l. interdum 73. ff. de verb. oblig. Castren. in l. c.

70 Interrogatio IX. De Capellano quoad Missas omiffas &c.
§. ex conducto, §. si vis, ff. locati 2. & in l. Imperator, num. 8. ff. ad
Trebell. vnde S. Congregatio in Decret. de Celebrat. Missar. vult esse
semper conferuanda bona immobilia fructifera, quæ respon-
deant oneri Missarum. Sic tradit Passerin. loc. cit. num. 1037.
vbi prò se refert Fraxinellum, Honcalam, Perez, Riccium, Le-
zanam, Bordonum, Alphonsum de Leone, Tamburinum, Pey-
rinum, Cauinam, Franciscum Lugo, Garziam, & Pasqualigum
centuria 4. quæst. 342. & de Sacrif. nouæ leg. quæst. 1074. Vide
adhuc infra, num. 10. vers. Dixi.

Vtteriùs circa mox dicta sunt omninò videnda quæ subdo
numero sequenti.

10 Ad quintum dubium vt distinctè respondeam, noto quòd
quatuor quæstia in illo continentur.

Primum est, quid agere debeat Capellanus, qui in anno fertili
pingues habuit redditus; deindè in alio anno sterili minores so-
lito stipendio recipit.

Secundum est, si nunquàm stipendium accepit.

Tertium est, si stipendium perijt.

Quartum est, si stipendium decreuit, quod pinguius solito est
assignatum.

Ad primum respondent Doctores communiter, quòd si Sacer-
dos per annos antecedentes plus percepit de fructibus, quàm at-
tentà taxà iusti stipendij essent habendi, tenetur contingente
anno sterilitatis hac fertilitate compensare; nam sicuti stetit
suo commodo, ità stare quoquè debet incommodo. Pasqualig.
de Sacrif. nouæ legis, quæst. 1075. num. 2. Perez, & alij.

Ad secundum dicitur, quòd si Capellanus nihil recipit prò
tempore, quo fructus perierunt, ad ratam talis temporis nullam
habet obligationem. Ratio est, quia fructuum perceptio, &
obligatio sunt correlatiua, & idè ablato vno, aufertur aliud.
Passerin. loc. cit. num. 1038. & idem esse asserit, quando fructus
sunt verè inexigibiles, idè licèt factà diligentia exigì non pos-
sint; nam tunc perindè est, ac si non essent; vnde si nunquàm
stipendium accepit, cessat in eo obligatio. Quære etiam infra,
vers. Marchant.

Ad tertium patet responsio ex prædictis num. antecedenti, nem-
pe quòd si fructus omninò perierunt, desijt tota obligatio, modò
sinè culpa Capellani desierint.

Ad

Interrogatio IX. De Capellano quoad Missas omittas &c. 71

Ad quartum asserit Passerin. *vbi supra*, num. 1040. quòd quando stipendium prò Missis assignatum à Fundatore Capellanix est pinguius solito, tunc per quamcumquè illius diminutionem, non diminuitur obligatio Missarum, dummodò fructus diminuti sint tales, vt solitum stipendium adæquent; præsumitur enim Fundatorem tali intentione, ac voluntate pinguiore constituisse proventus. Vide adhuc *infra*, *vers. Denique*.

Tamen si fructus essent diminuti *infra* taxam soliti stipendij, tunc ad ratam cessat obligatio Missarum. Ità Bordon. *ref. 25. num. 38. Alphons. de Leon. de Offic. Capell. quest. 5. sentent. 238. Rom. conf. 139. num. 31. & plures alij*, prout etiam idem est de obligatione annexa legatis. *Surd. conf. 389. num. 9. & DD. in l. planè, §. si duobus, ff. de leg. 1. nam hic valet argumentum de toto ad totum, & de parte ad partem. l. qua de tota, ff. de rei vendic.*

Et quia stipendium assignatum est duplex: *Primum* prò Missis manualibus; *Aliud* prò perpetuis obligationibus Missarum, quod solet esse maius ratione perpetuitatis obligationis; propterea quæritur, an quando dicitur cessare obligationem Missarum ad ratam diminutionis soliti stipendij, nomine soliti stipendij intelligatur etiam illud, quod maius solet assignari ratione obligationis perpetuæ, atque idèò Missarum sint diminuendæ ad ratam diminutionis iusti maioris stipendij respondentis obligationi perpetuæ? Affirmatiuè respondet Pasqualigus *de Sacrific. nouæ legis, quest. 1075. num. 8. dummodò sint ita diminuti fructus, vt sint minores iusto infimo stipendio, quia si pertingant ad minimum, seu infimum, tunc remanet iustum stipendium, & per consequens etiam obligatio.*

Dixi *suprà*, num. 9. *vers. Si fructus*, quòd pereuntibus fructibus totalitèr ex culpa Sacerdotis, non cessat obligatio, sed tota remanet, sicuti & remaneret ad ratam fructuum, qui ex parte culpa eiusdem perierunt; quocirca notandum est, quòd si ex culpa solius Prælati cessent fructus, cessat Missarum obligatio, quam habebat Ecclesia, quia ista ob solius Prælati culpam nullum præiudicium sentire debet. Rota coràm Caputæque. *decis. 128. n. 3. part. 2. Seraphin. decis. 292. num. 2. Eadem Rota in Fesul. Prioratus, 3. Martij 1617. coràm Pamphilio, & decis. 427. num. 3. part. 4. recent.* & alias sæpè.

Circà

72 *Interrogatio IX. De Capellano quoad Missas omiffas &c.*

Circà dicta *suprà*, num. 9. *vers. Ad quartum*, etiam Bordonus *ref. 25. num. 30.* putat Beneficiatum accipientem tenuem Capellaniam non posse Missas minuere, & hoc approbat etiam Pasqualigus *loc. cit. quæst. 1095.* quia Capellanus debet sibi imputare, quòd scientèr talem acceperit, vnde quoquè ab isto expensæ necessariò factæ prò reparatione, conseruatione, & vindicatione fundi, non sunt resarciendæ, tamen teste Passerino *tom. 2. de Hominum statib. quæst. 187. art. 4. num. 1046. post medium*, asserit, hoc non habere locum, quando fiunt expensæ extraordinariæ pro fundo.

Marchant. in *Tribunal. Sacramental. tom. 2. part. 2. traff. 4. quæst. 2. resol. 7. ait*, quòd si Fundatio vel in totum, vel in partem absquè culpa Sacerdotis, vel eius, qui illam obtinet, omninò perierit, vel stipendium Missarum recipi non possit, Sacerdos non tenetur Missas celebrare, nisi ad ratam partis fructuum, siuè stipendij, quæ remanet, siuè quam recipere potest. Ratio sumenda est ex iustitia, & correlatiuo obligationis; non enim tenetur Sacerdos celebrare, nisi quia recipit; ergò vbi non recipit, nec stat per illum quominùs recipiat, celebrare non tenebitur, aut nonnisi iuxtà rationem eius, quod recipit. Si verò non omninò perierit, sed tantùm ad aliquod breue tempus, v. g. ob vastationem aliquam Patriæ, stipendium ordinarium non recipiat, tenetur; nam huiusmodi casus communiter includuntur in istis pactis, & conuentionibus.

Notat idem Marchant. *loc. citato*, in Foundationibus, & conuentionibus diuturnis, vel perpetuis prò celebratione Missarum in loco, Capella, vel certis diebus semper includi rationabiles Epikeias, ob communia accidentia, quæ contingere, vel euenire possunt loco, bonis, vel personæ Sacerdotis &c. Ex quo inferunt multi, Capellanium, qui ratione Capellanix quotidie celebrare debet, posse interdum, occurrere necessitati, vel necessitate honestà, vnà, aut alterà die vacare, immò aliquotiès prò se offerre, quia hoc est rationabile, & velut Epikeia rationabilis, quæ in Fundatione continetur. Hastenùs ille prò se afferens etiam *cap. significatum, de Præbend. Vide suprà, num. 7. & 8.*

Deniquè est obseruandum, quòd quamuis intèr causas iustas reducendi Missas ponat Tamburin. in *Methodo celebrandi Miss. lib. 3. cap. 1. §. 2. num. 11.* si ad reficiendum Molendinum v. g. vel domum

num, vnde fructus pro Missis soluendi sunt, sint factæ extraordinariæ expensæ, vel ad litigandum &c. tamen hoc intelligi debet, si relictum non sit pingue, nam si colligantur fructus abundantiores, expensæ non debent diminuere Missas, cum omnes annui fructus sint obligati pro Missis. Ita dicit Bordon. *de Legatis, cap. 15. quæst. 26. num. 58.* & ratio est, quia Doctores communiter asserunt, mentem testatorum pingua stipendia assignantium pro Missis esse, ut illud plus inferuiat pro expensis, si quæ fortasse erunt faciendæ in casibus euenturis, atque ideo integro semper remanente Missarum numero, ut notavi etiam *suprà, num. 10. vers. Ad quartum*; vnde si illud plus non fuerit relictum intuitu Missarum, sed tantum, & clarè intuitu Sacerdotis liberalitèr, & gratis, quia est consanguineus, valdè amicus, benefactor &c. testatoris, tunc dictum plus non remanet obligatum pro Missis, nam sic intendit testator. De isto præsumi potest, nolle Capellanum Missas v. g. per 20. annos omittas, eò quia censum pro fundo insumpsit in lite, teneri vnica exbursement ratione pinguis stipendij illas supplere, propterea sufficet si singulis annis, attento soliti stipendij excessu rationabilem quantitatem iudicio prudentis, pij, & docti viri supplere faciat. Quod si antè complementum ad mortem deueniat, faciet pro eo legatum quantum potest, & quoad reliquum notificet statum Capellanæ ad successorem cum onere transiture. Sic cenſeo exigi ab æquitate.



INTERROGATIO X.

An Filius immeritò , sed ignorantèr , à Patre exhæredatus , potuerit licitè per falsum testamentum exhæredationem renocare , adhibita quadam curiosa deceptione ?

E Venetijs Patauium pergebam in naui, in qua erat quidam Iuuenis Nobilis natione Germanus, qui ad Legalium studiorum prosecutionem in Patauina Vniuersitate reuertebatur. Accessit iste ad me dicens, se velle mihi casum secretum conferre. Respondi, dicat Dominatio Vestra. Dixit: Sciebam me à Patre meo (immeritò, sed ignorantèr) in eius testamento fuisse exhæredatum, ex motiuis contrà me falsò ei relatis ab iniusto accusatore, vt ad istum hæreditas deueniret. Infirmatus est idem Pater meus, & iam in mortis articulo constitutus, sensibusque destitutus, ego conueni cum quodam homine Patri meo vix dissimili, vt se Patrem meum simularet, atquè in illius lecto se poneret, vbi aliqualitèr clausis cubiculi fenestris, factaque tali obscuritate, vt detegi nequiret deceptio, delato interim intrà aliud cubiculum moribundo. Sic factum fuit, & vocato Tabeillionum cum testibus in præsentia ficti moribundi, iste reuocauit testamentum exhæreditatis, hæredemque me instituit, facti fictione omnibus ignota, statim enim verus moribundus post discessum testium, & Notarij fuit in proprio lecto restitutus, vbi intrà mediam horam coram vno Sacerdote, & alijs de eius domo decessit. Ego igitur hæreditatem sic accepi, quare legata in testamento veri mei Patri solui. His mihi narratis, me interrogauit, quid de hoc facto iudicaret, cum reuerà nunquam patrem occidere, vel eius occisionem voluerit, quamuis cum eius inimicis conuersationem habuerit non grauiter talibus, ob quas causas diuersimodè à veritate delatus patri, iste ad exhæredationem deuenit;

Respon-

Responsio oretenus data cursim.

1 Dari plures causas, ob quas potest Pater filium exheredare, conceditur communiter à Iurisperitis, ita tamen ut licet vna sufficiat, ista in testamento est exprimenda, & quidem necessario, alias exhereditatio non valet, quamvis expressio sit facta tantum in genere. Bene verum est, quod aliquando in aliquibus casibus sufficere potest expressio causæ facta solum in genere. Est ergo semper in testamento aliquo modo exprimenda causa exheredationis, alias testamentum est nullum.

2 Nec satis est pro validitate testamenti exheredationis causas fuisse in eo expressas, sed requiritur earum veritas, & subsistentia, quæ non datur in præsentī casu, cum per falsam, immo & fortasse maliciosam accusationem testator deceptus, & errans suam fecerit dispositionem: his iuxta facti veritatem præmissis, patet invaliditas testamenti, adeoque per errorem, deceptionemque iniuste hæreditate priuatus, debet in utroque foro verus hæres pronunciari.

3 Hinc in casu nostro de iure operando erat omittenda per fictum testatorem invalidæ exheredationis reuocatio, sed post mortem veri testatoris prætenfa invaliditas fuisset iudicialiter probanda. Cæterum cum hoc factum non sit, nec appareat qualiter fieri possit, nisi se prodant, qui nemini notam fictionem, adhibuerunt, puto in præsentī nihil ulterius esse mouendum, sed standum facto utpotè nemini iniurioso, nempe non patri, quia si veritatem sciuiisset, filium non exheredasset, immo facta exheredatione si postea in veritatis cognitionem deuenisset, exheredationem, certè prout debebat, reuocasset, nè invalidum testamentum conderet, ac nè filio iniuriam tam grauem irrogaret per iniustam hæreditatis priuationem: Itèm nequè hæredi per errorem nominato à Patre, utpotè ab eodem decepto per falsam accusationem, quæ totum invalidat testamentum, tamquam huius non subsistens fundamentum.

Cum igitur hæreditas patris iure competat filio, & pater nullum, seu invalidum fecerit testamentum prout in proposito casu, consequenter filius dicetur succedere ab intestato, adeoque hæreditatem tutè in conscientia sibi accipere, & retinere potest,

cum sit certissimus de inualida patris dispositione, quidquid possit sit, quodd ad evitandas lites in foro externo, ut consequeretur id, quod suum naturaliter est, aliquam adhibuerit industriam.

Responsio latè scripta.

4 In Iure *Authent. Et cum, de appell. §. Aliud quoque Capitulum, coll. 8. & ibidem §. Siue legatur*, variæ præscribuntur causæ, propter quas filios possunt parentes exhæredare, nè in eorum bonis succedant, sed de his nihil pro nostro præsentis casu venit dicendum; quænam autem illæ sint, retuli in mea *Arbore omnium opinionum, tom. 3. verbo Hæreditas, §. 9. per tot.*

5 Etiam in *Authent. Et cum, de appellat. cognoscend. §. Causas autem*, plures ponuntur causæ, quarum singula sufficit, ut parentes possint nedum filios, sed & quosvis descendentes priuare hæreditate, illasque tradunt *Couarru. cap. Raynu. de testam. & Tapia lib. 5. quæst. 21. artic. 6. num. 7. Egomet loco citato §. 8. num. 118.*

6 Tamen non sufficit, patrem habere exhæredandi causam; sed in testamento debet illam exprimere. *Bald. lib. 1. conf. 20. num. 7. Et debet esse pura, non verò conditionalis. Cardinal. de Luca de Fideicommiss. discursu 256. num. 8. quia conditionalis videtur in Iure reprobata per text. in l. etsi perceperit, circa finem principij, vers. pure autem, ff. de lib. & post. Ita ille cum alijs a se relatis ibid. num. 9. Quære infra, num. 8.*

7 Sed si causa exhæredationis fuerit expressa tantum in genere, & non in specie, non releuat, seu non valet. *Angel. Aret. conf. 79. num. 12. & seq. Nihilominus aliqui dantur casus, in quibus valida erit exhæredatio sine causæ expressione, notat Alex. Authent. Non licet, C. de liber. præter. & subscribit ibi Iason, apud quos videantur, illos enim hic referre, nullatenus ad casum, de quo ago deseruiunt, sicuti ex eodem motiuo taceo causas iustas exhæredandi, satis enim est pro nostro casu duas exprimere, quibus ductus testator pater filium exhæredauit.*

Vna causa sufficiens ad exhæredandum est casus homicidij, etiam committendi. Boss. de bonorum publicat. num. 30.

Alterà

Altera est conuersatio filij cum inimicis patris. Bald. *conf. 112. num. 2. & 7.* cum limitatione dummodò inimicitia sint graues, & quasi capitales.

8 Hæ duæ causæ tanquàm connexæ fuerunt per falsò accusantem expositæ patri contrà filium, vt istum exhæredaret, prout fecit, quas in testamento vel expressit, vel non expressit: Si non expressit, testamentum ipso iure est nullum, vnde exhæredatio non tenet. Castrenf. *lib. 1. conf. 171. col. 3.* Bald. *conf. 395. lib. 1. & Authen. de appell. cognos. §. Aliud quoque, & alij passim.* Si expressit, & illæ verè subsistant, valida erit exhæredatio ex communi opinione, ratione expressionis, quia aliàs non sufficeret veras causas adesse, nisi etiam exprimantur. Bart. *lib. 1. conf. 20. num. 7.* & habetur etiam *Authen. Si hodiè, c. de inofficioso testamento.* Quòd si plures causæ expressæ prò exhæredando sint falsæ, vna excepta, ista sufficiens erit, vt exhæredatio valeat. Bald. *conf. 112. num. 2. vers. Super secundo, lib. 5. & Mascard. conclus. 714. Exhæredatio, num. 19.* vbi plures citat, & dicit esse communem opinionem; quare si nulla sit vera, exhæredatio remanet inualida; nam causa iniusta, & erronea rescindit actum: Cardin. Tusch. *tom. 1. lit. C. verb. Causa, conclus. 140.*

9 His prænotatis concludo prò casu nostro, quòd cum filius in conscientia sua certus sit se nunquàm dedisse patri exhæredationis causam, scè causas, quas per falsam relationem prætendentis hæredem institui, sic deceptus in testamento expressit prò eodem filio exhæredando, iste per consequens potuit licitè, & validè hæreditatem, vtpotè verus hæres, adire, quidquid sit, quòd per fictum testatorem putatum verum tùm à Notario, tùm à testibus exhæredationis reuocationem procurauerit.

10 Igitur factum in nostro casu per suppositum testatorem censeo esse vnum de illis, de quibus iura affirmant, quòd facta multa tenent, quæ aliàs fieri prohiberentur. *cap. ad Apostolicam, de Regular. & l. parte furios. ff. de his, qui sunt sui, vel alien. iur. Ancharan. conf. 404. num. 17. & Roman. conf. 215. num. 5.*

11 Item fauet filio in præsentī factò assertum à Card. Tuscho *tom. 3. lit. F. Conclus. 6. num. 8.* nempe quòd spoliatus potest incontinenti propria autoritate recuperare suam possessionem. *l. 1. §. Qui autem, ff. de vi, & vi armat.*

12 Et quia clarus error non præiudicat veritati, tollit consensum, & annullat omnem dispositionem, sed obligationem, vt habet Rota *part. 12. recent. decis. 206. per tot.* & tradit Bichi. *decis. 390.* consequenter cum in casu nostro pater deceptus exhæredauerit filium, iste in conscientia sua certus, patrem suum, dispositionem fecisse ex errore, & propterea nullam, ac absque consensu, potuit veritate fultus sibi iure debitam hæreditatem procurare, quamvis mediante fictione prout in præsentī casu; nam propter testamenti inualiditatem, filius succedit ab intestato. DD. communiter.

13 Deiquē ad abundantiam responsionis addo, quod si causæ exhæredationis fuissent veræ, & filius illam reuocasset per fictum patrem iuxta casum propositum, grauiter vterque peccasset, & ad hæreditatis restitutionem tenerentur instituto hæredi. Tamen vt exhæredatio valeat, debet eius legitima, & expressa causa probari vera, alias potest filius exhæredatus agere quærela inofficiosi, & obtinebit, si causa non probetur. Itā Bald. *conf. 112. num. 1. lib. 5.* Menoch. *conf. 207. num. 34. lib. 3.* plures citat, & esse communem opinionem dicit Mascard. *Conclus. 714. Exhæredatio, num. 9. & seq.* vbi prò vtraque parte, sed istam tuetur, quam ego quoque teneo.

14 Cæterum stante inualiditate exhæredationis in casu nostro, immunis à culpa non fuit adhibita fictio, veniali tamen, quia fuit mendacium leue, vtpotè nemini damnosum. Neque peccatum fuit translatio moribundi de vno ad aliud cubiculum, & rursus de isto ad primum, dummodò facta fuerit cum cautelis, nè illi ex motu mors acceleraretur.

15 Prò præsentī interrogatione faciunt tradita *infra Interrogatione 40.*



INTERROGATIO XI.

An Fratres Fratris, qui patri furatus est, v.g. centum scuta, possint pratendere in diuisione bonorum esse inter ipsa computanda etiam bona, tùm furata, tùm negotiando cum furatis copiosè acquisita à Fratre.

POSTQUÀM in Cathedrali Nouocomensi cursum concionum per Aduentum terminaui, redij Mediolanum, hìcque venit ad me quidam præfatæ Ciuitatis Nouocomensis Iuriconsultus; inque interrogauit, quid stante quadam doctrina de per industriam acquisitis à fure in vna ex meis concionibus allegata resolverem de casu sibi proposito, sed potius (vt dixit) Morali, quàm Legali, vergente inter collitigantes Fratres prætendentes esse computandum in diuisione inter ipsos facienda bonorum, tùm centum scuta ab vno ex illis patri furata, tùm quicquid cum illis è domo aufugiens Patauium, ibi negotiando in magna copia acquisiuit, & ad paternam domum reuersus, patrem reperit ab intestato obiisse.

Responsio oretenùs data cursim.

1. Casum istam nedùm Moralem, sed etiam Legalem iudico! Quatenus Moralis est, firmitèr resoluo, filium furantem patri quantitatem grauem teneri sub mortali statim restituere ex proprio peculio, si hoc habeat; si verò non habeat, tenetur post mortem patris in diuisione cum fratribus computare furata. Centum autem scuta à filio surrepta patri, etiam si sit diues, sunt materia notabilis peccatum lethale constituens.

2. Igitur dicta centum scuta sunt absquè dubio restituenda patri, si adhuc viuit; at post eius mortem restitui debent Fratribus in diuisione bonorum cum ipsis, supposito tamen quòd aliter non disposuerit pater, prout disponere poterat, quam dispositionem in casu nostro non fecit, quia ab intestato decessit.

3. Difficultas remanet quoad bona à filio acquisita ex furatis pecunijs, an sint restituenda patri, vel isto mortuo an sint adducen-

8^a Interrogatio XI. De prætensione Fratrum à Fratre fure &c.
ducenda in diuisionem cum Fratribus. Quocirca referam in-
scriptis quid tùm Moralistæ, tùm Iurisperiti sentiant de furtis
Filiorum.

Responsio latè scripta :

4 Lessius *de iusti. lib. 2. cap. 12. num. 76. & Dicaill. de iusti.*
Lib. 2. traët. 2. quest. 9. dub. 8. num. 183. tenent non peccare mor-
talitèr filium si patri prædiuiti furetur duos, vel tres aureos; ta-
mpen mortalitèr peccare si tot furetur patri artifice, vel angustii
patrimonij.

5 Fagundez *in quinque præcepta Ecclesiæ, præcept. 2. lib. 8.*
cap. 6. num. 7. putat esse furtum mortale, si filius furetur à patre
mediocritèr penurioso vltra quinque regales, secùs si citrà ad ho-
nestas tamen recreationes; & idem asserunt Nauarrus, & Re-
bellus.

6 Cenedo *traët. de Pauper. Re. dub. 20. num. 10.* vult, quòd ab-
solutè loquendo, non peccet grauitèr filius furando à patre tan-
tùm bis in anno octo, vel nouem regales.

7 Salas apud Cardinalem de Lugo *tom. 1. de iusti. disp. 16. sect. 4.*
§. 1. num. 76. censet, quòd filius patris habentis mille, & quinquaginta aureos annuos, non peccet lethalitèr, si ex dictis aureis furetur viginti, vel triginta; & Cenedo adhæret dictus de Lugo *loc. cit.* cum limitatione, dummodò filius sit adolescens, non autem puer, & pater non sit tenacioris naturæ, & furtum non sit factum ad turpes vsus, sed saltè ad indifferentes.

8 Cardinalis de Lugo *ubi suprà*, admittit non esse furtum in-
ducens culpam mortalem, si filius Principis patri suo surripiat
minùs quàm quadraginta aureos; & in hoc sensu dicendum est
fuisse loquutum Banes *in 2. 2. D. Thomæ, quest. 66. art. 6. §. 2.*

9 Relatas Doctorum varias opiniones asserere de furto filio-
rum suis patribus facto voluit, tum vt Confessarij in facti con-
tingentia perpensis circumstantijs prudenter iudicent quam opi-
nionem amplecti debeant; tum vt ad resolutionem casus nostrii
deueniam.

10 Dico igitur, Filius, qui grauis quantitatis, vt sunt cen-
tum scuta, furtum fecit patri, tenetur statim restituere ex pro-
prio peculio si hoc habeat; at si non habeat, tenetur post patris
mor-

Interrogatio XI. De prætensione Fratrum à Fratre fure &c. 81
mortem ea in diuisionem cum fratribus computare, nisi fratres
totidem & ipsi furati sint, vel nisi ab iisdem fiat remissio, vel nisi
pater actu condonauerit, aut condonaturus creditus sit, si filius
eum rogasset, sed ob verecundiam condonationem non petijt, &
agitur de quantitate, quam pater poterat condonare, atque de
qua poterat disponere. Ità docet Thomas Tamburin. in *Decalog.*
lib. 8. tract. 2. cap. 4. §. 4. num. 6.

11 Ex mox dictis certum remanet, filium teneri centum scu-
ta ab ipso furata patri, cum quibus è domo fugit, postea com-
putare in diuisionem cum fratribus, qui hoc iure prætendunt,
supposito quòd nec ea patri viuenti restituerit, nec ab eo con-
donationem actu, vel præsumptiuè obtinuerit, neque post mortem
patris fratres ei illa remiserint. Cæterum an etiam acquisita à
fratre ex centum scutis ab eo furatis patri possint de iure ab alijs
fratribus prætendi, vt iam mortuo patre, in diuisionem cum cæ-
teris bonis intèr ipsos adducantur, nullo extante patris testamen-
to, prò resolutione sequentes pono conclusiones.

12 *Prima conclusio:* Si constet filium aliqua bona acquisiuisse
ex propria industria, dicuntur *aduentitia*, cum alijs fratribus non
communicanda. *l. cum oportet, C. de bon. qualibet. & tenent Mi-*
chalar. de Fratr. part. 1. cap. 6. num. 3. Merlin. de legit. lib. 2. tit. 2.
quæst. 26. num. 10. & alij.

13 *Secunda conclusio:* Quæ filius acquisiuit ex pecunia pater-
na immediatè, & de per se, dicuntur bona *profectitia* eidem patri
acquisita, post cuius mortem sunt intèr fratres diuidenda. *d. l.*
cum oportet. Mangil. de imput. quæst. 34. num. 1. Michalar. loc. cit.
num. 12. & alij.

14 *Tertia conclusio:* Bona acquisita partim ex pecunia patris,
partim ex industria filij, in dubio prò medietate censentur *aduen-*
titia, & prò alia medietate dicuntur *profectitia*. Si verò appa-
reat, plus esse tribuendum industriæ filij, vel è contrà, tunc se-
cundum id, quod iudicabitur facienda erit distributio. Sic Bart.
tract. de Fratr. num. 2. Gratian. Discept. forens. cap. 543. num. 16.
& seq. & Michalar. ubi supra, num. 13.

15 Si filius nomine proprio negociando bona aliqua adeptus
sit, ista in dubio præsumuntur *aduentitia*, & id multo magis
procedit, si filius haberet seorsum à patre, nisi adessent coniectu-
ræ in contrarium, vel nisi nomine patris negotia fecerit, vel nisi

L

patre

82. *Interrogatio XI. De præensione Fratrum à Fratре fure &c.*
 patre viuente communicauerit acquiſita in uſum familiæ. Rota
part. 9. recent. deciſ. 420. num. 6. & ſeq. & part. 12. deciſ. 335. à
num. 4. & Menoch. de arbit. caſ. 126. Et quòd ſint *aduentitia*, da-
 ta poſſibilitate lucrandi ex propria induſtria, quamuis bona pa-
 tris adminiſtrauerit, probant Rota *d. deciſ. 335. & Durand. deciſ.*
429. num. 2. & ſeq. tamen contrarium ſentit Gratian. *ubi ſuprà,*
cap. 401. num. 19. Et quòd bona *aduentitia* ſint illa, quæ filius
 acquiſiuit ex propria induſtria, & quæ cum fratribus non ſint
 communicanda, notaui *ſuprà, num. 12.*

16 Sic ſi filius non habitet cum patre, & negotietur, bo-
 na ab eo acquiſita dicuntur *aduentitia*; in dubio autem præſumi-
 tur prò poſſeſſore. Menoch. *de Præſumptionib. lib. 3. præſumptio-*
ne 50. per totam. At ſi cum patre habitet filius, qui illius bona
 adminiſtrat, tunc acquiſita à filio dicuntur *profeſſitia*, niſi aliter
 appareat. Idem *ibid.* Bona autem *profeſſitia* cum ſint illa, quæ
 ex pecunijs, aut rebus patris, aut patris occasione filius acquiſi-
 uit, propterea ad patrem ſpectant tum quoad proprietatem, tum
 quoad uſum fructum, ad diſtinctionem bonorum, quæ dicuntur
aduentitia, quorum proprietates ſunt filij, quia non proueniunt à
 patre, ſed à filio acquiruntur ex propria induſtria, & labore, ut
 dicunt Donatus *Rerum Regularium, part. 2. tit. 11. quæſt. 30. n. 4.*
 & alij communiter; & idè de iſtis nihil poteſt prætendi à cæteris
 fratribus; ſecùs de *profeſſitijs* dicendum eſt.

17 Ex hæcenus dictis liquet quid ſit reſoluendum de præen-
 ſione fratrum contra fratrem furti reum prò centum ſcutis eorum
 patri ſurreptis, nempe quòd quidè mortaliter peccauit, & ad
 reſtitutionem ſub mortali tenetur, ut illa in diuiſione bonorum
 intèr fratres facienda poſt mortem patris ab inteſtato compu-
 tentur, connumerando tamen intèr ipſos etiam fratrem furem,
 iſtiſque concedendo partem, quæ de iſdem ſcutis, ut potè de bonis
 paternis ipſi de iure competit.

Quò verò ad alia bona, quæ filius extrà paternam domum ne-
 gotiando acquiſiuit, dico nihil ab eius fratribus poſſe prætendi,
 quia cum in iure certum ſit, pecuniam non parere pecuniam.
l. uſura pecunia, 121. ff. de verb. ſignif. Io: Maria Nouar. *quæſt.*
forenſ. lib. 1. quæſt. 145. num. 27. conſequentèr lucra facta à filio
 non prouenerunt ei ex pecunijs furatis tanquàm fructus natura-
 les, ſed ſolùm tanquàm induſtrialia, huiusmodi autem fructus

NON

Interrogatio XI. De prætensione Fratrum à Fratre fure &c. 83
non sunt restituendi, licet percepti ex re aliena nedum à possessore bonæ fidei, sed nequē à possessore malæ fidei. D. Thomas 2. 2. quæst. 68. art. 3. Sanch. in sum. lib. 2. cap. 23. num. 46. Lessius de iusti. lib. 2. cap. 12. num. 114. & alij communiter.

18 Et quia post mortem patris filius, qui fugerat domum reversus habitat cum cæteris fratribus, si aliquid acquirat, potest inquiri, an sibi tantum, vel etiam alijs acquirat? Dico cum Alciato de Præsumption. reg. 1. præsumpt. 25. per totam, & Mascardo de probation. conclus. 31. per totam, volum. 1. ubi explicat, quod acquisita per vnum ex fratribus simul habitantibus post mortem patris, præsumuntur acquisita de communi, nisi essent ab vno tantum proprio nomine alijs scientibus publicè, & palam quæsitæ.

19 Acquisita ab aliquo, quando, & an præsumantur adepta ex propria industria, vel ex bonis alterius, dico quod si ex præsumptione lucri ex bonis alterius oritur delictum, non præsumuntur inde quæsitæ: Si verò persona acquirens aliundè suspicionem incurrit delicti, tunc nunquam præsumuntur aliundè quæsitæ. Et si ex tali præsumptione nulla nascatur suspicio delicti, recurritur ad alias coniecturas, & probationes iuxta theoricam. Bart. tract. de duob. fratrib. quæst. 4. quem citat, & sequitur Pac. Jordan. Incubr. vol. 3. lib. 14. tit. 21. n. 56. fol. mihi 427.

20 Quæ verò filius, seu vnus ex fratribus turpiter acquirit, sunt propria ipsius acquirentis, modò acquirantur ab eo, qui potest dare, aliàs restituendum erit acceptum, v. g. a filio familias, ac à Religioso, quia isti nihil habent, quod sit suum; & ita docetur à Doctoribus communiter, vt videri potest apud Carbonem de Restitution. quæst. 48. sicuti idem procedit de filia, de vxore, de seruo, & de meretrice aliquid turpiter acquirentibus.

21 Aliud hic non addo de bonis, quæ inter fratres sint, vel non sint diuidenda, quia hæcenus tradita sufficiunt pro responsione mea ad præsentem casum, de quo fui interrogatus; tamen si quis velit ea scire, videat meipsum in mea *Arbore omnium opinionum*, tom. 3. lib. F. verbo *Frater*.

L. 2.

INC

INTERROGATIO XII.

*An sit furtum cum restitutionis obligatione surreptio rei
apud dominum peritura, sicuti etiam illius
pretium domino peribit
si solvatur?*

Contentionem audiui Senogaliæ inter Parochum sæcularem, & alium item Parochum sed Regularem, dum in primi Sacristia Sacris me vestibus celebrata Missa expoliabam. Contentio in opinionibus consistebat circa dubium: An surripienti alicui quantitatem frumenti apud illum perituri, nihil teneatur restituere, neque pretium, si hoc quoque esset domino frumenti periturum. Affirmabat Sæcularis; negabat Regularis, meque volentem celeriter cum Socijs mei itineris Romam versus discedere, utriusque Parochi detinuerunt, & mihi quæstionis statum exponentes, interrogauerunt quid putarem esse tenendum?

Responsio oretenus data cursim.

I Meum non est cum Dominationibus vestris Doctoris munus exercere, cum utriusque discipulus tantum esse possim. Nihilominus quia unusquisque in suo sensu abundat, ut interrogationi obediendo responsum dem, me tamen doctioribus remittendo, assero me sentire, dari furti rationem in proposita surreptione, & consequenter frumentum si extet apud surripientem, vel ab isto, si non extet, eius pretium esse restituendum, quidquid sit, quod utrumque apud dominum foret periturum. Ratio meo videri clara est, quia conditio rei ut *peritura*, non priuat dominio illius dominum, vnde non reddit illam nullius domini, ita ut fieri possit propria primò capientis; immò dato, sed non concessio, quod nullius redderetur, certè primò capiens est iam ille, qui illam tenet; ergò qui illam surriperet ab eam habente, manifestum furtum admitteret cum restitutionis obligatione.

Respon-

Responsio latè scripta.

2. Attenta essentiali definitione furti, scilicèt quod sit rei alienæ iniusta acceptio invito domino, prout Doctores omnes asserunt, dubitari, nequè negari minimè potest, quin frumenti surreptio in casu nostro furti rationem importet, quia frumentum quamvis fuerit periturum iudicari debet, ut verè est proprium illius, qui de præsentis illud possidet, res enim non iudicatur ab eo, quod erit, sed ab eo, quod nunc est, ut tradunt Iura, & notat Felin. in cap. cum aded, num. 4. & seqq. de Rescript. cum ergò frumentum nunc sit bonum, est iudicandum proprium illius nunc illud possidentis, à quo si auferatur, erit ablatio rei alienæ, atque idè erit furtum, nec releuat quòd erit periturum.

3. Et eò ipso, quòd frumentum sit ablatum de domo alterius, & nesciretur quinam sit illius dominus, adhuc dicendum est esse illius, intrà cuius domum est constitutum. l. si fines, C. de cuius. Menoch. conf. 2. à num. 83. & Gam. decis. 230. num. 1. & hoc saltèm præsumptivè. Ità docent DD. cit.

4. Dicebam oretenùs qualitatem frumenti ut perituri, non constituere, nec facere tale frumentum esse commune, seu non habere aliquem dominum, vnde si surripiatur fiat surripientis, qui illud non teneatur restituere, nequè illius pretium, si istud sit quoquè periturum apud illum, qui dictum frumentum habebat: Afferò igitur surreptionem dicti frumenti quamvis apud dominum perituri fuisse furtum cum obligatione restitutionis, si extet, & si non extet dari debet eius pretium domino, quamvis etiam istud sit postea periturum apud illum. Hæc apertè probantur ex quarta excommunicatione lata in Bulla Cana contrà naufragantium bona surripientes, quæ licèt sint peritura, nihilominus illa accipientes tenentur domino restitutionem facere, ut decernitur in dicta Bulla, & quidèm sub dictæ censuræ pœna; ergò qualitas rei ut peritura non priuat dominum suo dominio, propterea qui illam surripit furtum committit, furtum enim communiter dicitur ablatio rei alienæ invito domino.

5. Cum autem furtum sit intrinsecè malum, consequentè est semper illicitum, & importat obligationem restituendi, nec

86 *Interrogatio XII. De surripiente rem domino perituram &c.*
nec casus in contrarium est dabilis ; sed si res quia est peritura apud dominum posset licitè auferri , sequeretur esse licitum interdum furari , non enim formalitas rei quatenus perituræ tollit à domino illius dominium , sicque illam surripiens auferit rem alienam invito domino , & hoc est verum furtum facere cum debito restituendi eam extantem , vel ea consumpta illius pretium , tametsi apud dominum istud sit periturum.

6 Ex dictis constat , nullatenus sustineri posse , rem apud dominum perituram importare carentiam alicuius sui domini , adeoque censerì nullius , fierique primi occupantis , ut contendebat in casu nostro Parochus sæcularis. doctè tenens rem nullius ad primò capientem spectare , ut contingit in aucupio , in quo aves liberè per aerem volitantes fiunt primò capientis , cum sint nullius ; & idem est in venatione ferarum , si capiantur in loco publico , & hoc adeò verum est , ut etiam existente lege , nè capiantur , capiens non teneatur restituere , quia leges non prohibent dominium in primò capiente , sed solum usum venandi ; & quia sic nemini fit iniuria . Ita Doctores communiter , ut ait Carbo de Restitut. quest. 35.

7 Deniquè dato , at non concesso , eidem Parocho , rem , v. g. frumentum nunc proprium alicuius reddi nullius propter rationem , quòd apud illum peribit , atquè fieri primi occupantis , cui sinè furto surripi nequeat , in isto casu primus occupans est omninò ille , apud quem huiusmodi frumentum iam est , quòd & tanquam verus dominus possidet ; ergò. &c.



INTERROGATIO XIII.

*An licet Clerico emere boues, eosque Rusticis
pro medietae locare ad lu-
crandum?*

TRansferam Anconam vnam circiter leucam, vbi casu iumentum meum cecidit, & ad illud subleuandum Rusticus quidam cucurrit, cui cum gratias pro sua Charitate mihi facta dederim, dixit mihi vt Deum pro eo rogarem, afflicto enim erat, quia ipsi mortui fortuito erant duo boues, quos conduxerat ad lucri medietaem à quodam Clerico, qui illos ad hunc effectum emerat, nunc verò prætendit, vt ipsi eorum valorem pro medietae ad minus soluatur à me, qui paupertate pressus nihil habeo ad soluendum ei: Imò addidit Rusticus, quòd quamuis aliquid haberet, nihil dare vellet, quia scit se non teneri, prout à quodam Religioso in Ciuitate Anconæ dictum ei fuerat; sicque interrogauit me, an & ego dicerem non teneri?

Responsio oretenus data cursim:

I Dato, vel non dato, quòd Clericus licitè potuerit emere boues, vt istos ad lucri medietaem locaret Rusticis, sed in contractu conductionis non fuit appositum pactum de stando cuiunque accidenti etiam mortis eorum fortuitæ, & ista de facto sequatur absque culpa conductoris, iste nihil tenetur soluere locatori. Si verò in contractu isto fuit expressum pactum aliquod pro omni euentu, pactum erit adimplendum, dummodo contractus fuerit licitus, & validus. Cum igitur in casu nostro asserat Rusticus nudam, idèst sine pacto fecisse conductionem bouum, qui in conscientia ipsius attestatur, quòd sine sua negligentia, & sine eius culpa mortui sunt, consequenter dominus perierunt, vnde in nihilo condemnandus est Rusticus conductor; quare si Clericus in præensione alicuius solutionis persistat, nec à molestando eundem Rusticum desistat, iste poterit causam suam ad forum Episcopi deferre, & certè victoriam, & libe-

88 *Interrogatio XIII. De Clerico emente, & locante bones &c.*
liberationem obtinebit contra Clericum, qui potius fortasse puniatur, quia illicitè per negotiationem sibi prohibitam, bonum dictam emptionem fecerat ad eos locandos cum lucro, quia est probabile, quòd nec semel potuerit negotiari.

Sic verbotenus vulgari sermone respondi Rustico, è quo discessi, ipso consolato relicto.

1 *Responsio latè scripta.*

2 Ad plenam propositi dubij resolutionem, necessè est de negotiatione præmittere aliqua.

Primò, quid sit negotiatio, & quibus, ac sub quibus pænis illa prohibeatur, & quoruplex illa sit.

Secundò, an quidam casus habeant rationem prohibitæ negotiationis, vel non.

Tertiò, notabilia ex Pontificijs Constitutionibus, & ex S. Congregationis Responsionibus.

3 De primo dico, Negotiationem esse, rem emere, ut immutata cum lucro vendatur, ut DD. communiter eam definiunt.

Talis negotiatio prohibita est Religionis, etiam Conuersis, & Clericis, & quidè sub pæna excommunicationis, suspensionis, ac depositionis, *cap. 2. Nè Cler. vel Monach. & cap. consequens, 88. dist. & cap. penult. 91. dist. & cap. Sed nec, Nè Cler. vel Monach. dictæ tamen pænæ sunt sententiæ ferendæ, non latæ. Leza. Sum. tom. 1. cap. 9. num. 39. Item quia Ecclesiasticus negociando viuit modo laicorum, propterea laicorum oneribus subiacerè dignum est, cap. recolentes, de statu Monach. ideoque tenentur ad solutionem Gabellæ rerum, quas emunt, & vendunt, cap. Quamquam, de censib. in 6. & Clement. fin. de censib. Comitol. Respons. Moral. lib. 1. quaest. 35. & alij communiter. Præscribuntur etiam aliæ pænæ, quas infra notabo num. 9. 17. & 34. Quoad solutionem Gabellæ, quære infra, num. 8. & 18.*

4 An negotiatio possit ab Ecclesiasticis exerceri per alium, multi affirmant cum Diana *part. 1. tract. 8. de contract. ref. 72.* quia prohibitio est facta per lus Ecclesiasticum solis Ecclesiasticis per seipsos; at stando in Iure naturali est quid indecens, indignum, & indecorum quomodocunquè negotiationem exercent. Sed Bordonus *Variar. resolution. part. 2. ref. 53. num. 97. censet*

Interrogatio XIII. De Clerico emente, & locante bones &c. 89
 censet non licere sine graui culpa Ecclesiasticis tum Sæcularibus
 tum Regularibus, siue sint in Sacris, siue tantum in minoribus
 negotiationem exercere nec per se, nec per interpositam perso-
 nam, nisi urgeat necessitas seipsum, & parentes sustentandi. Quod
 per se non liceat, probatur à Bordono ex *cap. per totam, dist. 88.*
 & quod sit quoque dicendum idem de negotiatione exercita per
 alium, probat *loc. cit. num. 98. ex Iuris reg. 67. in 6.* quia quod ali-
 cui non licet suo nomine, neque alieno licebit; & quod necessi-
 tas excuset, deducit idem Author ex *cap. præsertim, & ex cap. 1.*
 & ex *cap. Secundum, Nè Cler. vel Monach.* Ità ille ubi *suprà, n. 99.*
 Hoc tamen limitatur quoad Religiosum particularem, quia iste
 non indiget, cum ei Conuentus prouideat, vnde sic faciens de-
 linqueret contra votum paupertatis, neque Superior potest ei
 licentiam concedere, vt postea de pecunijs disponat. Lezana
Sum. tom. 1. cap. 9. num. 39.

5 Triplex est negotiatio: *Æconomica, Politica, & Lucrativa.*
 Negotiatio *Æconomica* non est prohibita, immò est de iure natu-
 ræ, vt Religiosi emant necessaria ad proprium, suorumque
 vsum.

6 Negotiatio *Politica* est illa, qua emuntur necessaria Exer-
 citui, Ciuitati &c. & ista est Religiosis prohibita, *cap. Episcopus,*
dist. 88. & cap. 1. & seqq. 21. quest. 1.

7 Negotiatio *Lucrativa* est duplex, vna *propria*, altera *impro-*
pris. Ista fit emendo rem, vt ea mutata, & melior effecta carius
 vendatur; & huiusmodi negotiatio non est vetita. Illa verò est
 prohibita, per quam emitur res, quæ immutata carius venditur,
 & hac intentione fuit emptæ. Lugo de *contract. disp. 26. sect. 3.*
num. 21. Layman Theol. Moral. lib. 3. tract. 4. §. 7. num. 39. & 40.
 & alij.

8 Dixi *suprà, num. 3.* Clericos negotiatores teneri Gabellas
 soluere de rebus, quas sic emunt, & vendunt, dicuntur autem
 negotiationem cum tali obligatione exercere, quando aliquid
 emunt, vel contractu oneroso acquirunt, vt ex illius venditione
 lucrum reportent. Suar. *tom. 5. in 3. part. disp. 23. sect. 4. num. 2.*

Et quamuis Barbosa de *Iure Ecclesiast. lib. 1. cap. 30. §. 5. nu. 65.*
 cum alijs velit, trinam monitionem præquiri, vt condemnatur
 ad soluendam Gabellam tanquam negotiator Clericus, ita vt
 non sufficiat vna preceptoria pro omnibus; tamen alij negant

dictam triplicem monitionem in casu negotiationis, licet requiratur pro solutione Gabellæ ex bonis, & facultatibus suis, & de illis loquitur *cap. fin. de vit. & honest. Cleric.* & ita habetur *cap. Quemquam, de censib. in 6. & Clementin. fin. de censib.* Sanch. *Consil. Moral. tom. 1. lib. 2. cap. 4. dub. 51.* & plures alij penes ipsum, quorum opinio dicitur probabilior. Vide *num. seq.*

9 Clericus negotiator si post trinam monitionem Prælati non desistat, priuatur priuilegio Canonis per *cap. ex litteris, de vit. & honest. Cleric.* iuxta Nauarrum, Toletum, & alios; sed probabilius est priuari solum priuilegio fori.

Etiam pro vnico actu negotiationis non sunt immunes Ecclesiastici à solutione Gabellæ quoad bona per negotiationem emptæ, & venditæ. *Theaurus in Praxi, part. 2. verbo Negotiatio, cap. 1.* Tamen ad incurrendam excommunicationem, suspensionem, & degradationem non sufficit vnus, vel alter actus, sed requiritur frequentia actuum, quia verbum *negotatio* est verbale exigens frequentiam, vt notant Lezana *Sum. tom. 4. verb. Negotiatio, num. 4.* & Sanch. *Consil. Moral. lib. 2. cap. 4. dub. 51. nu. 7.* Vide adhuc *infra, num. 23. & 34.*

An autem peccet mortaliter qui semel, aut bis negotiationem exercet, dicunt quod non Cened. in *Collect. Inr. Canon. part. 1. Collect. 37. num. 2. in fine.* Carol. de Grass. *de effect. Cleric. effect. 3. à n. 1.* Lessius, & Malderus. Verum Cast. Pala. *tom. 3. tract. 16. disp. 4. punct. 13. §. 3. num. 6.* cum Molina, Salonio, Rebello, & Gutierrez, dicit esse peccatum graue etiam tantum semel negotiationem exercere, quia cum sit prohibita negotiatio, ista verè secundum totam suam essentiam consistit etiam in vnico actu; sed huic rationi patet responsio per mox dicta suprà à Lezana, & Sanchez. Quære adhuc *infra, num. 23. & 34.* vbi exprimitur casus prohibitiæ negotiationis etiam tantum semel.

10 De secundo dico, dari casus, qui non habent rationem negotiationis. Sic negotiator non est Ecclesiasticus, qui aliquid emit ad proprium, seu suorum vsum, sed postea data occasione illud carius vendit, quia non emit, vt vendat cum lucro.

11 Item non est negotiatio vendere redditus propriorum beneficiorum.

12 Item non exercet negotiationem, qui extrahit fructus suos, atque suorum beneficiorum, seu bonorum patrimonialium

Interrogatio XIII. De Clerico emente, & locante bones &c. 98
ex vno loco ad alium, vt ibi carius vendat. Soufa in *Bullam*
Cana, cap. 19. disp. 92. con. 1. num. 4.

13 Item non est negotiator Ecclesiasticus emens animalia, vt illa in suis prædijs pascant, & facta pinguis, illa vendat.

Item qui materiam aliquam emit, vt eam in aliquod artificium mutet ad vendendum. Molina de *contractib. disp. 342. n. 14.* & alij; dummodò id fiat ad subueniendum proprijs necessitatibus, & ob id non retrahatur à Clericatu, vel à Religioso officio, & artificium illud sit honestum. Syluest. *sum. verbo Clericus 3. num. 2.* Et quamuis emptio rei facta vt illa mutetur per artificium, & industriam, vt vendatur, sit negotiatio impropria, & licita, vt constat ex cap. *Clerici officia*, de vit. & honest. Cleric. & ex 91. dist. cap. *Clericus*, & de consecrat. dist. 5. cap. *nunquam*. Syluest. *verb. Excommunicatio*, 9. num. 21. Diana *part. 5. tract. 1. res. 26.* alias 27. & Filliuc. *tract. 43. cap. 4. quæst. 15.* tamen eam esse indecentem statui Ecclesiastico, atque idè non esse exercendam, nisi aliqua iusta causa urgeat, ait Filliucius *ibid.*

14 Conducere prædia, vel res fructiferas, vt fructus vendant, est negotiatio, nisi Ecclesiastici id faciant necessitate coacti, vel nisi succedant conductori. Ità cum Naldo, & alijs dicit Lezana *sum. tom. 4. verb. Negotiatio*, num. 4. addens Sacram Congregationem declarasse, hanc prohibitionem stare solum de prædijs, quæ sunt laicorum, secus si sint Ecclesiasticorum, vel locorum piorum, & ità notat etiam Barbosa de *iure Ecclesiast. lib. 1. cap. 40. num. 125.*

15 Non est negotiator Clericus, aut quivis Ecclesiasticus, quò in proprio fundo eruit, vel cædit metalla ad vendendum, vel mutandum ea, aut in illo alat greges, vt ex lacte, vel caseo, ac lana pecuniam acquirat; nam sic fit artificium, seu industria honesta, si fiat vt dixi *suprà*, num. 14. Nauarr. in *Manual. cap. 27. num. 128.* & Lessi. de *insti. lib. 2. cap. 21. dubi 1.* Vide etiam *infra*, num. 23.

16 Qui habens pecuniam auream, hanc cum argentea permutat cum lucro, non dicitur negotiator: Si verò pecuniam auream ab alio accipiat ad aliquid emendum pro illo, sed eam sibi reseruat, vt postea maiori valore permutat, & cum argentea rem commissam emat, erit negotiatio illicita Ecclesiastico. Ità Lugo de *insti. disp. 28. sect. 2. num. 30.*

92 Interrogatio XIII. De Clerico emente, & locante boues &c.

17 Non est illicitum Regularibus in suis Monasterijs habere aliquam apothecam pro eorum vtilitate, in qua per sæculares emantur, & vendantur aliqua, quæ ipsis sunt necessaria, dummodò id fiat extrà Romam, eiusque districtum, intrà quod quicumquè Regulares si id faciant, etiam Superiores incurrunt pœnam Suspensionis ipso facto à Diuinis, & priuationis Officiorum, quæ habent, & perpetuæ inhabilitatis ad cætera obtinenda, vocisque actiuæ, & passiuæ absquè alia declaratione, & tamquam contrà negotiatores procedet Generalis Thesaurarius confiscando lucra, & capitale ad dictas artes spectantia, ex Decreto S. Congregationis Apostolicæ Visitationis, edito sub die 29. Augusti, 1637. teste Lezana Sum. tom. 4. verb. Negotiatio, num. 6.

18 Panem coctum, etiam ad minutum vendere, si sit ex frumento in proprijs prædijs collecto, non est illicitum Clerico. Barbof. de Iure Ecclesiast. lib. 1. cap. 40. num. 118. Idem procedit de venditione proprij vini; tamen Religiosi hoc præstare non debent in proprijs Monasterijs, sed per alios in domibus sæcularium, in Monasterio autem non licet tabernam facere. Layman lib. 3. tract. 4. cap. 17. §. 7. ex Rebello de oblig. iusti. part. 2. de contr. lib. 18. quæst. vlt. sect. 2. Igitur nec in domo Clerici, nec in Monasterio sunt exercendæ prædictæ venditiones, nisi consuetudo sit in contrarium. Et cum in istis non exerceatur negotiatio, consequenter non est soluenda Gabella. Dian. part. 8. tract. 7. Miscell. ref. 26.

19 Si contractum Societatis faciant Clerici, vel Religiosi cum mercatore, vel campfore, qui ab illis totam pecuniam accipiant, & isti operam totam ponant, erit negotiatio verita in sententia Bordoni, vt notauit suprà, num. 4. Nihilominus sententia contraria dicitur communis ab Hurtado de contr. disp. 2. diff. 17. & illam tenent quamplures, quos citat, & sequitur Diana part. 9. Miscell. ref. 69. quia nullibi reperitur prohibitum negotiari per alium. Potest tamen aliquandò esse peccatum veniale, quando scilicet Ecclesiasticus in dicta Societate sibi retinet aliquantulum curæ, dirigendo, sollicitando &c. Immodò poterit esse mortale, si adeò magna, ac tanta sit directio, ac sollicitudo, seu superintendencia, vt possit dici negotiari per seipsum. Card. de Lugo de iusti. tom. 2. disp. 26. sect. 3. num. 36. & Diana loc. cit. in fine.

20. Etiam Nouitij licet nondum in Sacris prohibitum esse nego-

Interrogatio XIII. De Clerico emente, & locante boues &c. 93.
negotiarī, tenent Turrian. tom. 2. disp. 59. dub. 3. num. 6. & Dica-
stili. de iust. lib. 2. traſſ. 9. disp. 1. dub. 5. num. 242. quia rationes
prohibitionis quoad illos peculiarem habent vim. Hanc senten-
tiam vtpotē dubiam non vult approbare Card. de Lugo de iust.
tom. 2. disp. 27. ſect. 3. num. 25. Tamen illam non tenent alij, in-
tēr quos Gaspar Hurtad. ubi ſuprà, quia negotiatio eſt vetita
conſtitutis in Sacris, tūm Clericis, tūm Religioſis, nomine au-
tem Religioſorum non veniunt Nouitij in odioſis, cuiuſmodi eſt
lex vetans negotiationem ſub varijs pœnis.

21 Clericus habitans, v. g. Bononiæ ſi habeat pecunias, v. g.
Venetijs, vbi plūs valent, quam Bononiæ, & velit prò ſuis indi-
gentijs ſibi afferri, ſed ad euitandum damnum minoris valoris
pecuniarum, quas recipiet Bononiæ, vbi minūs valent, mandat
vt Venetijs emantur merces eodem pretio, quo eas Bononiæ vult
vendere, vt ſic ſe indemnem ſeruet, non erit negotiator, quia
emptionem non fecit, vt res emptas vendat immutatas animo
lucrandi; vnde ſi poſteà Bononiæ eas præter intentionem maio-
ri pretio vendat, non erit negotiatio, quia hoc erit per accidens.
Eſſet tamen negotiatio, ſi prædictus Clericus habeat, v. g. Vene-
tijs centum ſcuta, quæ in valore non æquivalent alijs centum
Bononiæ, & Venetijs emat merces prò dictis centum, quæ ibi
habet, vt Bononiæ eas vendat itēm prò centum ſcutis iuxta
valorem, quem Bononiæ habent. Ratio eſt, quia emit merces,
vt eas non mutatas carius vendat. Ità Cardinalis de Lugo, cui
tamquàm ſatis probabiliter loquenti ſe adhærere dicit Diana
Coordinatus tom. 6. traſſ. 3. ref. 183.

22 Habens Beneficium Eccleſiaſticum, quamuis nondum
ſit in Sacris, non poteſt negotiationem exercere. Salas de con-
traſſ. traſſ. de empt. dub. 2. num. 5. citans Rebellum, Vegham,
Sà, & Tabienam. Sed in contrariam partem inclinant Squil-
lante de oblig. Cleric. part. 2. dub. 3. num. 39. & Molin. de iust.
tom. 2. traſſ. 2. disp. 342. num. 2. Alij verò volunt negotiatio-
nem vetari ſolū conſtitutis in Sacris, non autem tantū
in Minoribus, licet ſint beneficiati. Ità Trullench. in Deca-
log. tom. 2. lib. 7. cap. 20. dub. 19. num. 7. Filliuc. traſſ. 35. cap. 1.
num. 20. & alij.

Prosequitur eadem materia.

23 Quamuis sine labe negotiationis possint Ecclesiastici locare propria iumenta, tamen esset negotiatio, si iumenta emant, ut ea locent. Ita declaravit S. Congregatio Concilij, ut refert Barbosa in *Collect. decis. verb. Cleric. fol. 178.*

Et quia idem de iumentis emptis a Clerico, ut ea locet, tenet Molina de *iusti. tom. 2. tract. 3. disp. 347. num. 24.* & deinde concedit licere Clerico emere domum, vel prædium, ut locet; propterea Cardinali de Lugo de *iusti. tom. 3. disp. 26.* videtur, quod Molina sit sibi contrarius, cum eadem sit ratio de emptione iumentorum, ut locet, ac de emptione domus, ac prædij, ut locet; quare ipse de Lugo asserit esse speciem negotiationis, si frequenter alia, & alia iumenta emanant ad finem ea locandi; secus si tantum semel, & postea diutius in eo exercitio haberentur; sicque non agnoscit de Lugo maiorem indecentiam in hoc, quam si semel domus fuisset empta ad locandum, vel grex ad eius fructus vendendos. Vide etiam *suprà, num. 9. & 15.*

24 Clericus emens vvas, ut vinum faciat ad vendendum, etiam sine necessitate, non dicetur negotiator, quia vendet rem mutatam. Antonell. de *Regim. Eccles. Episc. lib. 6. cap. 7. num. 14.* & idem est si emat oliuas, ut vendat oleum, vel si emat lanam ad conficiendos ex ea pannos postea vendendos, quia emptionem fecit rei, quam mutatam vult vendere. Sed quoad hanc lanæ emptionem notant aliqui cum Diana *part. 11. tract. 3. Miscell. 3. res. 10.* non defuisse volentes esse negotiationem conficere pannos ex lana propriorum animalium per ministros laicos, siue si lana sit empta a Religiosis, qui proprijs sumptibus faciant per laicos conficere in pannos, volentes carius vendere, quam panni valeant. Ita Bosellus in *decisionib. musinen. lib. 1. quest. 28. num. 33.*

25 Idem Bosellus *ibid.* censet esse negotiationem, si Ecclesiastici suis sumptibus imprimant libros a se compositos, hosque in diuersis regionibus vendant, quia carius sic vendunt cartam, & scripturam immutatas, ex quibus duobus libri impressi constant, nisi ob necessitatem id faciant. Sed contra Bosellum tenent Doctores communiter, cum hoc non sit quid turpe, nec scan-

Inferrogatio XII. De Clerico emente, & locante boues &c. 95
scandalosum, sed potiùs omnibus vtile, & laudabile, prout ex
experientia quotidiana liquet. Sic Pasqualig. in *questionibus mo-*
ralib. Canonic. Centuria 1. quest. 73. num. 1. & Noster Antoni. à
Spir. Sanct. in *Director. Regular. part. 2. tract. 3. disp. 6. sect. 11. §. 1.*
num. 1377. vnde à viris timoratæ conscientiæ sic prædicatur,
nec Prælati obstant.

26 Quod dictum est contrà Bosellum de impressione libro-
rum, procedit etiam de reimpressione, quia ista est protractio
primæ impressionis. Immo idem est de reimpressione boni libri
alterius Authoris, & de impressione Imaginum. Diana *part. 1. l.*
tract. 6. Miscell. 9. ref. 41. & Passerinus *de hominum statib. tom. 2.*
quest. 187. art. 2. num. 160. & eius ratio est, quia nihil hic emi-
tuitur, nisi per accidens, & præter intentionem, cum finis princi-
palis sit colligere fructus doctrinæ ex proprio agro, illosque alijs
communicare; & potiùs donare, quàm vendere, inæstimabilis
enim est vera doctrina.

27 Negotiatio prohibita Clericis censi debet prohibita,
quoque illis coniugatis. Layman. in *Theol. Mor. lib. 4. tract. 9.*
cap. 8. num. 5. Suarez *contrà Regem Angliæ, lib. 4. cap. 28. num. 9.*
& alij.

28 Ecclesiastici mittentes bona sua ad locum, vbi plùs valent,
non censenter lucratiuam negotiationem facere. Anton. Soufa
in *Bull. Cane, cap. 19. disp. 92. conf. 1. num. 4.* Bonac. *tom. 3. in Bull.*
Cane, disp. 1. quest. 19. punct. 3. §. 3. num. 6. & alij.

29 Si prò fabrica sui Monasterij Regulares faciant fornacem,
poterunt sinè labe negotiationis vendere exteris lateres, cal-
cem &c. Ratio est, quia accessorium sequitur suum principale,
quod in isto casu est vsus Monasterij. Dian. *loc. cit.*

30 De tertio dico, quòd à Capitulo, Presbyteris, & Clero Ci-
uitatis, & Diæcesis Caputaquensis, interrogata S. Congregatio
Concilij de pluribus dubijs, intèr quæ secundum est de Clericis,
an possint boues, quos emerint, vel in suis prædijs natos educauerint,
& instruxerint concedere, ut vulgò dicitur, à giouatico, prò certa
eritici quantitate quolibet anno persoluenda?

Respondit: *Ad secundum, quoad boues emptos negativè, quòd verò*
ad boues proprios affirmatiuè. P. Molina *de contract. disp. 341. sub*
num. 4. quem refert, & sequitur Quaranta in verb. vestigal., & simi-
liter ad illicita.

96 Interrogatio XIII. De Clerico emente, & locante boues &c.

31 Etiam interrogata eadem S. Congregatio à Sacerdotibus, & Beneficiarijs Diœcesis Alexan. & Vgenin. de varijs dubijs, quorum primum est, an Sacerdotes, & Clerici Beneficiati possint operas suorum bouum, quos prò laborandis prædijs suis patrimonialibus, seu beneficalibus, aut ad eos quoquomodo spectantibus retinent, dum sibi vacant, alijs locare prò certa mercede, absquè periculo spolijs, & pænarum Clericis negotiatoribus impositarum?

Respondit S. Congregatio affirmatiuè, si tot iuga bouum retineantur, quot sunt prò prædijs necessaria, vel si ultrà necessitatem boues illi nati sint ex vaccis, quæ prò necessitate cultura prædiorum, vel alio licito modo tenentur.

32 Item dicta S. Congregatio interrogata, an possint Clerici oues sexaginta, vel centum simili ratione concedere prò certa caseorum quantitate, prò eorum, & suæ familiæ usu?

Respondit affirmatiuè, si oues fuerint propriae, & non emptæ ad illum effectum, & si emptæ, contractus fiat ad comparandum necessaria ad victum, & non ad lucrum.

33 Idem in similibus dubijs respondit S. Congregatio, ut etiam ex alijs refert Barbosa de Iure Ecclesiastico, lib. 1. cap. 40. num. 127.

34 Clemens IX. Constitutionem edidit sub die 17. Iunii 1669. approbatiuam, & innouatiuam alterius Urbani VIII. contra Ecclesiasticos tam Sæculares, quàm Regulares quouis titulo à quibuscunque, etiam à Sede Apostolica missos ad Insulas, Prouincias, & Regna Indiarum Orientalium, præsertim ad Prouinciam de Iapone noncupatam, ac in partes Armeniæ tam Australes, quàm Septentrionales, aut qui in illis partibus quomodolibet morabuntur, nè se mercaturis, aut negotiationibus sæcularibus quouis titulo per se, aut per alios, etiam tantum semel, directè, vel indirectè qualitercunque se ingerant, aut immisceant, sub excommunicationis latæ sententiæ, ac priuationis vocis actiue, & passivæ, & officiorum, dignitatum, & graduum quorumcumque per eos obtentorum, & inhabilitatis ad illa, & alia quæcunque in posterum obtinenda, necnon amissionis mercium, & lucrorum omnium ipso facto incurrenda, & etiam sub alijs pænis arbitrio Sedis Apostolicæ, & Cardinalium Congregationis de Propaganda Fide.

Dictas autem merces, & lucra dictus Pontifex applicat pauperibus ob eorum commoditatem, Hospitalium, Seminariorum.

Eccle.

Ecclesiasticorum, & Operariorum, non tamen Religionum, nequè locorum personarum, quæ in præmissis deliquerint; quare dicta lucra erunt consignanda Ordinarijs, vel eorum Vicarijs in spiritualibus, aut Officialibus &c. Ità per extensum refert Lantusca in *Theatr. Regular. in supplement. verb. Mercatura.*

35 Nunc prò directà resolutione casus nostri, assero non potuisse Clericum licitè, nec sinè labe negotiationis emere boues ad finem eos locandi, siuè absolute, siuè ad medietatem lucri, prout ex Sacra Congregatione notaui *suprà*, num. 23. & rursus num. 30. sicuti dicto numero 23. dixi doceri à Molina, quamuis tantum semel Clericus id præstiterit. Vide *suprà*, num. 9. Si verò velimus sentire cum Cardinali de Lugo, quem contra Molinam eodem numero 23. retuli, docere non sufficere ad labem negotiationis, si solum per vnicam vicem fuerit à Clerico facta locatio bouum ab ipso ad hunc finem emptorem, consequenter non erit damnandus, excepto casu, in quo per vnicam vicem esset reus negotiationis ex expressa Constitutione Clementis IX. relata à me hic *suprà*, numero antecedenti, qui tamen casus in præsentì non habet locum, quia non sumus in loco Indiarum, &c.

Quoad prætensionem Clerici volentis, quòd Rusticus soluat medietatem valoris bouum mortuorum, dico non posse illam, prætere, stante quòd in contractu societatis ad medietatem cum Rustico, Clericus non reiecerit periculum in socium per alium contractum affectionis, nec in totum, nec in partem, vnde animalia in tali casu stant periculo apponentis; nam apponens est dominus, & res perit domino, supposito quòd fortuitò, non ex culpa alterius socij pereat. Dicastill. lib. 2. tract. 13. dub. 1. à num. 124. Trullench. lib. 7. cap. 24. dub. 5. num. 8. apud Antonium à Spir. Sanct. eos sequentem in *Director. Confessarior. part. 3. tract. 10. disp. 25. sect. 5. num. 1261. & num. 1264.*



INTERROGATIO XIV.

*An teneat bonorum confiscatio hanc penam
vnde cum Principis Edicto
ignorantis?*

PER transitum eram Veronæ, ibique ductus fui à R. P. Priore Conuentus meæ Religionis ad domum cuiusdam Dominæ Viduæ eius pænitentis nobilis, & diuitis ibi hospitæ ægrotantis in lecto ex sola vehementi afflictione propter bonorum suorum confiscationem factam à suo Principe Duce N. intrâ cuius ditionem illa possidebat, eò quia non adimpleuit id, quod per publicum Edictum omnibus suæ ditionis sub tali pæna mandauerat intrâ tres menses exequi, cuius tamen Edicti notitiam nonnisi post dictum tempus, & post multam sibi factam habuit; & idèd me interrogauit, an Ius haberet ad reclamandum prò recuperatione confiscatorum, cum ipsa tunc temporis longè à suo loco abesset, relictis in afflictum vni tertio prædijs suis nunc confiscatis?

Responsio oretenus data cursim.

1 Supposità absentia, & quidèd per longam distantiam à loco, in quo Edictum publicatum fuit, mirum non est, quòd illius notitia ad talitèr absentem minimè peruenierit; vndè de illo etiam vltra tres menses ignorantiam habuerit. Datà autèd tali ignorantia in absente, & maxime in fæmina, si in Edicto mandata non impleuit, nullam commisit culpam, sine qua nec pæna incurritur. Igitur certum mihi est, quòd si prò recuperatione confiscatorum reclametur, allegatis quæ dabo in scriptis obtinebuntur.

Responsio latè scripta.

2 Si forsàn contrà prædictam Dominam dictum sit, ipsam scientèr, dolosè, & appensatè, ac animo spernendi, & contrafaciendi mandatis in Edicto, ista non impleuerit, probari debuisset

Interrogatio XIV. De confiscatione bonorum ignorantis &c. 99

sunt dictæ qualitates, quibus non probatis, sicut nec reuera probari possunt, cum non adsint, sequi debet absolutoria, ut asserunt Iacob. Arct. & Cynus in l. 2. C. de prob. Io. Andr. in addi. Specul. in tit. de accu. & inquis. in Rubr. cum simil. per Marfil. conf. 96. num. 5. & singulari 187. Grat. respons. 91. num. 6. volum. 2. & alij cumulati ab Horatio Lucio conf. 168. num. 28. tom. 1. criminalium.

3 Cum igitur probatum non fuerit dictam Dominam habuisse scientiam Edicti cum omnibus qualitatibus suis, ut erat opus probare, quod deliquisset, ut per gloss. in cap. concertationi, vers. seuerit, de app. in 6. Spec. in tit. de cita. §. sequitur, & in tit. de app. §. qualiter, vers. cautus. Alex. conf. 114. column. 2. volum. 1. Natta conf. 225. num. 5. & Hyppolit. Riminald. conf. 310. num. 24. Immo cum præfatum Edictum non fuerit publicatum Veronæ, ubi dicta Domina tunc morabatur, præsumitur euidenter illam illius velut noui, & extrauagantis habuisse ignorantiam, ut post alios declarat Iason in l. cum prolatis, column. 1. & 2. ff. de re iud. & in muliere præsumitur iuris ignorantia. Rui. conf. 190. nu. 11. volum. 1. præsertim ubi agitur de damno euitando, ut in casu præsentis de confiscatione bonorum. Bart. in l. Bonorum, ff. de bon. poss. Rip. in l. 1. §. si quis ita, nu. 29. ff. de verb. oblig. & Ceph. conf. 366. num. 58.

4 Et quia ubi agitur de confiscatione bonorum, ibi sit agere de criminalibus, iuxta doctrinam Bart. in l. 3. ff. de sepul. viol. Deci. conf. 83. col. 2. & in Rubr. de iudic. l. 2. num. 6. sequitur, quod ignorantia Edicti debet eandem Dominam excusare. l. 1. & ibi gloss. ff. de recept. & l. Qui ignorans, & ibi latè Marf. & in l. Qui falsam, ff. de fals. & Decian. Respons. 93. num. 90. volum. 2.

5 Sic stante ignorantia prædicta in muliere, ipsi culpa imputari non potest. Crauet. conf. 204. num. 21. ignorans enim non dicitur delinquere. Ripa in l. fin. n. 48. C. de reuoc. donat. & consequenter, ubi non est delictum, nec pœna esse debet. l. Sancimus, C. de pan. Bald. in l. si idè, C. de his quibus, quia pœna præsupponit culpam. l. sed & si non data, §. fin. ff. de fideic. lib. & l. si quæ pœna, ff. de verb. signif. Cra. conf. 4. num. 23. & Ceph. conf. 242. column. 2.

6 Nec tantum ex nescientia Edicti concluditur prædictam Dominam fore absoluendam, verum etiam ex carentia doli in ipsa,

ipsa, cum quolibet ignorantia etiam Iuris excuset à dolo, per notabilem gloss. in *L. plagii, C. ad leg. flauii. de plagii.* & multò magis excusat mulierem, in qua dolus non est præsumendus, nec lata culpa, secundum gloss. in *l. ubi, ff. de eden.* quam ibi sequuntur omnes; vnde Bald. elegantèr in *l. fin. in princ. quasi. 3. C. de iur. delib.* & in *l. precibus, col. 5. vers. Quid ergò si petijt, C. de impub.* per eam firmat, dolum non præsumi in muliere, sed potius bonam fidem, quia naturalis ratio, & sexus imbecillitas hanc opinionem, siue coniecturam inducit, vt tenet etiam Horatius Lucius *conf. 162. num. 13. tom. 1. criminalium.*

7 Si ergò ignorantia excusat à dolo, & illius præsumptio oriatur ex absentia, per Cephala. *conf. 304. num. 256.* & Hippolyt. Riminald. *conf. 470. num. 23.* sequitur dicendum, Dominam in casu nostro non fuisse in dolo, & consequenter ob ignorantiam, & absentiam ignorantiae inducium non obligari. Idem Riminald. *d. conf. 470. num. 27.* Quarè vtpotè non obligata in casu nostro præfata Domina, sicuti in Edictum ignoratum sui Ducis publicatum, dum illa longè aberat à Patria non deliquit, sic nequè bonorum suorum confiscationis pœna in Edicto posita mulctanda fuit ex hæcenus suprà allegatis Iuribus, & Iureperitis. Quære adhuc infra, à num. 10.

8 Similiter fauet eidem Dominae Moralistarum doctrina, qui loquentes de lege Ciuili, licet sufficientèr promulgata, & obligante in conscientia, contrà quam ex inuincibili ignorantia aliquis delinquit, asserunt talem esse immunem à culpa, quia nullus tenetur obedire legi, quam omninò ignorat. Sot. *de iusti. lib. 1. quasi. 1. art. 4.* Azori. *Instit. Moral. tom. 1. lib. 5. cap. 3. qu. 9.* Valentia *tom. 2. disp. 7. quasi. 5. punct. 5. lit. D.* & alij, inter quos Mastrius in *Theol. Moral. disp. 2. quasi. 4. art. 3. num. 106. in fin.* ubi loquitur de lege tum Ciuili, tum Pontificia. Noto tamen, cum Azorio *Instit. Moral. part. 1. lib. 5. cap. 3. quasi. 9.* & alijs, quòd quamuis ignorantia legis excuset à culpa, necnon à pœna, si quæ sit præscripta, seu apposta, nihilominus acta contrà illam erunt irrita, etiam in conscientia, si lex ea irritet.

9 Vltimò non omitto notare quod dicunt Sot. *loc. cit. §. Contrà hos,* & Caiet. *1. 2. quasi. 90. art. 4. ad 2.* nempe quòd cum primum lex est promulgata in Curia, vel in Metropoli Regni, obligat

Interrogatio XIV. De confiscatione bonorum ignorantis &c. 101
obligat vniuersos, sed a culpa excusat ignorantes eam; & sic potest dici, tunc legem obligare in actu primo, non in actu secundo; & hoc si procedit quoad præsentis, & existentes in loco promulgationis, multò magis non obligat in utroque foro absentes.

Appendix.

10 Præallegata vidit, & legit D. Prætor, à quo contrà Dominam præsentis casus fuerat lata confiscationis sententia, quam vt sustineat, & ritè pronunciatam tueatur rescriptis sic: Edictum, & Lex cum sint idem, fateor non dici committere in Legem cum, qui eam ignorat, vnde nec est de tali dicendum, quòd non adimplendo mandatum deliquerit, adeoque nec culpam, ob quam Legis pœna debeat admissit, tempus enim ignoranti, vel impedito minimè currit. Id tamen solummodò procedit quando tempus est à iure determinatum in odium delinquentium, non verò si sit determinatum in fauorem alterius, prout constat ex Concilio Tridentino concedente Professis in Religione tempus quinquennij ad reclamandum contrà inualiditatem Professionis, quod tempus currit à die factæ Professionis, non obstante aliquo impedimento, aut ignorantia illius inualiditatis; & ratio est, quia tale tempus fuit concessum in fauorem Religionis propter huius communem quietem. Ità Sanch. de Matrim. tom. 2. lib. 7. disp. 31. num. 18. & aliud simile habetur in cap. Statum, de Præbend. in 6. Couarru. in cap. 3. num. 4. de testam. & Tiraquell. de retract. lignag. §. 35. gloss. 4. num. 25.

11 Cum ergò Edictum in casu nostro emanarit à Principe, vt intra tres menses singuli habentes prædia intrà territorium suæ ditionis soluere teneantur certam summam sub pœna confiscationis eorum, & hoc in commodum commune urgente necessitate, consequenter à pari de casu Tridentini curret tempus etiam ignoranti; nam quando duò casus sunt æquiparati, quod in iure est dispositum in vno, censetur quoque dispositum in alio. Gloss. in verb. Aduocandum, in l. mancipia, C. de seru. fugit. Tiraquell. de retract. lignag. §. 15. gloss. 1. nu. 10. Molin. de primog. lib. 2. cap. 8. num. 16. Sured. de aliment. tit. 2. quæst. 10. num. 2. & gloss. in cap. si postquam, de elect. in 6. quare de iure dicta Domina licet absens, & igna- J

102 *Interrogatio XIV. De confiscatione bonorum ignorantis &c.*
& ignara, effluxis tribus mensibus in Edicto taxatis debuit confiscatione multari.

12 Sed bona pace D. Prætoris respondendum est ei, nihil præ nostro casu probari ex ab eo allegatis Iuribus.

Et *Primò*, non per textum Tridentini, quia in illo particularitè non statuitur expressè currere tempus quinquennij etiam ignorantì, sed ad evitandas lites, quæ continuè possent insurgere cum Religionis, & Religiosorum perturbatione, si liberum esset cuicunque Professio etiam post quinquennium, quocunque vltiori tempore reclamare; sic decrevit Tridentinum *sess. 25. cap. 19. de Regular.* quia præsumit in decursu tot annorum fuisse Professionem ratificatam. Hinc si reuerà intrà quinquennium non fuit ratificata Professio semper ignorata inualida, poterit etiam elapso quinquennio talitèr inualidè Professus non amplius ignorans reclamare, & debet audiri; quia Concilium non negat quòd tempus quinquennij non currat ignorantì, sed tantum præsumit ratificationem in tanto tempore, quæ ratificatio si verè desit, lex ista Concilij non procedit, iuxta communem Theologorum, & Iureperitorum sententiam, quòd lex fundata in præsumptione non obligat in conscientia. Diana cum alijs *part. 2. tract. 10. res. 27.* Et Sanch. *de Matrim. tom. 2. lib. 7. disp. 37. n. 28.* dicit, nullitèr Professum, qui intrà quinquennium nullo modo ratam habuit Professionem, post illud poterit reclamare, & causam ad forum externum deducere, petens restitutionem intactum ratione iustæ ignorantie. Iste est germanus, & clarus sensus assignationis quinquennij factæ à Tridentino in sola præsumptione ratificationis fundato, intactà relicta veritate, quòd impedito, vel ignorantì non currit tempus.

13 Ex dictis patet, Decretum Tridentini citatum à D. Prætorè nullatenus fauere ipsi ad pronunciandam confiscationis sententiam contrà Dominam ignorantem Edictum; nam quamvis concedam Prætori, quòd tempus determinatum à Lege in fauorem alicuius currat isti etiam ignorantì, & tempus quinquennij fuerit concessum in fauorem Religionis, fuit concessio Legis fundatæ in sola præsumptione ratificationis inualidæ Professionis, at huiusmodi Lex non ligat, nec tenet quandò præsumptio deest, vt dixi, & probaui suprà, & communiter affirmatur, adeoque continuata ignorantia verò inualidè professi impedit, quòd

Interrogatio XIV. De confiscatione bonorum ignorantis &c. 103
quodd tempus quinquennij ipsi currat. Sic etiam si tres menses assignati in Edicto sint in fauorem Communitatis, Lex ista fundatur in præsumptione, quodd actus præceptus possit intrâ tale tempus a singulis poni, vt tradunt plures relati ab Abbate *conf. 64. num. 3. part. 2. consil. at respectu Domine absentes, & iuste Edictum ignorantis non potuit exequi; vnde Lex ista particularis ob stare non debet Iuri communi volenti, quodd terminus certus temporis à Lege præfixus non incipiat currere, nisi à die notitiæ. Rota diuersor. decis. 421. part. 1. Abb. & Couarru. in cap. vos quiddem, de testam. Igitur antè notitiam Edicti quoad Dominam absentem, & inculpabiliter ignorantem prout in præsentis casu, inualidè sententiauit D. Prætor, cum eius fundamenta præallegata supra, num. 10. & 11. non subsistant, tum Primò, ex Decreto Tridentini; tum Secundò, ex sua paritate facta de casu ad casum, quæ omnia potius contrâ ipsum militare ostendi.*

INTERROGATIO XV.

*An liceat Reo ad mortem ignominiosam vitandam
per manus Carnificis, vti cibis, ex quibus
ei mors antequam sententietur,
in carcere sequatur?*

Hospes eram in Ciuitate N. in qua quidam Iudex ob mortis metum ei incussum præcedenti anno mortis sententiam tulerat contrâ Caium à falsis testibus de homicidio accusatum, qui propterea innocentè suspensus fuit, cum tamen idem Iudex proprijs oculis viderit homicidium à Seio fuisse patratum, simulque sciret pecunijs corruptos testes falsum deposuisse, vt ex mortali odio Sempronij ergà Caium, iste suspenderetur in patibulo. Denique hoc factum in Iudicis syndacatu detectum fuit Principi, à quo carceribus traditus idem Iudex infirmæ valetudinis, iste se fore ad mortem damnandum præuidens, cogitabat sibi mortem ab alijs naturalem putatam, spontè accelerare cibos nociuos comedendo, sed an hoc sibi licitum esset petijt à Confessario, qui me interrogauit, quid ei respondere deberet, simulque petijt, vt quid de tota materia præsentis casus esset resoluendum, in scriptis ei darem.

Respon-

Responsio oretenus data cursim.

1 Dico absolute, quòd nemini licet seipsum interficere, quia nemo est dominus suæ vitæ, sed vnusquisque tenetur illam sibi conseruare medijs saltèm ordinarijs; & hoc adeò verum est, vt ex nulla causa id possit licitum esse, quamuis esset causa vitandi peccatum mortale, quâ causâ nulla maior est dabilis; & quia, sibi met vitam propriam datâ operâ abbreviare idem est; ac seipsum interficere, consequenter etiam hoc non licere est omnino tenendum. Dantur quidèm casus, qui liciti sunt etiam cum præuisione abbreviationis vitæ, vt v. g. abstinere à carnibus in periculosa infirmitate, vt faciunt Carthusiani; vel pænitentias pro amore Dei cum carnis maceratione &c. quia ex istis non sequitur per se, sed directè mors, quæ nequè intenditur, vnde sic facientes non dicuntur se interimere, sicuti dicerentur, si ex mortis intentione talia facerent. Respondeatur ergò carcerato ludici infirmo, & iustam proximam mortis sententiam expectanti, sibi non licere cibos nociuos adhibere, ea intentione, vt sibi mors inde contingat, quatenus sic per Carnificis manum patibulari euitet. Quòd autem ob mortis metum etiam iniuste incussum iniustam mortis contrâ innocentem iam furcæ traditum dederit sententiam, non ideò habet vnde queat excusari tum ab iniustitia contra sui Officij obligationem faciendi iustitiam; tum a culpa homicidij, cum obligatione refarciendi damna hæredibus occisi, & hanc obligationem habet insolidum cum falsis testibus, cum omnes sint causa damni, sicut & Sempromius.

Responsio latè scripta.

2 Generalitèr loquendo numquàm est licitum occidere seipsum ex quocunque motiuo, etiam ad euitandum peccatum. Ità firmitèr tenent omnes cum Abbate in cap. ex parte, num. 2. de sepult. Ratio est, quia nemo est dominus suæ vitæ, sed vitæ omnium dominium solus Deus habet, vel Respublica, cuius homo est pars, quæ quando est notabilitèr nociua corpori, potest rescindi. D. Thomas 2. 2. quæst. 64. art. 5. & est communis sententia. Nec obstat si dicatur non defuisse, v. g. Sanctam Apolloniam, &
S. The.

S. Theclam, quæ seipsas in ignem eis à Tyranno paratum sponte iniecerunt, vnde & sibi mortem inferebant, sed nequè ob id peccatum admiserunt, quin potius laudabiliter Martyrij palmam obtinuerunt; respondetur enim id fecisse ex Spiritus Sancti instinctu, sine quo se flammis dare minimè licuisset.

3 Et adeò verum est, nemini licere seipsum occidere, vt quamvis quis possit iuridicè ad mortem iuste damnari, tamen non potest à Iudice obligari, vt sibi illam inferat, v.g. bibendo venenum; immò si hoc ipse sic ex sesumeret, peccaret, quia seipsum interimeret, cum nemo propriæ vitæ sit dominus, vt bene docent Lessius de iusti. lib. 2. cap. 9. dub. 6. num. 20. Caraffa de Duel. tract. 3. quest. 1. sect. 3. D. Thom. 1. 2. quest. 73. art. 9. ad 2. & 2. 2. quest. 59. art. 3. ad 2. & Victoria in Relect. de Homicid. num. 23. cum alijs communiter. Dixi, quòd peccaret, at hoc intelligo, nisi inuincibiliter ignoret, sibi illicitum esse venenum ebibere, iuxta communiorem, & veriore Doctorum sententiam, quidquid aliqui in contrarium asserant, censentes idem esse, damnatum sumere venenum, ac pergere ad locum necis, cum tùm bibere, tùm ire non sint actus seipsum directe perimentes. Cæterum sequamur primam, vel secundam quam maluerimus opinionem, utraqùè prò nostro casu concedit, nulli licere seipsum occidere.

4 An autem saltem liceat vitam abbreviare? Respondeo cum distinctione. Vel enim aliquid sit cum præuisione talis abbreviationis, sed non intentæ: Vel ex illius intentione: Primum concedo, secundum nego. Hinc assero licitum esse carnem moderatè affligere mortificationibus, ieiunijs, pœnitentijs, studijs &c. ea intentione, vt caro spiritui pareat, dummodò naturæ necessaria concedantur, nec per hoc impedatur quis ab adimplerione sui officij, etiam si inde vitæ breuitas sequatur; & idèò hoc licitum est, & honestum, quia homo non tenetur, vt diutius viuat à prædictis abstinere, quin potius obligetur ad virtutum opera exercenda. Sanch. Consil. Moral. tom. 2. lib. 5. cap. 1. dub. 33. num. 11. & Azori. Instit. Moral. part. 3. lib. 2. cap. 3. quest. 13. Secus esset, si fieret intentione abbreviandi vitam, quia hoc non licet, cum sit quodammodò se occidere. Caietanus in 2. 2. quest. 147. art. 1. Azor. loc. cit. & Sanch. ubi suprà, num. 9.

Similiter Granado in 2. 2. D. Thomæ, controuers. 3. tract. 6. disp. 2. sect. 3. num. 12. refert opinionem Victoriz docentis, quòd
O quam:

106 *Inter.XV. De profluente sibi mortem, nē ad eam damnetur &c.*
 quamvis Medicus dicat fore ut vita alicuius protrahatur ad decem annos, vel secundum aliquos etiam ad duodecim, si vinum bibat, aut si à pœnitentijs se abstineat, poterit nihilominus vinum non bibere, neque pœnitentias omittere, licet tot annorum vitam sit amissurus, seclusa semper intentione sibi vitam abbreviandi, quia tali animo vellet se paulatim occidere, quod illicitum est. Igitur carcerato Iudici exquirenti, an possit sibi cibis nociuis vitam abbreviare, nē ad ignominiosam mortem damnetur, respondendum est negatiuè.

§ Nec contrà mox dicta obstat si dicatur, quod non licet cui-cunque se occidere, quamvis ei vnus tantum dies supersit vitæ; ergo à fortiori neque poterit quis per multos annos pœnitentijs sibi vitam abbreviare. Respondetur enim negando paritatem, nam in primo casu est peccatum propter homicidium, non verò propter subtractionem illius diei; at in secundo casu homo gubernat vitam modo debito circa Diuina obsequia, quæ plerumquē in rebus vitæ corporali contrarijs consistunt, quidquid sit, quod vita præter intentionem abbreviatur. Immo hoc non solum procedit in rebus pro Dei amore afflictionis, verum etiam in alijs propriæ commoditatis, prout aliqui apud Bonacinam relati in *tract. de restit. disp. 2. quæst. ult. sect. 1. punct. 5. n. 9.* excusant à peccato mortali illos, qui ad tollendum vini calorem, adhibent niuem, etiam si inde præuideant fore ut vita abbreviatur contrà intentionem, quia sic non ponitur directa cooperatio ad mortem.

Notandum tamen est, prout etiam dixi *numero antecedenti in principio*, prædicta procedere modò moderatè adhibeantur, quia quilibet tenetur ex Charitate seipsum conseruare. At quando cum moderatione ex virtutis motiuo maceratur caro, seclusa mortis, vel abbreviationis vitæ intentione, licet talis nolita abbreviatio sit præuisa, tunc huiusmodi maceratio est opus laudè dignum, & ratio dictat in hoc casu non esse cooperationem mortis, vel saltè dictat esse cooperationem leuem, quæ licita est ob iustam causam, & ut corpus in seruitutem redigatur, iuxta illud Apostoli: *Castigo corpus meum, & in seruitutem redigo.* Ità expressè dicitur à Bonacina *loc. cit.* cum Victoria, Arragonio, Nauarro, Azorio, & Toletio, cum alijs. Sic Curthusiani in mortis articulo nolentes carnes comedere non dicuntur seipsos occidere,

Inter. XV. De procurante sibi mortem, nè ad eam damnatur &c. 107
dere, sed non prolongare vitam, quam quis non tenetur omnibus medijs possibilibus prolongare, non solum pro virtute, verum etiam pro virtutis augmento, Carthusianis autem augetur abstinentiæ virtus abstinendo à carnibus in tali casu, & crescit bonum totius Religionis, vt ex Victoria, Ledesma, & alijs, docet Sanchez in *Opusc. tom. 2. lib. 5. cap. 1. dub. 34. num. 6.*

6 Similiter non licet velle mortem alteri accelerare sine culpa lethali, ac sine irregularitatis contractione; at si quis bona fide, & præter talis accelerationis intentionem prudenter voluat infirmum in lecto, vt commodius cibum sumat, & inde mors acceleretur, nec culpa erit, nec irregularitas contraheretur. *Auila 7. par. disp. 5. sect. 3. dub. 8.*

*Quid sit dicendum de Iudice, de testibus falsis,
& de Sempronio in præsentia casu.*

7 De Iudice dico, ipsum grauissimè peccasse tum peccato iniustitiæ, quam in omnium Doctorum sententia tenetur ex officio facere, etiam non obstante metu mortis; tum peccato cooperationis ad falsas, & iuratas depositiones scitatas tales falsorum testimonium; tum peccato cooperationis ad capitale odium Sempronij corruptoris prædictorum, vt Caius innocentèr suspenderetur, vnde singuli sunt Rei peccati homicidij, ideòque ad restitutionem damnorum in solidum tenentur hæredibus occisi, immò & ad restitutionem famæ ipsorum, si ob id infamia illis fuerit secuta, nec non ipsi suspensio innocentèr.

8 Et vt de iniustitia Iudicis in nostro casu clariùs constet, affero doctrinam Syluij in 2. 2. *D. Thomæ, quæst. 66. art. 2. concl. 2.* Petri Nauarra de *Restit. lib. 2. cap. 3. num. 161.* Malderi in 2. 2. *traçt. 6. cap. 1. dub. 13.* & Lessij de *iusti. lib. 2. cap. 29. dub. 10. num. 78.* asserentium non posse Iudicem damnare ad mortem eum, quem testes conuincunt de delicto mortis, quando ipsi Iudici priuatim constat esse innocentem, prout quando ipsemet Iudex vidit delictum fuisse commissum ab alio. Ratio est, quia directè, & ex intentione occidere innocentem est per se malum tum contra Charitatem, tum contra iustitiam. Igitur multò magis est illicitum Iudici damnare innocentem, quem scit à falsis testibus malitiosè conuictum nocentem. Immo nequè licitum est Iudici

108 *Inter. XV. De procurante sibi mortem, nē ad eam damnetur &c.*
damnare illum, de cuius innocentia certus est, tamen si conuictus sit Reus secundum allegata, & probata per testes, quos ille nescit fuisse malitiosos in deponendo.

9 Hinc volunt prædicti Authores, & alij cum illis, non posse Iudicem morti dictum ab eo certò notum innocentem ad mortem condemnare, licet per allegata, & probata conuictum nocentem, sed teneri omnibus modis conari eum liberare, etiam prudenter aperiendo carcerem, ut possit fugere, immò si non possit liberum eum dimittere, tenebitur officium renunciare, etiam cum periculo vitæ si sit Iudex ordinarius; Iudex verò Superior iniustitiæ conscius, etiam si ius palam non faueat, mortis, & mutilationis pœnam suprema sua autoritate relaxet. Ità Doctores relati, qui idem affirmant de Ministro Iustitiæ, qui contra innocentem exequi nequit iniquam damnationem, nisi de innocentia non sit moraliter certus, tunc enim potius Superiori, quàm sibi credere debet, ut notat Lessius *ubi supra*, num. 83.

Ità est omninò tenendum pro casu nostro, cui non fauet sententia Diui Thomæ 2. 2. *quest. 67. art. 2.* & aliorum cum ipso doctentium, quòd quamvis Iudex ex priuata scientia sciat esse innocentem eum, qui secundum allegata, & probata conuictus est Reus, poterit nihilominus eum condemnare, quia in iudicando sustinet personam publicam Communitatis, sicque debet uti scientià publicà, non priuatà; & ideò non fauet, quia hæc sententia procedit, quandò Iudex censet testes deposuisse, & iurasse putantes se veritatem dicere, non verò si sciat eos in suis depositionibus malitiosos, & periuros esse; nam Iudex sciens testes fore deposituros falsum contra illum, qui dicitur Reus in causa capitali, habet sufficiens fundamentum ad iudicandum eos dicti Rei inimicos, atque ideò non sunt admittendi in iudicio, & si fuerint admissi, non curantur, nec probant eorum dicta, ut bene notat Noster Petrus ab Angelis *de ordine Iudiciali, part. 1. cap. 28. num. 37.* si post admissionem, & testificationem de tali inimicitia innotescat.

Circà prædictam sententiam Lessij volentis Iudicem teneri officium deponere potius quàm innocentem damnare, notat Diana *part. 5. tract. 4. res. 22. in fine*, quòd si adhibitis omnibus diligentijs non possit Iudex sententiam declinare, nec officium depo-

Inter. XP. De procurante sibi mortem, ne ad eam damnetur &c. 109
deponere sine magno incommodo, poterit sequi aliam sententiam D. Thomæ, & iuxta ritè allegata, & probata ad mortis sententiam deuenire, non obstante eius contrariâ scientiâ priuatâ.

10 De *Testibus* dico, certum esse, quodd testes, qui malitiosè falsum deponunt incurrunt pœnas periurij, & tenentur ex iustitia damnum inde sequutum restituere. Nauarr. in *Manual. cap. 25. num. 40.* Sorus de *iusti. lib. 5. quæst. 7. art. 4.* Sanch. *Consil. Moral. tom. 2. lib. 6. cap. 5. dub. 21.* & alij. Vtèrius in causa mortis, Rei sunt homicidij, & infamiæ illatæ, vt ex se patet, etiam quoad hæredes occisi, atquè idèò tenentur ad refarcienda damna sequuta tum ex homicidio, tum ex illatione infamiæ, præsertim per impositionem falsi criminis, vt tradunt DD. communiter, & nominatim de mea Religione Antonius à Spiritu Sancto, Gabriel à S. Vincentio, & Andreas à Matre Dei de *iusti. & iure, tract. 13. cap. 4. punct. 9. num. 117.*

11 Adèò verum est, non licere falsum crimen alicui imponere, vt Innocentius Papa XI. sub die 2. Martij 1679. damnauerit in suo Decreto num. 43. & 44. has duas propositiones. *Quidni nonnisi veniale sit detrahentis auctoritatem magnam sibi noxiam falso crimine elidere.* Deindè istam: *Probabile est non peccare mortalitèr, qui imponit falsum crimen alicui, vt suam iustitiam, & honorem defendat.* Igitur quantò magis peccauerunt testes in casu nostro imponentes falsum crimen in iudicio, vnde mors infamato iniuste sequatur, etiam nullo habito motiuo alicuius defensionis propriæ ipsorum?

Et quia prædicti testes fuerunt periuri, propterea est notandum, quodd omnes periuri apud omnes nationes repelluntur à testificando in iudicio, etiam absquè Iudicis sententia, sed sufficiet, quodd tales fuerint probati in iudicio; nam qui semel peierauit in iudicio præsumitur semper peieraturus. Sic N. Anton. à Spir. Sanct. de *iusti. & iur. tract. 5. disp. 1. sect. 14. num. 93.*

Item periuri notorij post sententiam declaratoriam reputantur infames tum Iure Canonico, tum Ciuili. Castr. Palaus de *iuram. disp. 1. punct. 11. num. 2.* Immo Iure Canonico puniuntur graui pœnitentia, vt si sit Clericus, depositione, & reclusionem in arcum Monasterium, cap. *Quicumquè*, apud N. Antonium à Spir. Sanct. loc. cit. num. 91.

110 *Inter. XV. De procurante sibi mortem, nè ad eam damnetur &c.*

12. Testes, qui culpabiliter iurantes deposuerunt falsum in re capitali, si sperent profectum tenentur se retractare, & idem est de deponentibus falsum in re, ex qua mutilatio sit inferenda, & talem retractionem tenentur facere, etiam cum periculo æqualis pænæ, quia in pari causa melior est conditio innocentis. Lessi. *de iusti. lib. 2. cap. 30. dub. 7. num. 53.* Si verò dicti testes dubitent de profectu si retractent, & timeant pœnam maiorem, adhuc tenentur, quia debent facere, & experiri quod eorum est. Ità Strouersdorff. *in 1. 2. quest. 70. art. 4. concl. 3.* Dato postea casu reuocationem non profuturam, tunc non tenentur reuocare, sed sola damna refarcire. Nauarr. *de restit. lib. 2. cap. 3. num. 201.* nomine autem damnorum veniunt tum illata in bonis, tum in fama in nostro casu.

13 De Sempronio totius præallegatæ iniustitiæ causa, dico, quòd ad omnia tenetur insolidum cum Iudice, & testibus, ad quæ tenentur etiam isti, prout supra notavi. Constat hoc, quia ipse induxit omnes ad detrahendum per impositionem falsi criminis, sicque peccauit contra iustitiam, & tenetur restituere famam, si non restituatur ab inductis, *cap. non solum 11. quest. 32.* Item tenetur, quia ipse fuit mandans, ut mors ignominiosa inferatur Caio innocenti, & certum est in omnium sententia, mandantem teneri insolidum cum mandatario restituere, effectu sequuto. Bonacina *de Restitut. disp. 1. quest. 2. punct. 6. num. 3.* Lessi. *de iusti. lib. 2. cap. 13. dubit. 3. num. 11. & alij communiter.*

14 Insupèr mandans tenetur restituere damnum sequutum mandatarijs ex vi mandati. Sic cum Villalobos, & Rebello tradit Trullench *in Decal. lib. 7. cap. 13. dub. 2. num. 1. & alij passim*; dummodò tale damnum sit eius generis, quod communiter solet contingere mandatarijs ex re mandata; alias mandans non tenetur de alio damno omninò per accidens ipsdem sequuto. Thom. Tamburin. *in Decal. lib. 8. tract. 4. cap. 2. §. 1. num. 3.* ubi etiam obseruat, mandantem non teneri ad damnum mandatarijs sequutum, quandò isti spontè se obtulerunt, mandato, vel ob id lucrum reportant, quia volenti non fit iniuria; secus si fuerint seducti, vel coacti. Ità N. Andr. à Matre Dei, *de iustis. tract. 13. cap. 1. punct. 5. num. 118.* & cum Dicastillo N. Anton. à Spir. Sanct. *in Directorio Confessorum, part. 3. de Restit. tract. 10. disp. 29. sect. 2. num. 1396.* Dato quòd mandatarius in exequendo mandato

dato excedat huius limites in re extraordinaria, imputabitur ipsi, non autem mandanti totus excessus, cuius mandans non fuit causa efficax. *Diana part. 8. tract. 7. ref. 33.* cum Azorio, & alijs communiter. Dixi, in re extraordinaria, quia si excessus sit factus in re, quæ ex mandato solet occidere, vt v. g. si mandans iusserit furari centum, & mandatarius furatus sit centum, & quinque, vel si iusserit grauem percussionem, seu grauem vulnerationem, & mandatarius occiderit, totum imputabitur mandanti, quia hæc sunt proxima mandato. *N. Anton. loc. cit. num. 1395.*

Itaque pro interrogatione, & petitione à prædicto carcerati Iudicis Confessario mihi factis summo manè, eadem die in vespere dedi ipsi hætenus scripta, quæ pro casu suo sufficere censui, sicuti & ipsi satis fuisse approbavit.

INTERROGATIO XVI.

*An possit Artifex sibi retinere superflua ex datis
pro opere determinato.*

IN Magno Castro intra Mediolanum sito, solitum cum esset pro solemnitate S. Iacobi in die Festo illius omnia tormenta bellica explodere, variosque ignes artificiosos quot annis supra dicti Castri muros publicè facere compositos à Petro in hac arte perito, datà ei ad hunc effectum ab E. Castellano determinatà pulueris tormentarij quantitate, post mortem Petri, impositum hoc munus fuit Paulo. Isti similiter singulis annis in eadem quantitate tormentarius puluis dabatur, vt pro eadem Festiuitate similes componeret ignes, prout à Petro fiebant. Accipiebat Paulus dictum puluerem, cum quo omninò similes, & insuper varios, curiosos, pluresque in numero artificiosos faciebat ignes, etiam toto puluere sibi dato non adhibito, pro se retinens non consumptum. Contigit me simul esse cum dicto Paulo, quem cum laudarem de admirabili sua arte prout ab alijs audieram, licet non viderim, dixit se non solum semper iuxta mentem E. Castellani fecisse similia factis à Petro prædecessore suo, verum etiam plura in numero, & pulchriora, sibi tamen retento artis suæ industriâ puluere, qui supererat; quare an etià con-

scien-

112 *Interrogatio XVI. De sibi reservante superflua ex datis &c.*
scientia posset illum retinere, vel an teneatur restituere me interrogavit?

Responsio ore tenus data cursim.

1 In proposito casu puto potuisse Artificem ignium tutà conscientia sibi retinere quidquid de pulvere accepto superfuit, stante quòd præsiterit id, ad quod tenebatur, scilicet artificiosos ignes festiviè ostendere similes solitis ostendi ab Artifice prædecessore, cum sic fuerit à successore Artifice petitum, data isti ad talem effectum determinatum solita pulveris tormentarij quantitate, quæ defuncto Artifici dabatur. Ità assero, quia in hoc casu datur contractus iunominatus, *do ut facias*, vnde quando cunque qui dat alteri, ut certum quid determinatum recipiens faciat, si iste integrè rem exigitam facit, non tenetur aliquid restituere, quidquid sit, quòd tali, vel tali propria industria illam fecerit; & præsertim si vltra factum petitum à dante ipse recipiens aliquid aliud fecit tum danti, tum inspicientibus gratum, & quidè ad pompam maiorem Festi ex industria Artificis in præsentem casu, atque idè si sibi partem pulveris reservavit, poterit tutè retinere tamquam meri fructus suæ industriæ; immò nequè Castellanus potest prætere tendere restitutionem residui pulveris ab ipso absolutè dati Artifici, ut faceret statutum ipsi opus, prout completè fecit, iuxta naturam contractus innominati facti inter Castellanum, & eundem Artificem, *do ut facias* tale opus, & nihil dictum est, quòd in illo totum datum impendatur.

Responsio latè scripta.

2 Quia casus præsens fundatur in contractu à Moralists dicto *contractus innominatus*, nempe *do ut facias*, notandum est, huiusmodi contractum posse fieri, vel addita aliqua *limitatione*, vel *absolutè*. Tunc dicitur factus *absolutè*, quando dans pulverem tormentarium Artifici, dicit *do tibi quinquaginta libras pulveris, ut facias* decem ignes artificiosos similes solitis fieri pro tali Festo, nec aliud habet in consideratione de insumendo, vel non insumendo toto pulvere dato. Tunc postea dicitur factus cum *limi-*

limitatione, si dans pulverem exprimeret se velle totum insumi; & in isto casu si totus non adhibeatur, restituendus erit, qui superfluit, quamvis decem ignes exigitos Artifici arte sua fecerit; nam sic constat dominum dantem pulverem nolle, ut pars aliqua illius ad Artificem nulla ratione perveniat. At quando dictus contractus est *absolutè* factus, tunc sufficere debet danti, si integrè faciat petatum ille, qui accepit, adeoque iste nihil tenetur restituere, quia si quid lucri Artifici remaneat, non est nisi fructus suæ industriæ, utpotè peritissimo in arte componendi ignes; igitur in casu nostro cum contractus factus sit *absolutè*, nulla datur restitutionis obligatio in Artifice, à quo plenè fuit factum totum, quod ab eo fuerat requisitum per contractum, *do ut facias*; quare si quid superfuit ex solâ industriâ Artificis, hoc illius proprium erit, iuxta DD. *communiter*.

3 Contra prædicta non obstat, si dicatur Artificem fuisse conductum ab E. Castellano cum determinata salarij solutione, ut prædictos ignes componeret, sicque teneri ex iustitiâ eos facere, distribuere, & inflammare, atque idè non potest retinere aliquid sibi obuentum pro opere aliàs debito ex iustitiâ; & pro hac obiectione facit Tannerus in 2. 2. *disp. 4. quest. 6. dub. 10. num. 291*; ubi ait, quod in contractu innominato, *do ut facias*, debet restitui quidquid acquiritur pro opere aliàs debito ex iustitiâ. Respondeo concedendo assertum Tanneri, sed negando intentum obiectionis, quæ nihil probat in casu nostro, in quo Artifex nihil acquisivit pro opere aliàs ab eo ex iustitiâ debito, sed solum cum propria industria ex materia sibi data *ut faceret*, ipse petita ad vnguem fecit, immò & ad abundantiam alios ignes spontè addidit, adhibens in omni bus de solo pulvere tormentario sibi dato, totalitèr tamen adhuc non consumpto, prout de plano fuisset consumendus, nisi Artifex industriam suam apponere voluisset, ut faciendis exactè factis, superfluum, seu residuum pulveris ex industria reservatum, sibi lucrum afferret absque aliqua restitutionis obligatione; nam fructus industriæ ex re aliena non esse restituendos à bonæ, vel malæ fidei possessoribus, docent D. Thom. 2. 2. *quest. 68. art. 3. Sanch. Sum. lib. 2. cap. 23. num. 46. Lessi. de iust. lib. 2. cap. 12. num. 114. & alij. Quære etiam infra, num. 4.*

Est etiam norandum dari duas obligationes in Artifice in proposito casu: Una est, componendi artificiosè ignes ex sibi dato

114 *Interrogatio XVI. De sibi referuante superflua ex datis &c.*
tormentario puluere : *Alia* est, ponendi suam operam, suumque laborem, pro isto sibi data solutione, vt ex accepta materia componat, distribuat, & incendat ignes. Hinc apertè apparet non habere hic locum Tanneri assertum *loc. cit.* nam quando Artifici dixit E. Castellanus, vel alius, tibi *do vt facias*, non exigit ab Artifice opus aliàs ab illo ex iustitia debitum, sed tantum *dat vt faciat* id, ad quod antè nullatenus tenebatur, & propterea vt faciat datur ei materia adhibenda in opere, & stipendium laboris in operando. Igitur in nostro contractu innominato ex parte accipientis nihil acquiritur pro opere aliàs debito ex iustitia, sique nec tenetur aliquid restituere, nam si aliquid acquisiuit, fuit fructus industriæ, non autem rei, quia pulvis tormentarius non fructificat ex natura sua.

4 Et cum certa sit communis sententia relata à Naldo *Sum. verb. Contractus*, num. 4. nempe contractum intelligi celebratum secundum consuetudinem loci, in quo initur, sic in casu nostro contractus factus inter E. Castellanus, & Artificem ignium intra Castram occasione Festiuitatis S. Iacobi, intelligitur factus secundum consuetudinem, quæ est quod datur huiusmodi Artifici determinata pulueris tormentarij quantitas, vt certus ignium numerus, v. g. ad similitudinem stellarum ab eo componatur, & publicè incendatur, ita vt possit dictus Artifex totum puluerem sibi datum in imposito sibi opere insumere, quamuis sciat cum labore, & industria non totum adhibere, quem laborem, quamue industriam præstare ex obligatione non tenetur erga rem domini; propterea de quocunque Artifice, vel negotiorum Gestore, qui in aliquo opere, vel negotio specialem laborem, vel industriam adhibet, ratione cuius augmentum facit, poterit istud sibi retinere, quia talem laborem, ac industriam non tenebatur impendere. Ita omnes concedunt, vt notat Nald. in *Sum. verb. Restituere*, num. 19. sicque docent nominatim Nauarr. *conf. 4. de furt. & conf. 12. de usur.* & Philiar. *de offic. Sacerd. quest. 2. lib. 5. cap. 31.*

5 Fauet Artifici casus nostri ad eum deobligandum à restitutione partis pulueris sibi industriose referuati, communis doctrina de Thesaurario alicuius Principis, vel de Procuratore, ac seruo, qui habentes pecunias Dominorum suorum ad expendendas, vel conseruandas, cum illis negotiantur, & lucrum sibi retinent,

tinent, quod reſtituere non tenentur, quia eſt fructus induſtriæ concurrente pecunia tamquàm inſtrumento, quod ex ſe eſt inſæcundum. *Beia part. 1. caſ. 42. & Diana part. 1. traſſ. 8. reſ. 32.* Idem ſequitur dicendum de Artifice prædicto, qui mediante puluere accepto implet ſeruitium Domini, & per propriam induſtriā aliquid acquirit pro ſe, mediante eodem puluere tamquàm inſtrumento, vt quia illum v. g. alibi commutauit, vbi viliori pretio puluis tormentarius venditur &c.

6 Deniquè obſeruo potuiſſe Artificem accipere v. g. centum libras tormentarij pulueris ab B. Caſtellano cum expreſſo ordine, vt omninò centum libræ pulueris inſumantur, non tamen obligauit Artificem, vt puluerem indiuidualitèr datum adhibeat, & ſic tunc centum libras dictas debet adhibere, nec ſibi aliquam poſſeſt retinere partem. Tamen poterit per induſtriā ſuā ipſe Artifex vendere dicti pulueris v. g. ſexaginta libras pro Iulijs v. g. ſexaginta iuxta valorem ſic currentem in vno loco; deindè cum dictis ſexaginta Iulijs emere in alio loco, vbi puluis tormentarius adèd diuerſo pretio venditur, vt cum ſexaginta Iulijs centum libræ emantur; & indè ſequetur Artifici lucrum quadraginta librarum pulueris, quem non tenebitur reſtituere, vtpotè fructus induſtriæ. Hæc benè probantur à pari de Domino dante ſeruo centum aureos in auro, vt ſoluat ſuo creditori, non curans qua ſpecie pecuniarum id fiat, & ſeruus commutat aurum cum lucro, quod poterit ſibi retinere, ſoluendo tantum centum creditori, quia tale lucrum eſt fructus induſtriæ eiſdem ſerui. Ità Molina, Reginaldus, Rebellus, Leſſius, & alij, quos reſert, & ſequitur Diana *vbi ſuprà*. Secus tamen eſſet, ſi Dominus vellet, vt in eodem auro ſoluat ipſe ſeruus; aut ſi velit ſibi dari omnes fructus per induſtriā receptos. Igitur idem à pari clarè concludendum eſt de Artifice in caſu noſtro, qui integrè impleuit ſibi demandata, immò & plura alia cum lucro per propriam induſtriā recepto.



INTERROGATIO XVII.

An sit denunciandus Quæstuaris rogatus in agro à quadam Rustica, ut eam confiteatur, prout se facturum, promisit, si prius sineret se cognosci ab eo, qui omninò ignotus eidem mulieri, ista, nescit dicere undè ille venerit, nec cuius habitus, seu Religionis fuerit?

EX Ciuitate Papiæ iter agebam versùs Ferrariam in cymba ; in qua intèr plures itinerantes erat vnus Religiosus, qui mihi casum sibi in Confessione in quodam loco obuentum narrauit, nempe quòd Rusticam nuptam confessus sit, quæ per bienium adulterij peccatum à se semèl commissum in varijs confessionibus suis ob pudorem semper reticuit. Deniquè ipsi contigit dùm in agro laborabat, accessisse ad eam ex motiuo quæsturæ quemdam habitu veluti Religioso indutum, cuius autem Religionis, atquè Regionis esset omninò ipsa non nouit, sed illum rogauit, ut eius confessionem audiret ; respondit ille se libentèr sic facturum, si ei concedat rem secum habere, à quo peccato poterat postea in sua confessione eam absoluere ; consensum præstitit mulier, quæ statim apud eundem de omnibus peccatis suis confessa est ; sed quia dicta Rustica post mensem cæpit dubitare an talis confessio fuerit valida, voluit prò quiete suæ conscientiæ altum adire Confessarium, & iste fuit supradictus Religiosus, qui mecum erat in naui, mihiq; prædictum casum narrauit dicens, se fuisse in magna perplexitate, an obligare deberet dictam fæminam ad denunciandum illum, qui totalitèr erat ipsi ignotus, & præsertim quia fortassè non erat Confessarius, immò nequè Sacerdos, & tandèm se illam obligasse ad casum deponendum D. Inquisitori omni meliori modo quo posset, ut deindè ad ipsum reuersa, integram faceret confessionem, & absolutionem reportaret ; tamen prò confessione nunquàm redijt ; quid ergò in hoc casu ego fecissem dictus Religiosus me interrogauit ?

Res:

Responsio oretensis data cursim.

1 Prudentèr, rectè, & necessariò singula narrata à secundo verè Confessario fuerunt facta; nam quamvis Rustica minimè nouerit cuius Ordinis esset Quæstuaris ille, à quo petijt in confessione audiri iudicans illum esse legitimum Confessarium, tamen etiamsi nec esset Sacerdos, adhuc fuisset denunciandus, & quidè ex duplici capite, scilicèt tùm quia occasione, seu prætèxtu Confessionis sollicitauit mulierem, à qua vt eam confiteretur fuerat requisitus; & hoc certissimum est, si talis sollicitans erat Sacerdos ad confessiones approbatus; tùm quia licèt fuerit Sacerdos, sed non prò confessionibus approbatus, aut fuerit Laicus, tamen denunciandus erat, nedùm ex vi Bullarum contrà sollicitantes, iuxtà plurimorum Doctorum sententiam, verùm etiam ex vi Edictorum DD. Inquisitorum, prout omnes concedunt. Hinc benè fuit admonita Rustica de sua obligatione denunciandi suum sollicitantem, quem quamuis non nouerit cuius Ordinis sit, poterit, & debet illum describere melius ac sciat, tacendo an ipsa consenserit, nam de hoc non requiritur. Immo non solum benè fecit, sed tenebatur illam monere vtpotè ignaram de tali obligatione, ad quam monitionem tenentur sub mortali Confessarij; & si pœnitens nolit denunciare, non potest absolui. Facta postea denunciatione poterit Rustica absolui in Confessione, quam facere tenetur repetendo peccata saltèm mortalia, si quæ per biennium confessa est, sed non absoluta, ratione inualiditatis confessionum, quarum numerum exprimere tenetur, quia sacrilegæ fuerunt proptèr voluntariam reticentiam peccati mortalis adulterij cum Quæstuario commissi. Si verò Rustica ad denunciandum non iuerit, nequè ad verum Confessarium reuerti voluerit, ipsa cogitet, sibi que consulat, càm iam plenè directà fuerit, & instructa. Ità sentio, & ego quoquè sic cum illa me gessissem.

Responsio latè scripta:

2 Notum est, Pontifices Pium IV. Paulum IV., & Clementem VIII. Bullas edidisse, mandantes esse denunciandos Confessarios

118 *Inter. XVII. De ignoto sollicitante occasione Confessionis &c.*
sarios sollicitantes ad venerea pœnitentes mulieres in confessione.

3 Notum quoquẽ est, Gregorium XV. similem edidisse Bullam, in qua non solum comprehenditur sollicitatio mulierum, verum ampliatiuẽ comprehenditur sollicitatio cuiusvis personæ facta à Confessario ad venerea, non verò ad quodcunque aliud peccatum, quamvis grauius.

Est etiam amplior Bulla Gregorij XV. quatenus Pius IV. Paulus IV. & Clemens VIII. per sua Decreta volunt solum Sacerdotem in confessione sollicitantem esse denunciandum, nullam imponentes pœnitenti obligationem denunciandi, excepta obligatione, quæ de iure naturæ inest; verum Gregorius XV. in sua Bulla mandat esse denunciandum Confessarium, siuẽ sollicitet in confessione, siuẽ extrà, antè, vel post, siuẽ in confessionario, siuẽ in loco confessionibus deputato, siuẽ alibi simulans audire confessionem, siuẽ in eum pœnitente inhonesta tractet; & ad denunciandum idem Gregorius præsupponit pœnitentem teneri, & insuper mandat in eadem sua Bulla omnibus Confessarijs, & eorum pœnitentes sollicitati, eos de sua hac obligatione moneant.

4 Cognitionem delicti Confessariorum sollicitantium omnibus Inquisitoribus Orbis Christiani committit in sua Bulla dictus Gregorius XV. necnon Ordinarijs locorum simul cum iisdem Inquisitoribus, vel separatim. In Decretis verò Pij IV. & Clementis VIII. solum committitur dicta cognitio Inquisitori Generali Hispaniæ, & ab eo deputatis; at in Decreto Pauli IV. committitur Inquisitori Generali Lusitanæ, & ab eo deputatis. Cæterum in nullo ex prædictis Decretis imponitur excommunicatio contra non denunciantes, imponitur tamen ab Inquisitoribus, vt benè notat Noister Antonius à Spir. Sanct. in *Directorio Confessarior. part. 1. tract. 5. disp. 18. sect. 4. §. 1. num. 1431.*

5 Dicta irrefragabiliter procedunt de Sacerdotibus ad confessiones audiendas approbatis; sed quid dicendum sit de Laico, qui se fingit Sacerdotem, vt in simulata confessione fœminæ istam sollicitet; aut de simplici Sacerdote non approbato confessiones excipiente, & fœminam sollicitante? Dico Laicum quantum ex hoc capite non esse denunciandum. Ità Porrell. in *Addition. ad dub. Regulat. verb. Sollicitare, num. 14.* Diana, & Sanctarellus, quos refert Thom. Hurtad. *tract. 4. cap. 7. num. 117.* ipse tamen cum

* *Inter. XVII. De ignoto sollicitante occasione Confessionis &c.* 119
 cum Giptio contrarium tenet. Idem de simplici Sacerdote asserendum est, qui se approbatum fingens excipit confessionem, & pœnitentem sollicitat. Ratio cur nec Laicus, nec simplex Sacerdos prædicti quantum ex vi Decreti Gregorij XV. non sint denunciandi est, quia dictus Pontifex solum loquitur de Sacerdote approbato, prout cum Fagundez, & Portell. dicit Hurtad. *loc. cit. num. 125.* Nihilominus Sancius, Freytas, Acugna, & Diana apud ipsum Hurtadum contrarium tenent non sine fundamento, ut refert N. Antonius *ubi supra, sed num. 1447.* Vide *num. seq.*

6 Iam igitur ex præallegatis pro nostro casu concludendum venit, Quæstuarium Rusticæ sollicitatorem fuisse denunciandum ex omni capite, siue fuerit Laicus, siue simplex Sacerdos non approbatus, & maxime quia fortasse de facto erat unus ex approbatis, siue fuerit Ecclesiasticus, sed non Sacerdos; nam Lai- ci, seu Ecclesiastici non Sacerdotes si Confessiones audiant, sunt denunciandi Inquisitoribus, qui contra illos procedunt ex Constitutionibus Pauli IV. Gregorij XIII. Sixti V. & Clementis VIII. relatis à Scortia in *Bull. Pontif. epis. 162. theore. 403.* Sanctiarel. de *Heresi, cap. 42. dub. unic. num. 5.* & Barbosa de *potest. Episc. part. 3. alleg. 110. num. 18.*

Item simplices Sacerdotes non approbati, seu carentes iurisdictione si confessiones audiant sunt denunciandi etiam in terminis Bullæ Gregorij XV. si pœnitentes sollicitent; & hoc dicitur certum à Castro Palao *tract. 4. disp. 9. punct. 9. num. 1.* penes Dianam *part. 4. tract. 5. ref. 8.* quia absolute censentur Confessarii, cum Ordinis potestatem habeant, & possint ab omnibus absolvere in articulo mortis, alias quilibet Sacerdos sollicitans posset dicere, se ausum fuisse pœnitentem sollicitare, eo quod iurisdictionem non haberet absolvendi à peccatis, quæ sibi erant confessa, quod esset eludere Inquisitionis Decreta, & Pontificum Constitutiones; & quidem iuxta illam Gregorij de hoc nequit esse dubium, quia talis Sacerdos verè simulat confessionem audire, & sic simulans incitat pœnitentes ad Venerem, & de confessionem simulantibus loquitur expresse in sua Bulla dictus Pontifex. Sic Palaus, & ita tenendum est, quidquid dicat Sousa, in *aphor. Inquis. lib. 1. cap. 34. num. 16.*

Denique si Quæstuarium erat verè Sacerdos approbatus, certum est, quod fuerit denunciandus, nec contrarium dici potest.

7 Difficultas in casu nostro videtur posse fieri, an stante omnimoda nescientia Rusticæ qualitaturn, immò & personæ Quæstuarij, à quo fuit sollicitata vt præfertur, teneatur denunciationem facere, cum ista foret inutilis, ac sine effectu à Pontificibus, seu Inquisitoribus prætenso in illorum Bullis, ac Edictis, si delinquens nec cognoscatur, nec indicari possit? Respondebit fortassè aliquis, obligationem denunciandi non adesse in isto casu denunciationis inutilis, eò ipso quòd reus est omninò ignotus etiam quoad habitum, vnde quod inutilitèr fieret, non est faciendum; in Iure enim non fieri, & inutilitèr fieri paria sunt. *l. pen. in prin. ff. de suis, & leg. hered. & l. quotiès, vbi Gloss. & DD. ff. qui satisf. cog. Tiraquell. ad l. connub. gloss. 1. p. 6. n. 12.*

Nihilominus negandum est fore inutilem denunciationem in præfenti casu; nam verè utilis dicenda est, quatenus aliquando poterit inducere in cognitionem delinquentis, si reperiat, seu videatur in aliquo loco, præsertim vbi, aut propè vbi crimen commisit, datis indicijs Ministro Sancti Officij prò captura; prout talia indicia fuerint in denunciatione à denunciante deposita, & habita ex responsionis ad interrogatoria D. Inquisitoris.

Item talis denunciatio utilis erit ad cognoscendum reum, si fortè secundò, tertio, aut pluriès similiter peccet, sicque ab alia, vel ab alijs sollicitatis denunciatur cum expressione habitus Æremitæ, aut Ordinis alicuius; vnde carceretur, recognoscatur &c. quamvis varijs in locis delinquat. Ità cenſeo esse tenendum, tum quia *qui non potest facere quod debet, tenetur saltèrn facere quod potest*; & sic cum sollicitata non possit facere denunciationem, quæ clarè, & determinatè, ac distinctè fieri debet, tenetur eam facere prout potest; tum quia cum *utile per inutile non possit vitari*, iuxta *Iuris Regulam 37. in 6.* & denunciatio qualitercunquè facta à Rustica in casu nostro utilis sit, vt dixi, consequentèr si quid sequatur inutile, per hoc illa minimè vitatur, adeoque est omninò facienda, & ideo ad eam rectè obligavit Confessarius pænitentem, quæ si ad Confessarium facta denunciatione reuersa fuisset, & confessionem omnium peccatorum suorum saltèrn mortalium fecisset cum expressione numeri sacrilegarum confessionum per biennium factarum, tacitò ob pudorem adulterio cum Quæstuario admissò, tunc potuisset, imposita ei debita pænitentia, absolui,

INTERROGATIO XVIII.

An sit denunciandus Confessarius vocatus à penitente ægrota, si ad eam eat non animo confitendi, sed solum ut & pro de eius scrupulis representat, & pro affectu erga eam, totum ei exprimens quibusdam verbis, & actibus?

Æ Grotans pia adolescentula in lecto detenta dolore pedum, fecit ad se vocari suum Confessarium vero animo se confitendi. Aduenit vocatus, qui statim dixit decumbenti: Sum hic non ut tuam Confessionem audiam, sed quia cum sumus amici, nunc tecum volo tibi animum meum aperire, breuiter tamen quia in presenti non possum retineri à te, quæ confessiones tuas solita es in longum protrahere, quapropter ad te confitendum commodius alia vice reuertar. Respondit puella, dicas igitur quid velis. Statim extendit Confessarius manum suam supra gulam illius dicens: Volo te non esse scrupulosam, deinde admouens manum ad eius os ait, & idem volo, quod lingua tua muta fiat ad scrupulos confitendos, prout facere est consueta, adeoque ex solo affectu, quo te prosequor nunc libenter huc veni. Dictos tactus respuens infirma annorum viginti, se retraxit dicens, si aliud à me non vis, neque ego à te confiteri peto, atque idem ad tua negotia eas, & sic discessit. Sequenti die matrem suam ægrota rogauit, ut alium ad se Confessarium vocaret, quia ipsam præcedenti die Confessarius audire noluit sub prætextu non cooperandi tot meis scrupulis, affirmans tamen se fore reuersurum post aliquot dies, sed ego cupio confessionem non differre. Vocauit igitur mater alium Confessarium, apud quem filia confessionem fecit, istique narrauit quid sibi cum alio Confessario acciderit, quare in dubio erat, an istum denunciare teneatur, & responsum habuit quod non, adeoque dubium debebat deponere. Nihilominus post factum iste secundum Confessarius an bene deobligauerit penitentem à denunciando quæsiuit à docto Theologo, qui respondit, quod verè erat obliganda, utpotè verè solli-

122. *Int. XVIII. De Confessario cum penitente ambigū loquente &c.*
citata à vocato ad ipsam confitendam, stantibus verbis, & tactibus sequentis. Verū persistente utroque Confessario in propria opinione, conuenerunt simul vt cuius opinionis ego essem me interrogarent, dū Patavij in platea eiusdem Ciuitatis per transitum eram, ibi vno ex illis me vidente, & agnoscente.

Responsio oretensis data cursim.

1 Factum prout mihi proponitur fateor plura continere ponderanda atque exactè examinanda, vt iudicari possit an sit de illis, quæ in Bulla Gregorij XV: de sollicitantibus penitentes continentur.

Primò, videtur posse difficultari, an quamvis ægrota animo se confitendi vocauerit Confessarium, si tamen iste intentionem non habuit illius confessionem audiendi, sed accedens ad ægrota istī significet se venisse non prò eius confessione, quam tunc omninò non vult audire, at vt ipsam visitet, sicque si ad inhonestā deueniat, ista sint censenda habita à Confessario denunciando tanquā sollicitante occasione confessionis?

Secundò, an per positionem manus Confessarij super gulam, & os ægrotæ, quæ illum vocauerat prò confessione audiendā, quam Confessarius audire volebat, nihilominus factus sit reus delicti sollicitationis?

Tertiò, an prædicti tactus adhibiti super organa vocis à Confessario casus nostri exprimente se velle illa esse muta ad scrupulos proferendos, euacuent suspicionem volitæ inhonestatis?

Quartò, an per hoc quòd Confessarius dixerit ægrotæ, *ex solo affectu, quo te prosequor nunc libentèr hūc veni*, sit denunciandus?

2 De his quatuor sic distinctis possumus dupliciter discurre, scilicet vel *collectiue*, vel *diuisiue*. Loquendo *diuisiue*, dico:

Ad *primum*, quòd stante vocatione facta ab ægrota, vt Confessarius veniret ad eius confessionem audiendam ad lectum tanquā ad locum prò confessione electum, quamvis Confessarius iuerit absquē intentione ministrandi ei Sacramentum, si cū ea tractet de inhonestis, etiam præmissa protestatione de nolitione eam confitendi, erit nihilominus denunciandus, quia verè occasione confessionis ad infirmam accessit, nec illum liberat, quin
denun-

Int. XVIII. De Confessario cum pœnitente ambigüe loquente &c. 123
denunciari debeat, eius intentio nolendi ægotam Sacramentalitèr audire. Patet hoc convincentèr per paritatem pœnitentis se ponentis in confessionario, & ibi expectantis ad eam confitendam vocatum Confessarium, qui si veniat, & se in confessionario ponat, statimque dicat, nolo te hac vice confiteri, sed volo ut sis mea amasia, vel quid simile contrà honestatem proferat, certè in isto casu talis Confessarius erit delinquens contrà Bullam Gregorij XV. de sollicitantibus, in qua quòd dicitur de Confessionario, dicitur etiam expressè de alio loco ad confessionem electo, prout est quandò in lecto ægotantis audienda est eius confessio. Nec iuvat ad excusandum Confessarium in casu nostro defectus intentionis audiendi confessionem; nàm quotiescunque Confessarius sollicitat pœnitentem, certè intendit non confiteri eam, & tamen absquè dubio est denunciandus; ergò etiam in nostro præsentì facto.

3 Ad secundum dico, esse rem evidentem denunciandum esse Confessarium, qui occasione confessionis tangit pœnitentis carnes in facie, in ore, in gula, aut in pectore absquè rationabili necessitate, sed omninò superflue; nàm huiusmodi tactus ex sui natura inhonestatem important, atquè ad inhonesta incitant.

4 Ad tertium dico, quòd non obstante Confessarij expressione sui motui tangendi pœnitentis gulam, & os, ut hæc vocis organa cessent scrupulos dicere, non propterea tollitur suspicio volitæ inhonestatis, ut patet ex data responsione ad secundum; & præsertim quia satis fuisset pœnitentem verbotenus monere, nè sit scrupulosa.

5 Ad quartum dico, quòd verba amatoria pœnitenti expressa occasione confessionis à Confessario constituunt istum reum denunciationis, & hoc nemo negat.

Hinc concludo, quòd si diuisuè loquendo, singuli quatuor casus sunt de contentis in Bulla Gregorij XV. ità ut quicumque ex illis fuerit commissus à Confessario cum pœnitente occasione confessionis in loco prò confessione electo reddat illum sollicitantem, ac proindè denunciandum; à fortiori erit denunciandus, si collectivè de omnibus est reus, sicuti talem iudico Confessarium in casu nostro.

Responsio latè scripta.

6 Ex Bullis Summorum Pontificum Confessarij sollicitantes pœnitentes sunt denunciandi, præsertim ex illa Gregorij XV. in qua statuit, quòd Confessarij, qui personas, quacunque illæ sint ad inhonestà, siuè intèr se, siuè cum alijs quomodolibet perpetranda, in actu Sacramentalis Confessionis, siuè antè, vel post immediatè, siuè occasione, vel prætextu Confessionis huiusmodi, etiam ipsa Confessione non secuta, siuè extrà occasionem Confessionis in confessionario, aut in loco quocunque, ubi Confessiones Sacramentales audiantur, seu ad Confessionem audiendam electo simulantes ibidem Confessionem audire, sollicitare, vel prouocare tentauerint; aut cum eis illicitos, & inhonestos sermones, siuè tractatus habuerint, sint denunciandi.

7 Obligatio personæ ut supra sollicitatæ denunciandi Confessarium sollicitantem est sub mortali. Ità Sanctarellus de Hæresi, cap. 46. dub. vnic. num. 10. Acugna de Confess. sollicit. quest. 21. & seq. Rodriq. Quest. Regular. tom. 2. quest. 27. art. 1. & alij communiter; & hoc magis clarè patet post Bullam Gregorij XV. ex illis verbis, mandantes omnibus Confessarijs, ut suas pœnitentes, quos nouerint fuisse ab alijs sollicitatos, moneant de obligatione denunciandi sollicitantes, quæ verba quamuis in aliorum Pontificum Bullis de hac materia non fuerint posita, tamen sub hoc onere vsu receptæ fuerunt, & idè etiam si per Inquisitores Edictum denunciandi non publicetur, tenebitur nihilominus pœnitens sollicitatus denunciare post habitam sufficientem notitiam dicti decreti Gregorij XV. Ità benè obseruat Sancius in Selectis, disp. 11. num. 20.

8 Ex hæcenus data cognitione obligationis in pœnitente denunciandi Confessarium sollicitantem, possem hic notare plures casus, proptèr quos ad denunciandum pœnitens teneretur; nihilominus in præsentì ponam tantum quid sit dicendum de factis in casu nostro intèr vocatum ad confitendum, & ægrotam illum vocantem. Quidè extrà dubium est, esse denunciandum Confessarium scientem vocari à pœnitente volente confiteri, si illam sollicitet, quamuis confessio non sequatur, siuè quia sollicitata confiteri postea noluit, siuè quia Confessarius audire recusauit, aut ad alium Confessarium remisit. Ità cum Sousa de Confess. sollicit. tract. 1. cap. 18. num. 6. dicit Diana part. 4. tract. 5. ref. 39. & talis est

Int. XVIII. De Confessario cum pœnitente ambigüe loquente &c. 125
est casus noster, in quo Confessarius sciens se vocari ab infirma;
vt eam confiteatur, ad eam perexit, cui dixit *se nolle eam confi-*
teri; ergo exclusio intentionis audiendi confessionem, occa-
sione cuius ad locum electum à pœnitente, idèst ad eius lectum,
aduenit, si illam sollicitet non tollit, quin sit denunciandus.

9 Est quoquè denunciandus Confessarius, quia occasione con-
fessionis tangit pœnitentem in manu, brachio, & à fortiori in
facie, pectore &c. vt docent Sancius in *Selectis, disp. 11. num. 22.*
& Dian. *part. 4. tract. 5. res. 5.* Ratio est, quia huiusmodi tactus
habiti occasione confessionis, seu in confessione possunt præsumi
facti animo vltèrius progrediendi.

10 Nec excusatur pœnitens ab obligatione denunciandi Con-
fessarium, qui eam tetigit in gula, & supèr os, licèt dixerit *se*
velle, vt organa vocis illius sint muta ad scrupulos proferenda,
nam eò ipso quòd aduenerat vocatus prò confessione audienda,
non solum ratione tactuum esset denunciandus, vt dixi *numero*
antecedenti, verùm etiam à fortiori ratione expressionis, se velle
eam non esse scrupulosam, quia sic addit ad factum verba, per
quæ augetur præsumptio animi Confessarij tangentis ægro-
tam, vt exclusus scrupulis non timeat, si ab ea aliquid vltèrius
petat.

11 Confessarius vocatus prò confessione audienda ad domum
pœnitentis decumbentis in lecto infirmæ, si ad eam accedat, eique
exprimat se non venisse ad eam prò confessione, sed prò affectu,
quo eam prosequitur est denunciandus, nam ex communiori vsu
loquendi, si quis exprimat mulieri se illam amare, intelligi po-
test, an animum ergà illam inhonestum habeat; ergò multò ma-
gis sic intelligetur, si talia verba proferantur à Confessario dùm
à pœnitente vocatus fuit, vt illius confessionem audiat; & ità te-
net Peyrinus de *Præiul. Minimor. tom. 2. Constit. 4. Gregor. XV. §. 6.*
n. 21. sic dicens: *Mulieres si non solum verbis claris, seu etiam tacitis,*
seu obscuris, & ambiguis, seu etiam nutibus, seu tactibus fuerint à Con-
fessario sollicitata, debent eum Inquisitoribus denunciare. Idem tenet
Soula in *aphor. Inquisit. lib. 1. cap. 34. num. 54.*

12 Igitur ægrota in casu nostro non fuit iuste deobligata à de-
nunciatione faciendi Confessarij ad eam confitendam vocati,
quamuis aduenerit sine animo illius confessionem audiendi, stan-
tibus tactibus, quos fecit, & verbis saltèm ambiguis, quæ dixit,
prout

126 *Int. XVIII. De Confessario cum penitente ambigüe loquente &c.*
proüt casus mihi propositus fuit, in quo nedüm ex vno capite,
immò ex pluribus capitibus reum denunciationis se fecit.

*Responsio ad prædicta, quam mihi misit Venetijs
Confessarius, qui penitentem deobligauerat
à denunciando in casu nostro.*

13 Legi scripta à Paternitate Vestra circa casum de quo Pa-
dæ loquuti sumus antè dies septem, nempe de ægrota, quæ
Confessarium ad ipsam confitendam vocauerat, qui cum ad eam
venisset, eique dixisset, se nolle eam confiteri, sed præ affectu er-
gà ipsam aduenisse, volens ut ad scrupulos proferendos haberet
muta suæ vocis organa, scilicet gulam, & os, quas partes ægro-
tæ Confessarius tetigit, à quibus tactibus infirma se retraxit, &
absquæ confessionis Sacramento Confessarius discessit. Post diem
vnum vocatus fui ad confitendum eandem, à qua requisitus an
denunciare teneretur Confessarium, qui sinè Sacramenti admi-
nistratione illam tetigerat, atquæ ergà ipsam affectum habere
clare dixerat. Respondi non teneri; sed quia hæc mea respon-
sio visa est non subsistens, propterea volo nunc eam subsistentem
ostendere rationibus, & Doctorum autoritatibus.

14 Dico igitur me tunc attentè ad trutinam posuisse facta,
& verba illius Confessarij, eaque omnia iudicasse leuia; nam ma-
num, brachium, vel pedem fæminæ præmere, vellicare, digitos
intorquere, mammillas tangere, & similia peccata dicuntur esse
venialia, dummodò absit finis mortalis, & periculum pollutio-
nis, à Nauarro *cap. 14. num. 31.* à Sanch. *de Matrim. lib. 9. disp. 46.*
num. 16. à Salas *in 1. 2. quæst. 74. tract. 13. disp. 6. sect. 20. nu. 146.*
& *sect. 21. num. 149.* & à Freytag *in Addition. ad tract. de Confess.*
sollicit. quæst. 7. num. 28. teste Diana *part. 4. tract. 5. ref. 5.* Vnde
Portel. *in Addit. ad dub. Regular. verb. Sollicitare fæminas, num. 4.*
dicit, non esse accusandum Confessarium, qui verba leuia, vel
aliud signum, vel opus leue facit, quod iudicio prudentis viri, nec
est peccatum mortale, nec est sufficiens ad persuadendum; & pro-
bat suum assertum, quia communis opinio est, materiam leuem,
& paruam excusare in omnibus delictis, saltèm à pæna Ecclesia-
stica, & excommunicatio non afficit venialitèr delinquentes.

Ex his patet, me potuisse deobligare penitentem à denuncia-
do.

lit. XVII. De Confessario cum pœnitente ambigè loquente &c. 127
do Confessarium, qui tantum ex leuitate se gessisse iudicari potest in casu nostro, siquidem non apparet sollicitatio aliqua ad turpia per hoc, quod pœnitenti dixerit, se nolle eam confiteri, quia iam scit esse scrupulosam, nihilominus quia eam affectu prosequitur, omittere noluit quin vocatus ad eam accederet, volens tamen vt ex eius gula, & os (quas partes per tactum leuem signauit) scrupulos in posterum non proferrent.

En qua ratione ductus censui non esse denunciandum dictum Confessarium.

*Responsio ad prædictam Confessarij
responsionem.*

15 Notum est, plura per se leuia non raro reddi ex circumstantiis grauias; nequè omnia speculatiuè vera, esse in praxi amplectenda. Certum etiam est, praxim esse vt denuncientur Confessarij talia, vel similia cum pœnitentibus habentes, prout in nostro casu, & hoc ex continua huiusmodi delinquentium punitione per Inquisitores manifestè constat; etenim in Sanctis illorum Tribunalibus non reputantur venialia verba, tactus, & similia occasione Confessionis adhibita, quæ semper inhonestatem redolent, atquè idèò sententia docentium dari paruitatem, materiæ, per quam cessat obligatio denunciandi Confessarium, vt dicebat Portellus *loc. cit.* quia etiam in genere luxuriæ datur materia parua, fuit in Officio Sanctæ Inquisitionis damnata à Clemente VIII. vt notat Nicolaus Baldel. *lib. 3. disp. 14. num. 3. & seq.* vnde nequè speculatiuè, nequè practicè illam esse sustinendam putat Diana *part. 5. tract. 5. res. 5. vers. Et tandem.*

Vltèrius addo, quod dato, sed non concesso, dari materiam leuem in Venere, talis tamen materia esset grauis in genere Religionis in casu sollicitationis, sicuti parua materia in die ieiunij, quæ excusat à mortali in genere temperantiæ, non excusat à mortali in genere Religionis obligantis Eucharistiam sumere, ieiunè, vt omnes concedunt. Similitèr iniuria aliqua prolata in rusticum, vel Paganum censebitur leuis, verum prolata v. g. in Superiorem Prælatum, erit peccatum mortale ratione personæ: Sic ergò Confessarius, qui occasione Sacramenti Pœnitentiæ miscet aliqua impudica aliàs fortassè leuia, peccat lethalitèr ratione

ne Sanctitatis Sacramenti, cui detrahitur per prædicta, nam Sacramenta Sancta Sanctè administranda sunt, ex Tridentino sess. 24. cap. 1. de Reform. non verò iniuriosè, & scurriliter, & cum scandalo, vel auersione Fidelium ab eorundem usu.

Est ergò concludendum, fuisse obligandam infirmam casus nostri ad denunciandum Confessarium, præsertim quia in foro externo ad incurrendam pœnam, damnandamque personam tanquam lasciuam, prædicta tùm verba, tùm tactus cum pœnitente volente se confiteri, iudicantur peccata mortalia ex impudicitia voluntate saltèm tacita, sed sufficientè indicata, vt forus externus possit procedere.

INTERROGATIO XIX.

An Conuentus N. cuius Superiori, vel cui Conuentui fuit data eleemosyna prò certo Missarum numero, sed sine expressa obligatione, quòd ab ipsis Religiosis dicantur, si distus Superior, vel Conuentus dictam eleemosynam cum Missarum obligatione det alteri reputato fideli, sed post aliquos annos detectus fuit infidelis, & non satisfecisse, teneatur idem Superior, ac Conuentus per se, vel per alium supplere?

IN Ciuitate N. Iuris Imperij, per quam transeunte me, ibique de nocte hospitante fui interrogatus quid resolverem in isto casu. Multarum Missarum eleemosyna celebrandarum fuit data Superiori cuiusdam Conuentus, sed huiusmodi obligationem ille transtulit in quemdam reputatum fidelem, qui dicebat se esse librarium (prout verè erat) sicque varijs Religiosis libros se vendere prò Missis assererat, sibi retentà eleemosynà prò illorum solutione; & præfato Superiori dabat in scriptis fidem satisfactionis subscriptam ab emptoribus librorum, sed post tempus comperta fuit horum omnium falsitas, propterea interrogatus ego quid de isto facto responderem, respondi vt sequitur,

Respons.

Responsio oretenus data cursim.

1 *Iste non est casus adeò facilis responsionis, ut nullo adhibito studio possit statim plenè resolui. Hoc præsertim assero, quia aliqua hinc inde à me audita non ordinariam inducunt dubitationem, eaque nimis longum, & fortasse non finè confusione esset vocetenus conari clarè, & resolutorie enucleare. Scriptura ergò requiritur, quam citius ac potero dabo.*

Responsio latè scripta.

2 *Ad quæsitum propositum fuit responsum à quodam Theologo, quòd Superior, ac Conuentus teneantur totalitèr supplere, vel per alios dando istis nouam eleemosynam, & hanc ex proprijs pecunijs Conuentus, quamuis receptam eleemosynam à petentibus Missas in alios transfulerint cum obligatione Missarum, supposito quòd postea isti infidelitèr se gerentes nullatenus satisfecerint. Prò hac sua opinione quatuor habebat fundamenta, seu rationes.*

3 *Prima illius ratio erat innixa verbis Thomæ Tamburini in Opusc. lib. 3. de Sacrif. Missæ, cap. 4. §. 3. num. 4. vbi dicit, Capellanum teneri per se, vel per alium supplere, quamuis à Fundatore Capellanix sit ei permixtum supplere per alium, si iste non satisfecerit.*

4 *Secunda eius ratio erat, quia qui eleemosynam dedit Superiori, seu Conuentui contraxit cum isto, non autem cum alio suffecto, adeoque si iste suffectus non satisfecerit, contrà dictum Superiorem, seu Conuentum, non contrà suffectum actionem, habebit qui eleemosynam dedit.*

5 *Tertia ratio illius erat, quia qui eleemosynam acceptauit factusest illus dominus, vnde si ista pereat, perit dicto domino, remanente tamen obligato.*

6 *Quarta ratio ipsius erat, quia sicuti Superior, seu Conuentus committens alteri, ut satisfaciat, retenta (ut supponi potest in casu nostro) sibi parte eleemosynæ sentijset commodum si fuissent Missæ satisfactæ, ita non facta satisfactione, debet incommodum sentire satisfaciendi, & præsertim quia non videtur*

R

ratio.

rationabile, quòd dans elemosynam voluerit recipientes negotiari prò seipsis cum illa.

7 Nihilominus prò resolutione negatiua facit, & est omninò notanda distinctio obligationis in *Personalem*, & *non Personalem*. Obligatio *Personalis* est illa, quæ expressè imponitur *Personæ*, & talis est illa Capellani ratione suæ Capellanix semper per se obligati, nec obstat quòd vt per alium possit satisfacere sit ei *Permissum* (quo verbo sapientèr vtitur Tamburinus loco citato) nam *Permissio* non deobligat in defectu, propterea in Iure id dicitur *Permissum*, per quod deuenitur ad actum. l. *ad rem mobilem* 56. de *procurat.*, & tradunt scribentes cum Sigismundo Scaccia; ergò Capellanus quandò secundum permissionem imposuit satisfactionem alteri, qui non satisfecit, non fecit Capellanus quod ei fuit *Permissum*, quia vsus est altero, per quem non deuenit ad actum satisfactionis, & sic obligatio per consequens, & euidentèr adhuc remanet penès personam Capellani, quia eius obligatio est *Personalis*.

Et quòd in hoc sensu obligationis *Personalis* loquatur de Capellano Tamburinus *ubi supra*, apertè constat ex eius ratione, & paritate, quam affert ibi his verbis: *Si ego emerem, v.g. picturam à te faciendam, & tu traderes illam dato pretio efformandam alteri tertio, si hic ex quocunque casu, etiam subitanea morte correptus exequi iniunctum opus non potest, tu non eximeris ab obligatione prouidendi me de pictura, & hoc ideo ait Author, quia Pictor fuit expressè obligatus obligatione Personali per verba: Picturam à te faciendam, & sic fuit electa industria personæ, & quandò industria personæ est electa, non potest actus fieri per alium, vt firmant in terminis Gratian. *disceputation. forens. cap. 712.* Bald. *cons. 165. lib. 5.* & tenent alij communiter; quare si Pictor daret emptori picturam non factam manu sua, non satisfecit suæ obligationi *Personalis*, quia emens expressè obligauit Pictorem, vt ipse personalitèr faceret picturam, dùm ei dixit, *à te faciendam*. En quàm manifestè loquatur Tamburinus *loc. cit.* etiam de Capellano *Personalitèr* obligato, non obstante ei facta permissione, cum ista non deobliget in defectu, vt dictum est. Vide *infra, num. 13.**

8 Obligatio verò *non Personalis* est illa, quæ imponitur sine explicita expressione, quòd Missæ non celebrentur per alium, vt clarè docet Tamburinus in *Opusc. lib. 3. de Sacrif. Missæ, cap. 4. §. 1.*

num. 1.

num. 1. dicens: *Sit unica regula: Quotidies Fundator non ponit hanc clausulam, ut per se ipsum Capellanus celebret, sed non celebret per alium, potest semper per alium supplere.* Deindè num. 2. addit: *Hinc infero idem esse dicendum in eleemosynis manualibus; si quis enim Missam à se exposcet, nec explicite postulet, ut per teipsum satisfacias, poteris per alium; & hoc idem asserit etiam Bonacina de Eucharistia, disp. 4. quæst. ult. punct. 7. §. 1. num. 1. & ita communiter practicatur, & tenetur à Doctoribus.*

Ex datà regulà, confirmata remanent allegata numero precedenti, nam si Tamburinus non debet esse sibi contrarius, dùm dicto §. 1. num. 1. dicit Capellanium non teneri per seipsum, nisi expressè fuerit obligatus; & postea dicto §. 3. num. 4. dicit teneri per se, vel per alium satisfacere, etiam si fuerit ei permissum, ut per alium satisfaciatur, si iste non satisfecerit, signum est quòd loquitur hic de Capellano personalitèr obligato; verùm de alio non sic obligato, si per alium curet satisfieri, & iste non satisfaciatur, in tali casu docet idem Tamburinus Capellanium ad nihil teneri, proinde ex ipso dicam infra, num. 11. Igitur dictus Author non est sibi contrarius, quia diuersimodè sentit de Capellano personalitèr obligato, & de alio non sic obligato: Et ista sunt applicanda Superiori, & suis Religiosis, nullatenus personalitèr obligatis in casu nostro.

Hinc è contrà est valdè notandum, quòd quandò Missæ celebratio est imposita Capellano (& idem est de alio Sacerdote) ut ipse personalitèr satisfaciatur, si per seipsum non celebret, erit ex genere suo peccatum mortale, nisi paruitas materiæ, vel necessitas excuset per aliquot dies ex præsumpta Fundatoris rationabili voluntate, uti si Capellanus esset ægrotus. Ità cum Barbosa, Bonacina, Petro Nauar. & Card. de Lugo notat, & latè explicat Tamburin. in Opusc. lib. 3. de Sacrif. Missæ, cap. 5. §. 1. num. 1. 2. & 3. Rationem autem cur sit peccatum mortale dat ille d. lib. 3. cap. 4. §. 3. num. 1. nempe quia facit contrà mentem testatoris, & contrà pactum. At si quis contrà Tamburinum diceret esse tantum contrà Fidelitatem si de facto non celebret per se, & Fidelitatem non obseruare esse peccatum veniale; responderetur, quòd nequè peccatum veniale est committendum, tamen Fidelitatis defectus in casu nostro censendus est grauis, utpotè in materia graui.

Ex hæcenus dictis constat, quòd exclusà expressà petitione dantis eleemosynam prò Missis vt istæ celebrentur personalitèr à recipientibus illam, isti poterunt semper eam in alium transferre simul cum obligatione satisfaciendi Missis, prout passim fit etiam à timoratis, est enim diuersa ratio in casu obligationis *Personalis*, ac in casu obligationis *non Personalis*.

Præmissa hac distinctione ab omnibus admissa, restat inquirere, an quando Missæ possunt cum eleemosyna transferri in alium, nec extat obligatio *Personalis*, si iste non satisfecerit, teneatur ipse transferens satisfacere per se, vel per alium? Censeo dicendum esse non teneri, quia & ex naturà contractus materiæ transferibilis, & ex certa mente saltèm tacitè illius, qui mihi dedit eleemosynam, in alium cum obligatione satisfaciendi, si ego noluerò per meipsum satisfacere, consequentèr si dictam translationem facio, plenè exequor quidquid fuit mihi iniunctum, sicquè ad nihil vltra teneor, prout lumine naturali patet, si totum in reputatum fidelem transuli. En exemplum clarum: Ego do Caio, v. g. centum scuta vt faciat mihi tale opus à me ipsi determinatum, vel si ipse nolit per se illud facere, curet mihi fieri ab aliquo alio à se electo, cui det dicta scuta, Caius postea noluit per se operari, sed secundum facultatem à me habitam imposuit operationem dato meo pretio centum scutorum alteri reputato fideli, qui tamen nihil fecit, immò fugit &c. in hoc casu certè omnes affirmabunt, quòd Caius ad nihil vltra tenebitur, quia impleuit ex parte sua totum id, ad quod tenebatur, & prout à me fuit ei impositum, nempe vel ipse faceret mihi opus si volebat, vel si nolebat per se facere, alteri cui voluerit operationem committeret, sicuti de facto sic me consentiente commisit, adeoque nec minima rationis vmbra apparet, cur Caius innocens ad aliquid sit obligandus. Idem omninò à pari est in casu nostro, nam si ego do Superiori vel Conuentui sinè expressa obligatione personali, vt per seipso tantum celebrent tot Missas prò centum scutis, cum sic concedam (saltèm tacitè, quod idem est ac si *expressè*, vt cum Doctoribus communiter notabo *infra*, num. 14.) Superiori, seu Conuentui nolentibus per seipso, vt curent per alium satisfieri, consequentèr ab omni obligatione liberantur, totum alteri committendo, quia sic integrè implent quidquid ipsis à me qui eleemosynam dedi impositum fuit,

fuit, nequè aliquid ad Superiorem, ſeu Conuentum ſpectat, quòd ille alius alias reputatus fidelis, poſtea fuerit infidelis non ſatisfaciendo. Cùm ergò Superior, & Conuentus dicto modo ſe geſſerint in caſu noſtro, & ſinè culpà, non eſt cur ſint plectendi aliqua obligatione, & præſertim quia nequè iuxtà æquitatem eſt, vt de bonis Conuentus aliam eleemoſynæ ſummam exbuſent, ſicuti nequè Caius ſupradictus, quæ omnia ſolo lumine naturali notiſſima ſunt. Qualitèr autem dans eleemoſynam Superiori, & Conuentui cum illis contrahat, vel non contrahat dicam *infra*, num. 14. & addam num. 15. qualitèr ipſi recipientes illam acquirant, vel non acquirant dominium, vnde conſtabit cui ſi perit pereat iuxtà proloquium: *Res perit domino*. Etiam videantur *infra*, num. 19.

9 Idem probatur ex ſententia, quæ dicit, quòd ſi fur tradat alicui putato fideli, v. g. Confeſſario pecuniam furatam, vel æquivalentem ſummam, vt domino eam reſtituat, non tenetur ad iterum reſtituendum aliam ſummam quamvis ſumma iam data alteri perierat apud portatorem, ſiue ab iſto detineatur, ſiue ab alio fure rapiatur antequàm ad domini manus perueniat. Ratio cur fur ſic ſatisfaciat eſt, quia ille non tenetur perſonalitèr per ſeipſum reſtitutionem facere, ſed ſufficit ſi illam faciat per alium reputatum fidelem, tunc enim prudenter ſe gerit faciendo quod poteſt, & debet, maximè nè ſe prodat, & de conſenſu domini cenſetur ſic facere, vt dicam *numero ſequenti*; ergò cùm ſic debito ſuo ſatisfecerit, ad nullam aliam in dictis euentibus tenebitur reſtitutionem; & idem eſt à pari dicendum in noſtro caſu, in quo Superior, & Conuentus non tenentur per ſeipſos ratione materiæ, quam in alium poſſunt transferre.

10 Quòd autem in dicto caſu furis rationabiliter credatur dominum conſentire, immò & ad præbendum talem conſenſum eſſe obligatum dicitur à Noſtro Andrea à Matre Dei in *Curſu Salmatiſenſ. Moral. tom. 3. tract. 13. de Reſtitut. cap. 1. punct. 9. num. 187.* & per conſequens fur committens alteri reputato fideli rem, ſeu pecuniam, vel æqualem ſummam reſtituendam, cùm hoc faciat de conſenſu domini, deobligatus remanet ad aliud reſtituendum, quamvis alter non fuerit fidelis in exequenda commiſſione; & iſte modus reſtituendi eſt frequentiſſimus, & vſitatiſſimus videnti-
bus, & conſentientibus cunctis dominis. Ità Sor. in 4. diſp. 15.
quaſt.

134 *Interrogatio XIX. De non satisfaciente Missis &c.*
quæst. 2. art. 4. Gabri. ibid. quæst. 2. art. 4. Cenedo de Paupert. Religios. dub. 34. num. 8. Ledesma tom. 2. Summa, tract. 8. cap. 34. num. 8. & in hanc sententiam se multum inclinare confitetur Palaeus in præsent. disp. punct. 18. §. 9. num. 4. eamque probabilem esse dicunt Filiucius, Trullench, Lessius, Hurtado, & Diana part. 2. tract. 1. ref. 2. & part. 7. tract. 10. ref. 16. in fine, ubi etiam affert Fagundez in Deca. tom. 2. lib. 7. cap. 23. num. 4. Huic ergo sententiæ possunt tutâ conscientiâ Superior, & Conuentus se conformare in casu nostro, in quo illi ex consensu nedum tacite, sed etiam non raro (prout aliqui Religiosi facti sunt) expressè habitò à dantibus eleemosynam, ut istam unâ cum Missarum obligatione committerent cui voluerint, potuerunt sic committere reputato fideli, qui si de facto fuerit infidelis, nihilominus Superior, & Conuentus remanent totaliter deobligati, unde nec per se, nec per alios tenentur supplere: Et ista paritas probat à fortiori pro casu nostro, cum furis obligatio sit ex delicto, quod non est in Superiore, nec in eius Religiosis, quia expressè non fuerunt obligati ut per seipso satisfacerent, & per reputatum fidelem curauerunt satisfieri. Quære omnino infra, num. 12.

Prædicta confirmantur etiam à pari de mutuuario, qui pecuniæ sibi mutuatae semper acquirit dominium, ut nemo negat, & tamen ab onere restitutionis remanet liber, si habens mutuantis consensum dandi, ac committendi illam, vel æquivalentem summam cuicumque voluerit reputato fideli, ut iste eam illi pro restitutione portet, ipsum postea portatorem à mutuuario sic electum, non fideliter portasse, sed sibi retinuisse detegat, vel aliter ad dominum restitutionem non peruenisse iuxta dicta *suprà*, num. 9. Sic pariformiter in casu nostro, nam ex quò nec ex vi materiæ, nec ex pacto Superioris, nec Conuentus accipientes eleemosynam tenentur per seipso, poterunt cum eadem, vel cum æquivalenti summa Missas committere alteri, & quidem ex consensu saltè tacito dantis eleemosynam, qui consensus semper habetur, quoties expressè non fuit facta obligatio personalis, prout cum Bonacina, & Tamburino notavi *suprà*, num. 8. consequenter sic facta alteri commissione à Superiore, & Conuentu, isti ad nihil ultra tenebuntur, quidquid postea ille alter fecerit suè fideliter, suè infideliter.

11 Et quòd ad nihil teneantur in casu nostro Superior, ac Con-

Conuentus clarè docetur à Thoma Tamburino in *Decalog. lib. 1. de Conscientiâ, lit. L. verb. Legatum, num. 5. & 6.* vbi quærit quid sit dicendum, si Testator committat suo hæredi, vt v. g. ædificet domum pro pauperibus, & hæres non exequatur, sed id committat alijs, de quibus certus est postea quodd nihil fecerint? Resoluit ipse hiscè verbis: *Quandoquidem executionem hæredi Testator commisit, ipse hæres exequi debet, secus est obligandus, vel non obligandus iuxta grauem, vel leuem culpam, qua alijs id commisit, quæ est doctrina communis in similibus commissionibus susceptis.* Non ergo à fortiori est obligandus ad aliquid, si commissionem in alios transtulit sine culpa, prout quando commissionem fecit personæ non manifestè malæ, vt ait idem Tamburinus *ibid.* qui cum etiam dicat, quodd *ista est doctrina communis in similibus commissionibus susceptis*, & vna ex istis sit ista suscepta à Superiore, & Conuentu in casu nostro, & alijs postea commissa sine culpa, immo ex consensu saltè tacito dantis eleemosynam, vti toties dictum est suprà, quem consensum non dicit Tamburinus habuisse à Testatore hæredem, dum absolutè dicit: *ipse hæres exequi debet*, & tamen istum ad nihil obligat, si sine culpa ædificium sibi commissum commisit alijs, quamuis de his certitudinem postea habeat nihil fecisse, consequenter etiam à fortiori dicendum est in casu nostro de Superiore, & Conuentu ad nihil teneri, licet post factam alijs commissionem, præsertim ex consensu dantis eleemosynam, dicti alij nihil postea impleuerint, sicque casus noster remanet in terminis resolutus à Tamburino per suam de hærede adductam paritatem, dicente ipso, quodd *ista est doctrina communis in similibus commissionibus susceptis.* Quid ad rem nostram clarius? Vtèriliùs videantur quæ dicam *infra*, num. 18. *vers. Reassumptis.*

12. Quia contrà præallegata num. 9. & 10. de Fure, & Mutuario posset quis dicere, dari etiam opiniones contrarias; dico esse notandum illas non procedere, si res quæ est debita, siue in genere (vt loquuntur Iuristæ) siue in specie (vt Theologi asserunt) committatur non solum alicui assignato à creditore, sed etiam si ab isto fuit concessum debitori, vt eligat portatorem quem voluerit, tunc debitor immunis erit à restitutione quamuis res pereat iuxta tradita dicto num. 9. dummodò sine culpa debitor electionem fecerit personæ determinatæ reputatæ fideli, & hoc non

non alia ratione, nisi quia supposita tali facultate expressa debitori concessa ad eligendum in communi, censetur creditor saltem tacite approbare etiam talem personam à debitore in particulari postea determinatam; sic consequenter in nostro casu, quia ex vi materiæ, & non facta obligatione personali, ut supponitur, censetur concessa facultas Superiori, ac Conuentui à dante eleemosynam, vel satisfaciendi Missis per seipsos, vel in communi alterum eligendi, & sic electus postea in particulari à Superiore, vel Conuentu reputatus fidelis, iste censetur approbatus, & electus ab eodem largitore eleemosynæ, qui hanc cum tali facultate dederat, vnde ex his sequitur prædicta non videri tantum probabilia, sed videri certa, ut colligitur ex Nostro Andrea à Matre Dei in *Cursu Theolog. Moral. Salmanticens. tom. 3. tract. 13. de Reſtit. cap. 1. pnnct. 9. num. 191.* Ad hæc faciunt etiam quæ dicam infra, num. 15.

13 Ad primam rationem in contrarium allatam *suprà, num. 3.* à pari de Capellano ex Tamburino, respondetur nihil probare contra casum nostrum, in quo agitur de Superiore, & Conuentu non personaliter à dante eleemosynam expressè obligatis per seipsos satisfacere, sicuti Capellanus, de quo loquitur *ibi* Tamburinus habet obligationem *personalem*, ut clarè constat ex traditis *suprà, num. 7.* & quidem multò magis si eius Capellania sit auctoritate Episcopi in perpetuam instituta, quia sic est Beneficium Ecclesiasticum, ut dicunt Glossa in *Clementi. 2. de Decim. Fasc. de Visit. lib. 2. cap. 12.* Selua de *Benef. part. 1. quæst. 5. num. 23.* & alij, ideoque ratione Beneficij tenetur personaliter, nisi aliter in Fundatione cautum sit, & hanc obligationem personalem cognoscentes communiter Rectores alicuius Beneficij, & nullam dubitationem de illa habentes, benè verò dubitantes de obligatione non personali, propterea solum de ista interrogauerunt Sacram Congregationem Concilij *supèr Decretis de Celebratione Missarum, num. Octauo* hiscè verbis: *An Rector Beneficij, qui potest per alium celebrare teneatur Sacerdoti celebranti dare stipendium ad rationem reddituum Beneficij?* Sacra Congregatio respondit, *satis esse, ut Rector Beneficij, qui potest Missam per alium celebrare tribuat Sacerdoti celebranti eleemosynam congruam secundum morem Ciuitatis, vel Præuinciae, nisi in Fundatione Beneficij aliud cautum fuerit.*

Hinc habetur, quòd Rector Beneficij, cuiusmodi est Capellania

lania prædicta, non semper potest per alium celebrare, & idcirco de illius Capellano personaliter obligato constat loqui Tamburinum citatum *suprà*, num. 3. quamvis sit ei *permissum*, ut notavi *suprà*, num. 7. non autem *liberè concessum*, ut possit celebrare per alium, vnde si iste alius postea non satisfaciatur, tenetur talis Capellanus per se, vel per alium supplere iuxta solam permissionem ei factam, & propterea Tamburinus *ibi* dat exemplum de Pictore, à quo ego emerem picturam cum expressione *à se faciendam* personaliter, adeoque semper mihi obligato, etiamsi ipse daret meum pretium alteri pictori, ut ille picturam faceret, sed postea nihil fecit, vel quia fugit, vel quia mortuus est &c. prout etiam notavi *suprà*, num. 7. *vers.* Et quod. Igitur ex dictis plenè restat responsum primæ rationi allatæ *suprà*, num. 3. nempe per illam nihil probari pro casu nostro, quia *ibi* Tamburinus loquitur clare de Capellano personaliter obligato, & casus noster est de Superiore, & Conventu non personaliter obligatis. Quære adhuc *infra*, num. 21.

Nec desinam notare, quòd cum redditus Capellanix regulariter excedant eleemosynam communem singularum Missarum, iuxta morem loci, consequenter si Capellanus permissionem habens celebrandi per alium isti committat satisfacere datà ei solùm congrua, & communi eleemosyna, prout sufficere dictum est ex Sacra Congregatione, & iste alius non satisfaciatur, potest etiam dici quòd ex hoc capite Capellanus teneatur adhuc per se, vel per alium, nam non dans eleemosynam ad rationem reddituum, excessus remanet penès ipsum, sicque in isto excessu habet eleemosynam adhuc apud se, quamvis congruam iam dederit alteri, qui non satisfecit.

Hic incidenter posset inquiri quid sit dicendum, si Capellanus personaliter obligatus committeret Missam alteri, qui verè satisfacit? Respondeo peccare graviter, ut dictum est *suprà*, num. 8. *vers.* Hinc è contrà, sed non teneri ad aliam satisfactionem, quia Sacrificium ex opere operato est æqualis valoris, tum ab vno, tum ab alio Sacerdote celebretur, ut dicam *infra*, num. 17. omnino videndo. Similiter posset dici de Pictore si mihi picturam daret æqualis perfectionis, & valoris tamquam si manu propria illam fecisset; docetur enim a Doctoribus Moralistis, quòd si ego contraherem cum venditore vini, ut mihi vendat de vino puro,

& generoso à me iam gustato, sed ille habens vinum magis generosum, hoc miscens cum aqua reducit ad eandem bonitatem, & generositatem, ac valorem alterius à me iam gustati, talis venditor dans hoc sic mixtum vinum, ad nihil teneretur. Sed hæc ad rem nostram solum ex abundanti faciunt; & quod dixi de venditione vini docetur à *Leslio de iusti. lib. 2. cap. 21. dubit. 11. num. 83.*

Quid etiam sit dicendum de petente celebrari Missas potius ab vno Capellano, quam ab alio, vel à Religiosis Reformatis potius quam à non talibus, dicam etiam *infra, num. 17.*

14 Ad secundam rationem contra adductam *suprà, num. 4.* satis responsum remanet per dicta *suprà, num. 8.* non enim verum est, dantem eleemosynam contrahere limitatè cum Superiore, ac Conuentu cui datur absquè expressa obligatione personali, & idè manifestè patet, quòd cum Superiore, & Conuentu tractat disiunctiue saltèm tacitè, vt dicam etiam *numero sequenti*, idèst vel cum Superiore, seu Conuentu, si tamen velint per se satisfacere, vel cum alio cui Superior, seu Conuentus nolentes per se, imposuerint satisfactionem, ac obligationem, & eleemosynam, dederint, & sic qui primò dedit eleemosynam tunc est ipse qui contrahit cum alio, cui Superior, seu Conuentus committunt obligationem, & eleemosynam dant veluti per manus, & de mandato, ac ex *expressa*, vel *tacita* voluntate, & commissione eiusdem, à quo Superior, ac Conuentus acceperunt eleemosynam transferendam simul cum obligatione; certum namquè est, quòd *taciti, & expressi est idem iudicium, vt habetur l. cum quid, ff. se cert. petat. & l. si filiusfam. eod. tit. & l. ultim. ff. de legat. & alibi frequenter in lure, & tenent Iuristæ communiter.* Et fortius suadetur, quia immò *taciti, & solum coniecturati par est virtus cum expresso.* Card. Tusch. *lit. 7. conclus. 7. num. 13.* & alij, & sic in casu nostro satis clara adest coniectura saltèm tacita prò intento.

15 Ad tertiam rationem positam *suprà, num. 5.* dico, quòd Superior, ac Conuentus adimplent totum id ad quod tenentur, nam dum saltèm ex tacito consensu primi dantis dant alteri, talis pecunia moralitèr censetur dari ab ipso primo largitore eleemosynæ, ac proindè vt est sub illius dominio, non Superioris, nec Conuentus, qui potius nomine illius, quam proprio tradunt eleemosy-

mosynam, & resolutur totaliter contractus iam inter ipsos initus, cum fuerit sub tali conditione vel expressa, vel tacita, ut vel Superior, & Conuentus si velint, ac si possint Missas celebrare, retineant sibi, vel aliter alteri committant eandem, vel æqualem pecuniam, & hoc agitur ex saltē tacito consensu primi largitoris, cum alias non obligauerit personaliter expressē Superiorem, nec Conuentum, qui nec obligantur ex vi materiæ utpotē transferibilis, ut dictum est; & sic dum Superior, ac Conuentus tradunt alteri, cum agant potius nomine primi dantis, quam proprio, & primus dans teneatur quasi in persona alterius a Superiore, ac Conuentu subrogati acceptare suam pecuniam, sicuti creditor tenetur acceptare, & ratum habere quod ei fiat restitutio per aliquem reputatum fidelem à debitore iuxta supra allata præsertim *num. 12.* & consequenter in utroque casu perire debet dicto primo danti elemosynam, sicuti dictum est, quod creditori perit pecunia si pereat, quia utrobique currit ratio dominij; quare hoc in casu nostro non est apud Superiorem, seu Conuentum, ut non benè supponitur esse dicto *num. 5.*

Exemplo res clarius fiet: Si Sacristæ Sacerdoti, v.g. Metropolitanæ Ecclesiæ ex officio Missas colligenti dentur pecuniæ pro elemosyna, v.g. centum Missarum ad hoc ut tales Missæ quantocius celebrentur, & ille eas recipiat, vel etiam eas immisceat cum proprijs pecunijs licet sic fortassè illarum acquirens dominium iuxta dicenda *infra, num. 19.* si postea curaret, ut fuit ei saltem tacite commissum talem celebrationem, seu satisfactionem fieri à varijs Sacerdotibus, quibus pro stipendio daret elemosynam, vel ex pecunijs in specie receptis, seu individualiter habitis, vel ex proprio, seu appropriato per mixtionem peculio, quis diceret totum Sacristæ perire, atque ad dandas alias elemosynas obligari, si illi omnes Sacerdotes prius ab ipso reputati fideles, postmodum ut infideles non celebrasse reperirentur? Sanè nullus hoc diceret, cum etiam lumine naturali constet ad nihil esse obligandum Sacristam prædictum, à quo exactè fuit impletum quod ipsi faciendum fuerat iniunctum.

Quod si contrà quis diceret, non perire pecuniam primo datori, sed primo acceptatori, qui illius factus est dominus, ut expressè dicit Andreas à Matre Dei in *Cursu Salmanticens. Moral. tom. 4. tract. 15. de Statu Religioso, cap. 7. §. 7. num. 138.* his verbis

(loquens de primo accipiente eleemosynam pro Missis) *Qui primo accipit stipendium statim acquirit dominium illius sub obligatione dicendi Missam, quam potest per se, vel per alium implere; ergo cum omnes concedant rem perire domino, consequenter si stipendium à primo acceptum detur alteri, ut iste impleat obligationem, sed de facto non implet, sicque stipendium pereat, peribit ipsi primo accipienti, qui dum accepit fuit statim factus dominus illius. Respondetur verum esse, quod primus recipiens stipendium statim acquirit illius dominium, & ideo si istud pereat adhuc tamen existens in manibus dicti primi accipientis, seu apud istum, certe ipsi perit, quia sic est dominus illius: Cæterum notandum est, quod ut sit factus dominus, debet habuisse animam acquirendi tale dominium, ut dicam infra, num. 19. Si verò dictus primus accipiens tradat alteri reputato fideli tale stipendium, tunc abdicat à se illius dominium, & moraliter censetur prius transferre illud in primum largitorem, isti quasi restituendo totum quod ab ipso accepit, & deinde nomine ipsius, & ex huius consensu saltè tacito stipendium physicè tradit alteri, isti committendo tales Missas, & in istum transferendo omnem obligationem, quæ cum non sit personaliter expressè imposita primo accipienti, ut per se solum satisficiat, sed per alium satisfacere possit, est obligatio præcisè realis, quæ sequitur rem, idèst acceptum stipendium, quod iam separatum à peculio primi accipientis, statim moraliter restituitur, & acquiritur primo largitori, & moraliter propter eundem valorem, & cum designata, ac destinata sit talis pecunia ad implendam mentem ipsius largitoris primi, censetur eadem numero prima pecunia, & ideo si pereat peribit primo largitori cum iste fiat illius dominus in traditione facta alteri reputato fideli nomine ipsius, & in quem tenetur consentire, ut dictum est supra, num. 10. in princip. & sanè ratio dominij sic est applicanda, etiam a pari de casu furis restituentis ablatam pecuniam per ministrum reputatum fidelem, ut patet ex traditis eodem num. 10. Undè si in casu furis non obstat licèt culpabilis, à fortiori non obstat in casu nostro, in quo nulla interuenit culpa; & sic supposito quod Superior, ac Conuentus non fuerunt obligati, ut personaliter à seipsis Missæ celebrarentur, & consequenter si illas committant alteri ex consensu, seu voluntate saltè tacita primi dantis stipen-*

pendium, tunc non se gerunt nisi tamquam illius dispensatores; qui non acquisiuerunt dominium eleemosynæ, sed tale dominium, vel remanet absolute moraliter eiusdem primi datoris, vel saltē ad ipsum moraliter reuertitur factā tali separatione, & traditione nomine ipsius. Hoc expresse dicitur à Nostro Andrea à Matre Dei in *Cursu Salmant. Moral. tom. 4. tract. 15. de statu Religioso, cap. 7. punct. 5. §. 7. num. 136. in fine*, his verbis: *Qui Missas celebrandas accipiunt ob stipendium, non à seipsis, cum vel non sint Sacerdotes, vel sint impediti, vel ex proprio statuto habeant ut non possint stipendia accipere pro Missis, omnes isti non acquirunt dominium illius eleemosynæ, sed sunt meri dispensatores, qui nomine dantis illam, eam distribuunt.* Horum verborum duæ particulæ: *Non à seipsis, & Vel sint impediti*, verificantur in casu nostro, tum quia Superior, ac Conuentus non acceperunt stipendium, ut à seipsis fieret satisfactio, prout non rarò se explicuerunt cum dante eleemosynam, sicuti aliqui Religiosi facti sunt, se illam sic accepisse; tum quia particula, *sint impediti*, magnam dicit latitudinem, vnde ex pluribus causis poterant impedimentum habere, propter quod non à seipsis satisfactio fieret, nec sibi retinerent eleemosynam, sed alijs dispensarent eam ex volitione siue expressa, siue tacita illius, qui illam primus dedit, & sic facientes non se gerunt tamquam eleemosynæ dominium habentes, sed ut meri dispensatores, qui nomine dantis illam, eam distribuunt, quod clarius docere non potest hiscē verbis dictus Andreas à Matre Dei. Igitur dominus eleemosynæ in casu nostro, cum dicatur à dicto Authore quod sit ille, qui eam primus dedit, propterea si postea illa pereat, eidem perit vtpotē vero, & soli domino. Hæc procedunt tam de dicto Sacrifica, quam de Superiore, ac Conuentu, quorum nullus cum non fuerit personaliter obligatus, consequenter se solum tacite obligauerunt ad curandum ut nomine dicti domini, nempe illius qui primus dedit eleemosynam, Missæ per alios celebrentur, vnde cum hoc curauerint imposita alijs obligatione cum largitione eleemosynæ, ad nihil vltius tenentur, quidquid postea eueniat.

16 Ad quartam rationem datam *suprà*, num. 6. dicitur, nihil per eam probari, nisi quod si Superior, seu Conuentus non derunt alteri totam eleemosynam, quam acceperunt, tenentur supplere solum ad rationem partis retentæ, quia per istam facti sunt ditiores.

17 Nec

17 Nec obstat, nequē iuuat si adhuc in contrarium fortassē dicatur, Superiorem, ac Conuentum ad totum teneri quamuis alter, in quem fuit facta translatio satisfecerit cum celebratione Missarum, quæ ex opere operato sunt eiusdem valoris à quocunque dicantur; tamen ex opere operantis maius emolumentum spirituale fortassē intendebatur à dante eleemosynam potius Religiosis Reformatis, quàm non talibus, vel Sacerdotibus sæcularibus, vnde potuit damnum fuisse illatum ei, qui Missas petijt. Responsum ad hoc dat Tamburinus in *Opusc. lib. 3. de Sacrif. Missæ, cap. 4. §. 3. num. 3.* his verbis: *Respondco. At deuotio fortassē fuit maior alterius, qui supplēuit, vnde potuit euenire maius emolumentum ei, qui Missam petijt. Adde dictum fuisse suprà, huiusmodi fructus spirituales, quamuis à petentibus Missas omninò volitis, non cadere: tamen quoad restitutionis onus in considerationem.*

Ex hac Tamburini responsione constat non rectè argumentari prout quidam argumentabatur, quòd dans eleemosynam prò Missis potius Religiosis Reformatis, quàm alijs, intendit, & vult, vt Missæ ab alijs non dicantur, sed personalitèr ab illis. Verùm hoc non esse dicendum manifestè patet, tum quia *expressè* non fuerunt obligati personalitèr, & tamen talis expressio est omninò necessaria ad obligandum personalitèr, vt toties dictum est, præsertim *numero 8.* tum quia ratio maioris deuotionis etiam omninò volitæ à dante eleemosynam non inducit obligationem, prout ex *mox* dictis verbis Tamburini clarè, & expressè liquet.

Appendix.

18 Vidit suprascripta quidam (cuius erant rationes in contrarium allatæ *suprà, num. 3. 4. 5. & 6.* sed iam in prædictis à me impugnatæ, & resolutæ, atquē ostensæ nullius roboris) qui verbotenus dixit mihi, se non percipere quomoddò Superior, ac Conuentus accipientes eleemosynam non sint facti domini illius, ità quòd vtcunque pereat non pereat ipsis. Respondi illi me hoc latè declarasse *suprà, num. 15.* ex doctrinà expressa Nostri Andreæ à Matre Dei hic iterùm non repetendà, sed ibi videndà. Nunc tantum refero, quæ dixi *suprà, num. 11.* ex Tamburino asserente, quòd si Testator relinquat hæredi pecuniam cum obligatione faciendi. v. g. ædificium, acquirit talis pecuniæ dominium si ipse faciat,

faciat, sed si non faciat vt facere debet, at sine culpa dictam pecuniam, vel æqualem det alteri, vt iste exequatur, hæres dicitur transulisse dominium pecuniæ, & obligationem in alterum, & se deobligasse ab executione, ideòque iste alter exequatur, vel non exequatur, hæres ad nihil est obligandus, vt dicit idem Author, qui tamen hoc certè non diceret, nec posset dicere, si hæres altero non satisfaciente adhuc esset dominus pecuniæ sibi datæ, quæ duorum dominorum separatim simul esse non potest. Talis omninò est casus noster; ergò &c.

Reassumptis à prædicto sequentibus dixit: Diuersitas est inter hæredem, & Superiorem, ac Conuentum, quia hæres operatus est per commissionem sibi impositam à Testatore; verùm dans eleemosynam Superiori, ac Conuentui, non facit commissionem, sed petit ab eis, quamuis possint per alium satisfacere. Opposui sic instanti: Quid dices si Testator relinquit Conuentui factio suo hæredi pecunias prò Missis dicendis, & has Conuentus sine culpa det alijs, qui postea non exequuntur, nonne Conuentus esset dicendus hæres de quo loquitur Tamburinus, & quem in dato casu omninò deobligat? Certè affirmare sic debes, nisi totalitèr tanti Authoris doctrina à te immeritò repudietur. Nunc quam diuersitatem cognoscis inter dantem Conuentui tamquam hæredi, & non tamquam hæredi? Dixit; quia hæres Conuentus exequitur commissionem, Conuentus verò quando non se habet vt hæres non habet hanc commissionem, sed ab eo petitur. Respondi: Nimis clarè constat, non minùs esse dicendum de Testatore, quòd petat ab hærede executionem ædificij, ac sit dicendum de dante eleemosynam, quòd petat à Conuentu executionem Missarum; hæres enim perindè est quòd sit hæres, sed tantùm se habet vt persona præcisè, à qua Testator petit executionem ædificij prò ei relicta, seu datà pecunià; & sic cum omnimodà paritate dans eleemosynam prò Missis Conuentui, ac Superiori, harum executionem petit, quæ petitio sinonimè & propriè dicitur commissio tùm in casu hæredis, tùm in casu Conuentus, ac Superioris quamuis non hæredis. Igitur quemadmodum Tamburinus citatus *suprà num. 11.* expressè ad nihil obligat hæredem, omninò similem Superiori, ac Conuentui quoad impositionem, seu petitionem, atque commissionem factam ipsis, & ab istis in alios translatam etiam postea non satisficientes, consequentè

expressè in tali casu deobligato hærede ab eodem Tamburino, istè quoquè idem implicite, immò velut explicitè asserit de casu nostro, sicque Superior, nec Conuentus ad aliquid tenentur, quia hæredi applicata doctrina est communis in similibus commissionibus susceptis, quæ verba sunt eiusdem Authoris, vt notauì etiam *suprà*, num. 11.

Ad hæc nullum mihi dedit responsum, nisi quòd habeat Authores asserentes, eum qui recipit eleemosynam à primodante, prò Missis fieri illius dominum, vndè ipse obstitans inferebat, quòd si illa pereat, perit eidem primo accipienti tamquam domino. Respondi, quòd etiam ego non nego quin fiat dominus prò semper si tamen per se satisfaciat, & in hoc tantum sensu tuos loquì Authores, si hos attentè legas, intelliges. Difficultas autem in nostro casu procedit, an etiam sit dicendus dominus post factam translationem, vt potest facere in alterum, ad quam difficultatem nullos affers Authores, qui affirmatiuè respondeant, sicuti prò negatiua ego retuli aliquos, quorum doctrinam, nè hic sim prolixus eam repetendo, videre tu potes *suprà*, num. 15. *per tot.* & etiam *sub presenti numero 18. in initio*, & similiter dicenda *numero sequenti*.

19 Prò confirmatione, ac pleniori prædictorum declaratione est valdè notandum quod docet etiam cum alijs Tamburinus in *Decalog. lib. 8. tract. 3. cap. 3. §. 4. num. 15. & seqq.* nempe quòd ad acquirendum dominium requiritur in accipiente voluntas acquirendi illud, & proindè si misceas notabilem pecuniam alterius cum alia tua notabili cum animo expresso non acquirendi dominium talis pecuniæ, totus cumulus, licet non possit fieri discretio tuæ, vel alterius pecuniæ, remanet sub dominio vtriusquè, & dandum erit ex eo cumulo singulis, quantum prò rata eis conuenit, & consequenter si periret vel in totum, vel in partem, periret talis cumulus proportionem seruata tibi, & alteri, cum sit sub singulorum dominio.

Hinc applicando casui nostro prædictam doctrinam, cum alijs (vt statim dicam *numero sequenti*) censetur vnumquemquè intendere se obligare minus quam fieri potest, nullus qui recipit eleemosynam Missarum manualium censetur habere animum acquirendi dominium talium pecuniarum etiamsi eas misceat cum proprijs, nisi adsit aliqua specialis conuentio, & obligatio, *sed*

sed potius censendus est habere animum expressum non acquirendi dominium talis cumuli; & ratio est quia cum nec ex vi materię, nec ex facto proprio teneatur satisfacere personalit̃er, ut supponitur; talis recipiens Missas manuales intendit tantum contrahere omni meliori modo sibi minus oneroso, sed magis sibi fauorabili, idest vel ad satisfaciendum per se, acquirendo sibi dominium totale talis pecunię, & cumuli, vel ad satisfaciendum, per alium, relinquendo dominium saltē parziale talis cumuli primo largitori, ita ut etiam isti perire possit proportione seruata, si nulla recipientis adsit culpa, ut ex æquitate pœnam non subeat ex proprijs sine aliqua culpa: Dicendum est ergo quod recipiens, etiam facta mixtione non potest cenferi habuisse animum acquirendi dominium talis cumuli, ita ut sibi totus pereat, sed potius oppositum, scilicet quod etiam largitori perire possit; & sic à primo ad vltimum patet, quod non remanet obligatus talis recipiens elemosynas manuales, nisi realit̃er, & ratione rei accepta, quam postea dando alteri reputato fideli nomine, & ex consensu saltē tacito primi largitoris, in alterum transferre totalem obligationem, nec ipsi, sed largitori, si pereat pecunia perire debet, quia sub largitoris dominio formalit̃er remanet adhuc ut permixta, & quando ex tali cumulo separatur æquiualens summa ad dandum alteri reputato fideli, moralit̃er censetur dari eadem largitoris prima pecunia sub ipsius dominio, & ideo si perit, largitori primo uti domino perire debet, alias teneretur iterum ex proprijs soluere Superior, vel Conuentus, vel prædictus Sacrista, quod cum sit contra æquitatem, ad hoc nullus censetur se habere animum obligandi, nec consequent̃er acquirendi dominium talis pecunię; sed præcisē retinendi illam nomine primi dantis, si ipse recipiens nolit per se satisfacere, & cum obligatione dandi alteri æquiualentem summam, quæ si pereat, pereat eidem primo danti, non ipsis, & non alit̃er, ita ut nunquā sine culpa, nec Superior, nec Conuentus, nec Sacrista teneantur ex proprijs iterum soluere; & hæc omnia habentur ex Tamburino, & alijs loc. cit. & sic non vrget instantia allata *suprà*, sub num. 5. ratione domini, quod cum ex dictis manifestē constet remanere apud primum largitorem, sic verē isti peribit pecunia, ac elemosyna, non verō Superiori, vel Conuentui, vel Sacristę.

Sanè attentà solùm ordinarià eleemosynà, & alijs circumstan-
tijs materiæ, & facti, non videtur esse aliter sentiendum; &
sicuti primus largitor facillè ipsemet dedisset talem eleemosynam
alicui reputato fideli, si illi fuisset obuius, quia, vt supponitur,
nullius personæ quærebat industriam, & ramen satisfecisset obli-
gationi susceptæ, si illam habuisset prò Missis sibi, v.g. à Testa-
tore commissis, vt *suprà*, num. 11. dixit Tamburinus, absquè eò
quòd teneretur denud soluere, quamuis fortassè habuerit pin-
guissimam hæreditatem, & hoc quia ex parte ipsius nulla fuit
culpa. Cur ergò etiam eodem modo non est dicendum, quòd
satisfecerit, si dederit per manus Superioris, vel Conuentus, vel
Sacristæ alteri reputato fideli? Cur non satisfecerit etiam Su-
perior, vel Conuentus, vel dictus Sacrista etiam propriæ obli-
gationi, cum totum peractum sit sine culpa? Et hoc maxime
quia illi vel subrogantur nomine hæredis principalitèr obligati,
si primus largitor fuisset vti hæres obligatus, & secundùm Iura
subrogatio consistit in hoc, quòd aliquis committit alteri vices
suas, *cap. Per Venerabilem*, vbi Gloss. & Panormit. *de offic. deleg.*
Innocent. in *cap. super question. eod. tit. & Lanfr. decis. 512. sent. 6.*
& subrogatus sapit naturam illius, in cuius locum subrogatur, &
hoc tam respectu personæ, quàm rei, & temporis. Naldus in
Sum. verb. Subrogatum, num. 2. vel semper datur eleemosyna ali-
cui reputato fideli, nomine, & ex consensu saltè tacito primi
largitoris, qui sicuti si per seipsum daret ad nihil teneretur, sic
etiam dando per manus Superioris, vel Conuentus, vel Sacri-
stæ, quia qui per alium facit, per seipsum facere dicitur, *cap.*
qui alium, ff. *de regul. iuris*, in 6. Nulla ergò remanet obligatio in
casu nostro apud quemlibet ex dictis, sed totum remittitur con-
scientiæ ministri infidelis, licèt priùs reputati fidelis.

20 Tandèm ex tot præallegatis concluditur deobligatus Su-
perior, ac Conuentus in casu nostro, itaùt nihil supplere te-
neantur prò infidelitate detecta in delinquente ab ipsis electo,
quia fidelem reputabant illum. Et prò hac conclusione facit
etiam textus *cap. ex parte, de censibus*, ex quo habetur obligatio-
nem non esse alicui imponendam, nisi de illa clarè constet, prout
clarè non constat in casu nostro præsentì; creatura enim cum
sit libera, odiosum est illi si adstringatur, & obligetur ad ali-
quod determinatum non clarum, adeoque debet fieri restrictio,

non verò ampliatio, cap. ad nostram 21. de iureiurando, & cap. 1. ord. tit. in 6. & hoc est commune inter Doctores, quorum decem nominat Noster Andreas à Matre Dei in *Cursu Theol. Moral. Salmant. tom. 3. tract. 17. de voto, & iuramento, cap. 1. punct. 6. §. 1. num. 134.* Restat ergò in Superiore, & Conuentu sola obligatio supplendi prò parte eleemosynæ, quam fortassè retinuerunt, quia clarum est fuisse solum per istam factos ditiores, vt dictum est *suprà, num. 16.* vel saltèm dandi æquivalentem summam, eiusdem partis retentæ, alteri reputato fideli, in istum transferendo obligationem solam prò dicto supplemento, quam translationem facere possunt, tum ex vi materiæ transferibilis, tum ex toties dicto saltèm tacito consensu primi dantis eleemosynam, cum quo nullam personalem obligationem expressè contraxerunt, vt per seipso satisfacerent, qua expressè obligatione non factà, consequenter dictus primus largitor libertatem tacitam reliquit eis, quibus eleemosynam dedit, vt possent nomine suo istam cum obligatione in alium reputatum fidelem transferre, proliè latè per hæcenus tradita probatum est.

In nostro ergò casu cum ex parte primi largitoris nulla sit expressè electa industria personæ, nec ex vi materiæ, nec ex vi pacti Superior, vel Conuentus seipso ad celebrandum personalitè obligauerint, totalis obligatio debet restringi ad terminos præcisè obligationis realis, quæ est minor obligatio admittens translationem, & sic non censentur obligati determinatè, sed conditionatè, idèst si potero, & mihi commodum erit ad celebrandum, accepto prò me tale stipendium, alitèr illud idem, vel æquivalens stipendium alteri reputato fideli dabo nomine tuo, vt mentem tuam adimpleat, & sic tacitè censentur conuenire, & non alitèr. Sanè non apparet quomodò iste modus contrahendi non conueniat, atquè iuxta dicta talis non sit rationalis mens primi largitoris eleemosynæ, & primi receptoris eiusdem eleemosynæ.

21 Prædictis *suprà, num. 13. vers. Hinc habetur*, addo prò maiori solutione, quòd Capellanus ratione Tituli, quo potest Ordinari, & contrahit cum Fundatore in Capellanix collatione mediante solemnì stipulatione, licèt non obligetur personalitèr ad Missas iniunctas celebrandas, semper tamen videtur inuolui aliqua personalis obligatio, saltèm in defectum substituti, cum

talus Titulus semper afficiat personam, & inter alia reddat habilem ad Ordines, & possit ratione Tituli retinere sibi ipse Capellanus excessum eleemosynæ, prout ex Sacra Congregatione Concilij dixi *suprà*, dicto num. 13. vnde exemplum Capellani à Tamburino allatum nihil probat pro casu nostro, qui est de nullo modo obligatis personaliter; verum Titulus Capellanix semper importat aliquam obligationem personalem, sicuti etiam (vt id obiter dicam) in Missis perpetuis ratione talis contractus, in quo solet interponi solemnis stipulatio, & etiam assignari pinguior eleemosyna, secus in Missis manualibus occurrit, vt patet, & nimis exorbitat à ratione æqualem in vtroque casu ponere obligationem, vt bene consideranti constabit, cum tanta inter sit disparitas.

INTERROGATIO XX.

An scriptura sine testibus facta à testatore cum eius subscriptione non completa, censenda sit valida in vtroque forè?

IN Ciuitate Fori Liuij Nicolaus de Franciscis, qui tres habebat filios masculos, quorum natus maior primogenitura per testamentum decoratus à patre cum fuisset, morti postea proximus idem pater, vocari fecit ad se Notarium, cui imposuit, vt nullo teste præsentem scripturam faceret, in qua exprimeret, quod singulis suis filiis æquales portiones de sua hæreditate paternâ relinquebat. Factâ per Notarium huiusmodi priuatâ scripturâ, volens ipse pater eam propriâ manu subscribere, tantum scripsit sic: *Nicolò Franc.* dicens, se non posse ob manus debilitatem vltèrius scribere, asserens tamen se sequenti die fore completuram iam incæptam suam subscriptionem; & idè sequenti die accessit spontè dictus Notarius ad præfatum Nicolaum, petens ab isto an vellet vt testes vocarentur, qui eum viderent subscriptionem perficere, sed noluit vtpotè adhuc scribere non valens propter manus imbecillitatem, sicque decessit. Post huius obitum insurrexit inter duos fratres minores, & maiorem contentiosa prætensio, volentibus minoribus, quod contrâ primum eorum patris testamentum, sola eiusdem scriptura dicta esset sustinenda, atque effec-

Interrogatio XX. De subscriptione imperfecta &c. 149
effectuanda. Huius dissensionis resolutionem quæsiuit Frater
maior ab Aduocato, à quo nullum aliud responsum habuit, nisi
quòd sistendo in Iure prò foro externo, poterit ipse suam opi-
nionem dicere; cæterùm prò foro animæ res erat decidenda per
Theologos, adeoque prædictus Frater maior dubium hoc propo-
suit cuidam Patri Congregationis Sancti Philippi Nerij in præ-
fata Ciuitate, in qua antequàm mea Religio esset ibi fundata,
contigit me per integram Quadragesimam in illius Cathedrali
Concionatorem esse, sicque de præsentì casu ab eodem dictæ Con-
gregationis Patre, quid saltèm prò conscientiæ foro sentirem fui
interrogatus?

Responso oretenus data cursim.

1 Meritò de isto facto quid sit resoluendum potest dubitari
tùm prò foro fori, tum prò foro poli. Et quidèm scio in hac
Ciuitate minimè de præsentì deesse, qui doctissimè casum va-
leant resolvere, sicuti nec aliàs desuere, qui patriam hanc suam
pluribus voluminibus vtriusquè Iuris toti Orbi illustrem reddide-
re. Nihilominus vt minus sciens, interrogationi respondeo.

Iura aliqua, quæ validitatem scripturæ cum vi testamenti fir-
ment prout in casu, dico non dari, sed potiùs communiter loqui
prò inualiditate quoad forum fori; nam in materia vltimarum
voluntatum debemus habere claram, & integram scripturam,
per quam dubitare minimè possimus de mente disponentis. Cùm
ergò in casu nostro habeamus primum testamentum patris factum
per rogatum Notarium coràm requisitis testibus, seruatisque in
eo cæteris solemnitatibus à Iure volitis clarè, & expressè, & de
illius cessatione siuè ex toto, siuè ex parte iuridicè non constet,
stante quòd scriptura post testamentum facta integram subscrip-
tionem ipsius patris, non habebat, nequè illam complere voluit,
immò nequè testes vocari prout vocandi fuissent, consequenter
fundamentum reliquit iudicandi pænituissè de dispositis in dicta
scriptura, de qua monitus à Notario fuerat esse nullius roboris,
deficiente in illa ipsius integrà subscriptione, testiumque præsen-
tia. Sic defuncto patre, concludendum est nil aliud dispositum
ab eo fuisse, nisi quiddid per testamentum ipsius habemus; nulla
habita consideratione de prædicta scriptura, in qua substantialia
Iuris

Iuris deficient; & ita censeo esse resoluendum casum nostrum, prò foro externo, prout in alia mea responsione latè scripta probabo.

2 Supposita postea declaratione mentis dicti patris expressè facta Notario, cuius manu scripturam facere rogauit, sequitur dubitandum, an in foro conscientie valeat, sitque sustinenda dicta scriptura? Respondeo posse saltèm fortassè probabiliter sustineri prò foro animæ, prout ostendam, & probabo in scriptura, quam postea dabo.

Responsio latè scripta.

3 Ad dubium præsens vt plenè respondeam, procedere debeo cum distinctione duplicis fori, scilicèt examinando illud, tum prò foro externo, tum prò interno. Currit autem dubitatio in præsentì non de testamento patris, quod cum requisitis à Iure supponitur ritè, & rectè factum, sed tantùm dubitatur de scripturà manu Notarij factà de mandato eiusdem patris, in qua aliter disponit ac in ultimo suo testamento disposuerat, sed dicta scriptura non erat subscripta ab ipso patre nisi in incompleto eius nomine sic: *Nicòlò Franc. cum debuisset completè scribere: Nicòlò Franceschi.*

4 Dico, quòd licèt scriptura sit facta per manum Notarij non probat, si non habeat solemnità Iuris. Bald. *conf. 432. lib. 3. & in l. scriptura, C. de fid. instrum.* Et vbi scripturæ solemnitas requiritur à Iure, si illa fuerit omiſsa, non subsistit talis scriptura, vt liquet per *l. Contractus 16. C. de fid. instrum.* & tradit Nald. in *Summa, verb. Scriptura, num. 16.*

5 Cum ergò in casu nostro scriptura facta per manum Notarij non tamen subscripti tamquam rogati, propterea non dicatur publica, sed priuata, vt firmat Angel. *conf. 220.* priuata autem scriptura non admittitur in concursu cum instrumento, seu testamento, nisi sit subscripta saltèm trino teste, iuxta *l. scripturas, C. qui pos. in pign. hab.* quia supponitur facta in fraudem; inde constat, scripturam casus nostri careere solemnità Iuris, adeoque & probatione.

6 Et quia scriptura præfata continet rationem testamenti, idè per subscriptionem breuiatam sic: *Nicòlò Franc. redditur*
in sub-

insubsistens, habetur enim in Iure, & à Iuristis, quod nec Breuiatura, nec notæ sunt admittendæ in testamento, sed integris litteris debet scribi, *l. sed cum, 6. in fin. ff. de bon. poss. Cuiac. lib. 3. obs. cap. 3. Ferdin. Valsq. tract. de success. lib. 2. de success. progressu, §. 20. num. 8. referens plures textus, & Doctorum auctoritates pro hac sententia, quam pro foro fori esse prorsus tenendam eensco, pro qua stat etiam Ancharan. conf. 144. num. 3. & 4. quatenus asserit, quod in vltima voluntate potius attenditur effectus iuris, quam mens testatoris.*

7 Cæterum loquendo de casu isto quoad forum poli assero; quod si constet verè animum, seu mentem patris fuisse, scripturam prædictam validare contrà dispositionem per testamentum in isto factam, mens eius esset adimplenda, tum quia mens tamquam Regina primum locum obtinet, *l. in conditionalibus, ff. de conditionib. & demonstration. Flor. conf. 14. num. 7.* Tum quia pro seruanda mente, & voluntate testatoris, receditur etiam à verbis. *Mantica de coniectur. vltim. volunt. lib. 3. tit. 3. num. 9. & Roland. à Vall. conf. 35. num. 3. lib. 3. & alibi sæpè in Iure.*

8 Nec puto posse opponi, prædictum patrem noluisse integram subscriptionem manu sua scribere, tam hodiè, quam nec cras, quia præmituit nouam dispositionem facere; etenim respondeo non esse præsumendum huiusmodi mendacium, ac fictionem in constituto in articulo mortis, reputato salutis æternæ suæ vndequaquè sollicito etiam in leuibus, præsertim quia nemo in dubio præsumitur malus. *Barbos. Axiom. 37. num. 4.* cum innumeris; & quod dicat se non posse facere ob manus imbecillitatem, cum pro veritate possit, at nolit ob voluntatis defectum, non est in tali circumstantia credendum.

Et si videatur quod dicti patris mens dubitationem admittat, nihilominus est intelligenda vt sit rationalis, prout consuluit *Bald. conf. 115. lib. 1.* at talis non esset in moribundo contrà suam mentem loquente, hoc est mendacitèr.



INTERROGATIO XXI.

*An pretium rei vendita, sed nondum tradita emptori
à venditore, apud quem eodem die
fuit furata, sit resti-
tuendum?*

IN naui Tabellarij Ciuitatis Bononiæ Venetias ibam cum pluribus tum Ecclesiasticis, tum Sæcularibus. Inter Ecclesiasticos erat vnus Parochus, & inter sæculares erant duò Doctores Iuristæ, quibus Parochus dixit. Excellentissimi Domini vos rogo, vt me doceatis quid sit resoluendum in isto casu. Caius emit equum soluto statim illius pretio venditori, quem rogauit vt illum in suo stabulo vsquè ad sequentem diem custodiret. Manè facto accessit emptor ad venditorem, vt equum reciperet, sed responsum à venditore tantummodò accepit fuisse equum furatum, fracto stabulo per fures. Nunc quæritur, an emptor possit restitutionem soluti pretij exigere, & an venditor illud reddere teneatur? Hic vnus ex dictis Doctoribus respondit Parocho: Admodum Reuerende Domine, cur nos interrogas? Interroga illum Patrem Cassianum Carmelitam Discalceatum, quem nobiscum habemus, & nouimus aptum resolutionem dubiorum dare. Hoc à me audito dixi: Ego non sum Doctor sicuti vos; nihilominus si mihi fieret interrogatio de præsentis quæsito, responderem.

Responsio oretenus data cursim.

1. Supposito quòd Caius emptor equi hunc reliquit in stabulo venditoris, vt illum custodiret vsquè ad sequentem diem, talis equus, cuius pretium iam soluerat emptor, factus est proprius eiusdem emptoris, qui propterea sub ratione depositi illum reliquerat in stabulo venditoris custodiendum vsquè ad diem subsequenter. Igitur huc intrat dubitatio? An in damnum deponentis, vel depositarij depositum pereat? Responso exigat distinctionem, nam depositum potest periisse ex dolo, vel ex culpa lata, seu leui, aut leuissima ipsius depositarij. In casu autem nostro, prout pro-

Int. XIX. De furto rei venditæ, sed nondum traditæ emptori &c. 153
proponitur nulla apparet culpa depositarij, supposita illius custodia equi intra stabulum benè obferratum, vnde illud frangere, debuere latrones, vt indè equum extraherent. Hinc certum mihi est, depositarium in casu nostro ad pretij restitutionem minime teneri; nequè releuat furtum euenisse in domo, siuè stabulo venditoris, quia verè erat equus factus proprius emptoris, à quo pretium fuerat integrè exbursatum. Ista sufficiant prò responsione verbotenus breuiter data, fusius tamen per scripturam, adhuc declaranda.

Responsio latè scripta.

2. Pereunte deposito apud depositarium, si quærat an damnum sit deponentis, dicendum est negatiuè, si depositarius fuerit in culpa, vt depositum perierit. Non tamen ex quacunque culpa depositario damnum semper spectabit. Quapropter multiplex culpæ genus à Theologis, & iuristis assignatur; & sic distinguunt culpam in Theologiam mortalem, idest latam, seu crassam, & in leuem, & leuissimam. Culpa *Theologica* iuridica, seu *lata*, ac *crassa* committitur quandò fit, aut omittitur id, quod vt plurimum non fieret, vel non omitteretur in ea re à viris suæ professionis, vt v. g. si quis in loco publico relinqueret quamuis inaduertentè rem apud se depositatam. Culpa *leuis* est, quandò fit, vel non fit id, quod non facerent, vel non omitterent viri suæ professionis diligentes, vt v. g. si depositarius relinquat depositum in cubiculo, negligens eius ostium claudere. *Leuissima* culpa est, quandò quis facit, vel omittit, quod non facerent, vel non omitterent viri diligentissimi, vt v. g. si quis quidè, cubuli ostium clausit, tamen neglexit manu probare, an esset benè clausum.

3. Ex prædictis facilè est deducere resolutionem præsentis dubij, nam si depositarius nullam ex prædictis culpis admisit, ex qua furtum depositi potuerit sequi, ad nihil tenetur, vnde emptor equi nequit à venditore pretij restitutionem exigere. Ità communiter DD.

4. Vt autem enucleatius in materia depositi plura tradam, pono sequentia.

: *Primo*; Quandò depositum factum fuit in gratiam solius de-

154 *Int. XXI. De furto rei venusta, sed nondum tradita emptori &c.*
ponentis, tunc depositarius tenetur solum de dolo, & lata
culpa.

Secundò: Si depositarius pro depositi custodia accipit aliquid,
pereunte deposito, tenetur de culpa etiam leui, non autem de
leuissima; sed vide *infra*, *vers. Quartò*.

Tertio: Qui se obrulit in depositarium, tenetur de culpa etiam
leuissima. Ratio est, quia depositum fuit factum in gratiam
ipsius depositarij; & idem est si pactum fuit factum. Sic docent
Reginald. in *Praxi* tom. 2. lib. 25. cap. 46. sect. 1. num. 563. & seq.
Turrian. in 2. 2. tom. 2. disp. 11. dub. 5. num. 8. Molf. in *Sum.* tom. 2.
tract. 12. cap. 15. num. 44. & seq. Azor. *Instit. Moral. part. 3. lib. 7.*
cap. 7. quest. 1. & seq. Sotus de *Iust. lib. 4. quest. 7. art. 2.* Molin. de
Iusti. tom. 2. tract. 2. disp. 527. per tot. & alij.

Quartò: Qui pro mercede aliquid recipit in depositum, in
foro externo tenetur de omni culpa, etiam leuissima *ex l. & ita*,
at hoc, ff. de iur. iur. & hoc ne osium fraudibus pateret. Sic refert
Diana *Coordin. tom. 6. tract. 3. ref. 143.* vbi addit, se putare esse
valde notandum a Confessarijs, in foro conscientiae teneri so-
lum de dolo, & leui culpa ratione contractus, vel quasi contrac-
tus, prout docet Rebell. *part. 2. lib. 1. quest. 10. num. 11.* Vide su-
pra, *vers. Secundò*.

Quintò: Si depositarius est dubius, quod depositum sua culpa
perierit, non tenetur restituere, quia cum delictum non prae-
sumatur, ipse est in possessione suae innocentiae. Sancius in *Select.*
disp. 43. num. 11. Sanct. de *Matrim. tom. 1. lib. 2. disp. 41. num. 18.*
& plures alij. Cæterum in foro externo praeumeretur deposi-
tarius in dolo, si res ipsius appareant incolumes, vnde ad ipsum
spectat onus probandi depositum casu periisse, vel non potuisse
simul seruare depositum, & res suas licet viliores. Mascard. de
probat. *ver. Depositarius, concl. 509.* Tamen Naldus in *Sum. verb.*
Depositum, num. 3. vult, quod si depositarius nequeat proprias
res, & depositatas seruare, si omnia sint æqualis pretij, potest
prius proprias in tuto ponere, si verò res depositae sint maximi
valoris, debet istas praeponere.

Sextò: Si depositarius vtatur deposito, videtur furtum facere,
dummodò nec expressam, nec tacitam a deponente habeat li-
centiam. Ità ex *Instit. de obligat. quae ex delicto nascuntur, §. furtum.*
Verum si depositum sit de rebus vsu consumptilibus, ut sunt
vinum,

Int. XXI. De furto rei venditæ, sed nondum traditæ emptori &c. 155
vinum, oleum, frumentum &c. dicit Diana *part. 4. tract. 4. ref. 88.*
se putare non esse condemnandum saltè de mortali deposita-
rium, qui similia consumeret, dummodò sciat se tantumdem
eiusdem bonitatis posse restituere deponenti depositum possenti,
nam huiusmodi consumptio damnum nemini affert.

5 Alia ad hanc materiam spectantia habentur in mea *Arbore*
omnium Opinionum Moral. tom. 2. lit. D. verb. Depositum, per tot.
Vide ibi.

6 Deniquè prò resolutione casus nostri refero decisionem Ro-
tæ Ferrariensis apud Marcum Antonium de Amatis quæ est in-
tèr cæteras 42. de quodam Textore draporum sericorum, qui
certà conuentà mercede sericum ad texendum accepit, quod fur-
to sibi subtractum fuit dùm in domo ipsius depositum erat, ideò-
que dista Rota censuit ad damnum Textorem teneri, quia ex
visitatione loci apertè constabat de negligentia ipsius Textoris,
eo quòd antequàm ingrederetur ad locum vbi sericum claudeba-
tur intrandum priùs erat per alia loca, quæ si diligentèr fuissent
custodita, fures ingredi non potuissent, dùm Textor erat in-
platea ad inspiciendum quosdam ludos, prout consuluit Laderch.
Imol. conf. 154.

Ex præallegatis iudicet vir prudens prò casu nostro, an depo-
sitarius fuerit in culpa lata, vel non, ponderando circumstan-
tias loci, custodiæ &c.

7 Placet hic notare quid responderi potest interrogantibus:
Periculum rei venditæ ad quem spectet? Dico, quòd quamvis regu-
laritèr periculum rei venditæ spectet ad emptorem, *l. qui officij,*
§. res in auersione, ff. de contrah. emptio. l. 1. & ibi Gloss. ff. de pericul.
& commo. rei venditæ, vbi Bald. num. 2. Salicet, in prima oppositione.
Castrenf. in principio, etiam quòd res tradita non fuerit, vt in
terminis probat textus in *§. cum autem emptio, Instit. de emptio.*
& vendition. quando venditio est perfecta, l. 8. ff. de Pericul. &
commo. rei vendit. Id tamen non procedit, quando venditor, qui
antè traditam possessionem tenetur ad custodiam, & diligentiam,
& si sequatur damnum etiam ex leuissima culpa ad illius emen-
dationem, *l. Venditor hominis, ff. de action. empt. quia ad maiorem*
rei venditæ custodiam arctatur, quàm propriæ, l. Hoc ità verum,
§. custodiam, ff. de pericul. & commo. rei venditæ.

INTERROGATIO XXII.

Quid sit dicendum de uxorato, sed per falsos testes probato non nupto, & in Regularium Religione ad Professionem admissio, Sacrisque initiatio, & ad Confessiones audiendas approbato?

DEgente me in meæ Religionis Bononiensi Collegio Epistolam accepi mihi transmissam ex Niciensi Ciuitate ab Illustrissimo, & Reuerendissimo Domino Henrico Prouana eiusdem Ciuitatis Episcopo, à me semper reuerito condiscipulo meo tum Bononiæ, tum Romæ in Seminario Missionum Sanctæ Mariæ de Victoria. Præfatæ Epistolæ lator fuit Adm. Reuer. D. Benedictus Fantucci Monasterij Lerinensis propè Niciam Monachus, & coràm isto secretè legi illam, in qua Illustriss. & Reuerendiss. D. Episcopus à me quærebat, quid responderem interroganti; *Quid sit dicendum de uxorato per falsos testes probato non nupto, & ut tali facto Professo inter quosdam Religiosos, & apud istos Sacris initiato, atque ad audiendas Confessiones etiam Sacularium exposito?*

Responsio oretenùs data cursim.

1 Latori dictæ epistolæ responsum aliud oretenùs non dedi, nisi quòd debente me post duos dies iter facere, & Taurinum pergere, ibique per aliquot dies moram facere, faciliè erit responsum meam in scriptis Niciam mittere, vtpotè à Taurinensi Ciuitate non multum distantem.

Responsio latè scripta.

2 Casus mihi propositus indiget distinctis resolutionibus, quia plura continet dubia:

Primum dubium est circa falsos testes, & circa eum uxoratum, qui illos ad falsum testimonium faciendum induxit. Et quidè certum est, grauiter peccasse tum testes, tum eos inducentem ad pecca-

Interrog. XII. De vxorato filio per testes non vxorato &c. 157
peccatum falsi, præsertim si cum iuramento fuit firmatum scienter; secus si ignorantèr, nempe si putabant verè non esse matrimonio ligatum. Nauarr. lib. 4. conf. 3. de diuort. & alij.

3 Secundum dubium est circa ingressum vxorati in Religionem; & dico quòd quoad forum externum erat necessaria sententia diuortij, si ratione adulterij vxoris volebat maritus ab ea diuertere, idemque procedit prò facienda Professione, atque prò suscipiendis Sacris Ordinibus; volunt tamen aliqui sufficere adulterium esse notorium. Sic notat ex Sanchez, & alijs Quintanaduegñ. in Singularib. tract. 9. singular. 13. num. 3.

4 Tertium dubium est, an prò foro interno requiratur sententia diuortij in casu nostro; & dico quòd non, dummodò sit certus moraliter fuisse ab vxore commissum adulterium, etiam occultum. Est tamen hoc limitandum, nisi aliundè propter scandalum, aut propter aliquod damnum, siuè iniuriam euenturam Religioni teneretur vir sententiam quærere diuortij antequam fieret Professus, seu Religiosus, aut Sacris initiatus, eò quia vxor foret repetitura virum ei restituendum licèt Professum, Sacrisque initiatum. Ratio est, quia diuino Iure adulterium est causa sufficiens diuortij, seu diuertendi a cohabitatione cum vxore, vt patet ex Matth. cap. 5. & 19. & traditur in Iure Canonico cap. Diuis Dominus 32. quas. 2. Ità cum pluribus Sanch. de Matrim. lib. 10. d. 10. num. 12. & 15. nam quamuis ius coniugale obstat tùm ingressui Religionis, tùm Ordinis susceptioni, tamen tali Iure omninò destituta est adultera.

5 Quartum dubium est: An valida fuerit Professio vxorati? Respondeo affirmatiuè, dummodò in illa Religione nullum sit statutum irritans talem Professionem. Immo dicta Professio valeret, quamuis admittens ad illam non admitteret, si sciret esse vxoratum, & dummodò dùm admittit non habuerit istum actum: Si iste est vxoratus, nolo ipsum admittere. Ità docent Sanch. loc. cit. num. 14. Nauarr. lib. 3. conf. 5. de conuers. coniug. Nat. conf. 116. num. 11. & alij passim. Est autem notandum, quòd voluntas conditionata admittentis non irritaret, hanc Professionem, nam huiusmodi voluntas nihil aliud importat nisi quòd non admitteret si sciret, sicque est voluntas compatibilis cum voluntate absoluta admittendi. Dato etiam quòd in ea Religione detur statutum prohibens huiusmodi vxoratum admittere, si

158 *Interrog. XXII. De vxorato filio per testes non vxorato &c.*
admittatur ad Professionem, ista erit valida, quia multa prohibentur, fieri, sed facta tenent, prout votum simplex castitatis prohibet matrimonium, quod si factum tenet. Sic tradit Quintan. ubi *suprà*, num. 5.

6 *Quintum* dubium est de susceptione Sacrorum Ordinem facta ab vxorato in casu nostro, an scilicet excommunicationem contraxerit? Dicendum est negativè, quia in iure nulla excommunicationis reperitur lata contra huiusmodi promotos, sicut nec suspensio, nec irregularitas, neque pœna aliqua Ecclesiastica. Idem *ibid.* num. 7. Limitandum est tamen hoc, nisi Pontificia auctoritate in aliqua Religione detur aliqua censura contrà eos coniugatos quomodocunque in ea profitentes. Consent tamen aliqui, quòd quia ista est materia odiosa non comprehendat fortasse vxoratum licitè diuertentem à coniuge.

7 *Sextum* dubium est, an vxoratus in casu nostro possit licitè se talem esse occultare, & nihilominus Missas dicere, & Sacramentum Pœnitentiæ ministrare? Certum est, posse omnia facere, quia muneris Ordinis est capax vxoratus, qui vel post diuortij sententiam, vel præhabita alterius coniugis licentia seruatis seruandis, idèst castitatis voto emisso à remanente in sæculo si sit senex, vel si sit iuuenis ingrediens in Religionem. Hinc vxoratus liber in conscientia a cohabitatione vxoris adulteræ, potest licitè statum mutare per Ordinis susceptionem, dummodò ambò coniuges adulterium non admiserint. DD. *communiter*.

8 *Septimum* dubium est, an vir cognoscens se errasse, cum reuerà eius coniux adulterium non commiserit, si ipsa petat vt secum cohabitaret teneatur in conscientia redire, non obstante Professionis emissionem, nec Ordinis Sacri susceptionem? Respondeo teneri, cæterum non posse petere debiti redditionem, sed solum reddere, quia impeditur à petitione propter votum castitatis in Professione emissum, atque in susceptione Ordinis sinè tamen præiudicio alterius coniugis habentis ius petendi. Si autem vxor iuridicè se probaret innocentem, tunc Ecclesia, & Religio tenerentur virum restituere, etiam si lata fuerit diuortij sententia. Ratio est, quia votum solummodò obligauit quantum obligare potuit. Ità docent plures, quos refert, & sequitur Sanch. *de Matrim. lib. 10. disp. 9. num. 9.* Idem est quoque

Interrog. XXII. De vxorato filio per testes non vxorato &c. 159
quæ afferendum, si votum esset tantum simplex castitatis. Sotus, & alij cum Quintanaduen. *loc. cit. singular. 14. num. 3.* Si postea, vt dictum est, vir rediret ad cohabitandum cum vxore, non teneretur seruare leges Religionis, nequæ posset celebrare, nec confessiones audire, quia ablata est ei iurisdiclio per suspensionem, & idè inualidè absolueret, quamuis validè, sed illicitè celebraret; at in mortis articulo si alius non inueniretur, tunc licitè, & validè absolueret. Idem *ibid. num. 4.*

9 *Oktauum* dubium est, an maritus factus Professus, aut Sacris initiatus possit ad vxorem redire, si ei remittat adulterium? Resolutio est negatiua; nam per traditionem sui ipsius Ecclesiæ per Ordinem, aut Religioni per Professionem, renunciavit iuri reuocandi vxorem, sicque renunciando iuri, hoc amisit. Filliucius *de Matrim. tract. 10. cap. 10. num. 382.* Io. Triburgo *Sum. Confess. l. 4. cap. 22. quæst. 14.* Rosella *verb. Diuortium, num. 14.* & alij, qui asserunt licere adultero profiteri, si innocens professionem emisit.

10 Si non solum vir, sed etiam vxor essent iam Professi, existimantes diuortium esse celebratum, neuter posset alterum ad cohabitandum repetere, quia vterquæ sciens alterius ingressum, videtur facto ipso licentiam concessisse ad profitendum; secus tamen esset, si ignorantia ingressus alterius adesset. Quintan. *d. singul. 14. num. 5.* cum Sanchez.



INTERROGATIO XXIII.

*An uxor ob viri sui sanitiam possit propria auctoritate
mentito habitu ab illo se subtrahere, sublati ei plu-
ribus pecunijs tum dotalibus, tum non dotali-
bus, ut sibi in posterum ad victum
necessaria provideat?*

IN domo Sancta Lauretana accessit ad me quidam Clericali habitu indutus, rogans ut dignarer ipsum audire, præstita tamen prius sibi secreti promissione. Hac habita dixit: Nonne me noscis? Recordaturne Paternitas Vestra quando Mantuæ per Quadragesimam quotidie concionabatur in Ecclesia Sancti Andreæ, qualiter singulis diebus Veneris Martij Confessiones audiebat cuiusdam mulieris, eiusque filia? Ista ego sum sub hac mentita Clericorum veste, quia duos post annos a discessu P. Vestrae ex Mantua nupsi cum milite mecum postea adeo crudeli, ut nedum factis me verberans, verum etiam verbis me infamans, mortemque non raro mihi comminari non cessans, ac tamquam adulteram me dicere publice (falso tamen) non erubescens, à tali viro me subtrahere cogitauerim, meamque intentionem alteri aperui mihi noto militi, qui cum sua uxore, iturus erat Neapolim, ideoque cum istis egi, ut me comitem haberent, in loco enim habitationis mariti mei nullatenus commorari tuta valebam, nam mandauerat sicario ut me occideret, cui etiam iuratam promissionem fecit, se illi inferendi necem, si hanc mihi minimè dederit. Verum à dicto sicario realiter nolente exequi quod fidei asserbat se exequiturum admonita fui, ut me fugæ darem sub virili veste, quatenus sic etiam ipse sicarius se excusaret de impossibilitate inueniendi interficiendam, quam se intellexisse perrexisse Geneuam affirmare volebat. De viuis me tollere maritus meus peroptabat, ut nuptias cum alia, sed sua concubina, contraheret. Igitur ex Mantua iter cepimus profecturi Neapolim, ast ut Veronam peruenimus, ibi in hospitio improvisa morte extinctus miles, uxorem suam, & me reliquit solas, quare vidua cogitans Mantuam reuertere, ipsam cuius induxi, ut mecum Lauretum veniret meis sumptibus, siquidem

dem non paucos habebam nummos, annulos, & torquem auream, sicque ecce nunc sumus hic Laureti ista tamquam Amita, & ego tamquam eius Nepos Clericus, sed quòd nos veramus nescientes, præsertim ego, quæ me totam huic Beatissimæ Virgini commendavi, à qua fortasse gratiam accepi, quòd Paternitatem Vestram inuenerim, à qua dirigi, & edoceri possimus, quid agere satius erit nobis. Consilium ergò suum petimus, quod quæ sumus recipere, confidimusque non fore nobis à bonitate, & Charitate sua denegandum. Scire insuper debet Paternitas Vestra, me orphanam esse tum sine patre, & sine matre, immò & sine noto aliquo, apud quem valeam diuertere. Quid Paternitati Vestræ videtur de meis incomparabilibus angustijs?

Responsio oretensis data cursim.

I Quicumquè ad hanc Sanctam Laureti domum etiam è distitis regionibus supplices accedunt, ab ista misericordiæ Matre miseriarum suarum copiosa recipiunt subleuamina. Sic huic Sanctissimæ Virgini vosmetipsas commendatæ, à qua, & quicquid à vestris angustijs liberari expediet consequimini. Quid autem ego vobis consilij proferam vix scio, nisi quòd ambæ Mantuam repedatis, & quidem palàm tu orbata marito, occultè verò tu à marito discessa veste mentita semper retenta, ibiquè insimul vitam ducatis, & interim per aliquem fidelem amicum causam in iudicium deferre, vt iudicialitè iustitiam reportetis. Dixi iustitiam reportetis, quia certum est fas esse vxori maritum relinquere, tum ratione eius notabilis sæuitiæ, tum propter infamiam falsò illatam tamquam adulteræ, tum ob mandatum occisionis eiusdem, quæ nullam admisit culpam in assumptione virilis vestimenti quamvis Clericorum; & hæc omnia, & singula sunt causæ diortij, sicque lura, & rationes stant prò vestra defensione. Restat modum scrutari, quomodò Iudex iuridicas habebit informationes ab actore, ideoquè dabo vobis scripturam Ecclesiastico Iudici mittendam; in qua contrà sæuum maritum dicenda exponam nomine tui eius vxoris; sic tu ad manus Iudicis illam peruenire curabis per confidentem amicum, qui secretè eidem notificabit, quis, vbi, & cuius nominis sit eandem mittens, & hanc scripturam mittam Mantuam per Postam cum super-

X

scrip-

162 *Interrogatio XXIII. De uxore à marito discessa &c.*
scriptione: *Ad manus N. & N. intra præsentem mensem, ego verò nullam à vobis responfionem volo, nè deperdatur, in longo enim itinere sum constitutus.*

Responfio latè scripta.

2 N. de N. coacta se occultare prò morte vitanda, ei etiam per mandatarium à sæuo eius marito procurata, quapropter præ timore nè agnoscat sub mentito habitu Clericali semper incedit. Denique quò se vertere nesciens, vt & vitam non perdat, vtque continua mortis euadat pericula, consilium petijt à Confessario Veronæ, à quo nihil concludentè accepit, nisi quòd in manus B. Virginis factum commendet. Me igitur inuento, mihi quis esset detexit, eique respondi, me putare aliud minimè subesse remedium, nisi casum Iudici confidentè aperire, vt iudicialitè, vel extraiudicialitè ad ipsius libitum opportunum ponat remedium.

3 Si ego, qui hæc scribo Iudicis munere in exposito casu fungi deberem, totum in quatuor diuiderem membra.

Primum est, quid sit iudicandum de sæuitia viri in uxorem.

Secundum est, an falsa, seu vera criminatio de adulterio satis sit prò thori separatione.

Tertium est, cognitio mandati expediri prò de viuis tollendo altero ex coniugibus, quid operetur.

Quartum est, nùm mulieri licitum sit Clericalem habitum, mentiri.

4 Igitur prudentia Iudicis hic tota decurrat, vt postquam à supradictæ scripturæ delatore, & ab huius depositione, ac informatione edoctus, seruatis seruandis operetur, necessario in inquisitione adhibito secreto, nè detecta vxoris occultatione per mariti indaginem interfici periclitetur. Hinc:

5 *Primum*, quod est de sæuitia viri ergà uxorem, commune iudicium est, esse illam probandam plenè, & concludentissimè prò thori separatione, quia agitur de materia graui, atque ardua. Barbof. in rubr. ff. solut. Matrim. part. 2. num. 27. Natta conf. 616. num. 1. Buratt. decis. 815. num. 1. & seq. Rota inter recent. decis. 441. num. 1. part. 1. & decis. 324. num. 2. part. 6.

Tamen non sufficit probare qualemcunque sæuitiam, sed talcm

lem vt apta sit iustum, & in virum constantem metum cadentem inducere, vt probat text. in cap. litteras, in fin. Abb. in cap. ex transmissa, num. 4. de rest. spol. Sanchez de Matrim. lib. 4. d. p. 4. num. 2. & disp. 18. num. 10. lib. 10. & Rota d. decis. 324. num. 22. & seq. part. 6. recent.

Probatum autem sæuitia nimia, si inter virum, & uxorem intercedat odium capitale, & sic probabiliter ex tali odio tractatur de dicta sæuitia, & de vitæ salute, quo casu uxor à marito discessa non restituitur, cap. ex transmissa, 8. & cap. litteras, 13. in fin. & ibi Ancharan. & Abb. sub num. 7. de restit. spoliator. Gutier. lib. 1. Canonic. quæst. 24. num. 2. Farin. quæst. 143. num. 145. Aldobrand. conf. 71. num. 15. vol. 1. & alij. Immo si etiam cum marito reperitur, est ab illo separanda, d. cap. litteras, 13. §. fin. Sylu. in Sum. verb. Matrimonium, §. 10. antè nu. 3. Ricci. decis. Neapolit. 8. num. 1. part. 2. & Bursat. conf. 333. num. 2. & 3. vbi asserit hoc etiam procedere si solum timeatur futura sæuitia mariti, quamuis nunquam sæuierit, & hoc vltimum tradit etiam Sanch. de Matrim. lib. 10. tit. de diuortio, disp. 18. num. 19. Farin. quæst. 143. num. 140. Gutier. Canonic. qq. lib. 1. cap. 24. num. 9. Tradunt etiam prædicti, esse faciendam thori separationem, idemque asserunt plures, quos allegat Sordus de aliment. tit. 1. quæst. 32. & tit. 7. quæst. 16. num. 7.

Separata uxor à marito ratione nimie sæuitiæ nequit cogi cum marito redire sub fide cautionis de non offendendo, quando inter ipsos datur odium capitale, quod quando detur dicam numero sequenti. Gloss. in cap. de Benedicto, §. in verbo, sub cautela, 32. quæst. 1. Mandos. conf. 46. nu. 1. Marius Anton. lib. 1. resol. 35. num. 7. & Thomas Teruif. in terminis præcis, lib. 1. decis. 61.

6 Secundum est, an accusatio de vero, vel falso adulterio uxoris facta per maritum, siue etiam è contrà, sufficiat prò thori separatione, & dicendum est affirmatiuè cum Bursat. conf. 333. per tot. præsertim num. 2. 5. & 15. Thom. Teruifan. decis. 45. n. 9. 13. & 16. & decis. 61. per tot. lib. 1. Rota decis. 706. num. 3. part. 1. vltim. Ratio est, quia quando vnus ex coniugibus accusat alterum de crimine capitali, quale est adulterium, tunc inter eos dicitur oriri odium capitale, & locus est separationi thori, & maxime si accusatio fuerit iniuste facta criminaliter.

Et hoc procedit etiam si odium prouenisset culpa uxoris, ac

hoc non contingit in proposito casu, prout facile probationes faciendæ demonstrabunt, & prò isto asserto stant Abbas in *cap. litteras*, 13. num. 23. de *restit. spoliat.* Neuizan. in *sua Sylva nupt.* lib. 1. num. 39. Ricci. *decis.* 8. nu. 2. part. 2. Sanch. de *Matrim.* lib. 10. tit. de *diuort.* disp. 110. num. 5. & plures alij.

Et quia in nostro casu mulier recessit à viro ex causa, propterea ei extrà domum debentur alimenta à viro prout signantèr fuit traditum à Surdo de *aliment.* tit. 1. *quæst.* 32. num. 4. & tit. 9. *quæst.* 31. num. 20. scòuserit, si sinè causa vt fuit dictum in *Feretrana Alimentorum* 18. Iulij 1633. coràm Buccabello, & in eadem, 1. Iulij 1639. coràm Bichio, & tradunt Sanch. de *Matrim.* lib. 9. disp. 4. *quæst.* 2. num. 20. Marefc. *var. res. lib. 2. cap. 83. num. 65.* Onus verò probandi causam incumbit vxori. Gratian. *discept. forens.* 552. num. 47. Iason in l. *diuortio*, num. 25. ff. *solut. Matrim.* & donèc causa probetur, recessus vxoris à domo viri propria authoritate, dicitur culposus iuris præsumptione. Rota in *recent. decis.* 517. num. 1. part. 3.

Facta thori separatione tenetur maritus restituere vxori suas dotes, nam cum illæ dentur prò oneribus matrimonij, l. *prò oneribus*, 20. C. de *iur. dot.* cessantibus talibus oneribus apud maritum, conuenit vt dos reuertatur ad domum vxoris cum ista. Mandos. *conf.* 46. num. 5. & præsertim quandò culpā mariti deuentum est ad thori separationem, quo casu dos semper restituitur. Surd. de *aliment.* tit. 1. *quæst.* 32. num. 21.

Quòd si ex suspicionibus fuisset inductus maritus ad accusandum vxorem de adulterio, illis purgatis ab illa, videtur eas nullatenus suffragari, vt dos restitui a marito minimè debeat, vt notat Cyriacus *Controuers. Forens. tom. 1. lib. 1. controuers.* 173. num. 11. & num. 12. cum pluribus dicit, quòd maritus sit etiam condemnandus ad alimenta præterita, & ad expensas litis factas ab vxore, quia vtrumquè tenebatur subministrare lite pendente, tùm agente vxore ad thori separationem ob iustum timorem, tùm quandò accusatur de adulterio, vt in præsentì casu.

7 Tertium est, quid operetur cognitio dati mandati prò danda morte alteri coniugi? Et indubitata responsio omnium Doctorum est operari, vt det locum separationi thori, quia tale mandatum parit odium capitale. Sic tradit Francisc. Niger

Cy-

Interrogatio XXIII. De uxore à marito discessa &c. 165
Cyriac. d. *Controuers.* 173. vbi plura dicit ad rem præsentem.

8 *Quantum* est, an liceat fæminæ mentiri habitum virilem, etiam Clericalem? Dico non esse peccatum si fiat ex iusta causa; si verò fiat ex leuitate erit peccatum veniale; si autem fiat ad malum finem, vel cum scandalo, erit mortale, si scandalum sit graue, finisque sit grauiter malus. Ita Nauarr. in *Man. cap. 23. num. 22.* Allo. *verb. Habitus, num. 2.* Igitur fæminam vti veste virili non est de se peccatum, sed tantum ex circumstantia, vel intentione. Sic D. Thom. 2. 2. *quest. 169. art. 2. ad 3.* Hinc patet, quòd vxor in casu nostro nullum admisit peccatum vtens virili habitu, licet Clericali ex vrgentissima necessitate se occultandi prò morte euitanda.

Circà sublationem pecuniarum, quas vxor accepit in domo mariti ad proprias rationabiles indigentias in fuga sua quid sit dicendum, constat ex traditis *suprà sub numero 6. vers. Et quia, & seqq.*

INTERROGATIO XXIV.

*An sit indicium temerarium, & murmuratio grauis
affirmare furem de bonis pupilli istius
Tutorem olim pauperem,
nunc diuitem?*

PErueni Papiam concionaturus per integram Quadragesimam in Templo Sancti Michaelis, in quo pridè quàm concionum cursum inciperem obuiauerunt mihi duò Reuerendi, Moralista vnus, Iurista alter inter se controuersiam habentes, an iudicium temerarium graue, mortalisue murmuratio sit, affirmare esse furem de bonis pupilli huius Tutorem communiter scitum pauperem de præterito, diuitem verò de præsentì. Vtrumquè affirmabat Moralista, sed prò negatiua stabat Iurista, quid verò dicerem ego me interrogauerunt, præsertim an censeam posse Tutorem conueniri, vt reddat rationem suæ administrationis.

Respon-

Responsio oretenus data cursim.

1 Iudicium temerarium à murmuratione, vel detractiōe distinguitur, quatenus si quis intra se sine sufficienti fundamento sentit, seu iudicat malum de alio, hoc erit temerè iudicare; si verò per verba externa alterius famam iniuste denigrat, sic erit murmuratio, vel detractio, quæ interdum est simul contumelia, nempe si fiat in præsentia, non in absentia. Igitur proposita quæstio de Tutore olim inope, sed nunc in diuitijs existente ex quò pupilli bona administrat, an iudicari, & dici possit per furta de dictis bonis sibi multa cumulasse? Profero absolute nec iudicari, nec affirmari posse attenta sola administratione bonorum pupilli non adminiculata aliquo alio modo ditectendi. Sic sit firma mea responsio, esse graue iudicium temerarium, quod si ad linguam deducitur euadet grauis murmuratio, si alio non constante, asseratur Tutorem pauperem, idèd factum diuitem, quia de bonis pupilli à se administratis sibi iniuste prouidit. Cæterum cautè discurrendo in resolutione quæstionis præsentis, non nimis citò discursui intellectus habenas laxando in malum, in defensionem Tutoris rationes, & lura possunt allegari.

Responsio latè scripta.

2 Quamuis Tutor antè tutelam esset pauper, non propterea potest meritò inculpari factus diues per vsurpationem bonorum sui pupilli, vnde id asserere, ac iudicare, murmuratio, & iudicium temerarium proculdubio esset; nisi ex alio capite sic posse interius, exteriusque affirmari certò constaret. Etenim Tutor absolute consideratus habet fundatam intentionem, quod quilibet præsumitur acquirere de proprio, non autem de alieno, siquique diues proprio labore, suæque industriâ, non obstante quòd aliena negotia administrasset, & à fortiori si non administrasset. Ità probat text. vbi hoc notant omnes in *l. si defunctus*, 10. C. *arbitrium tutel.* vbi Tutor pauper ab initio, & postea factus diues, præsumitur propriâ industriâ, & labore diues euasisse, non autem de bonis pupilli acquisiuisse, & sic docent Menoch. de *presumptionib.* lib. 6. *presumpt.* 28. num. 2. Mascard. in *verb. Negotia*.

Inter. XXIV. De Tutore olim paupere, nunc verò diuite &c. 167
gotiator, *conclus. iuihi* 1094. num. 3. Gutier. de tutel. part. 3. cap. 46.
per tot. Borgn. de tutor. sub num. 223. & alij.

3 Ampliatur hoc in administratore rerum Reipublicæ, scilicet Fisci, nam non præsumitur de eis factus diues, sed de suo. Menoch. loc. cit. num. 10. Bart. in l. defensionis facultas, 7. circa fin. Deci. conf. 6. num. 1.

4 Immo generalitèr loquendo, nemo præsumitur ditatus de alieno. Sic tradunt Ancharan. conf. 31. num. 2. Menoch. conf. 12. n. 20. Deci. conf. 174. aliàs 175. Rota Bononiensis decis. diuers. 96. num. 29.

5 Addendum est etiam, quòd semper præsumendum est pro acquirente, ut de suo, non de alieno fuerit lucratus, si constet fuisse virum industriusum, & qui negotiationibus operam dabat, ut probat text. in l. Quintus Mutius, 52. ff. de donation. inter vir. & vxor. ex quo textu optimè deducitur ad euitandam culpam malæ administrationis contra Tutorem industriusum, quemadmodum vxor ad euitandam turpis lucri suspicionem, præsumitur acquisiuisse de bonis mariti, si fuit industriosa, aut si appareat vnde aliundè habere potuerit, non præsumitur nisi de proprio lucra reportasse. Menoch. de præsumptionib. lib. 3. præsumpt. 51. num. 32. Crauet. conf. 61. num. 7. Gabr. de præsumpt. concl. 15. num. 12.

6 Quoad conueniendum Tutorem, ut rationem reddat administratæ tutelæ, id fieri non debet præcisè ob hoc quòd nunc sit diues, quare attendantur præsumptiones iuxta prædicta contra Moralistam fauorabilia Iuristæ.



INTERROGATIO XXV.

*An Promissor probitatis serui teneatur ad damna,
si ipse seruus furtum faciat
domino.*

EX Carinthia reuertebat Venetias intrà nauem, in qua erat Thomas Ferrariensis rediens ex Lubiana, vbi in famulum acceptauerat Andream Marmetem sibi datum ab Annibale Firminto, à quo promissionem habuerat probitatis eiusdem famuli. Exitus tamen oppositum probauit, quatenus cum notabili damno domini sui dictus famulus furto ei facto aufugit. Contrà Firmintum agere iuridicè cogitabat Ferrariensis, vt resciceret damna sibi illata à seruo, prò cuius probitate se promissorem fecerat. Factum istud narrauit cunctis in naui audientibus ipse damnicatus, qui de dicti famuli iniquitate dubium nec minimum habuisset, & addidit fuisse a se quæsitum à quodam Iuriconsulto, necnon à quodam Regulari Religioso, an prò se staret Ius, & ratio, vt contrà præfatum promissorem posset se actorem iuridicè facere, eique affirmatiuè ab vtrisque fuisse responsum. Nihilominus placuit eidem Ferrariensi me interrogare, quid in hoc casu iudicarem?

Responsio oretensis data cursim.

I Reuereor responsum quod audio datum in proposito facto, sed illi sic absolute prolato non acquiesco. Procedatur igitur cum distinctione, examinando Promissoris assertum de probitate famuli consequenter non furis; nam si verè quo tempore Promissor famulum dedit, erat, & semper fuerat probus, ad nihil tenebitur de furtis postea sequutis, prò quibus non poterat promittere nisi imprudentè non fuisse euentura. Si verò famulus de facto non erat probus, sed fur antè promissionem promittentis, iste tenebitur de furtis factis à dicto famulo. Sic sentio, & hanc meam sententiam cum alia responsione in scriptis probabo.

Ref-

Responsio latè scripta.

2 Tamquàm certum præmitto, promissorem obligari, si promittat seruum esse fidelem, & non furem, si reuera sit fur, præsertim si aliquid dare promisit pro interesse, vt habetur *l. si itaque, 31. ff. de euiction. gloss. in §. si quis alium in verbo non obligabitur, circa medium Instit. de inutilibus stipulation. Alberic. in l. si apud priorem, 3. C. de adilit. action.*

Nihilominus in casu nostro censeo ad aliquid non obligari Annibalem Firmintum Promissorem. Ratio clara est, nam ipse non fecit promissionem Ferrariensi, quod famulus furtum non esset admissurus, sed tantum quod erat vir probus tempore conductionis, seu quando fuit exhibitus in seruum dicto Thomæ Ferrariensi. Igitur Firmintus non tenetur, si seruus fidelis de præterito, furtum faciat in futurum, vt est text. in *l. actionis, 54. secundum intellectum Nicolai de Matarellis communiter approbatum, de quo per Cæpolam ibi, num. 4. & Albericum, & Fulgos. ff. de adilit. edict. & hoc idem melius constat ex textu in l. si apud priorem, 3. vbi Cynus, Fulgos. & Salic. C. eodem tit. de adilit. action.*

3 Quando autem promissor esset obligandus, penes actorem erit onus probandi; famulum fuisse furem in præteritum, sicque tempore promissionis non fuisset probus, vnde nihil iuuaret promissori, vt non deobligetur, licet furtum famulus fecerit post promissionem suæ probitatis factam à promittente. Ità notant Odofred. in *d. l. apud priorem, & Alberic. ibi, in princip.*

4 Nec obstat dicere, dominum famuli habuisse intentionem providendi sibi seruum, à quo furtum nunquam esset passurus; adeoque promissorem æquè teneri, tum si antè promissionem, fuisset fur ipse famulus, tum si post. Respondeo enim non potuisse Annibalem Firmintum promittere Ferrariensi pro futuro, nisi temerè; immò satis operatus est promittendo pro præterito, quia quamuis serui regularitèr præsumantur fares, vt ait Mantua *conf. 43. num. 59. vol. 1. tamen qui habet securitatem, quod aliquis fuerit, & sit de præterito bonus, potest præsumere, quod etiam erit talis in posterum; quemadmodum enim semel malus semper præsumitur malus, ita semel bonus, erit*

170 *Interrogatio XXV. De Promissore pro seruo &c.*
semper præsumendus bonus, præcipue cum regulariter quilibet
præsumatur bonus, *cap. dudum*, 16. *extra de præsumpt. & tradit*
Surdus conf. 131. num. 19.

5 Et dato casu, quod Ferrariensis haberet aliam intentionem
acceptandi in seruum Andream Marmetem cum securitate non
fore furem, debuisset expressè conuenire, at hoc factum non
fuit, prout patet ex lectione propositi contractus, atque idè
contra Ferrariensem pugnat *l. 2. C. de furtis* cum verbis Impera-
torum, *disce cautius negotiari*. Vterius addo, quod quæuis pro-
missio, præsertim si resultet ex fideiussione est stricti iuris, ac
proinde debet strictissimè interpretari, nec debet extendi vltra
quàm loquantur verba expressa promissionis, *l. blandius*, 12.
C. de fideius. Roland. *conf. 58. num. 20. vol. 1.* Decian. *conf. 72. n. 18.*
vol. 2. Farinac. *conf. 59. num. 13.* ac tandem si Firmintus promisit
pro futuro, esset arguendus de temeritate, & quadam fatuitate,
vt in *d. l. apud priorem*, 3. *C. de adilit. action.*

INTERROGATIO XXVI.

*An valeant Sponsalia in gradu prohibito contracta
sub conditione, si Papa dispensauerit; & dis-
pensatione habita, an liceat vni sine
causâ, alio inuito resilire?*

TEmpore Bacchanaliorum perueni ex Venetijs ad Sanctum;
Ioannem de Duino ditionis Imperij propè Timaum flumen,
de quo Virgilius Poeta scripsit: *septem ora Timani*, quia ex sep-
tem oribus vnius veluti scholij erumpentes aquæ integrum, sed
breuissimum canale efficiunt. Hic coactus à nocte, hospitium
quærere debui, quod apud Exactoris domum inueni. Audie-
bam ibi choreas fieri, mihiq; dixerunt esse pro sponsalibus in-
ter duos consanguineos transuersales in secundo gradu cum Pon-
tificis dispensatione, quam paucas post horas cum Postæ aduen-
tu expectabant. Cubitum iui, & manè factò retulerunt mihi
dispensationem venisse, sed chorearum lætitiâ conuersam
fuisse in mæstitiâ à sponsa obstinatè persistente in recusatione
sponsi, licet inuiti. Obstupuit ad hæc tota vicinia, & à quo-
dam Reuerendo ibi existente fui interrogatus, an valida fue-
rint

Interrogatio XXXI. De Sponsalibus in gradu prohibito &c. 171
runt sponsalia conditionata, si Papa dispensauerit; & an vni
ex illis altero inuito liceat resilire, ac pœnitere, etiam sine
causa?

Responsio oretenus data cursim.

1 Supposita necessitate dispensationis, potest dupliciter du-
bitari in casu nostro. *Primò*, an valeant sponsalia conditiona-
ta, si Papa dispensauerit. *Secundò*, an post dispensationem, vel
etiam antè, cum spe tamen eam obtinendi, alter nequeat pœ-
nitere. Quoad *primum* ego semper verioreni censui sententiam
affirmantem valere, & ità obligare, vt sine iustâ causâ nulli
liceat resilire dispensatione secutâ; cæterum, quamuis non sint
nulla talia sponsalia, tamen habitâ dispensatione volunt aliqui
requiri nouum consensum, atquè ideo licitum erit vnicuiquè
ex sponsis, tam antè, quàm post dispensationem pœnitere; &
ità respondeo quoad *secundum*. Sed clariùs respondebo in scrip-
tis à me dandis, & videndis.

Responsio latè scripta.

2 Valdè controuersa est inter Doctores, tum Iuristas, tum
Moralistas quæstio, an duò consanguinei transuersales in se-
cundo gradu, inter quos Papa dispensare solet cum difficulta-
te, habitâ tamen causâ, possint antè dispensationem validè
contrahere sponsalia cum conditione, si Papa dispensauerit, ità
vt, vel post dispensationem, vel antè, existente tamen spe illam
obtinendi, alter non possit recedere à matrimonij contractu.
Quòd autem quæstio ista sit admodum controuersa apud scri-
bentes de hac materiâ, præcipuè apud Præpositum in *cap. super*
eo, num. 5. extrâ de condition. apposit. notatur à quodam incerto
apud Nauarr. *conf. 5. lib. 4. tit. de consanguinit. & affin. nu. 7. & 9.*
tom. 2. fol. 67. in impressione Veneta, de anno 1610. & num. 2. 3. & 4.
videndi: Tamen prò veriori sententia concluditur, talia spon-
salia valere, & obligare, talitèr quòd sine causâ nemo ex spon-
sis possit resilire secutâ dispensatione.

Et ità tenendum esse, post longam disputationem resoluit San-
chez de Matrimon. lib. 5. disp. 5. quæst. 1. per tot. præcipuè num. 12.

Y 2

Etiam

172 *Interrogatio XXVI. De Sponsalibus in gradu prohibito &c.*

Etiā Gutier. lib. 1. *Canonicar. questionum*, cap. 22. tenet non esse quidem nulla dicta sponsalia, sed tamen requiri nouum consensum post habitam dispensationem, atque idēd liberum, & licitum esse vnicuiquē, tam antē, quā post dispensationem pœnitere, at hoc implicare contrarietatem proficetur Sanch. *loc. cit. num. 13.* vt patet, nām si valent, ad quid nouus consensus?

3 Non desinam notare, quōd dispensatio prō contrahendo matrimonio in gradu prohibito debet impetrari expensis communibus tām viri, quā mulieris. Ratio est, quia hoc est negotium vtriusquē commune, estquē contractus gratiā vtriusquē celebratus, actus autem respiciens commune bonum, seu commodum, expensis communibus debet expediri, *cap. statutum*, 11. §. *insup̄r, de rescript. in 6. & l. 4. §. sed & si mensor, ff. finium regandor.* In casu autem nostro, vel simili, nulla de hoc erit difficultas, si nomine vtriusquē fiet supplicatio prō obtinenda dispensatione. Thom. Sanch. *de Matrim. lib. 8. disp. 36. num. 1.*

INTERROGATIO XXVII.

*An expoliāns mortuum inuentum in via habentem,
multas pecunias in crumena, possit illas
sibi retinere?*

Disceſsi Roma, & sero facto perueni ad Ciuitatem Castellanam, vbi in hospitio sœcularium debui me recipere, ibi enim meæ Religionis Conuentum non habebam. Hic narrare audiui à quodam paupere, qualiter duodecim circiter miliaribus propē Romam obuiam habuit nobilem, & pium virum sup̄r equum sedentem, à quo petijt elemosynam, quā obtinuit abundantem cum prece, vt prō eo orationem faceret, vt Deus sanitatem ei concederet, quia timebat se, nedūm Neapolim, quō pergebat, sed nequē Romam posse peruenire, adeō acuto viscerum dolore, & vehementi febre erat correptus. His à me auditis interrogauī prædictum pauperem, an vir de quo loquitur, esset cum ocreis, cum pallio rubro, & cum equo albo, & ad omnia respondit affirmatiuē, addens quōd solus etiam sinē famulo erat. Subdidi me talem vidisse propē Romam, & apud ipsum iacentem in terra, erat equus albus, sed de eius morte nihil suspicionis habueram,;
immò

immò cogitaueram se lassum parumpèr quiescere . Post duas horas aduenerunt ad idem hospitium duò mercatores Siculi , & retulerunt se virum inuenisse prostratum supèr solum pallio rubro , & vestibus valdè bonis indutum , cum ocreis , & apud ipsum erat vnus enixè lugens extinctionem improuisam (dicebat ipse) domini sui , propterea ibi expectabat Parochum , ad quem vocandum miserat , vt ab ipso quid agendum esset intelligeret . Dixi ego : si talis defunctus erat ille , quem videram in via , certè famulum secum non habebat , nequè socium , propterea dubium concipio , prædictum lugentem finxisse se seruum mortui , & mendacitèr expectare Parochum , vt interim de omnibus expoliare posset extinctum , de quo probabile est , immò & quasi euideus multas secum prò itinerando habuisse pecunias , & alia considerabilia in sarcinis suis . Totam hanc Historiam audiuit in illo hospitio quidam Religiosus Magister Ordinis Prædicatorum , à quo fui interrogatus , an cuiquè licitum esse dicerem sibi accipere equum , pecunias , & quidquid itinerans nemini notus secum habebat , si in publicà viâ defunctus reperiatur ?

Responsio oretensis data cursim :

I Quamuis mortuus sit ille , apud quem multæ res reperiuntur in publicà plateâ , seu viâ , nihilominus videtur rationabilitèr asserendum omnes illas esse proprias eiusdem defuncti , apud quem illæ extant , sicuti si quis omnibus ignotus in vno moraretur domicilio , in quo ex improviso decederet , certè omnia in tali loco existentia iudicarentur propria extincti inquilini , prò cuius anima essent impendenda , necnon & prò ipsius funere , atquè prò soluendis debitis , si veri creditores darentur . Igitur cum nihil diuersum dari videatur intèr dictum inquilinum nemini notum , & intèr itinerantem à nullo cognitum , & repentè in via morte correptum , quemadmodum dominus rerum censetur esse præfatus inquilinus , idem affirmetur de defuncto in nostro casu . Superfluum tamen puto notare , esse adhibendam diligentiam , vt priùs inquiratur , an dentur aliqui , ad quos defuncti supellectiles deuoluantur . Ità de plano respondeo ; cæterùm an probabilitèr possit in contrarium casus resolui , videtur dicendum affirmatiuè , subtiliori indagine discurrendo , sicuti

174 *Interrogatio XXVII. De inueniente mortuum &c.*
Sicuti per responſionem in ſcriptis præſtabo in ſequenti reſponſione.

Reſponſio latè ſcripta.

2 In reſponſione oretenùs à me data dixi, quòd omnia re-
perta apud mortuum ignotum præſumuntur eſſe illius iuxtà l. ſi
ſines, C. de eniſt. & docent Menoch. conf. 2. à num. 83. & Gam.
decif. 230. num. 1.

3 Et quòd colligatur ex exiſtentia rei apud aliquem, vt di-
catur eſſe illius, idem facit ſigillum, quo res eſt ſignata, nàm
per illud dignoſcitur cuius illa ſit. Afflic. decif. 23. num. 3. & 4.
Maſcard. de probat. concluſ. 91. Menoch. de præſumpt. lib. 3. præ-
ſumpt. 64. & alij paſſim. Si verò duo haberent idem ſigillum,
res præſumitur poſſidentis, cui adiudicari debet; at ſi ambæ res
ſint penès tertium, diuidentur intèr contententes. Quid. de
Amicis de iure emphyt. queſt. 42. num. 9.

4 Res inuentæ apud neminem, poterunt ab inuentore reti-
neri poſt factam ſufficientem inquisitionem prò inueniendo do-
mino, ſed non reperto. Ità Sotus de iuſti. lib. 5. queſt. 3. art. 3.
ad 2. Ledefma 2. part. 4. queſt. 18. art. 5. cum alijs, ducuntur,
quia nullo iure tenentur eas pauperibus erogare; & quidem non
tenentur iure poſitiuo, nàm iura obligantia ad reſtitutionem
loquuntur ſolum de debitis incertis iniuſtè acquiſitis, quorum
dominium tranſire non poteſt in iniuſtum poſſeſſorem propter
malam fidem, & quia caret omni titulo poſſidendi. Sic proba-
tur per Sotum ex cap. cum tu, de uſur. Nequè tenentur iure na-
turæ, nàm ſi inuenta deberentur tali iure, deberentur etiam
dari pauperibus theſauri inuenti, quia & iſti habuerunt domi-
num, cuius animæ poſſunt prodeſſe, & tamen nemo aſſerit de-
beri pauperibus ſi inueniatur theſaurus, qui quia eſt in nullius
potestate, propterea ſit primò occupantis, vt intèr alios docet
Sylueſter verb. Inuentum, queſt. 3. num. 13. niſi aliter ſit diſpoſi-
tum per ius poſitiuum, vt dicunt aliqui.

5 Hinc ad caſum noſtrum videtur dicendum eſſe, quòd pe-
cuniæ, cæteræque res repertæ apud defunctum in via publica
omnibus ignotum iudicari debent propriæ eiſdem defuncti, cuius
animæ ſuffragari poterunt iuxtà dicta ſuprà ſub num. 2.

6 Nihil-

6 Nihilominus in contrarium videtur posse dici, quòd tùm pecuniæ, tùm omnia reperta apud mortuum, iste non est censendus dominus talium rerum; nàm defunctus est incapax dominij, quod solum competit creaturæ rationali, nempe homini, sed mortuus non est homo, atquè idèò percutiens Clericum mortuum non contrahit censuram Canonis *Si quis*, vt docetur ab aliquibus relatis à Diana *part. 9. tract. 4. res. 39.* quamvis & nonnullis asseratur cadauera Clericorum, similibusque priuilegiatorum retinere priuilegium præfati Canonis, vt qui in ea manus violentas iniicit, maiori excommunicatione afficiatur. Ità *Spe-rel. decis. 45. num. 56. & Card. Tusch. lit. M. concl. 389.* Sed quære *infra, num. 8.*

7 Item suadetur incapacitas dominij in defuncto, cùm non sit homo, vndè peccans per copulam cum cadauere fæminæ sine animo fornicario, committit tantum pollutionis crimen, quia tunc sit pollutio mediante instrumento inanimato, & sic illud cadauer se habet tamquam statua, vt sentit Sanchez relatus à Diana *ubi supra, Miscell. 4. res. 1.*

8 Et prædicta sub antecedentibus numeris 6. & 7. vrgentur per tradita à Deciano in *cap. Adhuc, 5. à num. 34.* vbi aduertit non posse defendi sententiam asserentium esse excommunicatos percutientes cadauer Clerici, & illos referunt *Duen. reg. 99. ampli. 6. & Boer. decis. 316. num. 12. in fin.* Ratio est, quia percutiens cadauer hominis, non potest dici, quòd percutiat hominem, nec Clericam, propterea non verificantur verba *Canon. Si quis suadente, 17. quæst. 4.* Vide tamen *infra, num. seq.*

9 Circa mox dicta notat noster Gabriel à S. Vincentio in *suïs Respons. var. Respons. ult.* quòd habens copulam cum cadauere, vel pollutiones patiens ex visu, ac tactu partium verendarum dicti cadaueris, vel se polluens ex desiderio tactus, vel copulæ eiusdem cadaueris, tenetur fateri hanc circumstantiam fæminæ mortuæ, quia est crimen seuitiæ in corpus, & in honestatem defunctæ; & hoc suadetur à pari de interficiente inimicum, quem mortuum percutit, aut scindit in partes, debet enim in Confessione exprimere actum feritatis factum ergà defunctum. Ità *Gabr. loc. cit. num. 4. & num. 5.* addit, mortuum non perdere ius ad propriam famam, & honestatem, vndè non licet eum lædere &c. nàm ergà humana cadauera est exercenda pietas, mise.

176 *Interrogatio XXVII. De inueniente mortuum & a*
misericordia, humanitas, & alia huiusmodi.

10 Item probatur quòd hominis cadauer non sit homo, quatenus aliqui docent, esse bestialitatis peccatum habere copulam cum fœmina mortua: Sic Gesualdus de Bononijs in *Oper. Mor. tom. 2. tract. 12. cap. 1. num. 43*. Ratio est, quia peccatum bestialitatis est peccatum luxuriæ contra naturam mediante copula habita cum supposito alterius speciei, siuè sit bestia, siuè sit Dæmon in corpore assumpto, siuè sit cadauer.

11 Ex hæcenus notatis à numero 6. usque ad 10. quamuis videatur debere concludi prò casu nostro, quòd res apud mortuum ignotum repertæ nullius sint censendæ, eò ipso, quòd defunctus non est homo capax dominij, sicque fiant primò capientes, & ab inuentore possint retineri, si diligenter quæsito domino iste non compareat. Ratio est, quia in tali casu res iure naturæ deuoluitur ad statum communem, sitque primò occupantis; nequè iure positiuo est danda pauperibus, nec in pia opera infumi debet, si sit res fortuitò inuenta, non autem iniuste habita; & hanc sententiam tuentur Sæ *verb. Thesaurus, num. 4. Bannez in 2. 2. quæst. 66. art. 5. & Diana part. 2. tract. 17. res. 5. cum alijs*; igitur licèt videatur sic debere resolui propositum dubium; tamen omninò verius teneo, quòd bona inuenta debeant intèr pauperes distribui, vel pijs operibus applicari, domino non comparente. Duçor, quia talis est praxis vicens intèr pios, & timoratos, quæ vim legis videtur habere iuxta Cyriac. *Controuers. forens. tom. 1. controu. 1. num. 45*. Item, quia videtur eadem ratio de bonis fortuitò repertis, & de alijs malè acceptis, adeoque vtraque erunt in pios vsus eroganda, sicuti erogari debent malè accepta, vt docent Authores mox citati. Videantur dicenda *infra, num. 13*.

Deniquè, absolutè loquendo res inuentæ dominis restitui debent, vel istis non comparentibus, sunt in pios vsus infumendæ, vt voluit Lessius de *iussti. & iur. lib. 2. cap. 14. num. 49*. Card. Lugo de *iussti. & iur. disp. 6. sect. 12. num. 141*. Caietan. in *sum. verb. Furtum*, & alij, quos refert, & sequitur Noster Andreas à Matre Dei de *iussti. & iur. tract. 12. cap. 2. punct. 8. §. 2. num. 85*. & hanc sententiam suadent dicti Doctores, quia rationabiliter præsumere debet inuentor voluntatem domini non comparentis esse, vt in eius bonum spirituale res distribuatur, & hoc procedit etiam respectu ipsius inuentoris, quatenus potest sibi applicare rem in-

uen-

uentam si ipse sit pauper, vel petere à Confessario, aut a viro docto, vt illam in toto, vel in parte sibi applicet. Ità notat N. Andreas *loc. cit.*

12. Circa prædicta noto duo :

Primum est, quod si inuentor rei hanc pauperibus bona fide dedit, vel in pios vsus insumpsit ex præsumpta voluntate domini, qui quæsitus non comparuit, si postea comparuit, idem inuentor ad nullam tenetur restitutionem nec ex iniusta actione, nec ex re accepta. Ità Noster Andreas *ubi supra, num. 87.* vbi notat Palauum, & Layman velle quòd si pauper adhuc conferuet in specie dictam rem acceptam, vel eam in æquiualentem habeat, teneatur ad restitutionem si dominus comparet, quia ditior factus est, & Respublica rem dictam, eiusque vsum ipsi pauperi concedit tantum quoadusquè compareat dominus. Tamen contrarium docent saltèm prò foro animæ Nauarrus *lib. 4. de restit. cap. 2. num. 45.* Sotus *de iusti. lib. 5. quæst. 3. art. 3. ad 2.* Ledesma *2. part. 4. quæst. 3. art. 5.* & alij, quia pauper non recepit mutuo, sed in elemosynam, tamquàm si dominus rei hanc ipsi misericorditèr daret.

Qui verò sibi tamquàm pauperi retinuit rem inuentam, quæ adhuc in se, vel in pretio remanet, tenetur domino comparente restituere, quamuis sinè culpa illam habuerit; cæterum si nec in se, nec in pretio res existat, quam bona fide consumpsit in nihilo factus ditior, nihil debet restituere iuxta regulam communiter receptam, idemque procedit etiam quando cum culpa res fuerat acquisita, quia non tenetur nec ratione rei existentis, nequè ratione iniustæ acceptionis, quia præcedens culpa remanet absterfa per voluntatem restituendi, & per diligentiam factam, vt restitueret domino, si inuenisset, & per restitutionem iam sibi factam tamquàm pauperi. Ità docet Lessius *de iusti. lib. 2. dub. 6. num. 43.*

13. Secundum quod noto est, dari alicubi in loco publico capsam dictam *de rebus incertis*, in qua de iure aliquo positium sunt referendæ, & reponendæ res incertæ, vt sunt res inuentæ, & tale ius positium addèdè rigorosè obligatorium volunt esse, vt delinquentes excommunicationis pœnam incurrant, & consequenter grauitèr peccauerunt, addita reservatione talis peccati. Circa hoc audiui aliquos Theologos examinare, an reuerà huiusmo-

di peccatum admittat, & sic censuram contrahat, qui rem inuentam ab ipso, nec domino inuento, illam non deferat ad capsam prædictam. Negatiuam partem tuebantur nonnulli, eà ducti ratione, quòd à iure positio non potest derogari ius naturale; sed ius naturale facit esse inuentoris rem de cuius domino, licet diligentèr quæsito non constat; ergò videtur non ob stare ius posituum. Tamen alij affirmabant, quia stante obligatione quærendi dominum, hanc obligationem non implet, qui rem inuentam non deferat ad dictam capsam, ad quam dominus rei deperditæ recurrere illam statim reperit, ac recipit tamquam ab inuentore, qui sic dominum inuenit. Vide *suprà*, num. 11.

INTERROGATIO XXVIII.

*An Religiosus in Monasterio carceratus, si fugiat
è carcere ad aliud Monasterium eiusdem
Ordinis, in isto gaudeat im-
munitate?*

PER Ciuitatem Ferrariæ dùm transibam in itinere constitutus versùs Venetias, fui requisitus à quodam Prælato Regulari, an Religiosus ab illo carceribus traditus in Monasterio, in quo deliquit, si è carcere fugiat ad aliud Monasterium eiusdem Ordinis, in isto non gaudeat immunitate, sicut non gaudebat in eo, in quo carceratus detinebatur? Quæstio ista sub lite erat inter quatuor Iurisconsultos, quorum tres affirmabant gaudere, id tamen mordicus negante quarto, dicti tres ad sponsionem trium duplarum deueniunt cum quarto, quòd nec aliquam rationem, nequè aliquem Doctorem inuenire potuisset prò sua opinione. Sponsione acceptata à quarto, iste totidem duplas promisit se soluiturum vnā scilicet prò singulo eorum, nisi secum sentientem, & solidis rationibus probantem contra ipsos inuenerit. Igitur me ignorante dictam sponsionem fui interrogatus à prædicto Prælato, quid mihi videbatur resoluendum?

Respon-

Responsio oretensis data cursim.

1 Hoc certum est Reuerendissime Pater, Religiosum delinquentem in Monasterio posse in eo sine immunitatis violatione capi, & in carcerem detrudi; si verò ad Monasterium Ordinis non sui confugeret, sanè ibi tutus esset, nequè inde extrahi posset. Quando autem confugeret ad Monasterium, seu Ecclesiam quidè sui Ordinis, sed non sui domicilij, videtur existere in loco immuni tamquàm sibi extraneo, nihilque ad ipsum Religiosum pertinente, adeoque non posse in eo capi. Hinc prò nostro dubio sequitur fugitium de carcere sui Monasterij euntem ad aliud sui Ordinis Monasterium, in isto gaudere immunitate. Ità prima facie dixerim, fateor enim me nunquàm de huiusmodi euentu cogitasse, propterea Venetijs factum examinabo, & ex inde responsionem per postam mittam Reuerendissimæ Paternitati Vestræ.

Responsio latè scripta.

2 Quia Deus in Angelis suis reperit prauitatem, mirum non est, si etiam in Monachis delictum interdum irrepserit, proptèr quod aliquis eorum a Superiore suo Dei locum tenente sit multandus vsquè ad carcerem inclusiue, sed si semper existens in Monasterio diceretur esse in loco immuni, sequeretur numquàm posse à suo Prælato capi, & carceri tradi, propterea in Curia Archiepiscopali Neapolitana decisum fuit Religiosos non gaudere immunitate in proprijs Ecclesijs, ac Monasterijs, benè verò in extraneis. Riccius *part. 1. decis. 172. num. 7.* Peregrin. *de immunit. cap. 12. nu. 3. dub. 3. opin. 2. arg. 3.* Suar. *de Relig. tom. 1. tract. 2. lib. 3. cap. 10. num. 6.* Passerin. *in Regular. Tribunal. quest. 21. art. 3. num. 29. & alij.*

3 Si autem Religiosus delictum commiserit extrà Ecclesiam, & Conuentum, volunt aliqui ipsum gaudere immunitate etiam in propria Ecclesia, & Monasterio. Sic docent Cenedo *qq. Canon. q. 42.* & Petr. Gambacurta *lib. 4. cap. 11. num. 10.*

Nunc inhærendo præmissis duabus opinionibus assero Religiosum in facto nostro, si fuit carceratus in Monasterio, in quo

Reliquit, non frui immunitate, vt dicunt Authores primæ opinionis supracitati *sub numero 2.* at si extra Ecclesiam, ac Monasterium commisit delictum, gaudebit immunitate in omni Monasterio, & Ecclesia etiam propria, vt dixi *sub hoc numero 3.* cum Cenedo, & Gambacurta.

4 Noui, quòd fundamentum trium Iurisconsultorum negantium non gaudere immunitate in Monasterio ad quod fugitiuus se recepit, est, quia eadem ratio cessationis immunitatis prò delicto Religiosi capti in suo Monasterio, dicitur esse, nè *impunis remaneat*, sicuti remaneret, cum semper sit in Monasterio, quæ ratio procedit prò quocunque alio eiusdem Ordinis, aliàs etiam in isto impunis remanere deberet: Sed vbi eadem ratio adest, idem quoquè ius dicitur comprehendi, per *l. his solis, C. de renocandis donat.* & etiam per *l. Illud, de Sac. S. Eccles. ff. de petit. hered. & tradunt Tiraquell. in l. si unquam, num. 45. & 46. Rebuff. ad l. in lege censoria 203. ff. de verbor. signif. Surd. decis. 276. num. 8. Stephan. Gratian. disceptat. forens. tom. 5. cap. 918. num. 66. & alij passim; consequenter à Superiore saltem Generali Ordinis poterit in quocunque Monasterio sibi subdito capi tamquam priuatus immunitate non minùs ac in isto, à quo fugerat.*

Tamen tale fundamentum corruere patet, cum non frui immunitate in Conuentu delicti sit in pœnam istius, in pœnalibus autem non sit extensio de vno casu ad alium similem, etiamsi subsit eadem ratio, vt benè firmant Calderin. *conf. 147. alias conf. unic. vt lite pendente. Portel. in tract. de censoribus, & fideicom. c. p. 6. n. 15. & Tusch. lit. R. conclus. 31. n. 43.* Stat ergò conclusio fauore quarti Iurisconsulti asserentis fugitiuum de carcere Conuentus, in quo non gaudebat immunitate, ad alium Conuentum etiam eiusdem Ordinis, in isto frui illa, vt dicam *infra, num. 8.*

5 Confirmatur faciendo paritatem inter totam Diœcesim vnius Episcopi, & totam Religionem vnius Generalis, nam quamuis Episcopus possit capere Clericum delinquentem in Ecclesia eiusdem Clerici vtpotè non gaudentis immunitate in ea, tamen non potest in quacunque alia, ad quam confugiat; similiter dici debet de Religioso fugiente ad aliam Ecclesiam, seu ad aliud Monasterium eiusdem veluti Diœcesis sui Generalis vbi non deliquit, sicque ibi fruitur immunitate. Passerinus *loc. citato.*

Hinc

Interrogatio XXVIII. De Religioso à carcere fugitivo &c. 181

Hinc multò minùs potest talis fugitiuus capi à Superiore Conuentus, ad quem confugit, cum nullam iurisdictionem suprà talem fugitiuum sibi non subditum habeat.

Sed nequè Superior Conuentus, à quo fugit potest in Conuentu alterius Superioris actum iurisdictionalem exercere, idè nec potest iniicere manus in dictum se receptum in aliena domo, sic enim esset perturbare gubernium domus alterius Superioris, cui fieret præiudiciu nemiini faciendum, vti iura, & Doctores omnes clamant, *l. ius pignoris, C. de remis. pignor. cum simil. Bald. in l. ei, qui C. de bon.*

6 Vltèrius certum est in Iure, diuersitatem loci inducere diuersitatem delicti, & facti. *Bero. conf. 142. num. 11. & 12. lib. 3.* Quare tametsi ob delictum Religiosi in proprio Conuentu non teneat immunitas, non est faciendum idem iudiciu de eo quoad alium locum, scè alibi, vbi non deliquit, seque recepit; igitur in isto tenet, & ipsi iuuat immunitas.

7 Insupèr, delictum qualificatum ex eius admissione in Conuentu v. g. Sanctæ Crucis, perdit hanc qualitatem in Conuentu dicto Sancti Francisci; si ergò est dispositum, quodd non faueat immunitas Religioso existenti cum delicto qualitatem habente admissionis in Conuentu A. talis dispositio non comprehendit illud quoad Conuentum B. ad quem fugit; nam diuersa qualitas diuersificat dispositiones, & actus. *Ruin. conf. 114. col. 2. num. 1. lib. 5. & Rimin. conf. 429. num. 4. lib. 3.*

8 Item facit, quodd diuersitas in qualitate facit vnum ab altero differre, vt habent Cardinal. Tusch. tom. 2. *Practicar. Conclusionum, lit. D. conclusion. 527. per tot. & Rota in Pistorien. Beneficij, 11. Maij 1618. coràm Burrato impressa per Vinian. post Praxino Jurispatron. decis. 16. num. 11.* Proinde non est asserendum idem de dispositione, quæ priuat immunitate, ac de alia tali immunitate non priuante clare, adeoque si illa sit sub dubio, erit accipienda strictè, vtpotè odiosa, vt notaui etiam suprà sub numero 4; in fine. Et hoc roboratur per diuersitatem nominum, vnum Conuentus Sanctæ Crucis, aliud Conuentus Sancti Francisci, quæ diuersitas diuersitatem infert rerum, & locorum, *l. si idem, C. de Codicil. Bald. conf. 194. col. sin. vers. facit etiam, lib. 1. Alexand. conf. 4. num. 4. lib. 1. Vide infrà, num. 10.*

Ergò quodd affirmatur de non immunitate pro capto in Conuentu

182. *Interrogatio XXVIII. De Religioso à carcere fugitivo &c.*
uentu Sanctæ Crucis, non sequitur fore idem quoad Conuentum
Sancti Francisci, idè fugitiuus de illo Conuentu ad istum, in
hoc gaudere ex hætenus allegatis concludendum est.

9 Ad argumentum in contrarium patet responsio ex dictis
suprà, num. 4. in fine, & num. 8.

10 Ex præallegatis sequitur esse saltèm sub dubio, an Reli-
giosus in casu nostro sit priuatus immunitate etiàm in Conuentu,
ad quem fugit, propterea ad firmandum non esse priuatum, affe-
ro verba Cyriaci *controuersia* 139. num. 14. dicentis sic: *In dubio*
facienda est interpretatio ad exclusionem priuationis, etiamsi ageretur
de commodo Ecclesiæ. Alba conf. 97. num. 41. Mantica de tacit. &
ambiguis conuent. lib. 25. tit. 2. num. 20. & quia in pena priuationis
liquidissima debet esse probatio. Dec. conf. 289. alias est conf. 290.
Hæc ille.

INTERROGATIO XXIX.

*An ad aliquid teneatur nouus Rector Hospitalis
ab immemorabili concessi quibusdam,
de quibus hodiè nulla extat
memoria?*

Occasione, qua cursum Quadragesimalium Concionum fa-
ciebam in Cathedrali Ciuitatis Tridentinæ, venit ad me
ex consilio, seu potius de mandato Celissimi, & Reuerendissimi
D. D. Ioseph Viſtorij de Albertis ibi Episcopi, & Principis
quidam Doctor sæcularis mihi scripturam præbens, vt de con-
tentis in ea meam dicerem opinionem. Erat autem scriptura
tenoris sequentis:

*Quintum iam voluitur sæculum ex quò Titius laicus cessit Episcopo
loci quodoungue ius habebat, vel habere poterat in Ecclesia, & Hospi-
tali N. Acceptauit Episcopus omnia, statimque disposuit de sibi
cessis cum facultate disponendi de illis, prout voluerit sine contradic-
tione etiam herodum eiusdem Titij. Inuestiuit ergò Episcopus quemdam
Religioforum Ordinem de eodem Ecclesia, & Hospitali cum onere distri-
buendi in pauperes, & indigentes in illo tantum loco omnes fruges. De
dicti Hospitalis primæua fundatione nulla extat memoria, tamen con-
stat, quòd ab immemorabili tempore Hospitalis obseruauit in eo non
vignit,*

viguit, atque quoddam dicti Religiosi raro aliquam elemosynam pauperibus ibi aduenientibus facere consueverunt. Demum extinctus fuit praefatus Ordo, & Dataria Apostolica dictum Hospitale Clericis secularibus in administrationem commisit iuxta formam Clementina: Quia contingit, §. Vt autem, De Relig. Domibus, ita quoddam liceat illius Rectori debitis, & consuetis supportatis oneribus, de residuis illius fructibus, redditibus, & proventibus liberè disponere, & ordinare, sicut illius Rectores, qui pro tempore eidem praesuerunt de illis disponere, & ordinare potuerunt, seu etiam debuerunt.

Stantibus praedictis, nunc modernus dicti Hospitalis Rector dubitat de tribus, de quibus interrogat.

Primo, an teneatur ad Horas Canonicas solum ob administrationem dicti Hospitalis?

Secundo, an in proprios usus convertere possit redditus, atque fructus eiusdem Hospitalis, si aliqui extent?

Tertio, & quatenus non possit dictos redditus, & fructus in proprios usus convertere, qualiter de illis disponere debeat, cum figura Hospitalis iamdudum in eo exolverit, & locus sit campestris, & ab aecolis diffusus?

Leſta à me ſupraſcripta ſcriptura coràm Doctore mihi illam præſentante reſpondi.

Reſponſio oretenùs data cuſim?

1 Tria ſunt, quæ per hanc mihi exhibitam ſcripturam requiruntur, ad quorum ſingula cenſeo reſpondendum eſſe ſic;

Ad primum, non teneri ad Horas.

Ad ſecundum, poſſe ſibi retinere redditus, & fructus.

Ad tertium, teneri dare pauperibus.

Ita dico, & probabo per ſcripturam fuſè ſcriptam.

Reſponſio latè ſcripta.

1. Nouum Rectorem non teneri ad Horas Canonicas, ad quas habentes Eccleſiaſticum Beneficium ex Eccleſiæ institutione obligantur, vt liquet ex Concilio Lateranenſi ſub Leone X. ſeſſ. 9. & ex Pio V. de qua loquitur Nauarrus cap. 25. num. 122. Hoſpitale autem non venit appellatione Beneficij Eccleſiaſtici quando datur

184 *Interrogatio XXIX. De concessione Hospitalis &c.*
d. tur in administrationem. Rebuff. in reg. de deuolut. num. 73. & in tract. nominat. quest. 15. num. 13. & tradit Rota decis. 739. n. 9. part. 1. recent. & in vna Alexandrina, Beneficij, 18. April. 1625. coram Merlino. Effet tamen Beneficium, & ad Horas ligaret, si esset datum in titulum. Rota decis. 667. apud Farinacium in collect. nouiss. At in casu nostro expresse dicitur à Dataria datum in administrationem.

3 Et vrget non esse Beneficium, eò ipso quod fuit cessum Episcopo à viro laico, qui illud possidebat; laici autem nisi saltèm sine tonsurati sunt incapaces Beneficij Ecclesiastici, cap. ex litteris, de transactionib. & cap. 2. de instit. vbi Abbas, & alij, & tradit Hieronym. Garcia de Benefic. part. 1. cap. 2. num. 28. cum pluribus.

Immo si Beneficium concedatur laico, eò ipso sæcularizatur, sitque ius sæculare consistens in mera temporalitate percipiendi fructus, & quidem sine Simonia. Cum igitur qui Episcopo cessit Hospitale esset omninò laicus, nullum cessit Beneficium ad Diuinas Horas obligans.

Nequè dictum Hospitale fuit ab Episcopo redactum ad statum Ecclesiastici Beneficij, quod definitur, *Ius percipiendi fructus ex bonis Deo dicatis persona Ecclesiastica propter Diuinum Officium competens, vel obsequium*, nam illud tradidit Religiosis cum onere distribuendi in Pauperes omnes fruges eiusdem Hospitalis, vnde apparet dictos Religiosos nullum ius habuisse ad prò se recipiendum fructum aliquem, ac proindè nullum Beneficium ab Episcopo fuit illis concessum, quod sit Ecclesiasticum obligans ad Diuinum pensum quotidianum. Hæc sufficiant prò responsione ad dubium primum.

4 *Ad secundum dico, integrum esse moderno Rectori fructus, & redditus Hospitalis in proprios vsus conuertere sicut fecerunt prædecessores in eodem Hospitali, siuè fuerint præfati Religiosi, siuè fuerint Rectores, supportatis debitis oneribus, dempta Hospitalitate.* Sic patet ex verbis concessionis nupèr factæ à Dataria Apostolica, quæ apertè sonant hanc concessionem; seu conuersionem in vsus proprios per similitudinem ad præstita ab alijs Rectoribus; nam dictio *sicut* importat omnimodam similitudinem, & identitatem, l. si quis obrepserit, ff. de falsis, & cap. olim, de verbur. signif. & tenent Tiraquel. de iure primog. quest. 40. n. 30.

Mc-

Menoch. *conf.* 232. num. 22. Socinus Senior *conf.* 235. *Vifis*, num. 1. lib. 2. & alij passim.

Immo, per hoc quòd Dataria Apostolica concesserit, & disposuerit per dictionem *Sicùt*, voluit indicare causam, acsi dixisset, *Quia*; nam in dispositione de sui natura ordinata ad concedendum, ut est in præsenti, dictio *Sicùt* ponitur prò *Quia*, per tradita à Bossio in *tit. de Principe, & priuil. eius*, num. 351. & Alexand. *conf.* 145. *Quoniàm*, num. 4. lib. 2. ubi apostil. in verb. *Sicùt*; sicque fiat sensus Datariae tamquàm si apertè dixisset: concedo nouo Rectori posse sibi retinere redditus, *Quia* sic fecerunt præteriti Rectores, qui quòd sic fecerint probat immemorabilitas. Bald. in l. 1. *C. de emancip. liber.* Innocen. in *cap. nouit. de iudi.* & in *cap. super quibusdam*, §. *Præterea*, de verb. signif.

Et quòd immemorabilitas probet Religiosos, ac Rectores antiquitus sibi ipsis retinuisse redditus, cantatur in scriptura supraposita antè numerum 1. dicente, quòd *ab immemorabili tempore Hospitalis obseruantie in eo non vixerint, nequè Religiosi in eo inuestiti eas plenè adimpleuerint*, certè non quia præsumendum sit, quòd vanè redditus proiecerint, sed quòd sibi retinuerint, nequè hìc habet locum præsumptio credendi fuisse factas debitas reddituum distributiones, ac solutiones in præteritum, nam ad inducendum talem præsumptionem requiruntur tres solutiones annuæ, & continuatæ, & vltimæ, per text. l. *quicunque* 3. *C. de apoc. publ.* Gabr. *conclus.* 11. de *presumption.* num. 1. fol. 22. Iacobin. de S. Gregorio in *Authen. Qui rem*, num. 7. *C. de Sacros. Ecclesia*, fol. 9. & alij; huiusmodi solutiones in casu nostro non dantur in tempore antiquo, & multò magis in antiquissimo, quale est nedùm quingenti anni, sed etiam tantum centum, teste Cephal. *conf.* 443. num. 16. fol. 779. & de Amatis in *decisionibus Rota Ferrariens. decis.* 1. n. 17.

Hactenus allegata procedunt prò tempore, quando locus Hospitalis exstabat, & non erat campestris, idest destructus, propterea dispositio facta à Dataria iuxta Clementinam *Quia contingit*, §. *Ut autem*, de *Religios. domibus* citatam supra, fiat supponendo dari bona, quæ committantur administrationi alicuius viri prouidi, sed talia non dantur, cum locus Hospitalis factus sit totus campestris, sed quomodo peruenerit ad extraneos dominos illius possessores, antiquitas facti memoriam deleuit; propterea eadem Clementina loquens de bonis, ac iuribus Xenodochiorum desti-

natis pro miserabilibus, asserens non posse in alios usus conuerteri, addit verba expressè sonantia, dummodò *presumptio verisimilis non existat* in contrarium, quæ præsumptio in casu nostro existit, attenta destructione Hospitalis redacti ad statum campestris, & quòd qualiter, ac quandò ad dominium extraneorum deuenerit nulla detur memoria, quia ab antiquitate fuit abolita, sicque ex his fit clara præsumptio, desisse qualitates Hospitalis de quo agimus, nihil obstante Clementina.

Et quatenus videtur prædictis ob stare Concilium Tridentinum sess. 25. de reform. cap. 8. statuens, quòd si in Hospitalibus Hospitalitas nequeat exerceri ob defectum Peregrinorum, fructus destinati ad Hospitalitatem applicentur *in alium pium usum &c.* dicendum est in tali decreto non comprehendi Hospitale, cuius forma, cuiusque fructus à tempore immemorabili non extant.

Sie censeo satis remanere responsum ad secundum dubium.

5 Ad tertium breuiter dico, remanere eius resolutionem deducendam ex mox traditis; sed si adhuc extaret Rector, extantibus quoque aliquibus fructibus, & forma aliqua Hospitalis, ille teneretur se gerere iuxta onera ab Episcopo imposita Religiosis, quos inuestiuit, & notata *suprà, vers. Quintum iam*, scilicet dandi indigentibus in eo loco, licet ab Accolis dissito, quia in eodem loco censendi sunt esse, qui sunt in districtu, vel in territorio, aut in pertinentijs quoad effectum participandi de elemosynis, nam appellatione Ciuum veniunt illi de comitatu, de districtu, de territorio, & pertinentijs, vt benè firmant Neuizan. in sua Sylua, lib. 4. num. 87. & Bart. cons. 199. Ciuitatis Camerini, num. 5. *vers. super quanto*, lib. 1.



INTERROGATIO XXX.

*An captus in Oratorio fuerit ritè carceratus,
deindè suspensus, sinè Parochi coope-
rantis irregularitate, ac sinè
immunitatis viola-
tione.*

Titius Nepos Capellani cuiusdam Parochi grauitèr vulnera-
uit Caium dicti Capellani consobrinum, propterea ad cui-
tandum carcerationis periculum ad domum alterius Parochi con-
fugit. Ad istum Parochum quærendum accessit quidam extra-
neus conscius eum abesse, sed ad visitandum ægrotum perrexisse.
Talis extraneus fuerat semel, clementi prætextu, ad loquendum
cum isto Parocho, Titio eodem vidente, & sic isti quodammodò
notus erat idem extraneus, quapropter de isto nullam suspicio-
nem habebat. Rogauit extraneus Titium, vt quia sciebat quò
Parochus iuerat, dignaretur ad illum ducere, secum enim agere
de negotio moram non patiente debebat. Renuerat Titius per-
gere, quia inimicos habebat, sed blandis verbis eum induxit nè
timeret, nam armis suis erat paratus ad ipsum tuendum. Ac-
quieuit Titius enixè supplicanti, cumque ambò peruenissent ad
campum opportunum pro intrinseco intento extranei, iste insur-
rexit contrà comitantem, & occidit, ille quippè erat fictus ami-
cus, verus tamen sicarius. Factum casù vidit quidam rusticus,
qui ad Ecclesiam currens solitum in campana dedit signum, vt
omnes accurrerent, si forsàn delinquentem inuenissent, sicut
illum inuenerunt confugisse ad quoddam Oratorium, intrà quod
se clausit, mortem de intus promittens cuiusquè voluerit ipsum
molestare. Audito sono campanæ venit velocitèr Parochus, qui
misit ad vocandum Curiam Episcopalem, imposuitque quibus-
dam, vt curarent nè fugeret, immò si exierit ab Oratorio ip-
sum retinerent. Aduenerunt satellites, à quibus vocatus reus,
vt se Curia præsentì spontè traderet, noluit, propterea por-
tam frangere cæperunt, statimquè homicida per foramen bis
sclopium explosit cum interfectione vnius de Curia, & vulne-
ratione alterius, sed tandem captus remansit, formatoque

processu suspensus fuit suprà furcam.

Hinc ortum est dubium, de quo interrogatus fui dùm transibam per locum dictum *Villa* diœcesis Tridentinæ, an violatio immunitatis in isto facto fuerit admissa, vnà cum irregularitate Parochi tamquam cooperatoris ad carcerationem, homicidæ, cui mors per suspensionem in patibulo certè fuisset sequuta?

Responsio oretenùs data cursim.

1 Oratorium ad quod quis confugit non semper tale est, vt gaudeat immunitate. Si Oratorium sit publicum autoritate Episcopi constructum, & perpetuò cultui Diuino dicatum, ità vt amplius in prophanos vsus transferri non possit censetur locus Sacer, & Religiosus gaudens immunitate Ecclesiæ. Secus dicendum est de Capella, seu Oratorio, quod personæ priuatæ habent in domibus suis priuata autoritate constructum, quamuis in eo celebrandi facultatem Episcopus dederit cum licentia Summi Pontificis; nam tale Oratorium non dicitur immutabiliter Diuino cultui dicatum, ideòque non dicitur Sacer locus, qui gaudeat immunitate. Consideretur ergò qualitas Oratorij, ad quod homicida confugit, & concludatur esse, vel non esse in loco immuni iuxtà quæ dixi.

Si dubium sit an Oratorium sit erectum autoritate Episcopi, & in eo publicè celebretur, præsumi debet fundatum tali facultate, ità quòd gaudeat immunitate loci Sacri. Eadem præsumptio habenda est de Oratorio habente campanam supèr tectum, quæ publicè pulsatur.

Dato igitur quòd homicida se receperit intrà Oratorium Episcopali autoritate erectum, nihilominus dicendum est prò facto nostro, illum non frui immunitate, quia proditoriè se gessit cum occiso; & etiam quia existens intrà Ecclesiam, seu dictum Oratorium occidit existentem extrà illud, nempe satellitem vnum, & alium mutilauit.

Circà interrogationem, an Parochus contraxerit irregularitatem tamquam cooperator ad mortem capti postea certè suspendendi, dico negatiuè, quia nullam præstitit cooperationem ad necem per hoc præcisè, quòd mandauit quibusdam hominibus,

vt curarent nè reus exiret ab Oratorio, donèc adueniret Curia; ; vel si exierit, ipsum detinerent dandum eidem Curia. Est enim certum, quòd irregularitas homicidij publici non contrahitur à personis priuatis, sed solùm à ministris iustitiæ. Ità Vasquez, & ex eo Turrianus *de cens. lib. 9. disp. 66. dub. 3.*

Responsio latè scripta.

2. Responsio ad præsens factum danda, esse debet de Oratorio certè, vel præsumptiuè Episcopali autoritate erecto. Si dubium extet an Oratorium Episcopi autoritate sit fundatum, præsumi debet sic ædificatum, si in eo publicè celebretur admit-tendo omnes ad Diuina Officia. Ità Sanch. *lib. 9. de Matrimon. disp. 15. num. 21. & alij.*

Item præsumitur Episcopi autoritate ædificatum, si supèr tectum habeat campanam, & publicè pulsetur, quiddid in contrarium dixerit Sarpus loquendo de Oratorijs Confratrum Ecclesiæ, vel Monasterio affixis. Quamuis autem Nouari. *sect. 2. quæst. 56. num. 8.* id extendat ad omnes Confraternitates etiam sinè Episcopi facultate erectas, dummodò in eis pia opera exer-ceantur, tamen contrarium declarauit S. Congregatio Episco-por. *die 17. Decembr. 1617. & S. Congregat. Immunitatis die 9. Decembr. 1631.*

3. Nunc data præmissa cognitione qualitatis Oratorij, vt sal-tèm præsumi possit Episcopali facultate erecti, ità vt censi de-beat locus Sacer, & immunis, assero de homicida in casu nostro, qui ad huiusmodi Oratorium confugit, non frui eius immunita-te, quia proditoriè occidit proximum, cui se obtulerat proprijs armis defensorem, adeoque non timeret exire de domo, & se-cum pergere ad quærendum Parochum, sicque dolosè seduxit, vt interficeret illum, qui nihil tale præuidebat de amicitiam, simulante. Et quòd occidens proditoriè non gaudeat immuni-tate Ecclesiastica docetur à Bassæo in *Florib. verb. Immunitas*, & est communis opinio.

4. Est etiam considerandum, quòd dictus homicida existens in-trà Oratorium explosit scelopum bis cum occisione vnus satelli-tis, & mutilatione alterius existentium extrà Oratorium, propte-rèa priuatur immunitate, vt notat Bassæ. *loc. cit.* at non priuari cen-

centent Bonacina, & Diana, nihilominus Bassæi sententia verior est, quam tenent Nauarrus, Couarruua, & Suarez. Ad rem præsentem quære adhuc *infra*, num. 6.

5 Cum igitur homicida proditor in facto nostro non gaudeat immunitate Oratorij in quod se receperat poterat à birruarijs intrâ illud capi etiam frangendo ianuam, licitum enim est birruarijs fenestras, & ostia frangere prò capiendo malefactore, non tamen ut capiant debitorem, nequè ut faciant aliam executionem realem &c. ut tradit Farinac. *quæst.* 27. num. 94.

6 Et quia reus in facto nostro occidit ministrum iustitiæ, quæ occisio est crimen læsæ Maiestatis, posset inquiri, an tale delictum gaudeat immunitate? Dico gaudere, quia non fuit crimen commissum in ipsam personam Principis, Bulla enim excipit ab immunitate crimen commissum tantum in eandem Principis personam, & sic notat etiam Bonacina *de legib. disp.* 3. *quæst.* 7. *punct.* 4. num. 22. cum alijs.

7 Deniquè quantum spectat ad cooperationem, quam præstitit Parochus in carcerationem rei certè postea suspendendi, iam notavi suprà in fine responsionis oretenus datæ, quòd nullam contraxit irregularitatem homicidij publici solis Ministris iustitiæ impositam. Hic venit etiam obseruandum, quòd irregularitatem homicidij publici non incurrit detegens malefactorem, vel clamans adesse latronem, ut comprehendatur, dummodò id faciat non ut testis, vel nec ut accusator. Ità tenet Turrianus *de cens. lib.* 9. *disp.* 66. *dub.* 4. Contrarium tamen docetur à Bonacina *disp.* 7. *quæst.* 4. *punct.* 1. num. 18. sed veriolem, & magis practicatam video Turriani opinionem, durum enim videtur non posse etiam Sacerdotem sine contractione irregularitatis ex defectu lenitatis clamare adesse v. g. furem bona sua, vel proximi, aut Ecclesiæ rapientem.



INTERROGATIO XXXI.

An obligatio faciendi eleemosynam prò lucrando Iubilæo possit per alterum impleri; & an lucretur, si iste omittat implere?

EXistente me in Sacristia Sanctæ Domus Lauretanæ audiui duos Sacerdotes, vnum Regularem, & alterum Sæcularem inter se disputantes, an quis adimpleat obligationem faciendi eleemosynam præceptam prò lucrando Iubilæo si per alium eam mittat, sed illius delator putatus fidelis nihil de facto obtulit, vel quia pecuniam sibi datam amisit, vel quia ei furata fuit, vel quia eam sibi retinuit. Diuersæ erant illorum opiniones, & ego vtriusquæ rationes tacitus obseruabam: Vnus affirmabat, eò quòd qui per alium facit, facere censetur per seipsum; qui verò negabat innitebatur obligationi ponendi de facto singula requisita à Pontifice in sua Bulla, omiſſis contrarijs scholarum doctrinis. Regularis erat, qui prò parte affirmatiua stabat, cui notus eram, propterea me interrogauit cuius sententiæ eram circà à me audita?

Responsio oretenus data cursim:

I Noto quòd dupliciter potest quis satisfacere obligationi faciendi eleemosynam, nempe vel cum exbursement propriae pecuniæ per seipsum datæ; vel cum pecunia alterius prò illo soluentis. Dubium ergò est, quando nulla sit eleemosyna defectus internuncij, qui accepta pecunia, vt prò eam dante soluat, sed nihil soluit, vel quia iniquè sibi illam retinet, vel quia illam amisit, vel quia ei furata fuit, si enim mens Pontificis eleemosynam imponentis prò Iubilæi consequutione non videtur impleta, & ideo probabiliter bene asserbat Admodum Reuerendus Dominus, quòd Iubilæi Indulgentia non obtinetur. Nihilominus probabiliorẽ habeo opinionem oppositam, quia qui semel soluit quamuis per nuncium, præsertim putatum fidelissimum verè fecit quod debuit, nec credendum est velle Papam in tali casu obligare ad duplicem solutionem eleemosynæ, nequẽ velle priuare Indulgentiam.

192 *Interrogatio XXXI. De elemosyna prò Iubilæo &c.*
gentia, atque gratijs concessis in Bulla scientem, & à fortiori ignorantem non fuisse factam solutionem elemosynæ alteri commissæ. Hæc mea responsio verbotenus prò nunc sufficiat, quam fusè probabo per scripturam à me faciendam Romæ quò vado, & mittendam Taurinum, quò Reuerentia Vestra ituras est.

Responsio latè scripta.

2 Quia opera in Bulla Iubilæi præscripta debent adimpleri, propterea in dubium vocatur, an satisfiat, si imposita elemosyna prò consequendo Iubilæo à Flauio solvatur v. g. ab amico Flauij isto nesciente, vel sciente, & quidem cum pecunijs proprijs dicti amici, siuè cum proprijs eiusdem Flauij mediante ipso amico datis?

Dico certum esse Indulgentiam obtineri à Flauio elemosynam de proprijs mittente alium ad soluendum prò illo, iuxta textum, *qui per alium facit per seipsum facere dicitur. cap. Qui alium, ff. de Reg. Iuris in 6.* & hoc maximè in necessariò faciendis, vt notat Angel. Aretin. *conf. 61. n. 13. vbi allegat l. 1. §. Si Procurator, ff. Quod quisque iuris*, sicuti elemosyna prò consequendo Iubilæo est necessariò facienda inter cætera opera. Nec obstat assertum. Signoroli *conf. 45. n. 10.* dicentis non habere locum allegatam Regulam Iuris quando statutum loquitur de faciente, quam opinionem sequitur totus mundus: Sed respondetur id debere intelligi quando statutum loquitur de ipsomet faciente quatenus alterius operam excludit; & tunc totus mundus concedit non posse per alium fieri quidquid per seipsum ex vi statuti tenetur quis facere, huiusmodi verò non est statutum Iubilæi de facienda elemosyna, in quo non est electa industria determinatæ personæ.

3 Si autem incio Flauio alius soluat elemosynam Iubilæi prò eodem Flauio censeo Iubilæum acquiri à Flauio si cætera requisita posuerit. Id mihi probatur à pari, nam si Sempronius soluat debitum Titio creditori Caij nescientis, quòd Sempronius prò ipso soluerit, Caius liberatur à debito, vt firmaui in mea *Arbore omnium opinionum, verbo Soluere, §. 5. num. 36.* ergò quoque si alius soluat elemosynam Iubilæi debitam à Flauio etiam nesciente, quòd alius prò ipso soluerit, liber remanebit à debito vtpotè iam soluto,

soluto, maxime quia non adest obligatio vt Flavius per se personalitèr soluat. Sed contrà posset quis dicere, quòd supposita ignorantia Flauij de eleemosyna ab alio prò se soluta videtur non habere intentionem lucrandi lubilæum, eò ipsò quòd ignorat fuisse impleta saltè ab alio prò se singula præcepta in Bulla. Nihilominùs responderi potest ex communiori opinione, quam teneat Sanchez, Valentia, Vasquez, & alij, quos refert, & sequitur Diana *part. 3. tract. 6. Miscell. 2. ref. 68.* non requiri intentionem siuè formalem actu, siuè virtualem prò adimplendis legibus, & præceptis, sed sufficere si ponatur opus præceptum, quod fiat siuè à me, siuè ab alio prò me, nisi aliud obstat, prohiè obstat in materia satisfactionis Sacramentalis, cùm ista sit pars Sacramenti, ad quod in adultis requiritur intentio, & voluntas recipiendi. Vasquez *Opusc. de Beneficijs, cap. 4. §. 1. art. 3. dub. 7. num. 117.*

4 Et quòd eleemosyna facta prò me etiam nesciente profit mihi iuxta mentem facientis illam, quæ à me personalitèr fieri expressè non exigitur, suadet; nam talis eleemosyna est opus pium positum ad impetrandum prò eo, cui applicatur, & ad satisfaciendum prò alio apud Deum, & homines in materia soluendi debitum, vt dixi *suprà, numero antecedenti*; ergò Indulgentiam, & alia concessa in Bulla in nostro casu obtinebit ille, qui cætera requisita impleuit per se, & eleemosynam per alium, quem casum ab aliquo examinatum non reperi.

5 Si verò nec ego facio eleemosynam, nec alter prò me eam faciat, tunc lubilæum non obtinebo, quia non fuerunt adimpleta singula requisita in Bulla; obtinebitur tamen si alteri putato fideli dem eleemosynam, vt illam soluat, sed ille omittat soluere; nam non idèò non satisfeci, nequè ad aliam teneor, à pari de debitore mittente v. g. Confessarium ad restituendum rem debitam, si ille non restituat, & talis est communis opinio, & traditur à Diana *Coordin. tom. 8. tract. 4. ref. 71. num. 4. ad med.* Tamen non omittam hic ponere quod habet idem Diana *dicto Tomo 8. tract. 7. ref. 45.* nempe, quòd si præfatus Confessarius non restituat debitum ipsi impositum restituere, ipse debitor tenetur denuò ipsum debitum soluere ex sententia D. Antonini, Syluij, Fabri, Lazarij, Conradi, Petri Nauarri, Sayri, Toleti, & Homoboni, quos ipse refert, quia res ex delicto debita, antequàm ad creditorem

perueniat, perit ipsi debitori, non enim debet ipse creditor damnum pati ob delictum debitoris, vt benè probant Rebell. *de obligation. iusti. part. 1. lib. 2. quæst. 13. sect. 3.* Molina *de contr. tom. 2. tract. 2. disp. 96.* Azor. *Instit. moral. part. 3. lib. 4. cap. 33. & alij.* Nihilominus ipse Diana *loc. cit.* dicit ipsi probabilem semper visam fuisse sententiam contrariam, cum debitor non deberet cum infamia restituere, & quantum in se est fecit quod potuit, & si creditor ad sic restituendum non consentiret, esset irrationabiliter inuitus, & hanc opinionem vocat probabilem Lessius *de iusti. lib. 2. cap. 16. dubit. 6. num. 67. in fin.* illamque in terminis tenet Cenedo *de Paupertate Religiosa, dub. 34. num. 8.*

INTERROGATIO XXXII.

*An fœmina possint dona quacunque prò usu
proprij corporis alicui dato recipere,
& retinere?*

Reuertente me ex Tridento inueni propè Veronam satellites captiuam ducentes fœminam. Quæsiui quænam esset illa, & intellexi illam esse mulierem, quæ ingentes pecunias, & pretiosissima munera acceperat à quodam filiofamilias iam in carceribus detento, à quo omnia in domo patris tui cum notabili istius damno fuerant furata. Perueni Veronam, ubi per aliquot dies moram feci, ibique dictum furtum publicatum audiui, circa quod excitata erat quæstio inter aliquos moralis Theologiæ studiosos, quorum aliqui me interrogauerunt, an ad omnium acceptorum restitutionem fœmina teneretur? Et quid dicendum sit, si fœmina recipiat à Religioso?

Responsio oretensis data cursim.

I Si filius familias sumptus non exiguos faciat cum fœmina impudica etiam occulta, illam ad oblatorum restitutionem obligatam esse docent viri docti, & timorati in omni casu. Quando verò sumptus immodici fiunt cum fœmina impudica, tunc illa obligata erit ad restitutionem. Ità cenfeo, quia quamvis parentes non consentiant in lasciuiendo filiorum familias suorum, nihilominus

ominus si aliquandò peccent, non iudicantur inuiti circa modicos sumptus cum fæminis, cum sciant aliquid fore infumendum, idemque assero de minorum Curatoribus, isti enim loco parentum succedunt quoad illorum facultates, sicque modicum recipientes à dictis filiis, ac minoribus pro turpi actu non tenentur restituere, quia non retinent alienum, sed tantum eis datum à potentibus alienare, quales sunt parentes, ac Curatores tamquam domini permittentes dari talia exigua. Loquendo postea de Religiosis, certum est, quod fæminæ impudicæ si ab illis recipiunt aliquid tenentur restituere, quia nec illi possunt dominium transferre, neque ad id licentiam habere à Prælatiis suis, cum illi non sint domini, sed solum sint dispensatores. Verum hæc omnia quæ dixi clarius declarabo in scriptura, quam post duos dies dabo.

Responsio latè scripta.

2. Cum duò sint genera fæminarum, vnum meretricum publicarum, aliud impudicarum priuatarum, asserit Pater Mendo in *Bull. disp. 34. cap. 19. num. 204.* (temperando quod dicit Trullench. in *Bulla Cruciatæ, lib. 3. Cap. 17. num. 9.* & cum eo aliqui viri docti, & timorati, nempe filios familias non posse cum impudicis fæminis adhuc occultis non exiguos sumptus facere, quin illæ in omnibus casibus sint ad restitutionem obligatæ) loquendo de mulieribus impudicis tunc eas teneri ad restitutionem, quando sumptus immodici fiunt à filiis familias, quia licet Parentes, aut etiam Curatores sint inuiti circa filiorum, aut minorum culpas, & lasciuiendi licentiam, nihilominus si semel peccent iudicantur spontanei circa eos moderatos sumptus cum fæminis, & sciunt quod hoc ipso quod cum eis turpiter agant debent aliquid infumere, circa quod non sunt absolutè inuiti. Versatur tamen discrimen inter Parentes, seu Curatores loco parentum successores, & Prælatos Religionum, quod isti munus gerunt dumtaxat dispensatorum, illi verò dominorum suarum facultatum, & possunt permittere, quod à filiis etiam turpiter operantibus transferatur dominium aliquorum munerum, ita quod valida sit donatio à filiis facta, & conuentio cum fæminis; at hoc præstare nequeunt Prælati vtpotè non domini. Quæ autem dixi de Curatoribus intelli-

gitur solum de permissione quantitatis, quam filijs lasciuientibus ipsi parentes permittere valent.

3 Et vt clarius procedam, ponam hic quod aliqui asserunt. Pater Mendo *vbi supra, sed numero 203.* ait, quamcunque fæminam impudicam teneri restituere, quod accepit à non potente alienare; vnde si accepit à Religiosis, & non restituat retineret alienum, nihil enim proprium habet Religiosus, cuius dominium transferre possit, propterea opus habet licentiâ Prælati, vt aliquid donet, sed Prælatus concedere non valet facultatem subdito, vt aliquid præstet in ordine ad consequendum actum turpem. Verùm si fæmina sit publica meretrix, & aliquid à Religioso acceperit non excedens solitam, ac debitam mercedem pro locatione vsus corporis sui, censeo posse post actum turpem illud retinere, quia actu completo iusta est solutio, & ad eam valet Prælatus, licentiam indulgere: Quare in vtroque foro potest meretrix petere, quod sibi debetur tamquam iusta solutio quamuis ex iniquo actu sequuta; cæterum aliæ fæminæ non habent hanc actionem ad exigendum, & retinendum, nam huiusmodi actio datur meretrici ex partium conuentione, quæ est quidam contractus, qui si fiat cum Religioso est illicitus, & inualidus vtpotè factus cum eo, qui alienare non potest. Scio non defuisse quemdam, qui dixit, quòd sicuti Prælatus potest concedere Religioso, vt exponat aliquid exiguum, ac moderatum in ludo facta conuentione cum collusore, sic etiam poterit dare licentiam conueniendi cum fæmina pro actu meretricio; sed respondetur non stare paritatem, quia ludus moderatus non est illicitus, sicuti illicitus est actus turpis, de quo conuentio facta cum fæmina est peccaminosa, & contra votum castitatis; & hucusquè dicta docet P. Mendo *loc. cit.*

4 Et vt referam varias Doctorum opiniones pro nostra difficultate, pono quæ dicit Cardinalis de Lugo *de iust. tom. 1. disp. 3. sect. 7. num. 142.* vbi sic: Non puto probabilem sententiam, quæ dicit, quòd quandò Prælatus dat subdito plenam, & liberam facultatem expendendi aliquid pro suo libito, non intelligi limitasse suam intentionem solum ad vsus honestos, & pios, sed potius abstulisse (quantum erat ex parte sua) totum impedimentum, vt vsus ille non esset contra votum paupertatis ob defectum licentiæ, atquè idèò accipientem ab ipso non teneri restituere.

tuere. Ità cum illo tenet etiam Diana Coordinatus tom.8.traff.7. ref. 58. num. 4. deindè numero 5. addit, quod subdit idem de Lugo loc. cit. num. 143. nempe prò praxi posse frequentè excusari ab onere restituendi etiam retentà sententià contrarià, quia licet ab initio donatio fuisset inualida proptèr malum titulum, nunc tamen potest idem, qui dedit, & aliundè habens licentiam ad vsus licitos, potest inquam, mutato animo donare illud eidem fæminæ, verbi gratià, quia est pauper, aut ob alium titulum honestum, ad quam donationem licitam habet sufficientem facultatem.

5 Vltèrius noto Magistrum Nicolaum Brauo in tractatu Monastico, cap. 20. num. 4. distinguere duo genera rerum, scilicet earum, quæ procedunt ab ipsa communitate, & sunt, & vocantur propriæ domus, utpotè ab eius iuribus ut sic profectæ; & earum quæ proficiscuntur ex peculiari ratione huius, vel illius, & vocantur elemosynæ, aut depositum illorum singularium, & hoc non ob aliquod dominium, aut proprietatis possessionem (absit) sed proptèr permissionem Prælati, & destinationem ad vsus singularis personæ, dum ex Missis, aut Concionibus, vel scriptis, vel donatiuis consanguineorum, alijsque modis cum respectu ad eam conceduntur ex consensu, & licentia Prælati, & ab eius nutu dependentes in vsu, cuius nequè in consumptibilibus dominus est Monachus, taliaque mobilia, aut pecuniæ, nequè in ratiocinijs, nequè in sumptibus domus admiscuntur, & quodammodò extraneæ, & adiectiua reputantur, vsitatà differentia in praxi, & notorio discrimine æstimata à Petro de Ledesma, qui rem tetigit 2. part. summ. traff. de statib. cap. 4. de statu Religiosorum, pag. mihi 66. columna secunda.

6 His suppositis, postea num. 12. & 13. quantum ad obligationem restituendi Religiosorum differentiam esse censet, ut omnino illa constingat respectu bonorum prioris generis modo possibili Monacho ad satisfaciendum, quod inde corraferit, vel læferit, ex bonis posterioris generis, priuando se illis, aut abstinendo ab alijs sibi concessis &c. in alijs verò bonis secundi generis, ut non urgeat restitutio eo modo. Quod quo pacto ità sentiam, sic declaro.

Et quidè ità esse mihi persuadeo ex differentià admisà intèr illa duo genera admisà bonorum, quam loco citato recognouit

Le.

Ledescma, & quam reuerà videmus praticari. Nàm si quis Abbas, aut Prior, vel Minister rerum temporalium in reddendis ratiocinijs deficiat, cogitur auctoritate Superioris, & Ordinis satisfacere, & restituere defectum, & de eleemosynis illis, aut deposito sibi peculiaritèr permissio, nec ignorat Religio, totum illud ad dominium domus, & Communitatis læsæ pertinere; Ergò considerat illud quoadmodò alienum, & indebitum domui, cui per illud satisfactum esse vult. Similiter si Religiosus malè expendat eas eleemosynas, aut peculiare depositum, etiamsi quoad mores, si Prælatus sciat, corrigatur, reprehendaturque, tamen de restitutione expensi, nec ad ratiocinium venit, nec curatur, tamquàm si sibi soli damnum intulerit, quæ signa sunt voluntatis Religionis, aut Superioris, non sanè consentientis in peccatum, aut potentis suo consensu, aut licentià illud excusare, sed remittentis obligationem restitutionis, quam non reputat iniuriosam domui, quia restitutio adhuc impropria, qualis est omnis facta à Religioso, qui nunquàm in rigore de suo restituit, in hoc secundo genere bonorum, adhuc est magis impossibilis; nàm etsi per impossibile ea fieret, satis erat restitutionem fieri eisdem eleemosynis, & peculiari deposito, & tamen manebat adhuc in conditione bonorum secundi generis, in quibus Religio, aut Superiores nunquàm ab inferioribus expetunt satisfactionem, aut restitutionem, sed quasi admittunt, vt ij, qui seipfos defraudauerunt patiantur damnum & peccati, & amissionis, absquè aliquo alio. Hucusquè Magister Brauo.



INTERROGATIO XXXIII.

*An dentur monita Monialibus specialiter proponenda
ab illarum Episcopis ?*

CVM essem Mantuæ recepi ex Venetijs ab Illustrissimo, & Reuerendissimo Domino Ioanne de Andreis epistolam, quæ intèr cætera continebat sequentia: Nescio an Paternitas Vestra intellexerit meam electionem in Episcopum Ciuitatis Lefinæ, quapropter cum per multos annos meas confessiones audierit, nunc accedo, vt prò bona gubernatione spiritali Monialium meæ curæ mandatarum, aliqua singularia monita, ab illis seruanda mihi scribat hùc, non enim nisi post mensem discedam &c. Hanc epistolam accepi per manus cuiusdam Reuerendi, quem dictus Episcopus mittebat Romam, & coram illo secretè legi, à quo interrogatus si quid haberem ad respondendum, vel iubendum dixi, quòd prò Dominatione sua tantum respondeo.

Responsio oretenùs data cursim.

1 Gratias ago Dominationi vestræ, cui prosperum iter à Deo precor, statimque per Postam responsum dabo eidem Illustrissimo, & Reuerendissimo Domino.

Responsio latè scripta:

2 Gratulor, & quidèm summoperè gaudeo; & complaceo propter nuncium, quod dignata est Dominatio Sua Illustrissima, & Reuerendissima mihi scribere de deputatione sua ad regimen Ecclesiæ Lefinensis, & precor, precaborque semper Diuinam Bonitatem, vt ad maiorem suæ Ecclesiæ profectum continuè assistat. Sic mihi persuadeo fore euenturum præsertim quoad Moniales, prò quarum spiritali eruditione vt aliqua sibi confidentè suggeram à me exquirat. Quarè vt potiùs petitioni suæ obediam, quàm alià de causa, nonnulla dicam ex traditis ab Alcanio Tamburino ad rem nostram *de Iure Abbatissar.*, &c.

Mo.

208 Interrogatio XXXIII. De monitis prò Monialibus &c.
Monialium, disput. 10. quæst. 2.

3 *Primò*: Humilis sit Monialis coràm Deo, ad istum recurrens, vt contrà inordinatos naturæ motus quoscunque auxilium præstet iuxtà monitum Thomæ de Kempis *serm. 5. ad Fratres, num. 5.* dicentis: *Hic non pugnatur armis, nec ferro, sed patientiâ, oratione, & humilitate.*

4 *Secundò*: Oculos Monialis custodiat, vndè Sanctus Isidorus *lib. 2. de summo bono, cap. 39.* ait: *Oculus est principium fornicationis; & Hieremiæ cap. 9.* habemus quòd intrauit mors per fenestras vestras.

5 *Tertiò*: Aures ad vana, præcipuè turpia, & obscæna semper clausas habeat, audiens tamen Ecclesiast. *cap. 28.* dictum: *sepi aures tuas spinis, linguam nequam noli audire.*

6 *Quartò*: Tactus tota promptitudine cohibendus est à Christi sponsis, asserit enim Climacus *grad. 5.* quòd *fit nonnunquam, vt ex solo tactu corpus inquinetur, nihil quippè isto sensu grauius, nihil periculosius.*

7 *Quintò*: Vestem, seu Habitum solitum omnium Monialium nulla debet in propria persona ornatiorem deferre, nam Concilium Carthaginense IV. relatum à Suarez *tom. 4. de Relig. tract. 9. lib. 1. cap. 12. num. 3.* fanciuit, Sanctimonialem vti vestibus suæ professioni aptis; quare Nauarr. *cap. 23. num. 18.* obseruat, quòd si Monialis inducat nouitatem in se ornandò ad libidinem prouocantem peccat mortalitèr, venialitèr verò si id faciat ex vanitate, vel ad ostendendam pulchritudinem, & elegantem corporis formam, & habitudinem.

8 *Sextò*: Comam nutrire Monialibus videtur prohibitum, proptèr verba Clementinæ, *Attendentes ibi: comatis, & cornutis crinibus, scacatis, & virgatis caputiolis non utantur.* Sed quamuis per illa verba *cornutis crinibus* idest tortis crinibus videatur solum Monialibus prohiberi fucata comptio illa crinium, non verò simpliciter habere comam, si honestè, & occultè deferatur, nihilominus videtur dicendum glossam oppositum sentire, & fateri esse consuetudine receptum, vt Moniales tondeantur, & deformato capite Deo viuant, potius quàm crines poliendo humani generis hosti deferuiant, & idem probant Pannormitan. *ibi, num. 11.* argum. *cap. duò sunt 12. quæst. 1. & Abba. fin. cap. si quis, de vita, & honest. Clericor.*

9 *Septimò*: Monialis vitare debet occasiones maculandi castitatem, quod præcipuè præstabit fugiendo à cratibus, nam per huiusmodi fugam conseruatur castitas, sicuti alia vitia vincuntur resistendo, vnde S. Augustinus lib. de honest. mulier. cap. 2. concludit dicendo, *nec tibi verendum sit fugere, si castitatis palmam desideras obtinere*; nam victoria contra peccatum libidinis videtur in fuga consistere, contra verò alia peccata in resistentia, prout S. Thomas in epist. 1. ad Corinth. cap. 6. lect. 3. ait: *Notandum, quòd cetera vitia vincuntur resistendo.*

10 *Octauò*: Moniales declinent à vanis occasionibus bacchanalium, & recreationum, nam tenentur vitare, præsertim nè virorum habitu vrantur, nec armis se cingant, ex Decreto specialì Sacræ Congregationis in vna Ferrariens. 27. Aprilis, 1604. Barbosa de Iure Eccles. lib. 1. cap. 44. num. 57.

11 *Nonò*: Monialis frequentem faciat considerationem mortis, & aliorum nouissimorum, nam S. Gregorius Magnus 16. Moral. cap. 31. testatur quòd *Nihil ad edomandum desideriorum carnalium appetitum sic iuuat, quàm vt unusquisque hoc, quod vinum diligit, quale sit mortuum, penset*; & in mente repositum est illud S. Isidori de Summo Bono dictum: *Sicut clauus clauum expellit, ita sapè recordatio ardoris gehenna ardorem excludit luxuria.*

12 *Decimò*: Sollicitum, & cautum Patrem Spiritualem habeat Monialis, & illi vniuersas cogitationes in corde nascentes sincerè aperiat, illicò namquè, vt patefacta fuerit cogitatio maligna, marcescit, docet Cassianus Collat. 2. cap. 10.

13 *Vndecimò*: Monialis custodiat cellam, manens in ea benè occupata, quia *omnium vitiorum mater est ociositas*, vt scripsit Sanctus Hieronymus ad Eustochium.

14 Igitur prædictis medijs, animæ Christi Sponsæ studeant Deo omni tempore debitam exhibere seruitutem.



INTERROGATIO XXXIV.

*An ad restitutionem teneantur deputati ad aliquam
Custodiam, si non impendant damna,
sive sint Magistratus,
sive alij.*

Disceffit ex Ingolstadio Baro de Frimen ducendi causa Viennam ad Curiam Imperij filium suum, commendata custodia domus suæ Petro consobрино suo, qui post decem dies homicidium patrauit, quapropter coactus fugere, ne carceraretur, delegavit Paulo amico suo custodiam omnium, quæ habebat, vñ cum clauibus domus dicti Baronis, quam interim latrones exposuerunt. Post mensem mortuus est Viennæ præfatus Baro, ideo ad Patriam reuersus illius Filius inuenit paternam domum omnibus suppellectilibus euacuata. Quò fugitiuus abierit, non inueniebatur; quare dictus Filius à quibusdam parentibus eiusdem homicidæ sibi damna resarciri petebat, tamquam obligatis pro illo, cui domus custodia à patre suo discedere volente fuerat delegata. Responderunt dicti parentes, se tantum scire, quòd antequàm homicida fugeret, custodiam omnium, quæ habebat demandauit Paulo amico suo nullatenus tamen nec eidem, nec ipsis in parentela coniuncto, adeoque contra Paulum, si forsitan deliquerat in custodia, erat iuridicè agendum. Ab vno ex dictis parentibus in Villa dicta Sarnonicus narrata mihi fuit prædicta Historia cum interrogatione, an iudicarem illum ad aliquid teneri filio Baronis, tum de iure, tum in conscientia, stante quòd custodia rerum furatarum ipsius patris fuerat commissæ Petro, cuius bona confiscata fuere ex causa homicidij?

Responsio breuiter data cursim.

I Plura esse examinanda in dictis mihi expositis video:

Primò: An supposità demandatione custodiæ factà à Barone Petro cognato suo, iste teneatur ad damna, si sequantur in ipsi demandatis?

Secundò: An dictus cognatus potuerit in Paulum sibi amicum

cum transferre obligationem custodiæ?

Tertio: An parentes Petri ad aliquid teneantur pro illo ratione homicidij?

Quarto: An Filius Baronis habeat ius exigendi refectionem damnorum de bonis confiscatis Petri, aut de alijs Pauli?

2. Ad primum dico, Petrum deputatum custodem domus Baronis teneri (*si aliud non obstat*) ad damna, hoc enim procedit de omnibus habentibus in custodiam res alicuius ipsis commendatas. Dixi, *si aliud non obstat*, quia in præfenti cenfeo ob stare communi obligationi Custodum, quod cum debuerit fugere, certe non potuit ad curam assistere, ut seipsum necessario prius custodiret, & quando acceptavit obligationem custodiendi, tacite intelligebatur secluso casu impossibilitatis, seu contingentia impedientis munus delegatum implere, unde Petrus in tali statu remanet absolutus ab obligatione refarciendi damna cuenta Baroni, nam ipse delegatus fecit, quod potuit per subdelegationem custodiæ sibi impossibilis.

3. Ad secundum dico, potuisse Petrum delegatum ad custodiendum res sibi commendatas subdelegare amicis in sui longa absentia, sic enim egit negotium Baronis omni meliori modo, quo potuit pro custodia rerum sibi demandata; proinde Petrus nequit culpari, quod defecerit in aliquo, pro quo sit mulcandus.

4. Ad tertium dico, quod hæredes homicidæ, & etiam Fiscus, si bona homicidæ fuerint publicata, tenentur soluere damna, & alia debita.

5. Ad quartum dico, Filium Baronis defuncti nihil habere sibi debitum inter bona confiscata Petri homicidæ, nam iste non deliquit in munere custodiæ sibi delegatæ à Barone, stante quod talem custodiam, ut fugeret subdelegavit alteri, quam subdelegationem si non fecisset, in officio Custodis omnino defecisset. Igitur Filius defuncti solum contra subdelegatum poterit iuridice agere, an culpabiliter Custodis obligationem in ipsum translatam non impleverit, adeoque ad damna teneatur.

6. Hæc omnia verbotenus à me tradita probabo, & firmabo in scriptis ab Authoribus edocta.

Responsio latè scripta.

7 Ille, cui dominus specialem curam custodiendi bona sua commisit, tenetur ad restitutionem, si ex culpa sua fuerint furata, vel deperdita, & qua ratione possit contrarium affirmari, protestatur se non videre Pontius in *cursu Theolog. disp. 52. quest. 9. concl. 2. num. 65.* & huic sententiæ Pontij dicit Diana Coordinat. tom. 8. tract. 7. ref. 33. num. 5. se libenter assentiri, estque communis.

8 Sic teneretur ad restitutionem famulus, qui comitando dominum extra domum videret furem ei surripere crumenam, & non impediret, quia tunc est quasi custos domini, ut eum defendat. Cardin. de Lugo de *iusti. tom. 2. disp. 19. sect. 3. num. 105.*

9 Item teneretur famulus, cui dominus dedit clauem alicuius loci, ut inde aliquid extrahat, si permittat aliquid de dicto loco furari, quia pro tunc custodia eius loci ei demandatur. Diana ubi *suprà, num. 2.* & Rebell. *part. 1. de obligat. iustitia, lib. 2. quest. 14. sect. 8. num. 62.*

10 Est tamen notandum, quòd famulis est semper commissa aliqua domus custodia, licet non specialitèr, propterea tenentur ad restitutionem rerum furaturum, nam sic habet comunis hominum sensus, si in vigilantia deficient. Petrus Nauarra *lib. 3. de restitutione, cap. 1. num. 224.* & Sot. *lib. 4. de iustitia, quest. 7. num. 3.*

Hinc infert Diana *loc. cit. num. 3. in fine*; quòd si famulus videret alium famulum ex rebus domesticis congregare, ut noctu cum illis fugiat, & non impediret, teneretur ad restitutionem, quia tunc esset quasi furtum ab extraneis factum.

11 Nunc ad casum nostrum est dicendum, quòd Petrus, cui Baro custodiam domus suæ commiserat volens à patria discedere, certè teneretur ad damna Baroni sequuta ex culpa Custodis, sed istum nullatenus deliquisse censeo, quia benè custodiuit sibi commissa per subcommissionem translatam in Paulum, cum ipse Petrus esset coactus sibi cauere per fugam, vnde deobligatus remanebat à personali sibi facta impossibili custodia, quia impossibilium nulla est obligatio, scè ad impossibile nemo tenetur, *l. si quis in gravi, in princip. vbi Bart. ff. ad Sylan. & Instit. de heredib. insti-*

instituen. & cap. nemo potest, de reg. iur. in 6.

Quòd autem Petro impossibile esset personalitèr assistere ad custodiam tamquàm si esset carceratus, apertè firmatur à Cyriaco in *controuersijs forensibus tom. 1. controuers. 172. num. 47. & seq.* asserente, quòd carceratus non solùm dicitur, qui sub clauibus, & claustro detinetur, sed etiam qui discedere nequit ad sui libitum, *l. succurritur 9. & l. in eadem, 10. ff. ex quibus causis maiores*; & talis erat Petrus in casu nostro fugitiuus, nè sub clauibus carceraretur, iam tamen carceratus per hoc, quòd ad placitum suum, ubiquè ire non valeret.

12 Est quoquè addendum fauore Petri quod dicunt Bordonus *resol. 30. num. 8.* Noster Anton. à Spir. Sanct. in *Director. Regularium, tract. 3. disp. 6. nu. 1597.* Noster Andr. à Matre Dei in *Cursu Theologia Moral. tom. 4. tract. 16. de Hor. Canon. cap. 1. n. 6. & alij*, nempe reputari impossibile, quod commodè fieri non potest, prout clarè patet non potuisse Petrum fugere coactum, personalitèr attendere custodiæ rerum sibi demandatæ à domino Barone, qui rationabiliter inuitus esse non potuit, totam obligationem custodiæ fuisse à Petro translatam in Paulum, & quidem de consensu saltèm tacito dicti domini, qui consensus idem operatur acsi esset expressus, eò ipsò, quòd includitur in naturà expressi, vt deducit Barbosa *Axiom. 218. num. 2. ex Mari. Antonin. var. resol. lib. 2. res. 57. num. 72. & quando vtrumquè procedit ex potentia eiusdem causæ, vt declarauit Rota decis. 608. num. 2. apud Farinacium part. 2. recent. eandem autem causam, scilicet custodiæ habemus in casu nostro.*

13 Igitur Filio Baronis defuncti nulla competit iuridica actio contrà Petrum, nequè contrà illius parentes ex motiuo alicuius damni eiusdem Baronis, quia Petrus à se abdicauerat Custodiendi obligationem ab ipso translatam in Paulum ex dicto consensu Baronis, sicque patet responsio ad *primum*, & *secundum* quæsitum mihi expositum *suprà, à num. 1.*

14 Ad *tertium & quartum* de quibus interrogor, brevis est responsio, quia certum est, quòd hæredes homicidæ, & etiam Fiscus si bona homicidæ fuerint publicata, tenentur soluere damna, & alia debita. Sanch. in *Sum. tom. 1. lib. 2. cap. 22. à num. 74. Aragon. in 2. 2. Dini Thom. quæst. 62. art. 2. ad 1. & alij.* At in facto nostro Petrus homicida nullum debitum habebat ergà Baronem.

vel

206: *Interrogatio XXXV. De occultantibus Fisco &c.*
vel eius Filium, postquam in eo cessavit obligatio custodiæ trans-
latæ in Paulum, qui si deliquit in suscepto officio Custodis, isti
incumbit damnorum restitutio, adeoque contrà solum Paulum
Filius Baronis habet actionem tùm in iure, tùm in conscientia,
per tradita supra, à numero 7.

INTERROGATIO XXXV.

*An depositarius rerum Caij, si contingat esse
confiscandas, possit saltem aliquas
favore eiusdem Caij
occultare?*

TRanscunte me per Parmam, ductus ad me fuit quidam Pau-
lus, qui debitis oppressus fugerat ex Mutina patria sua, de-
positatis suppellectilibus suis apud Petrum amicum suum, ut eas
ipsi custodiret. Dicto debitore absente à domo sua, illius creditor
curavit sequestrari quæ habebat, ut ex illis sibi debitum solvere-
tur. Censuit Petrus servitium facere debitori, occultando non-
nulla, nè sub sequestro caderent. Petit debitor à suo depositario,
ut ipsi restituat singula, quæ absconderat, at restituere recusat,
allegans se non posse, quia à Confessario suo, cui à se factum
narravit, fuit ei dictum non potuisse talia abscondere. Interro-
gavit me ipse Petrus, quid facere deberet de absconsis à se, cui
respondi ut sequitur.

Responsio oretenus data cursim.

1 Peto tempus ad in scriptis dandam solutionem. Intesim.
asserere esse attendendam necessitatem debitoris, quia si absconsa
sunt ipsi necessaria ad statum, ac victum suum, fuerunt ritè non
patefacta, & ad circumstantiam istam debuisset Confessarius re-
flectere, antequàm Petrum pœnitentem suum condemnaret, quod
malè fecerit occultando. Cùm igitur mihi supponatur talem cir-
cumstantiam in præsentì subsistere, propterea debet Petrus resti-
tuere Paulo vepotè domino omnia, quæ apud se celata retinet.
Hæc dixerim cursim, quæ per scripturam, quam ex Mediolano
transmittam, probata dabo.

Ref-

Responsio latè scripta.

2. Omitendo plura, quæ de sequestro possent dici, referam. breuiter tantum ea, quæ ad dubium nostrum spectant. Dico igitur, Petrum in depositum habentem suppellexiles Pauli debitoris potuisse aliquas abscondere, nè inter sequestrandas describerentur, stante quòd ipsi necessariae erant ad eius victum iuxta ipsius statum.

Hoc adeò verum est, vt si iam sequestratae fuissent, posset Paulus non stare sequestro, sed sibi accipere necessaria prò suis alimentis, & ad se conseruandum in statu suo, prout expressè docet per singularem, notandam, & amplectendam sententiam Guido Papa in suis *Decisionibus*, *Decision.* 81. quæ incipit, *Si debitor*, in fine.

3. Confirmo prædicta per legem in *l. Qui bonis*, ff. de *cessione bonorum*, in qua de debitore etiam decocto, qui bona sua cessit, dicitur: *Nec enim fraudandus est alimentis quotidianis*; nomine autem *Alimentorum* intelliguntur cibaria prò victu, vestitus, habitatio, & ea, sinè quibus quis viuere non potest, *l. legatis*, cum *l. fin. ff. de aliment. & cibariis leg. Surd. de aliment. tit. q. 1. n. 1. & 4. per tot.* Brunor. à *Sole in locis communib. verb. Alimenta*, hum. 9. Sic appellatione *Alimentorum* continentur lectus, & culcitra, *l. stratum*, & *l. quas nos*, vbi glos. verb. *viuere*, ff. de *verbor. signif.* Roland. à *Valle conf. 22. n. 6.* Etiam vestitus venit appellatione *Alimentorum* in materia fauorabili, *d. l. legatis*, ff. de *alim. & cibariis*. Roland. d. *conf. 22. n. 4.* Item veniunt *Alimentorum* appellatione calceamenta, medicinae, ligna, & alia homini necessaria secundum eius statum, & ita cum pluribus notat Barbosa de *Appellat. appellatio* 15. à num. 7.

Et quòd decoctus possit sibi retinere prò alimentis est sententia communis, prout expressè restatur N. Gabriel à S. Vincentio de *Iustitia*, & *iure*, disp. 6. quasi. 16. §. 4. num. 547.

4. Ex dictis sequitur esse concludendum, potuisse, immò debuisse Confessarium in casu nostro dicere Petro depositario Pauli debitoris, teneri restituere isti vt potè domino abscondita ab illo nè sequestrarentur, supposita necessitate se alimentandi cum illis.

INTERROGATIO XXXVI.

*An Iudex possit aliquandò damnare innocentem
ad mortem; & an testamentum in foro
Ciuiili nullum, saltem valeat
in foro anima?*

Contigit me esse Patauij occupatum in cursu Concionum, quotidianarum totius Quadragesimæ in Ecclesia Sanctæ Luciae, & quia in vna mea Concione semel dixeram non posse Iudicem ad mortem damnare Titium, licet secundum allegata, & probata tamquam homicidam Caij, si ipse Iudex certò sciat delinquentem fuisse Sempronium, non verò Titium, sed teneri pro viribus agere, vt iste liberetur, vel si non possit, teneri potius deferere officium; propterea contra hoc meum dictum sequenti die in publica platea fuit excitata quæstio inter aliquos Iurisperitos, quorum vnus post duos dies accessit ad me requirens, an haberem Authores pro à me dicta sententia, cum nullum in concione citauerim. Ille qui me interrogabat etiam instabat, vt si aliquem Authorem scirem nominare, ei nominarem, quia sponsonem fecerat cum alio mordicus sustinente, quòd nemo talem opinionem vnquam docuerit, atquè ideò si à me intellexisset quisnam illam teneat, mihi sponsonis lucrum offerebat, quæ sponso erat duorum aureorum. Deindè petijt à me, an testamentum nullum Iure Ciuili, sit etiam tale in conscientia?

Responsio aretensis data cursim.

R Proprium esse debet Concionatoris posse authenticè probare quæcunquè populis prædicat, & ità me gerere studui, nec mihi plùs quàm semel occasio defuit, numquàm tamen munus aliquod volui, sicuti nec in præsentis sponsonis suæ oblatum mihi lucrum accipiam, quod sine dubio Dominatio sua reportabit. Obitupeasco certè dari Iurisperitum, qui meum dictum à nemine edoceri putet. Vt ergò inferuiam, seu respondeam in præsentis, assero non paucos asserti mei me habere defensores, quos nominatim in scriptis dabo die proximo Sabbati, in quo à concione vacabo,
si di.

Interrogatio XXXVI. De Iudice, & Testamento &c. 109
si dignabitur ad me reuerti in sero talis diei. Responsum verò
quoad testamentum dabo alio die.

Responsio latè scripta.

2 Quia in omnibus quæstionibus agendum est cum debitis limitationibus, non autem semper sic absolute resoluerè siuè prò parte affirmatiua, siuè prò negatiua; propterea contra Iurisperitum censentem à nemine doceri, posse Iudicem in quæstione nostra iudicare non attentis allegatis, & probatis per testes, dico quòd immò tenetur, & docetur communiter non posse mortu ad iudicare aliquem, de quo certus est etiam per priuatam scientiam illum esse innocentem.

3 Igitur vidit fortassè dictus Iurisperitus Barbosam *Axiomat. 131. num. 2.* vbi plùs quàm quadraginta Authores refert asserentes, debere Iudicem stare allegatis, & probatis, non attenta propria priuata scientia, per quam nouit innocentiam conuicti per testes; sed debuisset vterius legere eundem Barbosam *loco citato, num. 3.* vbi subdit, quòd dictorum Authorum opiniones non procedunt, sed limitandæ sunt: *Primò*, in Iudice, qui est suprà leges: *Secundò*, quando conscientia est informata à notorio: *Tertiò*, in Criminalibus; vbi de pænâ corporali agitur. Sic sistendo in hac tertia limitatione, cum euident sit, nullam pænâ corporalem esse maiorem pænâ mortis, concludendum est cum Barbosa, Iudicem teneri non damnare ad eam aliquem etiam per testes conuictum illa dignum, sed in conscientia Iudicis cognitum innocentem. Non est igitur verum, à nullo doceri sententiam à me in concione mea relatam, quam insupèr confirmo cum Syluio in 2. 2. *D. Thom. quæst. 66. art. 2. concl. 2.* Petro Nauarra de *restit. lib. 2. cap. 3. num. 161.* Maldero in 2. 2. *tract. 6. cap. 1. dub. 13.* Lessio de *iusti. & iure, lib. 2. cap. 29. dub. 10. num. 78.* & alijs. Ratio est, quia directè, & ex intentione occidere innocentem est per se malum, & aduersatur tùm Charitati, tùm iustitiæ.

4 Hinc sequitur dicendum, debere dictum Iudicem auertere accusatorem ab accusatione, & curare, vt testes per viros prudentes corrigantur, & moneantur de falsitate; & si nolint desistere, debere litem protrahere, testes diligenter examinare ad deprehendendum indicium variationis, & falsitatis. Quòd si dicta

D d

non

non iuuant, tunc Iudex debet curare, vt carcer aperiatur, locumque ad fugam detur reo. Si nec hoc suffragatur, & partes insistent prò sententia, dicat se habere difficultatem, & eundem esse ad Superiorem, quem ipse secretè informet, & personam testis induat. Iudex verò Superior, etiamsi Ius palàm non faueat, mortis, & mutilationis pœnam suprema sua authoritate relaxet: Si autem Iudex ordinarius nullam adinueniat viam liberandi innocentem à morte, debet officium deponere, etiam cum periculo vitæ. Ità docent Doctores relati numero antecedenti, in fine, qui hanc doctrinam extendunt etiam ad Ministrum iustitiæ, qui huiusmodi sententiam exequi non potest contrà innocentem.

Responsio ad Interrogationem de Testamento.

5 Certum est, quòd in confessione Testamenti seruanda sunt ea, quæ à Iure Ciuili statuta habentur, aliàs inualidum erit in foro externo. Dubitari tamen potest, an sit quoquè nullum in foro conscientiæ?

Respondeo esse notandum, eandem difficultatem procedere, tum de hærede instituto in minus solemni testamento, tum de legatario nominato in illo. Licet ergo testamentum in foro Ciuili erit nullum, non propterea erit omnino tale in foro conscientiæ, sed qui primus occupauerit hæreditatem, vel legata relicta in tali testamento, de quo constat non interuenisse fraudem, potest accepta possidere donèc condemnetur, & post condemnationem tenebitur restituere hæredi venienti ab intestato, qui si nesciat testamenti nullitatem, quam tamen sciat possessor, iste non tenetur illi reuelare. Ita docent Sotus lib. 4. de iusti. quæst. 5. art. 1. Ludouic. Lopez 1. part. Instruct. c. 14. Palaci. in Sum. verb. Hæreditas, Enriquez, & alij apud Sanchez Opusculor. Moralium, tom. 2. lib. 4. cap. 1. dub. 14. num. 5. Ratio est, quia in dubio melior est conditio possidentis, & sic possidens non tenetur restituere; ergo quando testamentum est minus solemne, cum valdè dubium sit vter habeat melius ius in foro conscientiæ, scilicet an hæres ab intestato, vel an institutus in minus solemni testamento, & prò utroquè sint opiniones valdè probabiles qui priùs occupauerit bonâ, iuuabitur possessione, & melius ius habebit in foro conscientiæ. Hæc sententia vocatur probabilior omni alia à Sanchez

chez loco citato, sed numero 6.

6 Docent igitur aliqui, dictum testamentum minus solemne, esse validum in foro conscientiae, quando constat eam fuisse testatoris voluntatem, & nullam fraudem interuenisse, vnde hæres, & legatarius in tali testamento relictus potest tuta conscientia capere hæreditatem, vel legatum, & si hæres ab intestato caperet hæreditatem, licet in foro externo sibi applicaretur, teneatur in conscientia restituere hæredi relicto in tali testamento. Probat ex cap. cum omnes, de testam. ubi consultus Pontifex de usu Episcopatus Hostiensis, nempe quod non implebatur tale testamentum minus solemne, respondit eum usum non esse seruandum, quia est contra legem Diuinam &c. Sic tenent Papormit. d. cap. cum omnes, num. 10. & 15. & cap. plerique, de immunit. Eccles. & plures alij, quos latè refert Sanchez ubi suprâ, num. 2. Verùm respondet numero 17. Papam vtpotè Dominum temporalem Episcopatus Hostiensis annullasse talem usum, seu consuetudinem; & quod dixerit esse contra ius Diuinum, dixit vt Doctor particularis.

Alij verò docent, dictum testamentum minus solemne esse nullum etiam in foro conscientiae, adeoque si quis virtute talis testamenti aliquid accepit, tenetur in conscientia restituere. Probat, quia Princeps potest statuere, vt talis modus seruetur in translatione domini, alias non transferatur, & sic per legem istam facit, l. Hæc consultiſſima, C. de testam. his verbis: ubi numerus testium non est iussus, id est completus, & testamentum est minus solemne, nolumus voluntatem testatoris impleri. Item, quia sententia Iudicis non innitens falsæ præsumptioni, obligat in conscientia; sed cessante omni suspitione fraudis, & constante veritate, Iudex iudicabit testamentum minus solemne nullum esse; ergo etiam in conscientia nullum esse. Item, quia solemnitas testamenti non est solum probatoria, sed est de eius substantia, & essentia, quæ deficiente est omnino nullum testamentum. Ità tenent Baldus, Fulgosius, Paulus de Castro, Cynus, Garcia, & plures alij, quos refert, sed non sequitur Sanchez ubi suprâ, num. 4. Deinde numero 17. respondet argumentis duarum sententiarum prædictarum.

Ad primum dicit, Papam vtpotè dominum illius Episcopatus Hostiensis temporalem, annullasse in eo illam consuetudi-

212 *Interrogatio XXXVII. De consulente malum &c.*
nem, non verò in alijs; & quod dixit esse contrà ius Diuinum; dixit vt Doctor.

Ad secundum respondet cum Couarruua *cap. cum omnes de testam.* quòd lex fundata in præsumptione non obligat in conscientia; secus ob defectum solemnitatis essentialis.

INTERROGATIO XXXVII.

*An semper liceat consulere minus
malum?*

CUm essem receptus hospitio in loco dicto Brentonico propè Veronam, inueni duos Presbyteros inter se disputantes, an regula generalis sit, esse semper licitum consulere minus malum illi, qui maius malum est paratus inferre alicui. Vnus ex illis de hoc interrogatus fuerat in examine in ordine ad Confessiones audiendas in Tridentina Diœcesi, respondit affirmatiuè, statimque fuit exclusus à Celsissimo Domino Principe, & Episcopo cum iussione, vt melius studeret, reuersurus ad examen, alia vice, & interim accederet ad me, vt veram responsionem disceret, deindè in nouo examine repeteret quidquid didicerit de tali interrogatione. Iste me nouerat Tridenti, sicque obediens Celsissimo Domino venit, præsertim requirens an dictum suum sustinere posset saltem aliquantulùm illud explicando, ità quòd non malè respondisse valeret se tueri; & vterius me interrogauit, quid sit dicendum in tali quæsito, ipse enim libros non habebat ad studendum, nisi Busembaum, & Toletum, nec propter suam paupertatem emere alios poterat. Insuper me rogauit, vt ipsum adiuuarem in nouo examine, quandoquidem inter Examinatores (vt me honoraret tamquam Concionatorem annualem in Cathedrali Ecclesia) Celsissimus, & Reuerendissimus Dominus Princeps, & Episcopus Clementissimus Dominus Ioseph Victorius de Albertis semper me introducebat.

Respon-

Responsio oretenus data cursim.

1 Domine mi. ad exercendum Confessarij munus teneris incumbere studio doctrinæ moralis, quæ est dubiorum mare magnum, ideo si libris cares, nec ad emendum habes, non desunt hic in toto Tridento Bibliothecæ Regularium, ac Doctorum, in quibus poteris frequentè te recipere ad studendum. Supposito nunc quòd ad nouum examen riuerti debeas, & à me requiras qualiter possis te saluare, quòd non malè dixeris in alio examine, esse semper licitum consulere minus malum, nè committatur maius, declarare te debes, te intellexisse de illò, qui determinatus est furari v. g. centum à Petro, si tunc consilium detur furari volenti, vt solum quinquaginta ipsi surripiat, sicque in tali, vel simili casu intelligebam esse semper licitum consulere minus malum. Qualiter postea debeas plenè respondere quid sit dicendum de hac materia dabo tibi in scriptis.

Responsio latè scripta:

2 Dato casu, quòd Caius sit determinatus damnificare siuè Petrum, siuè Paulum per furtum æqualis quantitatìs, sed indeterminatus cui surripiat, Ioannes autem consilium det Caio, vt surripiat Paulo, non verò Petro, quia iste est amicus ipsius consulentis, licitè consulit. Ratio est, quia amicus debet impedire, nè damnum inferatur amico, potius quàm non amico, qui rationabiliter conqueri non potest, quòd voluntate conditionata Ioannes voluerit potius damnum non amici, quàm amici. Ità cum Cardinali de Lugo docet Pontius in *cur. Theol. disp. 52. quæst. 9. conclus. 2. num. 56.* sicque consulens ad nullam tenebitur restitutionem, neque peccaret. Idem *ibidem*.

3 Si verò Caius esset determinatus furari vel centum à Petro, vel quinquaginta à Paulo, & Ioannes consilium det Caio, vt accipiat, quod minus est, Ioannes non tenebitur ad restitutionem, quia eius consilium non esset, nisi significatio, quòd minus malum est furari minus; & hoc non potest esse illicitum. Et quamuis in dicto consilio videatur inclusa consulentis voluntas, vt furtum fiat, tamen talis voluntas non videtur in iusta

214 *Interrogatio XXXVII. De consulente malum &c.*

iniusta, quia non est nisi conditionata, scilicet si furtum sit faciendum, fiat potius surripiendo minus Paulo, cui sic nulla fit iniuria, nam in consulendo est potius prospiciendum ad honorem Dei, quam ad emolumentum Pauli. Sic tenet idem Pontius *ubi supra*.

4 Furi determinato furari multum à Petro, mihi non licet dicere eidem furi noli hoc furtum facere, sed potius surripi minus, seu parum Paulo, à quo furari fur non cogitabat. Ratio autem, cur tale consilium dare non possim sine obligatione restituendi Paulo, quamvis furtum minus consulam, est, quia essem causa absolute furandi ab illo, cui nullum furtum erat aliàs faciendum, si sic damnum, ac iniuriam inferrem Paulo. Ità Cardin. de Lugo apud Dianam *Coordinatum tom. 8. tract. 7. res. 39. num. 2.*

5 Cæterum non obstantibus prædictis non desunt aliqui tenentes, quod si fur cogitet damnum inferre maius Petro, vel minus Paulo, resolutus tamen alterutri inferre, teneretur de damno, qui consuleret, aut rogaret, ut damnum inferatur Paulo, licet sit minus. Ratio est, quia iniuriam faceret Paulo utpotè ius habenti, ut res sua servetur illæsa quamvis minoris valoris, sicut ius habet Petrus, ut servetur res sua pretij maioris. Sic notat Diana *loc. cit. num. 4. & 5.*

At si quis solum in genere diceret esse potius facienda mala minora, quam maiora, ex quo dicto fur se determinat ad surripiendum minus à Paulo, quam à Petro, tunc ad nullam teneretur restitutionem, quia nullam fecit iniuriam Paulo, sed tantum veram doctrinam rogatus explicuit furi. Ità Ioannes Wiggers *de iusti. tract. 3. cap. 2. dub. 4. num. 26. cum seqq.* Et alij à se relati.



INTERROGATIO XXXVIII

*An contrahentes modo ambiguo teneantur de pretio maiori,
vel minori.*

IN Rure dicto Mugia Diœcesis Tridentinæ inueni duos Rusticos, quorum unus prætendebat multum ab alio, qui se debitorem non negabat, sed tantum minus. Controversia erat, quia venditor asseribat conuenisse pro quindecim, alter vero pro solum decem, de quo contractu nulla extabat scriptura, neque testis aliquis dabatur pro veritate. Qui quindecim exigebat, volebat sibi statim dari saltim illud minus, ad quod se teneri emptor fatebatur, sed hoc minus dare renuebat, nisi ei fieret totius solutionis quietantia, quam facere nolebat ipse plus prætendens. Hinc interrogatus fui quid iudicarem esse agendum pro concordia horum dissidentium, præsertim cum plus prætendens, videns se non posse recipere quantum petebat, emptoris bona aliqua titulo compensationis præuentiuè occupasset, paratus iurare se contraxisse pro quindecim, altero similiter parato iuramentum præstare, contractum fuisse pro decem.

Responsio oretensis data cursim:

I Mirum non est, quod contrahentes interdum de pretio non clarè conuenierint, ut contingit si v. g. vendens dicat volo quindecim, emens verò dicat sufficient tantum decem, & in illis verbis sistant, unde vendens putans fuisse acceptatam suam petitionem de quindecim, tradit rem emptori putanti tamen se postea teneri soluere tantum decem; ideoque post aliquot dies ex mala inuicem intelligentia contentio inter illos orta est, an pro quindecim, vel pro decem stet contrahens. In isto, vel huiusmodi euentu dico, posse duplici via procedi, nimirum vel per Iudicis interpellationem, vel per Prudentis viri interpositionem. Hinc ad euitandas in Iudicio expensas ex utraque parte recursus habeatur ad mediantem æquè vtriusque amicum; Debebit iste considerare, an valor rei, de qua facta fuit conuentio excedat

cedat prætensionem venditoris, vel an aliquo iusto pretio poterit vendi iuxta illud minus, quod non negatur conuentum; vnde quia pretium rerum vel est summum, vel est infimum, vel est medium, propterea in præfenti controuersia, credo esse dandum pretium medium, præsertim stante æquali dispositione amborum ad præstandum iuramentum super proprio asserto, sicque non video, quod non possint isti duo esse melius contenti in lite carente omni externa probatione etiam præsumptiua, nisi per iuramentum, quo præstato, per inde est acsi probatum esset; vnde cum vterque litigans paratus sit illud præstare, consequenter probatio æqualiter stabit tum præ negante fuisse contractum præ plus, tum præ affirmante; ergo conclusio controuersie facienda est per æquas rationes mediam viam sequendo, idest medium pretium præbendo quoad quantitatem, quæ est in controuersia; & iuxta hoc medium pretium poterit solum stare compensatio. Cæterum quia in controuersia non erat, fuisse contractum præ minus, istud soluendum fuisset non obstante pendentia controuersie quoad plus.

Responsio latè scripta.

2. Dubij præfentis licet ad iuridicum examen remittenda esset eius decisio, nihilominus pacis amore inter duos cum interrogatum me videam, vt meum proferam iudicium, hoc profero in hac mea consultatione conformiter ad meam oretenus datam responsionem.

Præmitto quod asserit Cyriacus in suis Controuersijs forensibus, *controuers. 5. num. 72.* nempe quod probationes omnes regulariter sunt Iudici arbitrarie, & hoc clarè procedit in præfenti, in quo æquales hinc inde sint probationes ratione iuramenti ab utraque parte parata præ se præstare, nec aliae haberi possunt neque per coniecturas, seu præsumptiones, quæ fauere possunt magis vni quàm alteri iuranti. Menoch. *de arbitrar. casu 90.* & ficuti negatiua censetur probata quomodocumque id fiat, dummodò ex eo animus Iudicis moueatur ad ita credendum, vt firman. Herculan. *de proband. negatiua, num. 314.* Didac. *lib. 2. variar. resolut. cap. 6. sub num. 4.* ibi eam plenè probare debet eo modo, quo melius probari iure potest arbitrio Iudicis; idem est quoque asse-

ren-

rendum de affirmatiua. Cum igitur ex solo iuramento vtriusquè haberi possit probatio, sequitur stare probatum assertum, cuiusquè æqualiter parati iurare, vnus prò affirmatiua, alter prò negatiua, & vbi iuramentum habebitur, perindè erit ac si probatum esset, iuxta *text. in l. si possessor, ff. de iureiurand.* & tradit etiam Mascardus in *suis questionibus positis antè conclusiones de probationibus, quest. 9. num. 2.* & Cyriac. *Controuersia 116. num. 9.* firmat idem, sicque animus iudicantis æquè mouebitur ad credendum ità esse prout vterquè iurabit, vnde certa veritas non haberetur, sed versaretur in dubio, an vnus, vel neuter falsitatem admitteret, at in dubio facienda est interpretatio, & iudicandum prò exclusione falsitatis ex vtraque parte. Socinus *Iunior conf. 61. num. 9. col. 2.* Honded. *conf. 109. num. 57. vol. 1.* & Farinac. *quest. 153. num. 192. & 193.*

Quinimò vt falsitas euitetur, facienda est omnis interpretatio etiam extranea, & adhibenda excessiua subtilitas. Cagnol. in *l. singularia, 15. num. 50. ff. si cert. petat.* Iason *conf. 153. num. 14. vol. 2.* Menoch. *conf. 422. num. 4. & 5.* Farinac. *vbi suprà, n. 198. & 199.* Bertaz. *conf. criminal. 61. num. 36. & consil. 140. num. 8.*

3 Dato postea casu, quod vterquè vel vnus iurauerit, vel verum, vel falsum iurauit: Si falsum, non potest cogi ad dandam hanc notam, quia nemo cogitur detegere propriam turpitudinem. Gloss. in *l. qui iurasse 26. §. 1. in verbo acquisiti, ff. de iureiuran.* Bart. in *l. 2. §. quod obseruari sub num. 32. C. de iureiuran.* Curtior Senior in *tract. de positionibus, num. 45.* & probatio non admittitur, & multò minùs extorquetur ab eo in ciuilibus, cuius periculum esset, nè detegeretur periurium. Bursat. *conf. 285. num. 1.* & nemo cogitur iurare, vel respondere supèr eo, in quo periurus detegi posset. Osalc. *decis. 11. num. 3.* Surd. *decis. 196. num. 8.* Si autem verum iurauerit, non debet frustratoriè peti editio huius notæ, quia frustratorios actus lex non permittit, *l. aliquandò, 13. §. final. ff. ad Velleian. & l. hac stipulatio, 14. §. diuus, ff. vt legat.* Mascard. in *verbo positio, conclusione, Quas positiones Index admittere debeat.*

4 Nunc prò resolutione difficultatis dico:

Primò: Id quod conceditur conuentum prò minùs est integrè soluendum, nec propter pendentiam controuersię circà plùs retardanda est præstatio eius, quod est minùs, quia in rebus diui-

daus maior præstatio illiquida retardare non debet solutionem minoris debiti liquidi, & non controuersi, vt per Farinacium *decis. 373. per totam*, & notat Cardin. de Luca *lib. 7. part. 2. de emptio. & vendit. discurs. 35. num. 2.*

5 *Secundò dico*, quòd stante æqualitate probationum vtriusquæ partis vt in præsentì, seruanda erit etiam æqualitas in prolatione iudicij. Sic de Luca *de iudic. discurs. 2. num. 30.* quare illud plus, quod controuertitur erit diuidendum in partes æquales.

6 *Tertiò dico*, quod accepta titulo compensationis à plus prætendente in casu nostro non possunt ab eo retineri vltra medietatem iuxta dicta numero antecedenti. Ratio est, quia non licet vtì compensatione, si tantum detur opinio probabilis æqualitèr prò vtraque parte. Ità Andreas à Matre Dei *de iusti. & iure, tract. 13. de restit. cap. 1. punct. 19. §. 3. num. 319.* Vnde cum in præsentì prò vtraque parte habeatur sufficiens æqualis probatio per iuramentum quoad illud plus ab vno negatum, at ab alio affirmatum deberi, consequenter non potest titulo compensationis aliquid accipi prò illo, sed pacis amore extraiudicialitèr expedit illud æquè diuidere. Immo censeo sic esse faciendum, si in iudicio res esset decidenda.

INTERROGATIO XXXIX.

*An puer possit esse Patrinus
in Baptismo.*

Contigit me esse in quodam Opido Pauenstinæ Diæcesis ibique audiui fuisse in illius Parochiali Ecclesia sepulturæ traditum cadauer pueri, qui in absentia Parochi fuerat à Capellano Baptizatus vices supplente Patrini decem annorum adolescentulo. Mox vt hoc nouit Parochus voluit talem sepultum tamquam non Baptizatum Ecclesiastico tumulo priuare. Obstabat nè hoc fieret iam sepulti parens, apud quem instabat Capellanus nè permitteret Parochum exhumare filium suum, nullam enim habebat id faciendi rationem, cum potius teneretur ex vi sui Officij sepulturam dare in loco Sacro cuiusquæ intrà suam Parochiam decedenti Baptizato; sed an validè subsistat Baptismus non adhibito Patrino adulto, sui interrogatus.

Respon-

Responsio oretenus data cursim.

1 Certum est non posse intrâ Ecclesiasticam sepulturam poni non Baptizatum, prout video id plenè sciri à Parocho casus nostri recusante relinquere in Ecclesiastica sepultura puerum, quem iudicat finè Baptismo, vtpotè in eo non obseruatis singulis præscriptis ab Ecclesia prò conferendo ritè, & rectè Sacramento Baptismi, nempe non adhibito capaci adulto prò gerendo munere Patrini. Verùm quid ego censeam, & quid à Doctoribus sentiatur quoad vsum Patrini in actu administrationis Sacramenti Baptismi, signantèr prò casu nostro, dico non debere Parochum exhumare Baptizatum tamquàm non Baptizatum ob Patrini defectum, sicque tamquàm Infidelem Ecclesiasticæ sepulturæ incapacem, supposito fuisse cætera essentialia adhibita à Capellano, quamuis an finè læthali culpa in hoc se gesserit possit dubitari. Relinquatur ergò in Sacro sepulchro puer iam sepultus, & laudetur Parochus si rationes, ac fundamenta habeat ad probandam inualiditatem Baptismi coràm Patrino puerò collati. Tamen plura veniunt notanda in præsentì, quæ fusiùs dabo in scriptis, præsertim circà personam Capellani crediti ministrasse cum excommunicatione.

Responsio latè scripta.

2 In proposito casu stant aliqua fauore Capellani, & aliqua prò Parocho. Fauore Parochi facit, quòd absquè dubio intrâ Ecclesiam nequeat sepulturæ tradi non Baptizatus, huiusmodi enim sepultura conceditur tantùm omni Christiano decedenti absquè excommunicatione, interdicto, aut crimine manifesto. Sic Parochus in casu nostro iudicabat non esse Christianum vtpotè non Baptizatum puerum, cui in suo Baptismo non adfuit Patrinus aptus ad hoc munus, quia erat tantùm decennis, prout ipsi Parocho reuerſo narratum fuit, & ipse Parochus in ea erat opinione, nullius valoris esse huiusmodi Baptisma; vel saltem, quia Capellanus erat excommunicatus. Sed vide *infra*, num. 4.

3 Sed si Patrinus non adhibeatur in Baptismo, an nullum redatur Sacramentum; res est clara, quòd non, & sic sæpè obste-

trices Baptizant infantes, quos in partu noscunt periclitari diem ultimum terminare simul cum primo, & tamen tunc nullus adest Patrinus, qui quamvis de substantia Baptismi non sit necessarius, requiritur tamen de Iure Ecclesiastico ita quod si Parochus solemniter sine Patrino Baptizaret, peccaret mortaliter, quia, contra Ecclesiae praeceptum in re graui se gereret. Ita docent Bauny *traff. 2. de Baptismo, in Epitome, vers. 13.* Dicastillus, & Palaus, quos refert, & sequitur Noster Antonius à Spir. Sanct. contra Possseuinum *in Director. Confessarior. traff. 2. disp. 5. sect. 1.* At si Baptismus conferatur priuatim, non est necesse ut Patrinus, quia de hoc nullum datur praeceptum, prout est sententia communis contra Zambranum, teste Nostro Antonio *loc. cit. num. 175.*

4 Igitur prò nostra Historia resoluenda duò sunt inquirenda: *Primum* est, an puer possit in Baptismo sufficere prò Patrino? *Secundum* est; an ligatus excommunicatione maiori possit valide Sacramentum conferre?

Ad *primum* respondetur affirmatiuè dummodò puer habeat usum rationis, nam in nullo Iuriscapite id prohibetur. Sic tradunt Christophorus à S. Ioseph *verb. Baptismus, dub. 17. num. 2.* Quintanaduegñ. *de Baptismo, singulari, 24.* cum alijs communiter, licèt aliqui velint requiri quatuordecim, vel ad minùs duodecim annorum ætas. Hinc quamvis in conferendo Baptismo Capellanus adhibuerit puerum decem annorum, non habebat causam Parochus iudicandi non Baptizatum, ac proindè non sepehendum puerum intrà Ecclesiam, à qua extrahi debeat, præsertim quia usus Patrini non spectat ad Sacramenti essentiam.

Ad *secundum* dico, excommunicationem maiorem, qualis est illa ex Clerici percussione contracta, priuare participatione actiua Sacramentorum. Ità docent omnes. Cæterum prò casu nostro contra Parochi opinionem stare potest, si Capellanus nondum sit denunciatus excommunicatus, quia sic non perdidit iurisdictionem ex permissione Martini V. *in Extragan. ad vitanda scandala*, ideoque ritè, & validè potuit Baptismum conferre, & à se baptizatum in Sacro tumultu condere.

INTERROGATIO XL.

*An Pater possit exheredare filium, vel alium
iam ab ipso institutum heredem,
aut alium sibi venientem
ab intestato?*

IN Ecclesia Cathedrali Ciuitatis Nouocomensis dum per totum Aduentum faciebam Conciones, in vna ex istis qualitates extollens Charitatis, hanc quamdam Omnipotentiae vim habere descripsi. Dictum meum multis probaueram rationibus, inter quas vnā protuli de hominis libertate, quæ ab alio homine impediri nequit iuxta Legalem doctrinam nisi per Charitatem; nam filius à patre exheredatus, exheredationem cassat, si probet se erga genitorem suum semper Charitatem, seu laudabilem exercuisse amorem. Assertum istud notauit quidam ex meis auditoribus, qui post Concionem accessit ad me, & interrogauit, an amicus Petri ab isto hæres institutus tamen postea exheredatus, possit nihilominus exheredationem annullare, si probationes faciat se semper in bona amicitia cum Petro fuisse, immò & Charitatis officia ei præstitisse.

Responsio oratenus data cursim.

I Certum est posse patrem hæreditate priuare filium suum si causam habeat, alias non. Quòd autem sine causa filium exheredare minimè possit, conuincitur, nam quamuis iure naturæ teneatur filio dare necessaria ad victum; nihilominus Leges Ciuiles statuerunt paterna hæreditate posse filium priuari varijs ex causis, quarum vna est si debitam reuerentiam, debitumque amorem, erga suum genitorem non seruauerit; secus si seruauit; sicque poterit filius parentis impedire libertatem, cum qua etiam in testamento illum exheredauit prout dicam in sequenti responsione.

Respon-

Responsio latè scripta .

2 Quia iure naturæ filij succedunt in bonis patrum suorum ,
 ut constat ex *cap. si filius*, & *heres*, propterea humanæ leges à
 quibus aliter disponitur, vel sunt iniquæ, vel non sunt usu recep-
 tæ. Tamen dantur varij casus, in quibus possunt patres filios
 hæreditate privare, & dicti casus sunt quatuordecim, qui in
 Iure assignantur tanquam causæ, prò quibus, seu etiam prò illa-
 rum singula poterit pater filium suum exheredare, ut habentur
 in *Authent. ut cum, de appell.*

Prima causa est, si filius iniquus in patrem peccando mortaliter
 iniicit manus; secus si id faciat in defensionem patriæ, aut pro-
 priam.

Secunda est, si à filio gravis contumelia dicatur patri, talis autem
 contumelia Iudicis arbitrio censenda erit gravis, vel non talis.

Tertia est, si filius patrem accusavit criminalitèr, exceptis cri-
 minibus Hæresis, Proditionis Reipublicæ, & Læsæ Maiestatis,
 quando prò talibus criminibus pater meretur mortem, vel perpe-
 tuum exilium, vel notabilem infamiam contrahit, & vel si non
 coactus, nec rogatus sit, testis fuerit in similibus causis, vel Pro-
 curator contrà parentem.

Quarta est, si filius fuerit incantator, aut maleficus, aut cum
 similibus communicationem habuerit.

Quinta est, si quocunque modo patrem occidere quæsierit, v. g.
 veneno, quamvis non dederit.

Sexta est, si cognovit uxorem patris, vel eius vnicam concubi-
 nam, quam domi habebat, sciens esse talem.

Septima est, si fuit delator, aut denunciator in iudicio contrà pa-
 trem, & ideò fuit causa, ut plura damna senserit ipse pater.

Octava est, si pater carceratus petijt à filio, ut fideiuberet in per-
 sona, vel debitis, & id facere nequit, ac recusauerit; hæc autem
 causa non habet locum in filiabus, quia *Authent. ut cum, de appel.*
cognoscend. §. causas autem expressè loquitur tantum de masculis.

Nona est, si filius, vel filia impediuit nè pater faceret testa-
 mentum, vel factum reuocaret.

Decima est, si filia noluerit acceptare tempore opportuno dotem
 opportunam, seu aptam, ac sufficientem ad matrimonium, sed vo-
 luerit

luerit luxuriosè, & vt meretrix viuere, poterit à parente exheredari, non tamen si etiam eius mater uiuat luxuriosè.

Vndecima est, si filius noluerit curare patrem amentem, iste ad sanitatem restitutus poterit filium exheredare.

Duodecima est, si filius noluerit liberare patrem captiuum.

Decimatertia est, si filius à Catholica Fide apostatauerit, poterit eius parens Catholicus illum priuare hereditate.

Decimaquarta est, si filia nupserit seruo non libero; sed circa hanc causam videantur quæ dixi in mea *Arbore omnium opinionum Moralium*, tom. 5. *litera M. verbo Matrimonium*, n. 84. etiam remissiuè.

Deniquè notandum est, quòd Filij ergà suos parentes semper obediens, ac boni, atquè studiosi nequeunt exheredari, adeoque si fuerint exheredari, seque probent semper parentes amanter tractasse, exheredationem tollent.

3 Vt pater possit filium exheredare debet habere causam, & ista sufficiet quamuis sit tantum vna ex quatuordecim numero antecedenti assignatis.

4 Si post patratum à filio crimen profiteatur in Religione approbata, non potest à patre priuari hereditate, nam quælibet ingratitude censetur deleta per professionem. *Molina de iusti. disp. 176. §. ult. & Gratian. in Decret. cap. ult. 19. quæst. 3. & alij.*

5 Si pater ex causa possit exheredare, sed remittat iniuriam, non potest postea vti ea causa ad exheredandum; & hoc procedit etiam si tantum tacitè fecit remissionem, quia taciti, & expressi eadem est virtus, l. cum quis, ff. de rebus creditis, & cap. 2. de rescriptis; censetur autem remittere iniuriam, si filium recipiat in sui amicitiam, & familiaritatem, vt tradit Noster P. Andreas à Matre Dei in *Cursu Theol. Moral. tom. 3. tract. 14. de contract. cap. 5. punct. 6. §. 2. num. 95. cum pluribus à se relatis.*

6 Quid verò sit dicendum de amico, qui alium sibi amicum constituerat suum heredem, an possit istum exheredare nulla habita causa, & à fortiori ex aliqua causa ex relatis, propter quas potest pater filium suum hereditate priuare; & respondendum est affirmatiuè. Ratio est, quia quod conceditur patri circa filium suum est propter punitionem delicti ingratitude filij, seu vt frænum sit filio impositum pro cuius timore amanter, & reuerenter se gerat cum suo parente, ideoque facta exheredatione, filij illa non valebit, si filius probet se ergà patrem reuerentiam,

amore, ac charitatem exhibuisse, & sic Charitas vim habet impediendi in hoc casu libertatem patris, quamvis etiam morte non finiatur voluntas favore libertatis, prout dicitur in Iure.

7 Igitur Iura concedentia Patri posse filium exheredare nihil iuvant amico, præsertim quia voluntas hominis est deambulatoria usque ad mortem ita quod possit (si aliud non obstat) nolle semel volitum. Hactenus dicta de exheredando filio non militant pro exheredatione amici, aut alicuius venientis ab intestato, illi enim nulla datur lex concedens posse irritare priuationem hæreditatis ipsis constitutæ ab amico.

8 Et quia ista interrogatio fuit mihi facta occasione concionis, in qua Charitatis virtutem cum Deo, & hominibus efficacem laudans, verbis Diui Laurentij Iustiniani, usus sum ad meum dictum comprobandum, & ea ille habet tractatu 4. de Charitate, cap. 6. in lib. Lignum vitæ, & sunt ista: Charitas ligat Deum, & hominem, quia vinculum est. O Charitas quàm magnum est vinculum tuum, quo Deus ligari potuit! Et huic Diui Iustiniani sententiæ fauet Dei dictum ipsimet Moyse: *Dimitte me ut irascatur furor meus contra eos*, idest contra populum peccantem, & Riccardus cuicumque nostrum loquitur: *Audis dimittæ? & Deum teneri non dubites, nec aliundè nisi amoris fortitudine*. En quid amor, seu Charitas operetur, vnde dictus Laurentius Iustinianus loco citato consequentiam infert: *Si ergo contra Deum fuisti fortis, multò magis contra homines praualebis*; propterea qui mihi præsentem fecit interrogationem putabat posse amici libertatem ligare ita quod non potuerit eum hæreditate priuare, ad cuius consequutionem illum vocauerat.



INDEX RERVM.

A

Abbreniarc.

Abbreniarc vitam an liceat aliquando . Interrogatio 15. num. 1. 4. 5. 6.

Absolutio.

Absolutio quando sit reservata prò furantibus in Ecclesia . Interrogatio 1. num. 24.

Interrogatio 4. num. 4. & seq.

Accidentalìa.

Accidentalìa non præferuntur naturalibus . Interr. 5. num. 7.

Accusatio.

Accusatio de coniugis adulterio an sufficiat ad thori separationem . Interrogatio 23. num. 6.

Acquiro.

Acquirens filius, quibus acquirat . Interrogatio 11. per tot.

Actus.

Actus quomodo reguletur . Interrogatio 5. num. 4. & 5.

Administrator.

Administrator qualiter supponatur factus diues . Interrog. 24. num. 2. & seqq.

Adulter.

Adulter an possit à coniuge occidi . Interrogatio 6. num. 13.

Adultera.

Adultera deprehensa in adulterio an possit à marito interfici . Interrogatio 6. num. 12.

An maritus debeat vxori adulteræ alimenta . Interr. 23. n. 6.

Alienare.

Alienare non valens si alienet ad quid teneatur vnà cum recipiente . Interrogatio 32. num. 3. & seq.

Alimenta.

Alimenta an debeantur à marito vxori ab eo discessa . Inter. 23. n. 6.

Allegata, & probata.

Allegata, & probata an sint semper attendenda à Iudice. Interrogatio 15. num. 8. & seq.

Amicus.

Amicus adhibendus est prò componendis. Interr. 38. num. 1.

Amissio.

Amissio mercium quandò, & quibus applicentur. Inter. 34. n. 1.

Animal.

Animal si damnisfecit campum alicuius, iste quid poterit agere.

Interrogatio 2. num. 30. & seq.

Si capiatui cuius fiat. Interrogatio 12. num. 6.

Si ematur à Clerico, ut illud vendat, an erit negotiatio. Interrogatio 13. num. 13. & 23.

S. Apollonia.

S. Apollonia se iniecit in ignem sibi à Tyrāno paratum. Int. 15. n. 2.

 Applicatio Missæ.

Applicatio Missæ, qualiter sit faciendā à Capellano. Interrogatio 9. num. 6. & seqq.

Arbitrium.

Arbitrium Iudici quandò competat. Interrogatio 38. num. 2.

Arma.

Arma Monialibus prohibentur etiam occasione bacchanalium. Interrogatio 33. num. 10.

Ars.

Ars singularis si sciatur ab aliquo an iste teneatur eam alijs docere. Interrogatio 2. num. 23.

Artifex.

Artifex an teneatur omnia restituere, quæ ei supersunt ex receptis prò aliquo opere. Interrogatio 16. per tot.

Aucupium.

Aucupium qui exercet, an semper faciat suas aves, quas capit. Interrogatio 12. num. 6.

Auris.

Auris Monialis sit semper clausa ad vana, & turpia. Interrogatio 33. num. 5.

B

Baccanalia.

Baccanalia sunt vitanda à Monialibus. Interrogatio 33.
num. 10.

Baptismus. Baptizo.

Baptismus si conferatur sine Parochi licentia an sit peccatum
læthale. Interrogatio 8. num. 2.

Quid si conferatur sub forma non adhibita ab Ecclesia. ibid.

Debent in illo exprimi tres personæ. ibid. num. 3. & 15.

Baptizans sine licentia Parochi an incurrat aliquam censu-
ram. ibid. num. 4.

Parentes infantis baptizandi peccant graviter si utantur Sa-
cerdote non proprio. Interrogatio 8. num. 5.

Non Baptizatus non sepelitur in loco Saero. Interr. 39. n. 1.

Patrinus qualis requiratur in Baptismo. Interr. 39. per tos.

Beneficiarius.

Beneficiarius quando exerceat negotiationem. Interrogatio 13.
num. 11. 12. & 22.

Beneficium.

Beneficium an sit Capellania. Interrogatio 19. num. 13.

Vide *Hospitale.*

Birruarii.

Birruarii an possint frangere v. g. fenestram, ut capiant reum.
Interrogatio 30. num. 5.

Bona.

Bona peritura domino an possint surripi. Interrogatio 12. n. 4.

Bona acquisita à filio per industriam suam, vel aliter cui com-
petant. Interrogatio 11. num. 12. 13. 14. 20. & 21.

Bona sua si Ecclesiasticus mittat pro lucro ubi plus valent,
non agit negotiationem. Interrogatio 13. num. 28.

Duo genera bonorum. Interrogatio 32. num. 5.

Vide verbo *Præsumptio.*

Bona fides.

Bona fides quos excuset. Interrogatio 14. num. 6.

Vide *Possessor bona fidei.*

Bos.

Bos an possit à Clerico dari, vt dicitur à giouatico. Interrogatio [13. num. 30. & 31.](#)

Brachium.

Brachium fæminæ præmere, an sit peccatum. Inter. [18. n. 14.](#)

Bulla.

Bulla Gregorij XV. de sollicitatione qualiter obliget. Interrogatio [17. à num. 2. & Interrogatio 18. num. 6.](#)

Bulla Compositionis quomodo sit practicanda. Interr. [7. n. 3.](#)

C

Canon.

CAnonis priuilegium amittit Clericus aliquandò. Interrogatio [13. num. 9.](#)

Capellania. Capellanus.

Capellania. Capellanus. De illis notantur varia. Int. [9. per tot.](#)

Capilli.

Capilli prohibentur Monialibus. Interrogatio [33. num. 8.](#)

Carcer.

Carcer à quo fugit Religiosus vnius Conuentus, & confugit ad alium Conuentum eiusdem Religionis, an gaudat immunitate. Interrogatio [28. per tot.](#)

Carceratus.

Carceratus quis dicatur. Interrogatio [34. num. 11.](#)

Cassitas.

Cassitas seruanda à Monialibus. Interrogatio [33. num. 9.](#)

Casuale.

Casuale homicidium an afferat obligationem restitutionis. Interrogatio [6. num. 15.](#)

Casus.

Casus æquiparatur in sua dispositione cum alio casu simili. Interrogatio [14. num. 11.](#)

Causa.

Causa exhæredandi. Interrogatio [10. num. 4. & seqq.](#)

Cella.

Cella custodiatur à Moniali, Interrogatio [33. num. 13.](#)

Cba-

*Charitas.*Charitas violatur ab inuaso non fugiente cum possit. Int. 6. n. 14.Ex Charitate tenetur quisque seipsum conseruare. Int. 15. n. 5.*Clemens VIII.*Clemens VIII. damnauit plura facta à Confessario occasione
Confessionis. Interrogatio 18. num. 15.*Clericus.*Clericus etiam coniugatus nequit negotiationem exercere. In-
terrogatio 13. num. 27.*Coma.*Coma. Vide *Capilli* :*Commodè.*Commodè quod fieri non potest, an reputetur impossibile. In-
terrogatio 34. num. 12.*Compensatio.*Compensatio quomodò fieri non possit. Interrogatio 38. num. 6.*Conditio.*Conditio in sponsalibus. Interrogatio 26. per tot.*Conduco. Conductio.*Conduco, an Clericus possit facere contractum conductionis.
Interrogatio 13. num. 1. & 14.*Confessarius.*Confessarius ignotus an sit denunciandus si sollicitauit. Inter-
rogatio 17. per tot.*Confessio.*Confessio à reo facta contra seipsum, quomodò probet. Int. 3. n. 6.An per scripturam possit fieri Confessio Sacramentalis. In-
terrogatio 4. per tot.*Confiscatio.*Confiscatio lucrorum factorum a Religioso apothecario quando,
& à quo sit facienda. Interrogatio 13. num. 17.Ignorantia Edicti confiscationis, an excuset. Inter. 14. n. 4.*Coniectura.*Coniectura quando habetur. Interrogatio 19. num. 14.*Consecratio.*Consecratio panis si fiat peruersè in mensa conuiuantium, quid
erit agendum. Interrogatio 3. per tot.Con-

*Consensus.*Consensus nouus in sponſalibus quando requiratur. Int. 26. n. 2.*Conſulo.*Conſulo. An ſemper liceat conſulere minùs malum. Int. 37. per tot.*Contraho.*Contrahere poteſt quis per alium mediantem. Int. 19. num. 14.*Conuentus.*Conuentus quandò poſſit demandare alteri Miſſarum obligationem. Interrogatio 19. per tot.*Conuerſi.*Conuerſi non poſſunt negotiationem exercere. Inter. 13. num. 3.*Copula.*Copula cum cadauere quale peccatum ſit. Interr. 27. num. 7.*Creditor.*Creditor occiſi debet ſolui ab homicida. Interrogatio 6. n. 24.*Crimen.*Crimen falſum non poteſt alteri imponi prout extat doctrina damnata. Interrogatio 15. num. 11.*Criminalia.*Criminalia tractantur vbi agitur de conſiſcatione. Int. 14. n. 4.*Culpa.*Culpa vbi non poſſit imputari. Interrogatio 14. num. 5.*Curator.*Curator eſt loco parentis. Interrogatio 32. num. 1. & ſeqq.

D

*Dammum.***D**ammum euitandum eſſe quandò præſumatur. Inter. 14. n. 3.Dammum eſt reſtituendum à falſo teſte. Inter. 15. num. 10.Et à damnificante. Inter. 2. num. 30. Vide *Animal.**Degradatio.*Degradatio vt incurratur quid requiritur. Interrogatio 13. n. 9.*Denunciatio.*Denunciatio Confeſſarij tamquam ſollicitantis an ſit facienda in quibuſdam caſibus. Inter. 17. per tot. & Inter. 18. per tot.*Depoſita.*Depoſitio eſt pœna Clerici negotiatoris. Inter. 13. num. 13.

Depo-

Deponitur Clericus periurus. Interrogatio 15. num. 11.

Depositum.

Depositum cui pereat. Interrogatio 21. per tot.

Descendentes.

Descendentes an possint priuari hæreditate. Interr. 10. num. 5.

Detraho.

Detraho. Inducens ad detrahendum tenetur famam restituere.

Interrogatio 15. num. 13.

Deus.

Deus solus est dominus vitæ. Interrogatio 15. num. 2.

Dignitas.

Dignitas, à quibus amittatur. Interrogatio. 13. num. 34.

Digitus.

Digitus fæminæ si intorquetur an sit peccatum mortale. In-

terrogatio 18. num. 14.

Dispensatio.

Dispensatio prò sponsalibus habita, an impediatur quòd alter pos-

sit resiliere. Interrogatio 26. per tot.

Dispositio.

Dispositio de vno non procedit prò alio. Interr. 28. num. 8.

Ditesco.

Ditesco. An Tutor pauper præsumatur factus postea diues cum bonis pupilli. Interrogatio 24. num. 2. & seqq.

Diuortium.

Diuortij sententia an requiratur. Interrogatio 22. num. 4.

Doceo.

Doceo. Qui falsum docuit tenetur reuocare. Interr. 2. num. 23.

Dolus.

Dolus non præsumitur in Officiali. Interr. 5. num. 11. & seqq.

Dominus.

Dominus quando quis præsumatur. Interrogatio 12. num. 3.

Dominus nemo est vitæ suæ. Interrogatio 15. num. 2.

De consensu Domini quando quis censetur facere. Interrogatio 19. num. 9. & seqq.

Quando Dominus teneatur pro seruo. Interr. 2. num. 31.

Dos.

Dos quando à marito sit restituenda. Interrogatio 23. num. 6.

Dubium.

Dubium si habeatur, quid erit agendum. Inter. 5. n. 5. & 14.

Item. Interrogatio 7. num. 13.

Item. Interrogatio 9. num. 6.

Item. Interrogatio 15. num. 12.

Duellum.

Duellum qui facit, si occidat, an teneatur ad restitutionem. Interrogatio 6. num. 16.

E

*Edictum.***E**dictum an obliget ignorantes illud. Interrogatio 14. nu. 3. & 6.*Eleemosyna.*

Eleemosyna prò Missis. Interrogatio 19. num. 13.

Eleemosyna prò Iubilæo. Interrogatio 31. per tot.

Emo.

Emens hominem prò triremibus an peccet. Inter. 5. n. 11. & 13.

Clericus emens aliquid, & postea vendens an semper admittat negotiationem. Inter. 13. num. 10. & seqq. & nu. 21. & 24.

Episcopus.

Episcopis committitur cognitio delicti Confessariorum sollicitantium. Interrogatio 17. num. 4.

Episcopus in qua Ecclesia potest capere Clericum delinquentem. Interrogatio 28. num. 5.

Æqualitas.

Æqualitas quomodo est seruanda. Interrogatio 38. num. 5.

*Eucharistia.*Eucharistia ubi est, an reddat locum immunem. Int. 3. n. 4. & seqq.*Excommunicatus.*

Excommunicatus an sit latro frangens fenestram Ecclesiæ ex carta. Interrogatio 1. num. 19. & seqq.

Excommunicatus est Religiosus etiam Conuersus negotiator. Interrogatio 13. num. 3.

Et an per vnicum actum. Interrogatio 13. num. 9.

Excommunicatus est omnis Ecclesiasticus se immiscens in negotiationibus in Prouincijs Orientalibus &c. Inter. 13. n. 34.

Ex-

Excommunicatus an sit vxoratus suscipiens Ordinem Sacrum.

Interrogatio [22.](#) num. [6.](#)

Exequens.

Exequenti an tribuatur actus. Interrogatio [5.](#) num. [6.](#)

Exhæredare.

Exhæredare filium an possit pater. Interr. [10.](#) num. [4.](#) & seqq.
& Interrogatio [40.](#) per totam.

Expoliator.

Expoliator quis dicatur. Interrogatio [1.](#) num. [23.](#)

Expressum.

Expressi, & taciti est eadem virtus. Interrogatio [19.](#) num. [14.](#)

F

Factum.

FActum an attendatur, vel faciendum. Interrogatio [5.](#) num. [8.](#)
Potest factum haberi pro non facto quoad effectum Iuris.

Interrogatio [5.](#) num. [2.](#)

Fama.

Fama qualiter sit restituenda. Interrogatio [15.](#) num. [10.](#) & seqq.

Famulus.

Famulus tenetur restituere si non impediatur furem surripientem
crumenam domini sui. Interrogatio [34.](#) num. [8.](#) & seqq.

Vide verbo *Dominus.*

Filius.

Filius naturalis non afficitur iniuria fratris filij [legitimi. Int. 2. n. 8.](#)

Filij occisi debet restituere homicida. Inter. [6.](#) num. [24.](#) & seqq.

Filius a parente potest exhæredari. Interr. [10.](#) num. [4.](#)

Qualiter parentes possint filios exhæredare. [Int. 10. n. 5. & seqq.](#)

Ex suo peculio debet filius restituere furata patri, & qualiter.

Inter. [11.](#) num. [1.](#) & seqq. & Inter. [40.](#) per totam.

Filius familias si faciat sumptus cum fæminis impudicis, an
istæ teneantur ad restitutionem. Inter. [32.](#) num. [1.](#) & seqq.

Fiscus.

Fiscus tenetur soluere damna, & alia debita homicidæ, si eius
bona fuerint publicata. [Inter. 6. n. 21.](#) Item. [Inter. 34. n. 14.](#)

Fæmina.

Fæmina dicitur de casata nisi aliter sit dispositum. Inter. [2. n. 9.](#)

G g

In

In ea an sit præsumendus dolus. Interrogatio [14. num. 9.](#)
 Si sæmina utatur veste virili, an sit peccatum. Inter. [23. n. 8.](#)
 Vide verbo *Restitutio*.

Forma.

Forma adhibita in Sacramentis contrà vsum Ecclesiæ, est mortale. Interrogatio [2. num. 2. 3. 7. & seqq.](#)

Fornax.

Fornax prò sua fabrica potest fieri à Regularibus. Inter. [1. 3. n. 29.](#)

Forus.

Forus Clerici perditur à Clerico si post trinam monitionem non defuit à negotiatione. Interrogatio [13. num. 9.](#)

Frango.

Frangere Ecclesiam cum furto affert excommunicationem. Interrogatio [1. num. 19. & seqq.](#)

Frangere portas, & fenestras ut capiant reum. Inter. [30. n. 5.](#)

Frater.

Frater non communicat cum bonis ab alio fratre ex huius industria acquisitis. Interrogatio [11. num. 12.](#)

Inter Fratres quæ bona sint [diuidenda. Inter. 1. à n. 13. & n. 18.](#)

Fraus.

Fraus non dicitur factum ob necessitatem. Inter. [3. num. 15.](#)

Frequentia.

Frequentia quid operatur. Interrogatio [13. num. 23.](#)

Fructus.

Fructus quinam obnoxij sint restitutioni. Interrogatio [7. n. 9.](#)

Fructus rei fructiferæ conductæ à Clerico si ab ipso vendantur, si id faciat ex necessitate, non erit negotiatio. [Inter. 13. n. 14.](#)

Fructus industriæ non sunt restituendi. Inter. [16. num. 6.](#)

Fugio.

Fugio ; Si inuasus potens fugere occidit inuasorem peccat contrà Charitatem. Interrogatio [6. num. 14.](#)

Religiosus si fugiat è carcere sui Conuentus ad alium eiusdem Conuentus, an gaudeat immunitate. Inter. [28. per tot.](#)

Fur.

Fur potest per alium restituere, qui reputetur fidelis. Inter. [19. num. 9. & seqq.](#)

Furtum.

Furtum factum in Ecclesia cum effractione, affert excommunicationem.

cationem. Interrogatio 1. per tot.

An sit furtum surripere rem perituram apud dominum. Interrogatio 12. num. 1. & seqq.

Accipere pecunias inuentas apud mortuum repertum ignotum in pletea, an sit furtum. Inter. 37. per tot.

Furtum sacrilegum quodnam sit. Inter. 1. num. 5. & seq.

G

Gabella.

Gabella quando sit soluenda a Clericis. Interrogatio 13. num. 3. 8. & 9.

Generalis.

Generalis. Interrogatio 28. num. 5.

Gestor negotiorum.

Gestor negotiorum quando possit sibi acquirere. Inter. 16. n. 4.

Gradus.

Gradus omnes perdunt Regulares, & sæculares in Prouincijs Orientalibus &c. se immiscentes in negotiationibus. Interrogatio 13. num. 34.

H

Habitus.

Habitus virilis, an possit mentiri à foemina. Inter. 23. num. 8.

Habitus Monialium sit sine ornatu. Inter. 33. num. 7.

Item non sit habitus virorum. ibid. num. 10.

Vide verbo *Vestis.*

Hæreditas. Hæres.

Hæres homicidæ tenetur soluere damna, & debita occisi. Interrogatio 6. num. 21.

Item. Interrogatio 34. num. 14.

Vide *Exhæredare.*

Quid sit dicendum de hærede, qui rem sibi à testatore impositam alteri committit. Inter. 19. num. 11. 18. & 19.

Horæ Canonicae.

Horæ Canonicae sunt recitandæ ab habente Beneficium Ecclesiasticum. Interrogatio 29. num. 2.

*Hospitale.*Hospitale non venit nomine Beneficij. Inter. 29. n. 2. & seqq.

I

*Ieiunium.***I**eiunium leuiter transgressum erit nihilominus graue quoad Eucharistiam. Interrogatio 18. num. 15.*Ignorans.*Ignorans quòd alius pro illo faciat eleemosynam, ista ei prodest. Interrogatio 31. num. 4.*Ignorantia.*Ignorantia inuincibilis dari potest circa præcepta legis Ciuilis. Interrogatio 7. num. 5.Ignorantia Iuris præsumitur in muliere. Int. 14. n. 3. & seqq.Ignorantia legis qualiter excuset, vel non. Interrogatio 14. num. 8. 10. & seqq.*Imago Sacra.*Imago si conculcetur erit sacrilegium. Interrogatio 1. num. 16.Imprimere Imagines vt vendantur, an sit negotiatio. Interrogatio 13. num. 26.*Immunitas.*Immunitate quòd quis fruatur, vel non. Inter. 30. n. 3. & seqq.
Alia. Vide verb. *Fugio.*Locus ubi est Eucharistia, an sit immunis. Inter. 3. num. 4.*Impedimentum.*Impedimentum breue quale censeatur. Interrogatio 9. num. 8.*Impossibile.*Impossibile non affert obligationem. Inter. 34. num. 11. & seq.*Imprimo.*Imprimo. Vide verb. *Imago.*Imprimere libros vt vendantur, an sit negotiatio. Interrogatio 13. num. 25. & seq.*Industria.*Industriæ bona quòd censeantur. Inter. 11. num. 14. & 19.Item. Interrogatio 16. per tot.*Infirmus.*

Infirmus si bona fide voluatur in lecto, vnde ei mors acceleretur,

tur, non erit culpa. Interrogatio 15. num. 6.

Iniuria.

Iniuria quid sit. Interrogatio 2. num. 6.

Fit multipliciter. *ibid.* num. 7.

Facta vni de casata extenditur alijs. *ibid.* num. 8.

Alicubi afficit etiam naturales. *ibid.*

Quis possit facere iniuriam. Interrogatio 2. num. 10.

In quibus possit iniuria consistere. *ibid.* num. 17. & seqq.

Innocens.

Innocens si damnificetur causa alicuius, iste tenebitur ad damna.

Interrogatio 2. num. 28.

An possit damnari iuxta probata, & allegata, sciens falsitatem ipse Iudex. Interrogatio 15. num. 9. & seq.

Item. Interrogatio 36. per tot.

Inquisitor Sancti Officij.

Inquisitor Sancti Officij ubique cognoscit delictum Confessarium sollicitantium. Interrogatio 17. num. 4.

Item. Interrogatio 18. num. 15.

Interpreter.

Interpretari debet strictè promissio. Interrogatio 25. num. 5.

Inuasor.

Inuasor an possit occidi. Interrogatio 6. à num. 8.

Inutilis.

Inutilis an erit denunciatio Confessarij ignoti. Inter. 17. num. 7.

Irregularitas.

Irregularitas an contrahatur à Baptizante sinè licentia Parochi.

Interrogatio 8. num. 4. & 17.

Non contrahitur à volente bona fide infirmum in lecto si moriatur. Interrogatio 15. num. 6.

Non incurrit irregularitatem detegens malefactorem. Interrogatio 30. num. 7.

Iubilæum.

Iubilæum quomodo acquirendum sit. Interrogatio 31. per tot.

Iudex.

Iudex non potest damnare in perpetuum ad triremes. Int. 5. n. 12.

Vide verb. *Innocens.*

Iudicium temerarium.

Iudicium temerarium, quomodo distinguatur à murmuratione, & de-

& detractione. Interrogatio [24](#). num. 1. & seq.

Iuramentum.

Iuramentum de non remittendo, quomodo non valeat. Interrogatio [2](#). per tot.

Ius.

Ius præsumitur nesciri a muliere. Interrogatio [14](#). num. [3](#).

L

Laicus.

L Aicus, qui se fingit Confessarium, & pœnitentem sollicitat, an sit denunciandus. Interrogatio [17](#). num. [5](#). & [6](#).

Lex.

Lex non apratur insolitis. Interrogatio [3](#). num. [2](#).

Item num. [14](#). & seqq.

Lex ignorata obligat omnes, licet excuset à culpa. Interrogatio [14](#). num. [8](#). & seq.

Lex fundata in præsumptione, si ista desit, illa non tenet.

Interrogatio [14](#). num. [13](#).

Liber.

Liber. Vide verbo *Imprimo*.

Licentia.

Licentia. Vide verbo *Baptismus*.

Licentiam dare, an possit Prælati Religioso pro actu soluendi meretricem. Interrogatio [32](#). num. [3](#).

Locare.

Locare, an possit Clericus. Interrogatio [13](#). num. 1.

Item ibid. num. [23](#). & [31](#).

Locus.

Loci diuersi inducunt diuersitatem facti. Interrogatio [28](#). n. [6](#).

M

Magister.

M agister habens discipulos, an lædatur subtrahendo ei illos. Interrogatio [2](#). num. [22](#).

Vide verbo *Docere*.

Man-

Mandans.

Mandanti solet attribui actus. Interrogatio 5. num. 6.

Mandans tenetur in solidum restituere cum mandatario. Interrogatio 15. num. 13. & seq.

An teneatur restituere mandatarijs damna secuta. ibid. n. 14.

Maritus.

Maritus non potest occidere uxorem in adulterio repertam. Interrogatio 6. num. 12.

Si maritus velit occidere adulterum, qui ut se defendat interficit illum, non tenetur iste aliquid restituere. ibid. n. 13.

Materia levis.

Materia levis ratione circumstantiæ interdum fit gravis. Interrogatio 18. per tot.

Mens.

Mens testatoris quandò non attendatur. Inter. 20. n. 6. & seqq.

Mercatura.

Mercatura prohibetur Ecclesiasticis missis ad Insulas, & Regna Indiarum Orientalium &c. Interrogatio 13. num. 34.

Meretrix.

Meretrix an possit pro vfu sui corporis acquirere. Int. 32. à n. 1.

Metallum.

Metallum potest Ecclesiasticus eruere in proprio fundo, & sic non erit negotiator. Interrogatio 13. num. 15.

Minister Iustitiæ.

Minister Iustitiæ non potest exequi iniustam damnationem. Interrogatio 15. num. 9.

Missæ.

Missæ quoad eius applicationem, & recitationem vide plura. Interrogatio 2. per tot.

Item. Interrogatio 19. per tot.

Missionarij.

Missionarij. Vide verbo *Mercatura.*

Mixtio.

Mixtio si fiat propriæ pecuniæ cum aliena furata, qualiter erit restituenda. Interrogatio 7. num. 12. & 15.

Moderamen inculpatæ tutelæ.

Moderamen inculpatæ tutelæ si seruetur in occasione tollit obligationem restituendi. Inter. 6. à num. 8.

Mo-

Modus.

Modus in damnificando non obligat ad plus restituendum. Interrogatio [6. num. 20.](#)

Monialis.

Monialis qualis esse debeat. Interrogatio [33. num. 3. & seqq.](#)

Monitio.

Monitio quotuplex requiratur facienda Clerico negotiatori, nè teneatur ad Gabellam. Interrogatio [13. num. 8. & seq.](#)

Mors.

Mors. Vide verbo *Infirmus.*

Mortem sibi inferre nemini licet. Interrogatio [15. num. 5.](#)

Mulier.

Mulier præsumitur habere Iuris ignorantiam. Inter. [14. n. 3.](#)

Vide verbo *Femina.*

Murmuratio.

Murmuratio distinguitur à iudicio temerario. Inter. [24. n. 1.](#)

Mutuatarius.

Mutuatarius acquirit dominium rei sibi mutuatae. [Inter. n. 10.](#)

N.

Naturalis.

Naturalis. Vide verbo *Filius.*

Si res naturalis concurrat cum accidentali, illa præfertur. Interrogatio [5. num. 7.](#)

Naufragantes.

Naufragantium bona licet peritura non possunt furripi. Interrogatio [12. num. 4.](#)

Necessitas.

Necessitas non subiacet legi, sed è contrà. Inter. [3. num. 14.](#)

Non dicitur factum in fraudem, quod fit ex necessitate. Interrogatio [3. num. 15.](#)

Necessitatis lex non comprehendit insolita. Inter. [3. n. 16.](#)

Negotiatio.

Negotiatio an admittatur à Clerico in quibusdam casibus. Interrogatio [13. per tot.](#)

Quid sit. Interrogatio [13. num. 3.](#)

Nego-

*Negotiorum Gestor.*Negotiorum Gestor. Vide verbo *Gestor negotiorum*.*Nomen.*Nomina diuersa inferunt diuersitatem rerum, & locorum. Interrogatio 28. num. 8.*Nouitius.*Novitio an sit prohibita negotiatio. Interrogatio 13. num. 20.

O

*Obligatio.***O**bligatio alia est Personalis, alia non. Inter. 12. n. 7. & 8.
Item. *ibid.* num. 20.*Oculus.*Oculus est principium fornicationis. Interrogatio 33. num. 4.*Odium.*Odium inter virum, & uxorem, quando oriatur. Inter. 23. n. 6.*Officialis.*Officialis an præsumatur dolose agere, vel illicitè. Inter. 5. n. 11.*Oratorium.*

Oratorium fundatum autoritate Episcopi simile est Ecclesiæ:

Interrogatio 1. num. 17.Oratorium priuatum quale dicatur. *ibid.**Oues.*

Oues an possint à Clerico concedi pro certa caseorum quantitate:

Interrogatio 13. num. 32.

P

*Pactum.***P**actum in contractu quando obliget, vel non obliget. Interrogatio 13. num. 1.*Parentes.*Parentes offerentes infantem Baptizandum Sacerdoti non proprio peccant grauiter. Interrogatio 8. num. 18.*Pater.*Pater qualiter possit exhæredare filium. Inter. 10. à num. 4.

*Patrinus.*Patrinus in Baptismo qualis esse debeat. Inter. 39. per tot.*Pecunia.*Pecunia si à Clerico permutetur, cum lucro, poterit interdum sic admittere negotiationem. Interrogatio 13. num. 16.Vide verbo *Mixtio.**Pæna.*Pænæ prò Ecclesiastico negotiatore. Interrogatio 13. num. 3.Pænæ prò Regularibus si intra districtum Romæ teneant apothecas. Interrogatio 13. num. 17.Pænæ Ecclesiasticorum mercaturam facientium in Regnis Indiarum Orientalium &c. Interrogatio 13. num. 34.Pæna supponit culpam. Interrogatio 14. num. 5.*Pœnitens.*Pœnitens an possint confiteri per schedulam. Inter. 4. per tot.Sollicitata à Confessario tenetur denunciare. Inter. 18. n. 7.Sollicitata à Confessario ignoto, an debeat hunc denunciare. Interrogatio 17. per tot.*Pœnitentiæ.*Pœnitentiæ an possit fieri contrà corporis sanitatem. Interrogatio 15. num. 1. & 3.*Percutio.*Percutens cadaver Clerici, an sit excommunicatus. Inter. 27. n. 8.*Periurus.*Periurus repellitur à testificando in Iudicio. Inter. 15. num. 11.*Permissum.*Permissum dicitur id, per quod devenitur ad actum. Int. 19. n. 7.*Permuto.*Permutare pecuniam cum lucro, an sit negotiatio. Int. 13. n. 16.Vide verbo *Negotiatio.**Pes.*Pedem fœminæ præmere, an sit peccatum. Inter. 18. num. 14.*Pollutio.*Pollutio est peccare cum cadavere fœminæ sinè animo fornicario. Interrogatio 27. num. 7. & 9.*Possessor bonæ fidei.*Possessor bonæ fidei. Varia de illo, Inter. 7. per tot.

Pre-

*Pretium.*Pretium controuersum qualiter est soluendum . [Inter. 38. num. 1.](#)*Probare.*Probare quandò spectet ad actorem. Interrogatio [25. num. 3.](#)*Probatio.*Probatio plena est, quandò reus contrà se confitetur pendentia à sua voluntate. Interrogatio [3. num. 6.](#)*Proditor.*Proditoriè occidens non gaudet immunitate Ecclesiæ. Int. [30. n. 3.](#)*Professus.*Professo qualiter competat tempus reclamandi contrà professio-
nem. Interrogatio [14. à num. 10.](#)*Prælatus.*Prælatus si concedat subito posse liberè expendere quomoddò in-
telligatur. Interrogatio [32. num. 3.](#)*Præsumptio.*Præsumptio quandò potest haberi. Interrogatio [3. n. 11. & seq.](#)Præsumptio interdum sufficit prò posse facere aliquid. [In-
terrogatio 8. num. 18.](#)Bona acquisita à fratribus post mortem patris, an præsuman-
tur acquisita de communi. Inter. [11. num. 18. & seq.](#)Ad præsumendum quid requiratur. Interrogatio [29. n. 4.](#)*Promissor. Promissio.*Promissor probitatis alicuius, an ad aliquid teneatur, si probitas
non habeatur. Interrogatio [25. per tot.](#)Promissio est strictè interpretanda. Inter. [25. num. 5.](#)*Promulgatio.*Promulgatio facta legis obligat. Interrogatio [14. num. 9.](#)*Propositiones damnatæ.*Propositiones damnatæ circa imponendum crimen alicui. Inter-
rogatio [15. num. 11.](#)*Puer.*Puer quandò præsumatur habere vsum rationis. Inter. [7. n. 5.](#)

Q

Qualitas.

Qualitas diuersa diuersificat actus. Interrogatio 28. num. 7. & seq.

Quinquennium.

Quinquennium concessum Religiosis ad reclamandum contra professionem quomodo currat, & intelligatur. Interrogatio 14. num. 10. & seqq.

R

Ratio.

Ratio eadem vbi est, ibi est idem ius. Interrogatio 28. num. 4.

Reclamo.

Reclamo. Vide verbo *Quinquennium*.

Redditus.

Redditus propriorum Beneficiorum vendere non est negotiatio Clerici. Interrogatio 13. num. 11.

Regulares.

Regulares in suis Monasterijs, an possint habere apothecam. Interrogatio 13. num. 17.

Regularibus Nouitijs, an sit prohibita negotiatio. Int. 13. n. 20.

Pro fabrica sui Monasterij possunt Regulares facere fornacem, & vendere lateres, calcem &c. Inter. 13. num. 29.

Vide verbo *Fugio*.

Remissio.

Remissio iniuriæ quomodo sit intelligenda. Inter. 2. num. 19.

Res.

Res peritura proximo si surripiatur, an sit furtum. Int. 12. n. 7. Item. Interrogatio 12. num. 2. & per tot.

Respublica.

Respublica habet dominium vitæ hominum, quæ quando est notabiliter nociua corpori communitatis potest rescindi. Interrogatio 15. num. 2.

Resti-

Restitutio.

Restitutio aliqua, an sit facienda ab eo, qui alium inducit ad peccandum. Interrogatio 2. num. 20.

Qui impedit aliquem fieri Religiosum, an teneatur aliquid restituere. Interrogatio 2. num. 21.

Qui est causa damni proximi tenetur restituere. Interrogatio 2. num. 25. 28. & seqq.

Item. Ibid. num. 34.

Homicida an teneatur resarcire damna. Inter. 6. n. 1. & seqq.

Item. Ibid. num. 23. est seqq.

Vide Interrogationem 7. per tot.

Accipiens à non potente dare, & restituendum. Int. 11. n. 20.

Falsi testes tenentur ex iniuria restituere damna. Interrogatio 15. num. 10. & seqq.

Artifex faciens opus ab aliquo petatum accepto pretio, an teneatur restituere, si totum non insumpsit. Interrog. 16. per tot.

Fur restituens mediante delature putato fideli, si de facto non sit fidelis, an teneatur denuò restituere. Inter. 19. n. 9. & seqq.

Fœmina recipiens pro usu corporis, an teneatur restituere. Interrogatio 32. per tot.

Deputatus ad custodiam ad quid teneatur. Inter. 34. per tot.

Vide verbo *Retraho*, & verbo *Suspensus in patibulo*.

Retractio.

Retractare tenentur testes falsum depositum in re capitali si sperent profectum. Interrogatio 15. num. 12.

Retraho.

Retrahere discipulos à magistro cum damno istius, quando erit cum obligatione restituendi. Interrogatio 2. num. 22.

Renocatio.

Renocatio testamenti facta per fictum testatorem, an valeat. Interrogatio 10. per tot.

S

Sacerdos fictus.

Sacerdos fictus, si audiat confessionem, & sollicitet pœnitentem, an sit deueniendus. Interrogatio 17. num. 5. & seqq.

Sacra-

Sacramenta.

Sacramenta quoad eorum valorem sunt conferenda iuxta sententiam tutiorem. Interrogatio 8. num. 15.

Satellites.

Satellites. Vide verbo *Birruarij.*

Sæuitia.

Sæuitia mariri est plenè probanda prò thori separatione. Interrogatio 23. num. 5.

Sepultura.

Sepulturæ expensæ non sunt faciendæ ab homicida. Interrogatio 6. num. 22.

Sepultura Sacra quibus debeat. Interrogatio 39. per tot.

Seruus.

Seruus. Vide verbo *Dominus.*

Sicut.

Sicut, importat similitudinem. Interrogatio 29. num. 4.

Societas.

Societatis contractus cum Clerico, an sit negotiatio. Interrogatio 13. num. 19.

Solemnitas Iuris.

Solemnitas Iuris requiritur in scriptura ut probet. Inter. 20. n. 4.

Soluo. Solutio.

Soluere prò alio nesciente sufficit ad satisfaciendum. Interrogatio 31. à num. 2.

Solutio minor non est retardanda in controuersia, an debeat maior. Interrogatio 29. num. 4. & 5.

Sollicitatio.

Sollicitatio. Vide verbo *Denunciatio.*

Sponsalia.

Sponsalia an teneant facta sub conditione. Inter. 26. per tot.

Suspenso.

Suspenso incurritur à Clerico negotiatore. Inter. 13. num. 3.

Et etiam à Regularibus tenentibus apothecam intrà districtum Romæ. Interrogatio 13. num. 17.

Susensus in patibulo.

Susensus in patibulo innocenter, an relinquat vero reo obligationem restituendi. Interrogatio 6. num. 17.

T

Taberna.

Taberna non est facienda in Monasterijs. Interrogatio 13.
num. 18.

Tactus.

Tactus cadaueris ex affectu luxurioso est circumstantia fatenda.
Interrogatio 27. num. 9.

Nihil periculosius tactu. Interrogatio 33. n. 6.

Tangere foeminam, an semper sit peccatum. Inter. 18. n. 14.

Tempus.

Tempus quando currat ignorant, vel non currat. Interroga-
tio 14. à num. 10.

Testamentum.

Testamentum nullum in foro Ciuili, an valeat in foro animæ.
Interrogatio 36. à num. 5.

Testator.

Vide verbo *Hares.*

Testator fictus, an possit testamentum facere contrà factum à
vero testatore decepto. Interrogatio 30. à num. 4.

Testes.

Testes falsi-quas pœnas incurrant. Interrogatio 15. n. 10. & seq.

S. Thecla.

S. Thecla se in ignem iniecit. Interrogatio 15. num. 2.

Thesaurarius.

Thesaurarius habens pecunias Principis ad expendendas, potest
cum illis lucrari industriose sine obligatione restituendi
fructus industriæ. Interrogatio 16. num. 5.

Thorns.

Thori separatio quando possit fieri. Interrogatio 23. n. 5. & seq.

Tutor.

Tutor antè pauper, sed post tutelam factus diues, an possit iudi-
cari acquisiuisse ex tutela. Interrogatio 24. per tot.

V

*Valor.***V**Alor. Vide verbo *Pretium*.*Venatio.*Venatio in quo sensu intelligitur prohibita. Inter. 12. num. 6.*Venator.*Venator occidens per errorem hominem loco feræ, non tenetur aliquid restituere. Interrogatio 6. num. 4.*Vendo.*Vendere seipsum, an liceat. Interrogatio 5. num. 10. & seq.Vendere aliquem, an sit licitum. Interrogatio 5. num. 12.Quid liceat vendere sine negotiatione. Interrogatio 13. n. 10. & seqq. & per tot.*Venenum.*Venenum bibere non licet etiam ex iudicis sententia. Interrogatio 15. num. 3.*Vestis.*Vestis Sacra, siñe illa non est consecrandum. Inter. 3. num. 19.Vide verbo *Habitus*.*Vindicta.*Vindicta an non semper sit expetenda. Interrogatio 2. num. 18.*Vita.*Vita an licitè possit abbreviari pænitentij. Inter. 15. num. 5.*Vua.*Vua si ematur à Clerico, vt faciat vinum ad vendendum, an sit negotiator. Interrogatio 13. num. 24.*Vulnerans.*Vulnerans ad quid teneatur. Interrogatio 6. num. 3.*Vxor.*Vxor cuius maritus consumit in ludos, ac meretrices de bonis acquisitis constante matrimonio, an possit damnum compensare cum bonis proprijs mariti. Interrogatio 2. num. 32.Vxor an propter viri scuitiam possit propria autoritate ab illo se subtrahere, Interrogatio 23. per tot.

F I N I S.





